


ՀԱՅԵՐԵՆԱԳԻՏԱԿԱՆ
ՄԻԶԱՋԳԱՅԻՆ ՏԱՍՆԵՐՈՐԴ
ԳԻՏԱԺՈՂՈՎ
7-9 ՀՈԿՏԵՄԲԵՐԻ, 2015թ.

ԶԵԿՈՒԻՇՈՒՄՆԵՐԻ ԺՈՂՈՎԱԾՈՒ



The National Academy of Sciences of the Republic of Armenia
H.Acharian Institute of Language

Национальная академия наук Республики Армения
Институт языка имени Р. Ачаряна

X International Conference on Armenian Linguistics
Yerevan, 7-9 October, 2015

Collection of papers

**Х Международная конференция по армянскому
языкознанию**
Ереван, 7-9 октября, 2015 г.

Сборник докладов

Yerevan – 2015 – Ереван

996805



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
Հ. ԱՃԱՌՅԱՆԻ ԱՆՎԱՆ ԼԵԶՎԻ ԻՆՍՏԻՏՈՒՏ

Հ/02/826

Հայերենագիտական միջազգային տասներորդ
գիտաժողով

7-9 հոկտեմբերի, 2015թ.

Զ ե կ ու ց ու մ ն ե ր ի ժ ո դ ո վ ա ծ ու

Երևան

ՀՀ ԳԱԱ «Գիտություն» հրատարակչություն
2015



ՀՏԴ 811.19:06

ԳՄԴ 81.2Հ

Հ 301

Ժողովածուն հրատարակության է երաշխավորել
ՀՀ ԳԱԱ Հ.Աճառյանի անվան լեզվի ինստիտուտի
գիտական խորհուրդը:

Տպագրվում է ՀՀ ԿԳՆ գիտության պետական
կոմիտեի ֆինանսական աջակցությամբ:

Խմբագրական խորհուրդ՝
Բ.Գ.Թ. Վ.Լ. Կատվալյան (նախագահ)
Բ.Գ.Դ., պրոֆ. Գ.Կ. Խաչատրյան
Բ.Գ.Դ., պրոֆ. Վ.Գ. Համբարձումյան
Բ.Գ.Դ., պրոֆ. Ս.Ս. Հայրապետյան
Բ.Գ.Դ., պրոֆ. Լ.Ս. Հովսեփյան
Բ.Գ.Դ., Ռ.Մ. Թովմանյան
Բ.Գ.Թ. Ն.Գ. Հովհաննիսյան
Բ.Գ.Թ. Գ.Մ. Միհրարյան
Բ.Գ.Թ. Ա.Ս. Գալստյան
Բ.Գ.Թ. Հ.Մ. Չոլարյան

Հ 301 Հայերենագիտական միջազգային տասներորդ գիտա-
ժողովի նյութեր (Երևան, 7-9 հոկտեմբերի, 2015թ).- Եր.:
«Գիտություն» հրատ., 2015.- 315 էջ:

ISBN 978-5-8080-1187-8

© ՀՀ ԳԱԱ Հ.Աճառյանի անվան լեզվի ինստիտուտ, 2015

ՏԵՂԱՇԱՐԺԵՐ ԱՐԵՎԵԼԱ ՀԱՅԵՐԵՆԻ ՍՈՍԿԱԾԱՆՑԱԿԱՐ
ԲԱՅԵՐԻ ՀԱՍԱԿԱՐԳՈՒՄ

Ինչպես հայտնի է, լեզվական համակարգը ենթադրում է լեզվական միավորների բազմազան տարրերակների գոյություն, մինչդեռ լեզվական նորմով ընդունվում և հաստատվում են միայն դրանցից մի քանիսը: Այդ խոկ պատճառով էլ լեզվական համակարգի և լեզվական նորմի միջև ծագում են որոշ հակասություններ:

Արևելահայ գրական և խոսակցական տարրերակների՝ զգալի տարրերություններ դրսնորելին էլ իր հերթին նպաստում է այն բանին, որ լեզվական շատ փոփոխություններ սկիզբ առնեն հենց խոսակցական լեզվից: Ի տարրերություն վերջինիս գրական գրավոր լեզուն շատ ավելի կայուն է, ավանդապահ, որում գիտակցաբար պահպանվում և կիրառվում են ընդունելի համարվող կանոնիկ ձևերը:

Խոսակցական լեզուն իր մեջ ներառում է բարբառային տարրեր, օտար լեզուների ազդեցությամբ առաջացած իրողություններ, որոնք փորձում են աստիճանաբար ներթափանցել գրական լեզու:

Արդ մեր խնդրո առարկան բայական համակարգում, մասնավորապես՝ սոսկածանցավորներում կատարված տեղաշարժ-փոփոխություններն են:

Հայո Հ. Բարսեղյանի՝ «Արդի հայերենի բայի և խոնարհման տեսություն» աշխատության բայցանկի տվյալների՝ արդի հայերենի բայերի թիվը մոտավորապես 6000 է: Այդ բայերի մի մասը այժմ անզործածական է, միևնույն ժամանակ առաջացել են նոր բայեր, նոր կազմություններ: Բացատրական նորագույն բառարանի բացակայության պատճառով բայերի թվի հաշվարկը կատարել ենք՝ հենվելով ժամանակակից հայոց լեզվի բացատրական քառահատոր բառարանի¹ ընձեռած նյուրի վրա (բառացանկը բացատրական 2 բառարաններում՝ նշանակածում և Է.Աղայանի բառարանում², գրեթե չի

¹Ժամանակակից հայոց լեզվի բացատրական բառարան (ԺՀԼԲԲ), 1-4 հատորներ, Ե., 1969-1980:

²Աղայան Ե., Արդի հայերենի բացատրական բառարան, 1-2հ., Ե., 1976:

տարբերվում։ նախընտրել ենք առաջինը, քանի որ նրանում շատ դեպքերում տրված են կատարյալի հիմքն ու վերջավորությունները, որոնք անհրաժեշտ էին մեզ ուսումնասիրության համար)։

Քարտագրել ենք մոտավորապես 15700 քայեր, որոնցից, բնականաբար, առանձնացրել ենք բարբառային տարբերակները, հնացած ձևերը, արևմտահայերենին բնորոշ քայերը (կան նաև ի, ու լծորդության որոշ քայեր), ինչպես նաև սխալ կազմությունները։ Սակայն շատ քայեր էլ կազմվել են 80-ականներից հետո ընկած ժամանակահատվածում։ Կարող ենք ասել, որ այժմ գրական արևելահայերենի քայերի թիվը ամենայն հավանականությամբ եռապատկվել է։

Տեղաշարժերը հիմնականում վերաբերում են՝ 1/ սոսկածանցավոր քայերի քանակին, 2/ չ սոսկածանց ունեցող քայերի թվի նվազմանը, 3/ սոսկածանցավոր քայերի արգելական հրամայականի կազմությանը, 4/ ն-սոսկածանցավոր անկանոն որոշ քայերի կատարյալում կատարված փոփոխություններին և այլն։

Քննությունը կատարվել է 1254 սոսկածանցավոր քայերի հիման վրա, որոնք դուրս ենք գրել վերոհիշյալ 15700 միավոր պարունակող ցուցակից, որից զատել ենք

ա/ տէս-ով տրված 91 քայեր /նշենք, որ սրանցից յոթի մոտ չի եղել տէ ս հղումը. դրանք են՝ կայսերանալ, հինանալ, հուռանալ, երեսութանալ, նիհարանալ, նախատեսնել, ներառնել³/։ հանդիպել է նաև հակառակ երևույթը. տէս-ով են տրված կաշիանալ /տէ ս կաշվանալ/ և պատանեկանալ /տէ ս պատանիանալ/ քայերը, որը, կարծում ենք, ճիշտ չէ,

բ/ բարբառային նշումով 60 քայեր,

գ/ խոսակցական /կամ ժողովրդական/ 20 քայեր /այս ցուցակում մեր կողմից են ավելացվել՝ բոյովանալ, թփոռշանալ, շաշանալ, փետանալ, զողենալ /բորոտ դառնալ/, փոմիոշանալ, փորփոշանալ, ժույշիանալ, կարենալ, հետնանալ, հետանալ, պստիկանալ, ջահելանալ, ջրիկանալ քայերը,

դ/ արևմտահայերեն 54 քայեր,

ե/ հնացած 42 քայեր, որոնցից 26-ի մոտ նշումը բացակայում է

³Է. Աղայանի բառարանում ներառնել-ը տրված է տէ ս ներառել /2-րդ հ., էջ 1062/, նախատեսնել-ը՝ անհանձնաբարելի /էջ 1051/։

/պրոլետարանալ, պրոլետարականանալ, սովետանալ, սովետականանալ, ապշանալ, բանալ, բառնալ, ընթեռնել, կայլականալ հարթել/, համենալ հուշանալ, հապաղել/, հուլանալ հանդադել, մատչել, վերաբանալ, վերառնել Ալեքսանդրի/, ընտանենալ, մքանալ, մքնանալ, թերաբանալ, խրտչել, կալնել, քարչել, ցրտանալ, սիրանալ, սառնանալ, ողջանալ/.

զ/ հազվադեպ նշումով 19 բայեր /օրինակ՝ արիածանանալ, արոսանալ, բարեքախտանալ/ և այլն:

Այսպիսով՝ արևելահայերենի սոսկածանցավոր բայերի թիվը, մեր հաշվումների համաձայն, 969-ի է հասնում:

Ս. Արենյանը որևէ ածանցական իմաստ չի կապում ժամանակակից հայերենի ան, են, ն, չ սոսկածանցների հետ և կարծում է, որ դրանք բայի հիմքի նշանակության վրա ոչ մի նոր երկրորդական, ածանցական զաղափար չեն ավելացնում. «...Յանկանալ, ուզենալ, վախենալ, ուռչիլ մի և նոյն իմաստ ունեն, ինչ որ պարզ ձևով՝ ցանկալ, ուզել, վախել, ուռիլ»⁴: Ա. Աբրահամյանի կարծիքով այդ ածանցներն ունեն բառակազմական և քերականական կրկնակի դեր, ուստի դրանք կոչում է բաղադրության-քերականական ածանցներ: Լեզվաբանը նշում է՝ քանի որ լրդալ և լրդանալ բայերը ժամանակակից հայերենում տարբեր բառեր են, սակայն ըստ ձեր տարբերվում են միայն -ան ածանցով, ապա կարելի է ասել, որ ածանցը բառակազմական նշանակություն ունի՝ լինելով միաժամանակ բաղադրության ածանց⁵:

Էդ. Աղայանը -անալ-ով ձերը⁶ /կարմրանալ՝ կարմիր դառնալ, ապշանալ՝ ապուշ դառնալ/ կոչում է վերածության-դառնալիկության բայեր: Կարծում ենք սոսկածանց անվանումը տեղին է միայն ն և չ ածանցների համար, որոնք սոսկ բաղադրական ածանցներ են:

Այժմ անցնենք սոսկածանցավոր բայերի քննությանը:

Հ. Քարսեղյանի կազմած բայացանկում ան սոսկածանց ունեցող բայերի թիվը գրեթե 750-ի է հասնում, մեր հաշվումների համաձայն՝ դրանք 936-ն են: Սրանց համեմատ շնչին թիվ են կազմում

⁴Նոյն տեղում, էջ 92:

⁵Տե՛ս Աբրահամյան Ա., Բայր ժամանակակից հայերենում, Ե., 1962, էջ 225:

⁶Աղայան Է., Ժամանակակից հայերենի հոլովումը և խոնարհումը, Ե., 1967, էջ 331:

մնացյալ ածանցավորները:

Են ածանց ունեցող բայերը Հ. Բարսեղյանի մոտ 19-ն են: *Հարբենալ-ը թէ՝ ԺՀԼԲԲ-ում, թէ՝ է.* Աղայանի բառարանում տրված է որպես սխալ ձև /հարբենալ- տէ՝ ս հարբել/ ԺՀԼԲԲ, 2-րդ հ., էջ 320/ և *տէ՝ ս արբենալ /է.* Աղայան, 1-ին հ., էջ 843/: *Գիտենալ* բայը մեր օրերում դրւու է եկել գործածությունից՝ փոխարինվելով *իմանալ* բայով: *Համենալ* բայը, որը նշանակում է *ուշանալ*, *հապաղել*, •այժմ հնարանություն է, և երբեմն թյուրմբոնմամբ կապվում է *համեցեք* հրամայական բայաձեկի հետ, մինչդեռ վերջինս ծագել է *հրամայեցեք-ից*: *Գողենալ* բայը /նշանակում է *բորոտ դառնալ*/<, որը բացակայում է է. Աղայանի բառարանից, սակայն կա Հ. Բարսեղյանի ցուցակում, ևս հնացած բառ է: Երկու բացատրականներում կը /բնականաբար Հ. Բարսեղյանի մոտ նույնպես/ *կարենալ-ը* տրված է որպես կանոնական ձև /կատարյալը *կարացի/*, մինչդեռ այժմ այն հատուկ է միայն խոսակցական բառաշերտին. գրականում կիրառվում է *կարողանալ-ը*:

Բացառելով հնացած, սխալ կամ նույն բառից բաղադրվածները /ինչպես՝ *հազենալ-ից գերհազենալ*, *կիսահազենալ/՝ առանձնացրել ենք են- սոսկածանցավորների հետևյալ բայաշարքը՝ 1. արբենալ, 2. արժենալ, 3. կամենալ, 4. հագենալ, 5. Սերձենալ, 6. մուտենալ, 7. վախենալ, 8. ուզենալ, 9. ունենալ, 10. Պարծենալ:*

Հ. Բարսեղյանի գրքում ն սոսկածանց /ն+ել/ ունեցող բայերը 32-ն են: *Լեզվաբանը բերում է օրինակներ, որոնք այժմ ընդունելի չեն, ինչպես դիպնել, կպնել, նախատեսնել:* *Պրծնել-ը* տրված է 2 անգամ՝ կապված երկսեռության հետ, որը ճիշտ չէ, և այլն: Հնաբանություն է ԺՀԼԲԲ-ում առկա վերառնել բայը, *ներառնել-ը* անընդունելի է *նախատեսնել* բայի պես: Մրանց կանոնական ձևերն են՝ *ներառել, նախատեսել:* *Համընկնել, կիսահազնել, թիառնել /ի դեպ, 2 բառարաններում վերջինս գրված է միասին/* բայերը չենք դնում ն-սոսկածանցավորների ցուցակում՝ որպես նույն բաղադրիչից սերված տարբերակներ /ընկնել, հազնել, առնել/: *Պշնել /գրաբ. պշնուլ/* բայը ընդունելի չէ գրական լեզվում: Երբեմն հանդիպում է ժողովլրախտոսակցական լեզվում: Ինչ վերաբերում է ն ածանց ունեցող ա լծորդության բայերին, նշենք, որ *համբառնալ* բայը դեռևս է. Աղայանի բառարանում տրված է *հնացած նշումով /հ.1, էջ 806/*,

բանալ և բառնալ բայերը /նույն ձևով՝ վերաբանալ, թերաբանալ/
փոխարինվել են այժմ ելակետային դարձած վաղակատարի բացել,
բարձել ձևերով: Մնում է դառնալ բայը նույն կառուցվածքով /դրա-
նից սերվել են անդրադառնալ, վերադառնալ բայերը/: Ըստ Հ. Աճա-
յանի արմատական բառարանի սույն բայը նախապես եղել է դարձ-
նալ> դարնալ>դառնալ /նույն ձևով և՝ բարձնալ>բարնալ>բառնալ/:

Ինչ վերաբերում է անել, դնել, տանել, լինել, կենալ բայերին,
ճիշտ է, ծագումնաբանորեն սրանք ածանցավոր են (բերենք միայն
մեկ օրինակ. Հ.Աճայյանի արմատական բառարանի 1-ին հատորի
675-676 էջերում գրված է՝ դնել- բնիկ հայ բառ՝ հնիս. *dhe-* /դնել/
արմատից..., ուներ միայն կատարյալ ձե, իսկ ներկայի ձևերը կազ-
մում էին կրկնությամբ /սանս, հպրս.../, մյուս լեզուները կրկնավոր
ներկայի տեղ մի պարզ ձև դնելու համար հորինեցին ածանց ձևեր.
այսպէս ...-ու-մասնիկով՝ հյ. դնեմ-Հյուրշ. 439), սակայն լեզվի զար-
գացման ներկա փուլում դրանցում առկա ածանցը ընկալվում է
որպէս արմատը կազմող տարր: Նշենք, որ տեղաշարժ է կատարվել
անել, դնել, թողնել բայերի անցյալ կատարյալի կազմության մեջ:
Եթե նախկինում արի//արեցի, դրի// դրեցի, թողի//թողեցի գոյց
ձևերից կանոնական համարվել են անցյական ձևերը, ապա այժմ
պատկերը փոխվել է. գրական լեզվում տիրապեսող են դարձել
ցոյական ձևերը⁸, իսկ արմատական ձևերը առավել հաճախ կի-
րառվում են առօրյա-խոսակցական լեզվում⁹:

Կենալ բայը Հ. Բարսեղյանի գրքում դրված է և՝ նալ-ի, և՝ ենալ-
ի տակ:

Այսպիսով՝ բացառյալ վերջին բայերը՝ «մարուր» ն-սուկա-
ծանցավորները ներկայանում են հետևյալ կազմով՝ 1. առնել, 2. հաս-
նել, 3. բուսնել, 4. հատնել, 5. հեծնել, 6. ելնել, 7. ընկնել, 8. թողնել,
9. իջնել, 10. տեսնել, 11. պրծնել, 12. հազնել, 13. անցնել, 14. գտնել,
15. մեռնել, 16. մտնել, 17. դառնալ:

Ածանցավոր բայերի շարքում թվով ամենաքիչը չ սուկածանց
ունեցող բայերն են:

Հ. Բարսեղյանի վերոնշյալ գրքում դրանք 13-ն են: Զարմանալի

⁷Աճայյան Հ., Հայերեն արմատական բառարան, հ.1, Ե., 1971, էջ 639:

⁸Ըստ Ն. Պատճապանի՝ 2-րդ ձևերը ավելի զործածվում են խոսակցական լեզվում:

⁹Տե՛ս Սարգսյան Ա., Խշի, էջեր 471-475.

է, որ կաչել, դիպչել բայերի՝ ոչ ընդունելի, բայց խոսակցական լեզվում տարածված կանել, դիպնել տարբերակները լեզվաբանը գետեղել է և սոսկածանցավորների մեջ¹⁰: Հալչել բայը այս ցուցակից դրւու է մասցել: Նշված բառացանկը նույնությամբ կամ մասնակի փոփոխություններով ներկայանում է հետագա աշխատություններում¹¹:

Ա. Աբրահամյանը նշված ցուցակից հանում է բլշել և խրժել բայերը, բայց ավելացնում հալչել-ը (նշենք, որ բլշել-ը Աղայանի բառարանում տրված է որպես փլշել-ի ոչ ընդունելի ձև (1-ին հ., էջ 192), իսկ խրժել-ը՝ խրժել տարբերակով, համարվում է նոյնը խրտնել-ի հետ (1-ին հ., էջ 618):

Թարշել // թարնվել, հալչել// հալվել, փլշել//փլվել զույգ ձևերի մեջ հաղթող են դարձել վերջինները, իսկ փալչել բայի փոխարեն գործածվում է կաչել-ը (նկատենք; որ փալչել-ի պատճառականը լայնորեն կիրառվում է՝ փակցնել):

Մ. Ասատրյանը չ սոսկածանցավոր է համարում 8 բայեր՝ դիպչել, թռչել, կորչել, կպչել հանգչել, սառչել, ուռչել, փախչել¹²:

Ո. Սարապետոյանը այս բայերին նվիրված հոդվածում նշված բառացանկից հանում է ուռչել բայը՝ այսպիսով դրանց թիվը հասցնելով 7-ի¹³:

Յու. Ավետիսյանը «Տեղաշարժեր արդի գրական հայերենում» գրքում Մ. Ասատրյանի նման ընդունում է չ սոսկածանցավոր 8 բայեր¹⁴:

Ինչպես տեսնում ենք, այս բայերի թվի, նրանց խոնարհման որոշակի ձևերի կազմության հետ կապված՝ կան նկատելի տարածայնություններ: Մասնագիտական գրականության մեջ և դպրոցական դասագրքերում հաճախ խուսանավում են ճշգրիտ թիվ ներ-

¹⁰Բարսեղյան Հ., Արդի հայերենի բայի և խոնարհման տեսություն, Ե., 1953, էջ 383.

¹¹Չ-սոսկածանցավորների մասին տե՛ս մեր հոդվածը՝ «Տեղաշարժեր արդի հայերենի բայի և խոնարհման համակարգում» /Հայերենազիտության հիմնահարցեր և զարգացման հեռանկարներ, միջազգային գիտաժողովի գեկուցումների ժողովածու, Ե., 2015/:

¹²Ասատրյան Մ., Ժամանակակից հայոց լեզու, Ե., 2002, էջ 198:

¹³Սարապետոյան Ռ., «Չ» սոսկածանցավոր բայերը հայերենի զարգացման արդի փուլում, «Բաներ», N2, Ե., 1989.:

¹⁴Ավետիսյան Յու., Տեղաշարժեր արդի գրական հայերենում, Ե., 2011, էջեր 61-66:

կայացնելուց, խոնարհման հարացույցում բերում են միայն տիպական անվիճելի օրինակներ:

Հայտնի է, որ ն, չ սոսկածանցավոր բայերի անցյալ կատարյալը կազմվում է կատարյալի արմատական հիմքից կրավորակերպ վերջավորություններով: Այսինքն՝ սառշել և ուղչել բայերի կատարյալի կանոնավոր ձևերը պիտի լինեն (և այդպես է ընդունված Ե) սառա, սառար, սառավ..., ուռա, ուռար, ուռավ...:

Զ. Աղաջանյանի «Ձևաբանական նորմ և խոսքի մշակույթի հարցեր» գրքում ուռա, սառա ձևերը համարվում են օրինաշափ, ուռեցի, սառեցի ձևերը՝ նորակազմություններ: ¹⁵

Վատահ կարող ենք արձանագրել, որ այս բայերի կատարյալի կազմության մեջ կատարվել է փոփոխություն (տեղի սղության պատճառով չենք ներկայացնում մամուլից և տարբեր տարիքի ու կրթության անձանցից կատարված հարցման վիճակագրությունը), և սրանք կատարյալը կազմում են ե խոնարհման պարզ բայերի օրինաշափություններով՝ ցոյական հիմք գումարած ի, իր, օ, ինք, իք, ին (սառեցի, ուռեցի): Սառա, ուռա ձևերը ընկալվում են որպես շեղումներ, ոչ գրական ձևեր: Նշանակում է՝ այս բայերը ձեռք են բերել պարզ բայերին յուրահատուկ հատկանիշներ:

Ինչպես իրավագիրքն նշում է Ռ. Սաքառեսոյանը, ուղչել բայի ուռել տարբերակի առաջացումը իբրև ելակետային ձև այսօր կասկած չի հարուցում: ¹⁶

Մենք այս բայի կողքին դնում ենք նաև սառել-ը:

Էդ. Աղայանի բառարանում սառել և սառշել ձևերը համարվում են նույնը (2-րդ հատոր, էջ 1278):

ԺՀԼԲԲ-ում (հ. 4-րդ, էջ 273) սառել բայի դիմաց գրված է՝ տե՛ս սառշել, իսկ կատարյալը՝ սառեցի (ոչ թե սառա): Ցավոր, Աղայանի բառարանում բայից հետո կատարյալը չի տրվում:

Մի փաստարկ ևս սառել ուռել բայերը ելակետային ձևեր համարելու օգտին: Սրանցից կազմվող պատճառականները, ըստ լեզվական նորմի, պիտի լինեին սառցնել, ուղցնել, ինչպես ունենք փախցնել, կպցնել, բռցնել, կորցնել մինչդեռ տարածված են սառեցնել, ուռեցնել ձևերը:

¹⁵ Աղաջանյան Զ., Ձևաբանական նորմ և խոսքի մշակույթի հարցեր, Ե., 2007, էջ 285:

¹⁶ Սաքառեսոյան Ռ., եղվ. հոդվածը, էջ 176:

Էղ. Աղայանը քերում է սառեցնել//սառցնել (էջ 1281), ուռեցնել//ուռցնել (էջեր 1496-1497) զուգաձևությունները, այնինչ ԺՀԼԲԲ-ում սառցնել-ը տրված է տես-ով (էջ 275), ուռեցնել//ուռցնել-ը համարվում են զուգահեռ ձևեր (էջ 606): Զ. Աղաջանյանը այլ բան է գրում՝ սառցնել//սառեցնել, ուռցնել//ուռեցնել, հալցնել//հալեցնել զուգաձևություններում առաջինները համարելով գրական, նորմով սահմանված¹⁷: Սակայն ակնհայտ է, որ դրանք այժմ դիտվում են որպես խոսակցական տարրերակներ:

Ամփոփելով վերը շարադրված՝ կարծում ենք, որ չ սոսկածանցավորների թիվը այսօր ընդամենը վեցն է, որից էլ փախչել, թոչել, կաչել բայերը առօրյա խորում համատարած փոխարինվել են փախնել, թռնել, կպնել ոչ ընդունելի (առայժմ) ձևերով:

Այսպիսով՝ ԺՀԼԲԲ-ից քարտագրված ընդհանուր 969 սոսկածանցավորների քանակը քերենք նվազման կարգով՝ ան-ով բայեր՝ 936, ն-ով բայեր՝ 17, են-ով՝ 10, չ-ով՝ 6:

Գրական լեզվի զարգացման վերջին ժամանակահատվածում տեղաշարժեր են կատարվել՝ կապված սոսկածանցավոր բայերի, ինչպես նաև ա լծորդության պարզ բայերի հոգնակի և պատճառականների արգելական հրամայականի կազմության հետ:

Վերոնշյալ բայերը, ըստ ավանդական քերականության, արգելական հրամայականը կազմում են կամ մի՛ արգելական + անորոշի ձևափոխված տարրերակ կաղապարով (մի՛ գտնիր), կամ մի՛ արգելական + հաստատական հրամայական կաղապարով (մի՛ գտիր):

Հ. Բարսեղյանը «Արդի հայերենի բայի և խոնարհման տեսություն» աշխատության մեջ ներկայացնում է առաջին կաղապարը՝ որպես նորմատիվ ձև, իսկ երկրորդին առհասարակ չի անդրադառնում¹⁸: Էղ. Աղայանը «Ժամանակակից հայերենի հոլովումը և խոնարհումը» գրքում նշում է արգելական հրամայականի կազմության 2 ձև. «...մի՛ մոռանա, մի՛ գտնի... Այս երկրորդ ձևն ավելի ժողովրդախոսակցական բնույթ ունի, բայց թափանցել է գրական

¹⁷Աղաջանյան Զ., նշվ. աշխ., էջ 265:

¹⁸Նշվ. տեղում, էջ 318:

լեզվի մեջ և հետզհետև տարածվում է՝ ընդհանրանալու ձգուումով»¹⁹:

Ս. Աբրահամյանը, Ն. Պառնասյանը և Հ. Օհանյանը²⁰ ան, են, ցն ածանց ունեցող բայերի արգելականի համար ընդունում են նաև ներկայի հիմքից կազմությունը (մի՛ հեռանա, մի՛ մոռանա)՝ նշելով, որ առաջին 2 ածանցներն ունեցող բայերը երբեմն կարող են ստանալ ր (մի՛ վախենար, մի՛ հեռանար):

Հեղինակները առանձին չեն նշում ն, չ սոսկածանցավոր բայերի մասին, բայց բերված օրինակներից (մի՛ փախիր) երևում է, որ ընդունում են դրանց՝ դրական ձևից կազմության տիպը:

Ս. Ասատրյանը, անդրադառնալով այս հարցին և հաշվի առնելով գրական լեզվի արդի վիճակը, նշում է. «Քանի որ պարզ բայերի դեպքում հրամայականի դրական և արգելական ձևերը նույնանում են, ինչպես՝ զրիք, մի զրիք..., ուստի և դրանց նմանակությամբ մյուս բայերի արգելական ձևերը ևս կազմվում են դրական ձևերից...: Սխալված չենք լինի, եթե ասենք, որ արդի հայերենում արգելական հրամայականի ձևերը կազմվում են դրական հրամայականից»²¹ (ընդգծումը Ս. Ասատրյանին է-Ա.Ա.):

7-րդ դասարանի՝ 2006թ. լույս տեսած դպրոցական դասագրքում (հեղինակներ՝ Խլդարյան, Խաչատրյան) հարցը մասնակիութեն լրւծում է ստանում. ա խոնարհման պարզ բայերի արգելական հրամայականի կանոնական ձևը համարվում է դրականից կազմվողը (մի՛ խաղացեք), իսկ սոսկածանցավոր և պատճառական բայերներ՝ ին ավանդականը (էջեր 100-101):

Հինգ տարի անց՝ 2011թ. լույս տեսած «Ժեղաշարժեր արդի գրական հայերենում» գրքում Յու. Ավետիսյանը, անդրադառնալով խնդրու առարկա հարցին, հստակ ձևակերպում է տալիս. «Ժամանակակից հայերենում արգելական հրամայականի ձևերը կազմվում են դրական հրամայականից. մնացած զուգահեռ կազմությունները հնարանություններ են» (էջ 36):

Նոյնը կարդում ենք դարձյալ 2011թ. հրատարակված 7-րդ դասարանի դպրոցական դասագրքում (հեղինակներ՝ Բարսեղյան,

¹⁹Աղյան Էդ., նշվ. աշխ., էջ 368:

²⁰Տե՛ս և նշվ. աշխ., էջ 416:

²¹Ասատրյան Մ., նշվ. աշխ., էջ 329:

Մեյթիխանյան). «Արգելական հրամայականի եզակի և հոգնակի թվերը բոլոր բայերի դեպքում կազմվում են հրամայականի դրական ձևերից՝ մի՝ մասնիկով: ... Մի՝ մեծանա-մի՝ մեծանար... ձևերն արդեն հնացած են, ունեն սահմանափակ գործածություն, ուստի դրանցից պետք է խուսափել» (Եջեր 127-128):

Այսպիսով, տեղաշարժը այս բայերում փաստացի իրողություն է, և մնում է հստակ ու կրշտ ձևակերպմամբ (ոչ թե «խուսափել այդ ձևերից», այլ որ դրանք հնարանություններ են, լեզվի արդի վիճակի համար սխալ ձևեր) ամրագրել նորմատիվ քերականության մեջ:

Այսպիսով, գուգադրահամելատական քննություն կատարելով ԺՀՀՀ-ից առանձնացված ընդամենը 1254 սոսկածանցավոր բայերի և Հ. Բարսեղյանի ներկայացրած բայացանկերի միջև, հանգում ենք հետևյալ եզրակացություններին.

1/ Արդի գրական արևելահայերենի սոսկածանցավոր բայերի թիվը 969 է՝ շհաշված բառարանում առկա հնացած, սխալ կազմությամբ, արևմտահայերեն, բարբառային, խոսակցական, հազվադեպ կիրառվող ձևերը՝ Հ. Բարսեղյանի նշած մոտ 837-ի դիմաց /հեղինակը նշում է ան-ով մոտ 750, մյուսները գումարած ստացվում է այդ թիվը. 750+87/: Գերակշռում են ան սոսկածանցավոր բայերը՝ 936:

2/ Շհաշվելով հնացած, սխալ կամ նոյն բառից բաղադրված ները /ինչպես՝ *հազենալ*-ից > *զերհազենալ*, *կիսահազենալ*/՝ առանձնացրել ենք են-սոսկածանցավորների հետևյալ բայաշարքը՝ 1. արբենալ, 2. արծենալ, 3. կամենալ, 4. հազենալ, 5. մերձենալ, 6. մոտենալ, 7. վախենալ, 8. ուզենալ, 9. ունենալ, 10. պարծենալ /Հ. Բարսեղյանի ցուցակում 19 է/:

3/ «Մաքուր» ն-սոսկածանցավորները ներկայանում են հետևյալ կազմով՝ 1. առնել, 2. հասնել, 3. բուսնել, 4. հատնել, 5. հեծնել, 6. ելնել, 7. ընկնել, 8. բողնել, 9. իջնել, 10. տեսնել, 11. պրծնել, 12. հազնել, 13. անցնել, 14. գտնել, 15. մեռնել, 16. մտնել, 17. Դառնալ /Հ. Բարսեղյանի ցուցակում 32 է/:

4/ Զ-սոսկածանցավորները, ըստ մեզ, այսօր ընդամենը 6-ն են՝ փախչել, թռչել, կորչել, կաչել, դիպչել, հանգչել /Հ. Բարսեղյանի ցուցակում 13 է/:

5/ Գրական լեզվի զարգացման ներկա փուլում տեղաշարժ է կատարվել սոսկածանցավոր բայերի արգելական հրամայականի

կազմության մեջ: Եթե նախկինում կանոնական էին վերոնշյալ բայերի արգելական հրամայականի կազմությունը և մի արգելական + անորոշ ձևափոխված տարբերակ կաղապարով (մի գոնիր), և մի արգելական +հաստատական հրամայական կաղապարով (մի գոնիր), ապա այժմ առաջին տարբերակը դարձել է հնաբանություն. հաղթել է վերջին ձևը:

Анна Абаджян, Сдвиги в глагольной системе простосуффиксальных глаголов восточноармянского языка. -

Сделав сопоставительный анализ 1254 простосуффиксальных глаголов Толкового словаря современного армянского языка и словаря О.Барсегяна, мы пришли к следующим выводам:

1. число простосуффиксальных глаголов в современном армянском языке - 969, не считая устаревших и неправильных, редко употребляемых, западноармянских, диалектных, разговорных образований, среди них доминируют имеющие суффикс «ան» - 936,

2. не считая устаревшие, неправильные или образованные от одного корня глаголы, мы отделили следующий ряд глаголов с простосуффиксом «են»: *արքենալ, արժենալ, կամենալ, հազենալ, մերձենալ, մուտենալ, վախենալ, ուղենալ, ունենալ, պարծենալ*

3. глаголы с чистым «ն» имеют следующий состав: *առնել, հասնել, բուսնել, հաւնել, հեծնել, ելնել, ընկնել, բողնել, իջնել, տեսնել, պրծնել, հազնել, անցնել, գտնել, մեռնել, մոռնել, դառնալ*

4. глаголов с простосуффиксом «չ», по нашим данным, всего 6: *փախչել, բռչել, կորչել, կաչել, դիպչել, հանգչել*.

Abajyan Anna, Shifts in the System of Eastern Armenian Affixal Verbs.-In the result of carrying out a contrastive research of 1254 affixal verbs singled out from CAED (Contemporary Armenian Explanatory Dictionary) and the lists of verbs, presented by H. Barseghyan, we have come to the following conclusions;

1. the number of the affixal verbs of contemporary Armenian is 969, except for the old-fashioned, wrongly-formed, Western Armenian, dialectical, conversational and rarely used forms registered in dictionnaries. the ones, having the affix “ան” are prevailing, their number is 936.

2. excluding the old-fashioned, wrongly-formed words or the ones derived from the same word, we have singled out the following group of the

“են” affixal verbs: *արքենալ*, *արժենալ*, *կամենալ*, *հազենալ*, *մերձենալ*, *մոտենալ*, *վախենալ*, *ուղենալ*, *ունենալ*, *պարծենալ*.

3. the affixal verbs with pure “ն” are presented in the following group: *առնել*, *հասնել*, *բուսնել*, *հատնել*, *հեծնել*, *ելնել*, *ընկնել*, *քողնել*, *իշնել*, *տեսնել*, *պրծնել*, *հազնել*, *անցնել*, *զոնել*, *մեռնել*, *մտնել*, *դառնալ*,

4. the affixal verbs with “չ”, according to the data we possess, nowadays are only 6 in number: *փախչել*, *թռչել*, *կորչել*, *կպչել*, *դիպչել*, *հսնգչել*:

**ԳՐԱԿԱՆ ԱՐԵՎԱՏԱՀԱՅԵՐԵՆՈՒՄ ՀԻՆ ՀԱՅԵՐԵՆԻ ԻՒ
ԵՐԿՐԱՐԲԱՌԻ ԱՐՏԱՑՈՂՄԱՆ ՀԱՐՑԻ ՇՈՒՐՋ**

Արդի արևմտահայ քերականագիտության մեջ առավել տարածված տեսակետի համաձայն՝ նախաբաղաձայնական դիրքի իւ կապակցությունը (որի հինհայերենյան ուղղագրությունը գրական արևմտահայերենում պահպանվում է անփոփոխ) հանդես է զայս երկակի հնչյունական արժեքով. բառասկզբի դիրքում և -ութիւն ածանցի կազմում այն արտասանվում է որպես եռու (=յու) երկինչյուն (օրինակ՝ *իւդ, իւր, ուրախութիւն, աշակերտութիւն, գիտութիւն*), իսկ մնացած դեպքերում երկու բաղաձայնի միջն իւ կապակցությունն արտահայտում է քմային <ա> (= Ժ. ֆր. *u*, Ժ. գերմ. *ü*) ձայնավորը (օրինակ՝ *ձիւն, հիւր, սիւն, դիւրին, երկիւդ, հիւսիս, արիւն*)¹: Հ. Չոլաբյանը գրում է. «Գրական լեզուին մեջ իւ ձայնաւորին գոյութիւնը եւ ընկալումը աներկբայ է, անշփոթելի եւ յատակ կերպով կը հակադրուի իւ երկինչյունին. համեմատել քաջութիւն՝ «քաջութ-եռու» (նոր ուղղ.՝ *քաջութ-յուն*) եւ ա-լիւր. Համեմատել իւրաքանչիւր բառի երկու իւ-երը «եռուրաքանչիւր»: Իւ-ի երկինչյուն եւ ձայնաւոր արժեքները կրնան միայն նոյն հնչյութին դիրքային տարբերակները նկատուիլ, որովհետեւ անոնք իմաստազատիչ հակադրութիւններ կազմող եղբեր չունին եւ չեն հանդիպիր իրարու»²: Սակայն արևմտահայերենի մի շարք դասագրքերում և քերականական աշխատություններում դեպքերում վերագրվում է եռու (=յու) երկինչյունային արտասանություն³: Ըստ Ռ. Թոխմախյանի՝ «արևմտահայերենի բազմա-

¹ Տե՛ս Յ. Չոլաբյան, Հայերէնի դասընթացք, Ա. զիրը, Հայէպ, 1996, էջ 6, Ռ. Սարգսեանյան, Արևմտահայերենի դասագիրը, Ե., 2006, էջ 14-15, որիս. Հիլոս Գալքայեան-Փանոսեան, Արևմտահայ գրական լեզուի ուսումնական ձեռնարկ, Ե., 2009, էջ 13-14, Վ. Առաքելեան, Արդի հայերէնի քերականութիւն, զիրը Ա., Պերուր, 1998, էջ 78-79:

² Յ. Չոլաբյան, նշվ. աշխ. էջ 6:

³ Տե՛ս Յ. Գագանձեան, Նոր քերականութիւն արդի հայերէնի լեզուի, Վ. Պոլիս, 1924, էջ 20, Ա. Գ. Աբրահամեան, Բ. Յ. Վերդեան, Վ. Ա. Քոսեան, Հայերէն լեզուի դասագիրը.

թիվ դասագրքերում իւ > յու արտաքերությունը որպես հաստատուն իրողություն է ներկայացվել (ինչպես օրինակ՝ Աբրահամյան Ս., Վերդեան Բ., Քոսեան Վ., Հայերէն լեզուի դասագիրք, Ե., 1966 (sic! – Ս. Ս.), Դորա Սաքայան, *Western Armenian for the English-speaking World*, Montreal, 2000, էջ 124), սակայն ավանդաբար այն շարունակվել է դիտվել որոշ վերապահությամբ ու-ի տարբերակ կամ երկրարքուն (Ռ. Սաքայան, Արևմտահայերէնի դասագիրք, Ե., 2006, էջ 14) ... Նման մոտեցմամբ պետք է տրամաբանական լիներ նաև մյուս ձայնավորների քմայնացումը, այսինքն՝ այդ երևույթը պիտի տարածվեր նաև *օ-ի, ա-ի, է-ի վլա*⁴:

Հարկ ենք համարում նշել, որ Ռ. Թոխմախյանի կողմից հղում տրվող Ռ. Սաքայանի «Արևմտահայերէնի դասագրքի» համապատասխան էջում, որտեղ մեջբերվում է Ս. Աբեղյանի տեսակետը, իրականում չի խոսվում քմային <ա> ձայնավորի հնչույթային կարգավիճակի մասին, և <ա>-ն չի դիտվում որպես ու (ս) ձայնավորի տարբերակ. Ս. Աբեղյանը հայ. ու և ի ձայնավորների հետ համեմատության միջոցով պարզապես փորձում է հնչունական-արտասանական տեսանկյունից բնութագրել հայերէն մի շարք բարբառներին բնորոշ քմային <ա> ձայնավորը, բացատրել քմային <ա> ձայնավորի արտասանությունը. «Դա շրթնայնացած է կամ առաջաքմային ՈՒ հնչունն է (ֆրանսերէն ս, լուն բարի մեջ գերմաներէն ն, über բարի մեջ), որ միևնույն ՈՒ հնչունն է, միայն արտաքերության տեղը, առաջաքմային է ձայնավորի ազդեցությամբ, փոխվել է քիմքի առաջի կողմը, կամ թե միևնույն առաջաքմային է ձայնավորն է, միայն արտաքերության համար, շրթնային ՈՒ ձայնավորի ազդեցությամբ, մասնակցում են նաև շրթունքներն իրենց կլորումով: Այսպես՝ «սիւն», «հիւր» արտասանում են սն, հնր»⁵: Մյուս կողմից, կարծում ենք՝ քմային <ա> ձայնավորի առկայության փաստից բնավել չի հետևում, որ *օ, ա, է* ձայնավորները պետք է քմայնացման ենթարկվեին, քանի որ տվյալ դեպքում քմային <ա> ձայնավորն առա-

Ե., 1968, էջ 41, D. Sakayan, *Modern Western Armenian for the English-speaking World. A Contrastive Approach*, Montreal, 2000, էջ 124:

⁴ Ռ. Թոխմախյան, Սիրիայի հայերէնի հնչունական համակարգը. – Արևմտահայերէնի արդի վիճակը Սիրիայի հայ համայնքում, Ե., 2015, էջ 20:

⁵ Ս. Աբեղյան, Երկեր, հ. Զ, Ե., 1974, էջ 96:

ջացել է ոչ թե *ու* (ս) ձայնավորի քմայնացմամբ, այլ *իւ* (ս) երկրարբառի բաղադրիչների առնմանական հնչյունափոխությամբ: Ի դեպ, երկրարբառի բաղադրիչների առնմանական հնչյունափոխությունը տիպարանական տեսանկյունից հաճախադեպ երևույթ է և սովորաբար հանդես է գալիս որպես *երկրարբառ > պարզ ձայնավոր հնչյունական զարգացման միջակա աստիճան*⁶:

Ինչ վերաբերում է գրական արևմտահայերենի քմային *իւ* (ս) ձայնավորի ծագմանը, այն հաճախ դիտվում է կամ որպես բարբառներից գրական լեզվին անցած երևույթ⁷, կամ էլ որպես առանձին անհատների օտարախոս արտաբերության արդյունք⁸:

Կարծում ենք՝ գրական արևմտահայերենում քմային <ս> ձայնավորի առկայությունը ճիշտ չէ լինի բացատրել օտարախոս արտաբերության ազդեցությամբ, քանի որ այդ պարագայում անբացատրելի է մնում <ս> ձայնավորի դիրքային սահմանափակումն արևմտահայերենում: Ինչպէս տեսանք, արդի արևմտահայ քերականագիտության մեջ իւ կապակցության երկակի (որպես երկինչյուն <ցս> և որպես քմային <ս> ձայնավոր) արտասանության համար հստակ հնչյունական դիրքեր են տարբերակվում, և այդ պարագայում ճիշտ չէր լինի կարծել, թե մենք գործ ունենք թվացյալ (կեղծ) արտասանական տարբերության հետ: Ավելի տրամաբանական է ենթադրել, որ իւ կապակցությանը բոլոր դեպքերում <ցս> երկինչյունային արտասանություն վերագրելիս բավարար ուշադրություն չի դարձվում տարբեր դիրքերում իւ-ի ունեցած արտասանական տարբերության վրա: Նկատնք, որ <ս> երկրարբառ, <ցս> երկինչյունը (բաղաձայն + ձայնավոր կապակցությունը) և քմային <ս> ձայնավորը արտասանությամբ բավական մոտ են միմյանց, ուստի փոխառությունների ժամանակ տվյալ լեզվում համապատասխան հնչյունի բացակայության դեպքում սովորաբար փոխարինվում են մեկը մյուսով: Այսպէս, ժ. ֆր. *ու*, ժ. գերմ. *ա* քմային ձայնավորը ժամանակակից հայերենում տառադարձվում է *յու*, ուստերենում՝ *յօ* (ցս) հնչյունակապակցությամբ. հմմտ. Hübschmann անձնանվան տառա-

⁶ Տե՛ս Բ. Ա. Սերեբրեննիկով, *Вероятностные обоснования в компаративистике*, М., 1974, с. 109-112:

⁷ Տե՛ս Ռ. Սարապետոյան, նշվ. աշխ., էջ 14-15:

⁸ Տե՛ս Ռ. Թոխմախյան, նշվ. աշխ., էջ 20:

դարձումը՝ հայ. *Հյուրշման*, ոռու. Գյօնման: Խոլ հուն. υ-ն, որը 5-րդ դարում հնչել է արդի ֆր. *u*, զերմ. *ü* ձայնավորի նման (իրականում *h-ե*. **u* > հուն. *υ* (= *ü*) հնչունական անցումը տեղի է ունեցել շատ ավելի վաղ⁹), *U.* Մաշտոցը տառադարձել է *իւ* երկբարբառով. հիմտ. հուն. Կυριαկօς > *h.* հայ. *Կիւրակոս*, հուն. λαβυρινθօς > *h.* հայ. *Լաբիւրինթոս* և այլն¹⁰: Մյուս կողմից, Ղարաբաղի խոսվածքներում, որոնք ունեն քմային *ու* (*ü*) ձայնավոր, ոռու. Ցուցում անհաջող է այս պատճենը արտասանելու համար:

Մեզ անհամոզիչ է թիում նաև այն տեսակետը, ըստ որի՝ արևմտահայերենի քմային *իւ* (*ü*) ձայնավորը դիտվում է որպես բարբառներից գրական լեզվին անցած երևույթ: Ինարկե, *h.* հայ. *իւ* երկբարբառը արդի բարբառներում երեք կարգի փոփոխության է ենթարկվել. *իւ* > *ի*, *իւ* > *ու*, *իւ* > *ու* (*ü*): *Բայց հայտնի է նաև, որ *h.* հայ. *իւ* > բրբո. *ու* (*ü*) հնչունական զարգացումը բնորոշ է Վասպուրական-Սյունիք-Արցախ տարածքի բարբառներին¹¹: Մինչդեռ գրական*

⁹ Տե՛ս **П. Шантրен**, *Историческая морфология греческого языка*, М., 1953, с. 283, **H. Rix**, *Historische Grammatik des Griechischen: Laut- und Formenlehre*, 2. Auflage, Darmstadt, 1992, S. 46:

¹⁰ Տե՛ս **Հ. Աճառյան**, *Հայոց գրերը*, Ե., 1984, էջ 588, 586:

¹¹ Տե՛ս **Մ. Աղաբեկյան**, *Սյունիք-Արցախ տարածքի բարբառների պատմական հնչունաբանություն. - Հայերենի բարբառագիտական ասլաս, պրակ 3*, Ե., 2010, էջ 100:

¹² Տե՛ս **Հ. Սուլաբյան**, *Հայոց լեզվի պատմական բերականություն*, *հ. I. Հնչունաբանություն*, Ե., 1982, էջ 189-193, հիմտ. նաև **Մ. Աքելյան**, նշան. աշխ., էջ 95-96:

¹³ Տե՛ս **Հ. Սուլաբյան**, նշան. աշխ., էջ 189:

արևմտահայերենի հիմքում ընկած Պոլսահայ բարբառում *իւ > ու (ii)* փոփոխություն չի նկատվում. Պոլսահայ բարբառում հ. հայ. *իւ-ի* դիմաց բառասկզբում և -ութիւն ածանցի դեպքում առկա է ի ձայնավոր (*իւր > իր, մեծութիւն > մենձութիւն* և այլն), դ-ից առաջ է ձայնավոր (*զիւղ > քէղ, ճիւղ > ջէղ*), իսկ մնացած դեպքերում՝ ու ձայնավոր (*արիւն > արուն, հարիւր > հարուր, ձիւթ > ձութ, ձիւն > ձուն, աղրիւր > ախազուր, ալիւր > ալուր, իիւսէլ > հուսէլ և այլն*)¹⁴: Ուստի գրական արևմտահայերենի բային ու (ii) ձայնավորի բարբառային ծագումը քիչ հավանական է: Մեր կարծիքով, գրական արևմտահայերենի իւ կապակցության երկակի արտասանությունը հ. հայ. *իւ (ii)* իշխող երկբարբառից հետազայում առաջացած *իու (iu)* բարձրացող երկբարբառի օրինաչափ հնյունական զարգացման արդյունք է՝ պայմանավորված դիրքային տարբերությամբ: Ի դեպ, *իու (iu)* երկբարբառից հնյունական տարբեր պայմաններում բային <այնավորի և <ցայ> երկինյունի առաջացումը տիպաբանական տեսանկյունից միանգամայն հնարավոր է, եթե հաշվի առնենք, որ երկբարբառները լեզվի պատմական զարգացման ընթացքում կարող են ոչ միայն մենաբարբառացման ենթարկվել, այլև տարրավուծվել երկու անկախ ձայնավորների, վերածվել բաղաձայն + ձայնավոր կապակցության և այլն¹⁵:

Ինչպես հայտնի է, հին հայերենի երկբարբառները հետազայում հայերենի բանավոր-խոսակցական բոլոր տարբերակներում համընդհանուր կերպով վերածվել են պարզ ձայնավորների: Հ. Սուրայյանը այդ մասին գրում է. «Այժմ չկա հայերենի մի բարբառ, որտեղ հին երկբարբառները պարզված չլինեն. ամենուրեք այժմ նրանց փոխարքն ունենք պարզ հնյուններ: Այսպես՝ այ-ի փոխարեն այժմ ա կամ է է, իւ-ի փոխարեն՝ ու (iii) կամ ի, եւ-ի փոխարեն՝ է կամ ա, աւ-ի փոխարեն՝ օ կամ ու (զարգացած σ-ից) և այլն: Երկբարբառների դիմաց երկինյուններ ունեն միայն գրական լեզուները...»¹⁶: Իսկ արդի գրական լեզուներում երկինյունների առկայությունը, ըստ Հ. Սուրայյանի, բացատրվում է նրանով, որ «երկբար-

¹⁴ Տե՛ս Հ. Աճառյան, Քենություն Պոլսահայ բարբառի, Ե., 1941, էջ 30-31:

¹⁵ Տե՛ս Հ. Աճառյան, Լիակատար թերականություն հայոց լեզվի, հ. 6, Ե., 1971, էջ 442:

¹⁶ Հ. Սուրայյան, նշվ. աշխ., էջ 140-141:

բառների վերացմամբ և նրանց՝ պարզ ձայնավորների վերածվելու ընթացքին զուգահեռ, հին երկբարբառների մի մասը, գրական հին տեքստերի բանավոր վերարտադրության ժամանակ, վերարձերավորվում է որպես երկինշյուններ, և այդ արտասանությունն է, որ սկսում է օգտագործվել գրական լեզուների մեջ և ավանդաբար հարատեսում է մինչև մեր օրերը¹⁷:

Մենք ընդունում ենք <յս> երկինշյունային արտասանության առաջացման վերաբերյալ Հ. Մուրադյանի տեսակետը, բայց որոշ վերապահությամբ. պետք է ենթադրել որ հետագայում հ. հայ. իւ (իս) իշնող երկբարբառը, նախքան երկինշյունային արտասանություն ձեռք բերելը, վերածվել է իու (յս) բարձրացող երկբարբառի: Ըստ Ս. Աբեղյանի՝ սկզբնական <իս> իշնող երկբարբառը բարձրացող <յս> երկբարբառի էր վերածվել դեռևս հին հայերենում: Սակայն Ս. Աբեղյանն իր այդ տեսակետը հաստատող որևէ փաստարկ չի բերում և, բացի այդ, բարձրացող <յս> երկբարբառի և <յս> երկինշյունի տարբերակում չի կատարում՝ երկբարբառային արտասանություն վերագրելով նաև արդի գրական հայերենին. «Բայց գրաբարում արդեն արտաբերության ուժն անցել է ՈՒ ձայնավորի վրա, ինչպես հաճախ լինում է, և ընկնող ԻՒ (իս) երկբարբառը դարձել է բարձրացող ՅՈՒ (յս) երկբարբառ... Այս արտաբերությամբ էլ այս երկբարբառը գրաբարից մտել է նոր գրական լեզվի մեջ, ինչպես՝ «ալիր», «փր», ... «սիւն», որոնք արտասանվում են՝ այսուր, յուր, ... այուն»¹⁸:

Մենք հակված ենք կարծելու, որ հ. հայ. իւ (իս) իշնող երկբարբառը իու (յս) բարձրացող երկբարբառի է վերածվել համեմատաբար ավելի ուշ: Ինչպես հայտնի է, միջին հայերենի շրջանում միւս բառը մի շաբթ վկայություններում հանդիպում է միուս գրությամբ, և սովորաբար ենթադրվում է, որ տվյալ դեպքում իու կապակցությամբ արտահայտվում է <յս> երկինշյունը¹⁹: Իրականում դժվար է հաստատապես ասել, արդյոք իու գրության դեպքում գործ ունենք <յս> երկինշյունի²⁰, թե՞ բարձրացող <յս> երկբարբառի հետ, իսկ երկինշյունային արտասանությունն ավելի ուշ է առաջացել: Զարկ է նշել, որ

¹⁷ Նոյն տեղում, էջ 155:

¹⁸ Ս. Աբեղյան, նշվ. աշխ., էջ 96:

¹⁹ Տե՛ս Ակնարկներ միջին գրական հայերենի պատմության. հ. I, Ե., 1972, էջ 104, Հ. Մուրադյան, նշվ. աշխ., էջ 188:

Ա. Այտընյանը արևմտահայ աշխարհաբարի նախաբաղաձայնական դիրքի իւ կապակցությանը իու հնչունական արժեք է վերագրում. «Ի ձայնաւորը նախընթաց ինիով մը (իւ) իու կը հնչէ՝ քանի որ հետը բաղաձայն մ’ունի. այսպես. իւր, իւրաքանչյիր, նիւթ, էութիւն, հարիւր, հիւսէր»²⁰: Իհարկէ կարելի էր մտածել, որ Ա. Այտընյանը իու տառադարձմամբ նկատի ունի ոչ թե երկրարբառային <յս>, այլ երկ-հնչունային <յս> արտասանությունը: Բայց դա քիչ հավանական է, քանի որ արևմտահայերենի <յս> երկինչունը ավանդաբար տառադարձվում է եռու կապակցությամբ²¹: Բացի այդ, եթե նկատի ունենանք, որ Պոլսահայ բարբառում գրական լեզվից փոխառյալ բիւր բառն արտասանվում է փիյուր²², այլ ոչ թե փեռուր (=փյուր), ապա այդ հանգամանքը նույնպես թերևս անուղղակի կերպով վկայում է արևմտահայերենի իւ կապակցության երբեմնի իու (յս) երկրարբառային արտասանության մասին:

Իու (յս) երկրարբառից քմային <յ> ձայնավորի առաջացման ժամանակագրության վերաբերյալ կարելի է որոշ ենթադրություն անել: Հայտնի է, որ գրական արևմտահայերենում օտար բառերի քմային <յ> և <օ> ձայնավորները տառադարձվում են իւ-ի և էօ-ի միջոցով²³: Ա. Այտընյանը այդ մասին գրում է. «Ասկէ զատ՝ նոր յարմարագրությինն օտար բառերու ճշդագոյն հնչմանը համար ընդունած է էօ եւ իւ երկրարբառները, որ հայերենէ օտար ձայներ են. զորօրինակ այս բառերու մեջ. Լըտոհի. Պոյինն. Պոյէօ... Լիսաէքք. Կէօրկէ... եւ այլն»²⁴: Նկատենք, որ Ա. Այտընյանը մեջբերված հատվածում արդի հայերենին խորք է համարում ոչ թե իւ երկրարբառը, այլ իւ կապակցությամբ տառադարձվող քմային <յ> ձայնավորը: Մինչդեռ հայերեն բառերի դեպքում նախարարածայնական դիրքի իւ կապակցությանը նա, ինչպես տեսանք, իւ (=իու) երկրարբառային արտասանություն էր վերագրում: Արդ, քանի որ Ա. Այտընյանը քմային <յ> և <օ> ձայնավորները հայերենին խորք է համարում, ապա դրանից թերևս

²⁰ Ա. Այտընյան, Քննական թերականություն աշխարհաբար կամ արդի հայերեն լեզվի, Ե., 1987, մաս (2-րդ)՝ թերականութիւն արդի հայերեն լեզուի, էջ 371:

²¹ Տե՛ս Յ. Գաղանճեան, Աշվ. աշխ., էջ 20, Յ. Զոլաքեան, Աշվ. աշխ., էջ 6, Կ. Առաքելեան, Աշվ. աշխ., էջ 78-79:

²² Տե՛ս Հ. Աճառյան, Քննություն Պոլսահայ բարբառի, էջ 30-31:

²³ Տե՛ս Ս. Գ. Աբրահամեան, Բ. Յ. Վերդեան, Վ. Ա. Քոսեան, Աշվ. աշխ., էջ 42:

²⁴ Ա. Այտընյան, Աշվ. աշխ., մաս (2-րդ)՝ թերականութիւն..., էջ 346:

կարելի է հետևեցնել, որ իին հայերենից ժառանգված բառերի իւ կապակցությունն այդ ժամանակ (19-րդ դ. 50-60-ական թթ.)²⁵ դեռևս քմային <Ա> ձայնավորի արտասանություն չի ունեցել, այսինքն՝ յս (իու) բարձրացող երկրարրառ > այդամային ձայնավոր հնչունափոխությունն ավելի ուշ է տեղի ունեցել:

Ինչ վերաբերում է այն հարցին, որ բառասկզբի դիրքում իու (յս) երկրարրառը վերածվել է բաղաձայն + ձայնավոր կապակցության՝ <Կ> երկինյունի, իսկ միջքաղաձայնական դիրքում մենաբարբառացման է ենթարկվել, կարծում ենք՝ այդ երևույթը տիպարանական տեսանկյունից կարելի է համեմատել արդի բարբառներում հին հայերենի շեշտակիր է (ե) և ո (օ) ձայնավորներից առաջացած իէ (իէ) և ուօ (ոօ) երկրարրառների հետագա նմանատիպ երկակի փոփոխության հետ²⁶: Միայն թե բառամիջում իու (յս) երկրարրառի մենաբարբառացման դեպքում քմային <Ա> ձայնավորն առաջացել է երկրարրառի բաղադրիչների առնմանական հնչունափոխությամբ, ճիշտ նույն կերպ, ինչպես որոշ բարբառներում հ. հայ. իւ > բրբ. ո՛ (Ա) հնչունական զարգացման դեպքում: Իսկ -ութիուն ածանցի պարագայում յս (իու) > այդ հնչունափոխությանը, ըստ երևույթին, խոչընդոտել է նախորդող վանկի ոչ քմային ու (Ա) ձայնավորի առկայությունը: Ի դեպ, հատկանշական է, որ բարբառներում նույնպես հ. հայ. իւ երկրարրառը -ութիւն ածանցի կազմում հաճախ սովորական միջքաղաձայնական դիրքից տարբեր հնչունական զարգացում է ունեցել, որը, մեր կարծիքով, դարձալ պայմանավորված է նախորդող վանկի ու (Ա) ձայնավորի առնմանական կամ տարնմանական ազդեցությամբ: Այսպես, Գորիսի և Հաղորդի բարբառներում բառամիջում սովորաբար տեղի է ունեցել իւ > ո՛ (Ա), իսկ -ութիւն ածանցի դեպքում՝ իւ > ու հնչունական զարգացում²⁷: Համշենի բարբառում բառամիջում սովորաբար առկա է իւ > ու, իսկ -ութիւն ածանցի

²⁵ Նկատի ունենանք, որ Ա. Այտընյանի «Քննական բերականությունը» առաջին անգամ լույս է տեսել 1866 թ. Վիեննայում:

²⁶ Տե՛ս Ս. Ավետյան, Արդի բարբառներում իին հայերենի շեշտակիր է և ո ձայնավորների արտացոլման հարցի շուրջ. – Պատմաբանախրական հանդես, Ե., 2014, 3, էջ 210-223:

²⁷ Տե՛ս Ա. Մարգարյան, Գորիսի բարբառը, Ե., 1975, էջ 70-71, Ա. Ս. Պողոսյան, Հաղորդի բարբառը, Ե., 1965, էջ 34-35:

դեպքում՝ *հւ* > *ի* հնչունափոխություն²⁸: Կարավարերդի և Կարձևանի բարբառներում *իւ* երկրարբառը բառամիջում սովորաբար դարձել է քմային *ու* (ü) ձայնավոր, մինչդեռ *-ուրիւն* ածանցի կազմում ունենք *իւ* > *ի* հնչունափոխություն²⁹:

Այսպիսով, վերը կատարված քննության արդյունքում մենք հանգում ենք այն եղբակացության, որ գրական արևմտահայերենում *իւ* կապակցության երկակի արտասանությունը հ. հայ. *իւ* (iü) իշխող երկրարբառից հետագայում առաջացած *իու* (iu) բարձրացող երկրարբառի օրինաչափ հնչունական զարգացման արդյունք է՝ պայմանավորված դիրքային տարբերությամբ. *իու* (iu) բարձրացող երկրարբառը, որը բառասկզբի դիրքում վերածվել է <yu> երկինչունի, միջքաղաձայնական դիրքում (բայց ոչ *-ուրիւն* ածանցի կազմում) երկրարբառի բաղադրիչների առնմանական հնչունափոխությամբ մենաբարբառացման է ենթարկվել՝ *իու* (iu) > (ü): *Իու* (iu) բարձրացող երկրարբառը <yu> երկինչունի է վերածվել նաև *-ուրիւն* ածանցի կազմում, քանի որ տվյալ դեպքում քմային <ü> ձայնավորի առաջացմանը խոչընդոտել է նախորդող վանկում ոչ քմային *ու* (u)-ի առկայությունը:

Sargs Avetyan – On the question of the Manifestation of the Old Armenian Diphthong *իւ* in Literary Western Armenian. – According to the most common view, the preconsonantal *իւ* in Modern Western Armenian is realized as a sequence <yu> word-initially and in the suffix *-ուրիւն*, and as a palatal vowel <ü>, otherwise. However, the appearance of the palatal <ü> in Literary Western Armenian is usually attributed to the influence either from some Armenian dialects, or from foreign languages.

An attempt is made to show that neither the palatal <ü> in some Armenian dialects nor the alleged foreign influence could have been the possible source of Literary Western Armenian <ü>. It seems more likely that the rising diphthong *իու* (iu), which goes back to Old Armenian falling diphthong *իւ* (iü), was monophthongised to the palatal vowel <ü> between

²⁸ Տե՛ս Հ. Աճայշան, Քննություն Համշենի բարբառի, Ե., 1947, էջ 39:

²⁹ Տե՛ս Հ. Սուրայշան, Կարավարերդի բարբառը, Ե., 1967, էջ 63-64, Հ. Սուրայշան, Կարձևանի բարբառը, Ե., 1960, էջ 47:

consonants (except in the suffix *-լւրիլ* where the appearance of the palatal <ü> was avoided due to the existence of the non-palatal vowel <u> in the preceding syllable), whereas word-initially it changed to the sequence <yu>. Interestingly, both developments have typological parallels.

Саргис Аветян – К вопросу о проявлении древнеармянского дифтонга *իւ* в литературном западноармянском языке. – Согласно более распространённому мнению, предконсонантный *իւ* в современном литературном западноармянском в начале слова и в суффиксе *-լւրիլ* произносится как <u>, а в остальных случаях – как <ü>. Однако появление данного палатального гласного в литературном западноармянском обычно приписывается влиянию или некоторых армянских диалектов, или других языков.

Делается попытка показать, что ни армянский диалектный <ü>, ни предполагаемое иноязычное влияние не могли быть возможным источником палатального <ü> в литературном западноармянском. Кажется более вероятным, что восходящий дифтонг *իլւ* (iu), происходящий от древнеармянского нисходящего дифтонга *իւ* (iu), в позиции между согласными (но не в суффиксе *-լւրիլ*, где появлению палатального <ü> препятствовало наличие непалатального гласного <u> в предшествующем слоге) монофтонгизировался в палатальный гласный <ü>, а в начале слова превратился в звукосочетание <u>. Примечательно, что обе фонетические разновидности имеют типологические параллели.

Զեմմա Բառնայան (Հայաստան,
ԳԱԱ լեզվի ինստիտուտ)

ԱԾԱՆՑՈՒՄԸ ՀԱՅԵՐԵՆԻ ԲԱՐԲԱՌՆԵՐՈՒՄ.
ՆԱԽԱԾԱՆՑԵՐ

Հայտնի է, որ արդի հայերենի, ինչպես նաև գրաբարի բառապաշարը ուսումնասիրված է տարբեր հայեցակետերից, տարբեր նպատակադրումներով ու տարբեր ընդգրկումներով։ Ինչ վերաբերում է հայ բարբառների բառագիտությանը, ապա զայի արդյունք կա հատկապես բառապաշարային խնդիրների ուսումնասիրության հարցում, իսկ բառակազմական խնդիրները մասսակի են միայն ըննության առարկա դարձել։ Ինչպես հայտնի է, ապագա բարբառագիտական ատլասի նյութերի հավաքման ծրագրում¹ հայերենի բարբառների բառապաշարի տարածքային տարբերություններին որոշակի տեղ է հատկացված, ինչը լրաց համեմատություններ կատարելու հնարավորություն է ընձեռում։ Բառակազմական խնդիրներն այդ ծրագրում հարցման հասուլ առարկա չեն դարձել, սակայն բառանվանողական նյութերի գրանցումներում կարելի է գտնել որոշ տեղեկություններ նաև բառակազմության վերաբերյալ։ Այդ ամենին եք հավելենք նաև բարբառագիտական մենագրություններում, ազգագրական՝ բանահյուսական ուսումնասիրություններում, հայ ժողովրդական հերիաթներում առկա նյութերը, կարելի է ասել, որ հայերենի բարբառների բառակազմական իրողություններն ուսումնասիրելու համար ունենք հուսափ շտեմարան։

Բառագիտությանը վերաբերող ուսումնասիրություններում մշտապես նշվում է վերջածանցների առատությունը նախածանցների համեմատ, կամ, ասենք, որոշ ածանցների գործառական բարձր հաճախականությունը։ Հայտնի է, որ հայերենն ի սկզբանեքից նախածանցներ է ունեցել։ Կարելի է ասել, որ համահյերենյան գործառույթ են դրսենորում ան- և չ-ժխտական նախածանցները։

Իր «Հայոց լեզվի պատմություն. նախագրային ժամանակա-

¹Տե՛ս Հայերենի բարբառագիտական ատլասի նյութերի հավաքման ծրագիր, Ե., 1977:

շրջան»² աշխատության մեջ ակադ. Գ. Զահորելյանը բառակազմական իրողությունները քննարկելիս նախածանցներին վերաբերող հատվածում հետևյալ միտքն է հայտնում . «Այն հանգամանքը, որ իրանական փոխառությունների մեջ նոյնպես հանդիպում են անժիտականով կազմություններ՝ ձայնավորով սկսվող հիմքերից առաջ (բաղաձայններից առաջ հանդես է եկել ան-ի ա- տարրերակը. հմմտ. ակամայ), հիմք է տալիս իրանական համատիպ կազմությունների հայանալու, իրքն հայկական կառուցներ ընկալվելու և, սրա հետ կապված, ան-ի բառակազմական դերի աշխուժացման համար: Այս առումով իրանական ձայնավորակիր հիմքերի դեպքում դժվար է որոշել ան- ժիտականով կազմությունների պատրաստի կերպով փոխառված, թէ հայկական հողի վրա հանդես եկած լինելու հարցը»³: Ընդ որում՝ Զահորելյանը հակված է դասական հայերենում առկա նմանատիպ ձևերը հայերենի հնագույն շրջանի հետ կապելու: Ապա խոսելով ան- նախածանցի մասին՝ գտնում է, որ այն ամենազործուն և արդյունավետ նախածանցն է հայերենի բոլոր փոլերում և շարունակում է նորանոր կազմություններ տալ առայսօր:

Մեր փնտրությք հայերենի բարբառներում բացահայտում է հետևյալը: Թէ՝ արևելյան և թէ արևմտյան խմբակցության բարբառներում ան- նախածանցը ամենազործուն և ամենամեծ հաճախականություն դրսենորդ նախածանցն է: Առանձնապես գործածական են որևէ բանի առկայությունը ժիտելու իմաստով նախածանցավոր ձևերը՝ *անսուն, անտէր, անհեր, անմէր, անհերումէր*, ինչպես նաև բայական հիմքերով կառուցները: Ընտրողաբար օրինակներ ներկայացնենք տարբեր խմբակցություններում ընդգրկված բարբառներից: Արևմտյան խմբակցության հարավ-կենտրոնական բարբառախմբի մեջ մտնող Մշո բարբառին նվիրված ուսումնասիրության մեջ բերվող բանահյուսական նյութերում հաճախադեպ են ան-նախածանցով բառաձեւերը, ինչպես.

*Անլրվա բուտո, անէպէլ միս, անհալէ յէղ մարտ ուր իրզան նըշանց շիդա*⁴: Համարմեք օրինակներ բերենք նաև Արևելյան

² Տե՛ս Գ. Զահորելյան, Հայոց լեզվի պատմություն. Նախագրային ժամանակաշրջան, Ե., 1987:

³ Տե՛ս նույն տեղում,էջ 357:

⁴ Տե՛ս Ս. Բաղրամարյան-Թափալյան, Մշո բարբառ, Ե., 1958,էջ 212:

խմբակցության մեջ մտնող Ղարաբաղի բարբառով.

Անպէնք զիրէզի պէն կանէ:

Անփօշ վարթ կընի, անփօշ մարթ չինիլ⁵:

Խոսքի շղթայում կրկնաբանությունից խուսափելու համար ան- ժխտականով բարին զուգահեռ գործածվում է բարին ժխտական իմաստ հաղորդող առանց նախադրությունը, ինչպես.

Անջօն շէն ա տէսալ, առանց փառ շօռ ա կյալ:

Ժխտական ածանցով բառակազմական հետաքրքիր օրինակ- ներ փնտրելիս առանձնացրել ենք ձայնավորով սկսվող աղ բարի ալ զուգաձևության հետ միանալիս առաջացած հետաքրքիր և առաջին հայացքից տարօրինակ թվացող՝ անալի-անի և դրափոխությամբ՝ ալանի-ալնի բառաձերը: Բարիմաստը երկու դեպքում էլ նույնն է՝ աղը պակաս կամ առանց աղի: Առաջին ձևում առկա է արևելյան բարբառներում, իսկ երկրորդը՝ արևմտյան: Եթենք օրինակներ.

Այնի ըր, խանձրահամ լր վըրէն դրվից (Սասունի Սպահանք գ. խոսվածքով):

Աղի-անալին չէմ ջօգըմ (Երևանի Նորի խոսվածքով):

Անտիոքի բարբառախմբի Քեսարի բարբառում գործառող հետաքրքիր ձև է ան+ասուն հայտնի իմաստով գործառող Էսէօն բառանվանումը: Այս բառում անհնարին է զտնել ան- նախածանցի հետքը:

Կարն բարբառի Շիրակի տարածքի խոսվածքներով զրա- ված բանահյուսության մեջ դժոխք իմաստով գործառող հ անատագ բառը սովորաբար գործածվում է սէլ հ անատագ կայուն բառակա- պակցության կազմում՝ անդունդ, վիհ բարիմաստով: Շատ տարած- ված է անեծքներում՝ Սէլ հ անատագն էրտաս, չըդառնաս: Ակնհայտ է բարի ան+հատակ կազմությունը այդ տարածքի խոսվածքներին բնորոշ հավելական ձայնեղ հ-ով:

Ան- ածանցը բարին ժխտական իմաստ է հաղորդում նաև փոխադարձ արմատին ավելանալով: Իսկ բարբառները, ինչպես զի- տենք, բառային փոխառությունների դիմում են գործուն բառապա- շարում պակասող բառերը լրացնելու, ավելի ճիշտ՝ իմաստային նրբերանգներ արտահայտելու նպատակով: Ազգագրական տարբեր գոտիներն ներկայացնող ժողովրդական հերիաքներում համատա-

⁵Տե՛ս Մ. Պետրոսյան, Արցախան առածանի, Ստեփանակերտ, 1999, էջ 4:

րած են *անբախտ, անձար, անդարդ, անթասիք* և նմանատիպ այլ ածականներ:

Ան- ժխտական նախածանցով հայերենի բարբառներում հաճախաղեալ են նաև դիպվածային բառաձեները՝ որևէ բանի կամ հատկանիշի առկայությունը ժխտող: Բերենք օրինակ Արցախի բանահյուսական պատառիկներից:

Անդոնադ տոնը ավելակ տոն ա:

Նախածանցների սակավությամբ կարելի է պատճառաբանել իրանական լեզուներից փոխառյալ բէ ժխտական նախածանցի լայն գործառույթը հայերենի բարբառներում, ինչպես, ասենք, Արարատյան բարբառի խոսվածքներում՝ *բէխաբար, բէքէֆ, բէրախտ, բէխէր, բէդօվլաթ, բէնամուս, բէսամթ* և այլն: Սակայն այդ բէ նախածանցը միայն փոխառյալ արմատներին չէ, որ ավելանում է բարի իմաստը ժխտելով: Նույն կերպ բնիկ հայերեն արմատներին է կցվում, ինչպես, ասենք, հետևյալ օրինակներում՝ *բէհուշ, բէուսում, բէշընօրք* և այլն⁶: Այդ բէ ժխտական ածանցով կրկնավոր բարդություններ կազմելը բնորոշ է հայերենի բարբառներին: Բերենք օրինակ Մշո զավարի Մկրագում զյուղի խոսվածքով՝

Վախտ-բէկախտ գ՝ իկէր մըր տուն:

Հաճախականության տեսակետից հաջորդ տեղում չ- նախածանցն է, որի ձևաբանական արժեքը եթե ժխտական խոնարհմանը մասնակցելն է, ապա բառակազմական արժեքը ածականներից և բայահիմքերից ածական կազմելն է, ինչպես չեկ, չտես, չհաս, չկամ և այլն: Բերենք մեկ օրինակ Վանի բարբառով գրառված պարերգից:

Խօրած վարբապէտ կասի չըխասի:

Թե խաս, թե չըխաս՝ մօյ ձիյ կարուլ ի:

Նախազրային շրջանի հայերենի բառապաշարը բննելիս ակադ. Գևորգ Զահորելյանը վաղնջահայերենից եկող նախածանցներից տ- ի գործառույթի մասին այն միտքն է հայտնում, որ այդ ժխտական ածանցն աստիճանաբար անարդյունավետ է դարձել, ուստի և դուրս մղվել կամ գործածվել է ան-ին զուգահեռ *տգեղ-անգեղ, տհաս-անհաս, տքնիմ-անքուն* և այլն: Ըստ որում՝ ածանցները

⁶Տե՛ս Ռ. Մարկոսյան, *Արարատյան բարբառ*, Ե., 1989, էջ 99:

ժամանակի ընթացքում կարող են նորից կենդանանալ կամ կորչել⁷:

Գրաբարի բառապաշտին նվիրված ուսումնասիրության մեջ անվանի լեզվաբան Լ.Հովհաննիսյանը, առանձնացնելով ծագումնաբանական շերտերը, հայերենի բնիկ կամ հնդեվրոպական բառաշերտը որակում է իրքն հայերենի բառազանձը, որի ուսումնասիրության հարցում ամենամեծ ավանդը ակադ. Գևորգ Զահուկյանին է: Ապա ներկայացվում է գրաբարի փոխառյալ բառապաշտը՝ խորությամբ քննելով հատկապես իրանական փոխառությունները՝ նշելով, թե ճիշտ չէ օտար ձևույթ+ հայերեն ձևույթ կառույցը փոխառություն համարելը, եթե օտար ձևույթը անկախ կիրառություն չունի⁸: Նշենք, որ ինչպես Զահուկյանը, այնպէս էլ Լ.Հովհաննիսյանը ան- նախածանցը հայաբանություն են համարում:

5-րդ դարում վկայված իրանական փոխառություններում դժնախածանցով բառերից հիմնականում եղել են բարձր ոճի բառեր և բարբառներում չեն գործառել՝ դժգոյն, դժպատեհ, դժնդակ:

Barnasyan Jemma – Affixation in Armenian Dialects: the Prefixes. - As in the Armenian language in general, among the word-formative means affixation and stem-composition was constantly used in Armenian dialects as well. All-Armenian language reality is the plenitude of suffixes as compared with prefixes. We've gathered precious information from Armenian national folklore and dialectological monographs concerning affixations that have high frequency of usage in Armenian dialects.

Барнасян Джемма – Аффиксация в армянских диалектах: Префиксы. - Как в армянском языке вообще, в армянских диалектах из словообразовательных средств постоянно употребляли аффиксацию и словосложение. Общеармянская языковая действительность – изобилие суффиксов по сравнению с префиксами. Из армянского народного фольклора и диалектологической монографий мы собрали ценную информацию об аффиксациях, проявляющих высокую частоту употребления в армянских диалектах.

⁷Տե՛ս Գ.Զահուկյան, Հայոց լեզվի պատմություն. Նախագրային ժամանակաշրջան, Ե., 1987, էջ 358:

⁸Տե՛ս Լ.Հովհաննիսյան, Գրաբարի բառապաշտը, Ե., 2006, էջ 46:

Բարսեղյան Ամայա (Հայաստան,
ԳԱԱ լեզվի ինստիտուտ)

ՆԱԽԱՏԱՍՈՒԹՅՈՒՆՆԵՐԻ ԿԱՊԱԿՑՄԱՆ ԲԱՌԱԿԱՆ ՄԻՋՈՑՆԵՐԸ ՏԵՔՄԱՆ

Տեքստի լեզվաբանությունը ձևավորվել է XX դ. 60-ական թվականներին: Այն պայմանավորված է լեզվաբանության զարգացման ներքին գործոններով: Ակզրնական շրջանում ուսումնասիրվում էին տեքստը, նրա կառուցվածքը, լեզվական միջոցները, կապակցված տեքստ ստեղծելու օրինաչափությունները: Տեքստաբանության մեջ կան տեքստի ըմբռնման տարրեր կարծիքներ: Միասնական կարծիք չկա նաև տեքստի նվազագույն միավոր ընդունելու և անվանելու հարցում:

Այսպէս՝ Ս. Ֆիցման տեքստը սահմանում է որպէս նախադասությունների ցանկացած հաջորդականություն (S₁—S_n), արտահայտված հաղորդակցային իրադրությունում, և նախադասությունից նրա տարրերությունը տեսնում է հետևյալ կերպ:

1) տեքստերը կարող են բնութագրվել որպէս գեղարվեստական,

2) մի շարք տրամաբանական գործողություններ կարող են կատարվել միայն նախադասություններով (հեգացիա),

3) միայն տեքստերն ունեն պատմողական (հարրատիվնոյ) կառուցվածք,

4) շատ իմաստաբանական միկրոկառուցվածքներ հնարավոր են միայն տեքստում: Տեքստում լեզվաբանությունն ուսումնասիրում է ընդհանուր իմաստի ստեղծման և վերականգնման միջոցները, որոնք գտնվում են առանձին նախադասությունների շրջանակում¹:

Գ. Զահուկյանը սկզբնապես լեզվի մակարդակները նույնակա սահմանափակում էր նախադասությամբ, գտնելով, որ տեքստին բարիս բուն իմաստով հատուկ չեն այնպիսի կարգեր, որոնք հանդես չեն գալիս նախադասության մակարդակում: Սակայն հայերենի կառուցվածքի բոլոր մակարդակների վերլուծությունը բերեց այն

¹ Հայտ Գ. Զահուկյան՝ *Пролегомены к субстанциональной лингвистике* գրքի, Մ., 1999, էջ 288:

եղրակացության, որ լեզվական կարգերը (կատեգորիաները) տարբեր չափերով հանդես են զալիս բոլոր մակարդակներում, և այդ առումով տեքստի մեջ այդ կարգերի արտահայտությունը ավելի լիակատար բնույթ է կրում²:

Գ. Զահուկյանը (և ոչ միայն) տեքստը հասկանում է որպես բարձր մակարդակի, երկայնային միավոր՝ անկախ նրանից արտահայտության պլանը ինչ միջոցներով է իրականացվում՝ զրավոր, բանավոր, կինետիկական և ինչպիսի գործառական ոլորտի է այն վերաբերում:

Տեքստաբանության ժամանակակից ուղղություններում տրվում է տեքստի հետևյալ սահմանումը.

«Տեքստը համակարգված կառուցվածքային բարձրագույն ձև է, որ բովանդակում է հաղորդում աշխարհի մի հատվածի վերաբերյալ, կազմված է հեղինակի մտահղացումով, ունի կառուցվածքային (կոմպոզիցիոն), իմաստաբանական և գործաքանական (պրազմատիկ) միանություն, վերամշակված է համապատասխան լեզվի գործառական և ոճական նորմերի»⁴:

Ինչպես նշեցինք, միակարծություն չկա նաև տեքստի նվազագույն միավորի առանձնացման և անվանման մեջ: Ունանք անվանում են պարբերություն (ուրիշները, պարբերություն ասելով, ի նկատի ունեն միայն զրավոր արտահայտությունը), մյուսները գերնախաղասական (գերֆրազային՝ СФЕ) միանություն, շարահյուսական բարդ ամբողջություն, միկրոտեքստ, դիսկուրս և այլն:

Գ. Զահուկյանը տեքստի նվազագույն միավորը համարում է պարբերությունը (իինույթ): «Հինույթի կամ հինույթների մեկ միասնական ամբողջությունը, որը հանդես է զալիս որպես ավարտուն տեքստ (հենք)՝ լիահինույթ»⁵:

«Գերնախաղասական (գերֆրազային՝ СФЕ) միանություն, շարահյուսական բարդ ամբողջություն, միկրոտեքստ, պարբերություն), խոսքի հատված՝ երկու և ավելի ինքնուրույն նախադասությունների հաջորդականությամբ, միացած թեմայի ընդհանրու-

² Գ. Զահուկյան, Շարահյուսական ուսումնասիրություններ, Ե., 2003, էջ 63:

³ Г.Б.Джаукиян, Пролегомены к субстанциональнои лингвистике, М., 1999, էջ 287:

⁴ В.А.Маслова, Современные направления в лингвистике, М., 2008, էջ 27:

⁵ Գ. Զահուկյան, Շարահյուսական ուսումնասիրություններ, Ե., 2003, էջ 63:

թյամք՝ իմաստային դաշտում: Այն կարող է համընկնել պարբերության հետ, կարող է՝ ոչ⁶:

Այժմ արդյունավետ կերպով քննարկվում են կապակցված տեքստի զանազան տեսակներն ու միջոցները (տրամաբանական, զուգորդական և այլն), որոնցում «կապակցման գործառույթը ունեն նաև ավանդական քերականական կապի միջոցները, որոնք առանձին նախադասությունների կապի միջոցներ են: Մրանք կապում են գերնախադասական (գերֆրազային) միասնությունների ավելի մեծ հատվածներ, պարբերություններ և այս պլանով ձեռք են բերում ներտեքատային կապի (կոդեգիայի) կարգավիճակ»⁷:

Նախադասությունների կապակցման բառական միջոցներ են շաղկապները, շաղկապական բառերն ու բառակապակցությունները, որոնք նաև տեքստի բաղկացուցիչների կապակցման միջոցներ են: Այս դերով հանդէս են զալիս նաև նյութական իմաստ ունեցող խոսքի մասերից դերանունները, շատ գոյականներ, ածականներ, մակրայներ և այլն, տարբեր նախադասություններում մեկ ընդհանուր անդամը, որոնք, բացի նախադասության մեջ կատարած իրենց շարահյուսական դերից, ունեն կապակցական արժեք՝ հարաբերության մեջ մտնելով տեքստ կազմող նախադասությունների հետ (վերջիններիս քննությունը մեր նպատակից դուրս է):

Դրանք են՝

ա) համադասական շաղկապները (և, ու, բայց, սակայն, իսկ և այլն),

բ) ստորադասական շաղկապները (որ, որովհետև, որպեսզի և այլն),

գ) շաղկապական բառերը և կապակցությունները (ինչ վերաբերում է, այսպիսով, այսպէս ուրեմն, օրինակ և այլն):

Այս տեսանկյունով դիտարկենք Մերուժան Սիմոնյանի «Հուրիւր թիթեռի պատմությունը» գրքից հետևյալ հատվածը.

«Անձրևաջուրը սրբել տարել էր բլրակի հողը (1)...

Հուրիւրի աշխարհ գալուց դեռ շատ առաջ մասրաբոլի մայր արմատը խոր թաղվել, ճյուղավորվել էր բլրի սրտում (2): Ժամանակ

⁶Տե՛ս <http://Naremark-narod.ru/les435a.html>, Լингвистический энциклопедический словарь, Сверхфразовое единство:

⁷Ի.Р. Գալյերին, Տекст как объект лингвистического исследования, М., 1981, էջ 78:

անց նրա արմատները հասունացել, ամենքն արդեն ինքն իր հերթին ճյուղավորվել, սնում էին մասրաքոլը (3):

Որ մասրաքոլը գարնան շեմին շղարշաթև, թափանցիկ, ծաղկազօծ է դառնում, մայր արմատի և նրա որդոց շնորհիվ է (4): *Սա* աշխարհի վրա այնքան հայտնի իրողություն է, որ այս մասին, թվում է, խոսելն անզամ ավելորդ է (5): *Բայց արի ու տես,* որ հայտնի իրողություններից զատ, աշխարհում կա նաև նախախնամություն (6)...

Եվ նրա կամոք՝ անձրևաջուրը սրբել տարել էր բլրակի հողը, եղել էր նրա կամոք՝ և որդի արմատը մատնվել էր ծարավի, տապի, կարծրասու միջատների աղմուկ աղաղակին ու հալածանքին (7): Նրա կամոք արդեն որքան ժամանակ էր որդի արմատը լուր համբերությամբ տանում էր հալածական գոյությունը (8):

Եվ օրը հասավ՝ որդի արմատը տեսավ, որ անձնատուր է լինում ու ձայնեց անզոր (9):

Երրորդ պարբերության 4-րդ նախադասությունը նախորդի հետ կապված է որ շաղկապով՝ ստորադասական հարաբերությամբ: 5-րդ նախադասությունը սա ցուցական դերանվամբ՝ փոխարինման բառով է կապակցվում նախորդ նախադասության հետ: 6-րդ նախադասությունը բայց արի ու տես ներհակական շարականական կառուցով է կապակցվում նախորդի հետ՝ արտահայտելով հավելական հարաբերություն: Չորրորդ պարբերությունը և միավորական շաղկապով և նրա կամոք փոխարինման բառով է կապվում երրորդ պարբերության 6-րդ նախադասության հետ, իսկ անձրևաջուրը սրբել տարել էր բլրակի հողը կրկնության միջոցով կապակցվել է առաջին պարբերություն-նախադասության հետ: 8-րդ նախադասությունը նրա կամոք բառակապակցության կրկնությամբ է կապված 7-րդ նախադասության հետ: Հինգերորդ պարբերությունը և միավորական շաղկապով է կապվում չորրորդ պարբերության հետ՝ արտահայտելով համադասական հարաբերություն: Ինչպես տեսնում ենք, պարբերությունը կազմող նախադասությունների կապն ավելի սերտ է, քան պարբերությունները կապակցող կապի միջոցները:

Բերենք ևս մի օրինակ Մերուժան Սիմոնյանի ստեղծագործություններից: «Աև արլորականչի համաստեղությունը» ժողովածուի

մանրապատումներից մեկում գրված է. «Եթե եկա այստեղ, ինչոք բան առջևում էր, անհայտությամբ լի: Հիմա անցյալ է, հիշողություն, իսկ առջևում կրկին նույն անհայտությունն է: Դեռ որքան մարդ կգա ծովափնյա այս փոքրիկ գյուղը:»

Իսկ ծովն օր ու գիշեր շարունակ ջնջելու է կարմիր ավազների հուշերը:

Պարբերությունը սկսվում է ստորադաս նախադասությամբ, որը ժամանակային հարաբերությամբ կապված է համադաս բաղադրիչներով նախադասությունների հետ: Հակադրությունն ընդգծելու նպատակով պարբերությամբ առանձնացված է իսկ ծովն օր ու գիշեր շարունակ ջնջելու է կարմիր ավազների հուշերը համադաս բաղադրիչով նախադասությունը, որն սկսվում է իսկ ներհակական շաղկապով: Այս երկու զուգորդվող պատկերացումները (հիշողություն, անհայտություն) կապվում են հոգեբանական հարաբերությամբ, որին ներհակական հարաբերությամբ կապվում է իսկ ծովը համադաս բաղադրիչով նախադասությունը:

Մի հատված էլ բերենք Ս. Աբրահամյանի «Ժամանակակայից գրական հայերեն» գրքից:

Շատ ինքնատիպ է թվականների կազմությունը (1): Եթե նկատի ունենանք, որ ամեն մի թիվ մի թվական է, ապա կստացվի, որ որքան թիվ է հնարավոր կազմել, այնքան էլ թվական կա (2): Իսկ հնարավոր թվերի քանակն անսահմանափակ է (3): Եթե նկատի ունենանք քանակականներից կազմվող մուտք թվականները ևս, ապա պարզ կդառնա, որ սահմանափակ քանակությամբ արմատներով ու ածանցներով կարելի է կազմել անսահմանափակ թվով թվականներ (4): Այսպիսով՝ միլիոնավոր ու միլիարդավոր թվականները կազմվում են արմատական թվականների տարբեր դասավորություններով (5): Ուրիշ ոչ մի խոսքի մասի հատուկ չէ այսպիսի ազատ կազմությունը (6):

Երկրորդ նախադասությունը 1-ի հետ կապված է պայմանի հարաբերությամբ՝ եթե շաղկապով: 3-րդ նախադասությունը ներհակական հարաբերությամբ է կապված 2-րդ նախադասության հետ՝ իսկ շաղկապով, իսկ 4-րդ նախադասությունը պայմանի հարաբերությամբ է կապված 3-րդ նախադասության հետ՝ եթե շաղկապով: Այսպիսով շաղկապական բառով են կապվում նախորդ նախադա-

սուրյունների հետ 5-րդ, 6-րդ նախադասությունները՝ արտահայտելով ընդհանրացման կամ հետևողայն հարաբերություն:

Այս առումով քննենք «Ավանգարդ» թերթից բերված հոդվածներից հետևյալ հատվածները.

«Իրական կոչումը ի վերուստ է տրվում (1): Ու թե նվիրյալն ես այդ կոչումի, ու մեծ է վաստակի՝ գնահատանքը չի ուշանում (2): Իսկ ամենաանաշար գնահատանքը ճանաչումն է, համաժողովրդական սերն ու վաստահությունը (3):

Այս ամենի առջև սոսկ պայմանական են մյուս տիտղոսները (4) (Ավանգարդ, 11.6.2015):

2-րդ նախադասության ու թե բաղադրյալ շաղկապի թե-ի պայմանական հարաբերություն արտահայտելը թուլացնում է ու շաղկապի միավորական իմաստը: 3-րդ նախադասությունը՝ իսկ համադասական շաղկապով, ներհակական հարաբերությամբ է կապված 2-րդ նախադասության հետ: Երկրորդ պարբերությունն սկզբում է այս ամենի դերանվանական (փոխարինման) կապով, որը հանդես է գալիս իր շարահյուսական պաշտոնով, որի բովանդակությունն արտահայտված է նախորդ պարբերությունում: Նրանով կապակցվում են երկու պարբերությունները:

«.....Բացակայում են ՀԵ, ՂԲ, ՂԳ դավանաբանական խոշոր գլուխները (1): *Օրինակ՝* Վ. Գևորգյանի թարգմանության մեջ ՂԳ-ի քանչօրս ենթագրության ներառված է երեքը (2): Իսկ ՂԴ և ՂԵ գլուխները ամբողջական չեն ներառվել (3): Եվ նույն պատճառով երկու խոշոր թարգմանիչների մոտ էլ դավանաբանական ենթագլուխներ են պակասում ՂԳ և ՂԵ գլուխներից (4):

Եվ նշած երկու խոշոր թարգմանիչները ստիպված էին տուրք տալ, որպեսզի Մատյանը կարողանային լրիս աշխարհ հանել, թեկուզե պակասով, թեկուզե «պոեմ» անվան տակ, ինչը թիշ հարիր է կենդանի աղոթքամատյանին (5): Այս առումով ներանյանի թարգմանությունը դավանաբանությամբ առողջ ու լրտք է և հավատարմատար (6): Գևորգյանը, ցավոք, Մատյանը աղոթքամատյան չեր համարում, այլ ընդունում էր միայն՝ որպես հանճարի արտահայտություն (7): Այնուամենայնիվ, պիտի խոնարիվել այն քաջության առաջ, որ այս թարգմանիչները գործեցին՝ բանականորեն այդ խանգարված ժամանակներում (8): Թեկուզե՝ ոչ ամբողջականորեն,

թեկուզ «պոեմ» անվան տակ՝ լույս աշխարհ հանեցին հավատաց-
յալի բալասան այս սքանչելի հավատի ոսկին (9):

Արդ, ընթերցենք ու վերընթերցենք Նարեկը՝ անկեղծ խոստո-
վանությամբ մաքրելով մեր հոգիները և ուժ գտնենք զեթ այդուհետ
զերծ մնալու աշխարհիկ մեղքերից, որոնք մարդու հոգին են սպա-
նում (10) (Ավանգարդ, 11.6.2015):

Տերսուի 2-րդ նախադասությունը օրինակ շաղկապական բա-
ռով է կապակցվում 1-ին նախադասության հետ՝ արտահայտելով
մասնավորման հարաբերություն: 3-րդ և 4-րդ նախադասություն-
ների իսկ, և շաղկապների կապակցական դերի մասին նախորդ
օրինակներում խոսել ենք:

Եվ նշածս շաղկապական բառով 2-րդ պարբերությունը կապ-
վում է 1-ին պարբերության հետ՝ արտահայտելով միավորական
հարաբերություն: 6-րդ նախադասությունը այս առումով կապակ-
ցությամբ կապ է ստեղծում 5-րդ նախադասության հետ և ցուց
տալիս երկու թարգմանիչների թեկուզ պակասով, պոեմ անվան
տակ Մատյանի լույս աշխարհ հանելը, հետևաբար պատճառի
պարագա է: 8-րդ նախադասությունը այնուամենայնիվ զիջական
շաղկապով է կապակցվում 7-րդ նախադասության հետ՝ արտահայ-
տելով զիջական հարաբերություն: Թեկուզն զիջական շաղկապով է
կապակցվում 9-րդ նախադասությունը 8-րդ նախադասության հետ՝
արտահայտելով նույնպիսի հարաբերություն:

Հոդվածագիրը, այլ հարցի մասին խոսելով, ավելի մեծ անցում
է կատարում՝ օգտագործելով արդ շաղկապական բառը, որով
ներտեքստային կապ է ստեղծվում նախորդ պարբերությունների
հետ: Այս շաղկապական բառը հատուկ է զիտական ոճին:

Բերենք մի հատված արտգործնախարար Է. Նալբանդյանի
բրագիլական «Էստադա» թերթին տված հարցազրույցից:

«Մենք կարծում ենք, որ բոլոր հարցերը պետք է կարգավորվեն
երկխոսության, բանակցությունների և ոչ թե ուժի կիրառման, այդ
թվում՝ տնտեսական հարկադրանքների միջոցով:»

Ինչ վերաբերում է սփյուռքին, Ռուսաստանում ունենք մեծ
հայկական (իիս, հայկական մեծ) համայնք՝ մոտ 2,5 միլիոն մարդ:
Ինչպէս նաև Ռուսաստանում բնակվող մոտ 500 հազար հայեր
ունենք» (ՀՀ, 8.7.2015):

Այստեղ տրամաբանական անցումը մի հարցից մի այլ բնույթի հարցի կատարվում է ինչ վերաբերում է շաղկապական բառով, որով երկրորդ պարբերությունը ներտերատային կապով կապակցվում է նախորդ պարբերության հետ, իսկ ինչպէս նաև կապակցությունը հավելական հարաբերությամբ է նախադասությունը կապակցում նախորդ նախադասության հետ:

Ներտերատային կապի միջոց է նաև շաղկապի, շաղկապական բառի ու նախադասության (նախադասությունների) կրկնությունը: Այս առումով քննենք Վ.Դավթյանի «Անկեզ մորենի» բանաստեղծությունների շարքը, որ իր ծննդավայրի և կենսագրության մասին է: Նախերգանքն սկսվում է. «....Եղ կան ժամեր, կան ժամեր, որ երբ կոպերս եմ փակում, իմ ցավի մեջ ու հույսի կապույտ աստղեր են կաթում» և ավարտվում՝ «....Եղ կան ժամեր, կան ժամեր, որ երբ կոպերս եմ փակում, Այդ աստղային պատրանքից ցավիս մեջ ցավ է կաթում» տողերով: Այս բարդ նախադասությունը կազմված է երկու համադաս բաղադրիչով նախադասություններից և մեկ բաղադրիչ ստորադաս նախադասությունից, որը ժամանակային հարաբերությամբ է կապված նախորդ նախադասության հետ: Բարդ նախադասությունը՝ և շաղկապով և կրկնությամբ, նախերգանքի վերջը կապում է սկզբի հետ, միայն թե այս անգամ բանաստեղծը «կոպերը փակելիս ցավի ու հույսի մեջ կապույտ աստղեր կաթալու աստղային պատրանքի» փոխարեն նրա «ցավի մեջ ցավ է կաթում»: Ներտերատային նույնպիսի կապակցման միջոցի ենք հանդիպում Վ. Դավթյանի «Ծովին ծխանի» պոեմում, որտեղ պոեմի վերջը և բնարանը կապված են իրար հետ և շաղկապի և բարդ համադասական նախադասության կրկնության միջոցով: Այն կազմված է երկու համադաս բաղադրիչներով նախադասություններից, որոնք արտահայտում են միավորական հարաբերություն:

Այսպէս՝ Եվ ծխի մեջ ճերմակ Արարատն է ցոլում,
 Եվ խշում էր, խշում Արտաշատի բարդին:

Իսկ Վ. Դավթյանի «Անկեզ մորենի» բանաստեղծությունների շարքում և, ու շաղկապները կապակցում են նաև առանձին բանաստեղծություններ և բանաստեղծությունների տներ (Ծննդավայր, Եվ մի աշխարհ մնաց այնտեղ, Եփրատը, Փուշը, Կանչ, Մեր ծիծեռնակը, Նուտը և այլն), որոնք բանաստեղծի «կորցրած աշխարհի»՝

որպես մեկ ամբողջության, մասերի բնութագրումներն են՝ միավորական հարաբերությամբ:

Ինչպես՝ Եղմի աշխարհ մնաց այնտեղ.

Եղմնացին ակնադրյուրներ

Եղմակներ,

Եղմնացին արահետներ... (Եղմի աշխարհ մնաց այնտեղ)

Եղմ ոլորվում է մեր քարավանը,

Եղմ ինչ եմ տեսնում վերջին անգամ... (Եփրատ)

Կամ՝

Ու մինչև հիմա չգիտեմ հաստատ,

Դեղին տենդ է դա, երազ է, թէ⁹ հուշ... (Փուշը)

Ու ես ասում եմ. – Կանգնիր առավոտ,

Ես ել եմ գալիս...

Ու ես չգիտեմ, դա անլսելի

Զնզոցն է քարի... (Կանչ)

Բերված օրինակներում ոչ միայն շաղկապներն ու շաղկապական բառերն են տեքստային կապի միջոցներ, այլև կրկնությունը և փոխարինումը (ցուցաբառերը):

Պարզելով տեքստ կազմող նախադասությունների կառուցվածքը, կապակցումը՝ նկատել ենք, որ նրանց միջև առկա են նույն հարաբերությունները, ինչ բարդ նախադասության բաղադրիչների միջև⁸: Սակայն բարդ նախադասության ոչ ինքնուրույն բաղադրիչների կապերը սովորաբար ավելի սերտ են, քան գերնախադասական (գերֆրազային՝ СФЕ) միասնություննը կազմող նախադասությունների կապերը, սրանց կապերն ել ավելի սերտ են, քան առանձին պարբերությունների կապերը: Վերջիններիս կապերն ել ավելի սերտ են, քան առանձին հատվածների, գլուխների կապերը:

Այս քննությունը կարեոր է նաև նախադասության և նրա կիրառության ամբողջական պատկերը ցույց տալու առումով:

⁸ Ա.Քարսելյան, Բարդ նախադասության բաղադրիչների կապակցման ոչ կանոնական դրսնորումներ Ձև-Ների լեզվում, Լրաբեր հաս. զիս., 2014, 2, էջ 200-206:

Барсегян Амалия - Словесные средства сочетания предложений в тексте.- В статье из словесных средств предложения рассматриваются союзы и союзные слова, как средства внутритеекстовой связи, внутри сверхфразовых единиц, между абзацами, отдельными частями и главами.

Стало заметно, что сходства связей уменьшается, что обуславливается наибольшей самостоятельностью предложений.

Barseghyan Amalya - Verbal Means of a Combination of the Sentences in the Text.- In this article are touched upon the conjunctions and conjunction words of verbal means of the sentences as a means of textual connection, within super-phrasal unity, between paragraphs, parts and chapters.

It was noticeable that the similarity of the connections is reduced, which caused by the greatest autonomy of the sentences.

Լիլիթ Բրուտյան (Հայաստան,
Երևանի պետական համալսարան)

**ՀԱՃՈՅԱԽՈՍՈՒԹՅՈՒՆՆԵՐԸ ՀԱՅԿԱԿԱՆ
ԼԵԶՎԱՄՇԱԿՈՒՅԹՈՒՄ (ՌՈՒՍԵՐԵՆԻ ԵՎ ԱՄԳԼԵՐԵՆԻ
ԶՈՒԳԱԴՐՈՒԹՅԱՄԲ)**

Ինչպես արդարացիորեն նշում է Ա. Պ. Սաղոխինը, «սահմանված է, որ հաղորդակցման բնույթը, ձևը և ոճը մեծապես կախված են շփման առաջին բովեներից, իսկ երբեմն՝ վայրկյաններից։ Գոյություն ունեն բազում... պարզ հնարքներ, որոնք բովյլ են տալիս ցանկացած իրավիճակում ոյուրացնել հաղորդակցման ամբողջ հետագա ընթացքը պայմանավորող սկզբնական փուլը։ Այդ հնարքներից է... հաճոյախոսությունը (ընդգծումը իմ է - Լ. Բ.):»¹

Թեմայի ընտրությունը պայմանավորված է վերջին տարիներին միջանձնային և միջմշակութային արդյունավետ հաղորդակցման զանազան կողմերի քննության հանդեպ աճող հետաքրքրությամբ, տարբեր տեսակի խոսողական ակտերի հաղորդակցայինգործաբանական հայեցակետերի, ինչպես նաև խոսքային վարվելակարգի զանազան ձևերի ավելի խորը վերհանման անհրաժեշտության գիտակցմամբ։ Ուսումնասիրության առարկա հանդիսացող հաճոյախոսության խոսողական ակտը ասվածի լույսի ներքո հոյժ կարեոր է և արդիական։

Հոդվածի նպատակն է վերլուծել հաճոյախոսության խոսողական ակտը հայկական լեզվամշակույթում, վերհանել դրա առանձնահատկությունները։ Հայերս ծայրահեղությունների ժողովուրդ ենք։ Մի կողմից, տոնական սեղաններին կանանց հասցեին հնչում է շռայլ գովասանք։ Մենք անզամ աշխարհում նմանը չունեցող «կանանց միամյայկ» ենք սահմանել, եթե ամեն օր գովարանում ենք, ժայխոներ, ծաղիկներ ու հաճոյախոսություններ ենք նվիրում կնոջը։ Այսու կողմից, առօրյա կյանքում մի տեսակ դժվարությամբ ենք հաճոյախոսում միմյանց։ այստեղ դեր ունեն կենցաղային դժվարությունները, նաև մեր հոգեկերտվածքը։ Ուզում եմ այստեղ մեջբերել

¹ А.П. Садохин, *Межкультурная коммуникация*, М., 2010, էջ 139:

հայ մեծագույն դերասանն ու հասարակական գործիչ Սոս Սարգսյանի խոսքերը: «Կոմսոմոլսկայա պրավդա» թերթին տված հարցազրույցում [2009 թվական, դեկտեմբեր, թիվ 50] նա ասում է. «Փրկարար սուտը՝ հզոր բան է: Անզամ տգեղ կնոջը կարելի է հաճոյախոսություն անել, ուրախացնել նրան: Իմ ժողովուրդն ունի պետական... Ճշմարտություն»:

Բով ինչպէ՞ս ենք մենք ընկալում հաճոյախոսությունները, եթե դրանք լավ, անկեղծ հաճոյախոսություններ են: Դիտարկումները ցույց են տալիս, որ հայերը, հատկապես հայ կանայք սիրում են հերքել հաճոյախոսությունները՝ ասելով. «Ոչ, այդպէս չէ», «Ինչ եք ասում, հակառակը» և այլն: Այստեղ զգացվում է հոգեկերտվածքը. անվստահությունը զրուցակցի նկատմամբ, միտվածությունը ինչոր քակարդ, ինչոր գաղտնի, քողարկված իմաստ վերհանելուն, ինչպէս նաև մեր կաշկանդվածությունը, հաճոյախոսություններ ստանալու փորձի պակասը: Հարկ է ընդգծել, որ ասվածը մեծապէս վերաբերում է միջին ու բարձր տարիքի կանանց: Մերօրյա երիտասարդ սերունդը՝ ի դեմս դեռաստի կանանց, օրիորդների ու աղջնակների մեծ արժանապատվությամբ, երախտագիտության խոսքերով են ընդունում հաճոյախոսությունները՝ թերևս ամենաբախանց ամերիկանացման ազդեցության ներքո:

Կառուցվածքային-բովանդակային առումով հայկական հաճոյախոսությունների առանձնահատկություններից է հաճոյախոսություն-համեմատությունների առատությունը, երբ մարդը համեմատվում է, օրինակ, արևի, լուսի, կրակի, ոսկու, Աստծո, թագավորի, տաճարի, հոգու, լեռան, պոեզիայի, երաժշտության հետ: Օրինակ, «Դու գեղեցիկ ես ինչպէս քանաստեղծությունն ու խորը, ինչպէս երաժշտությունը»: Օրիորդին հաճախ համեմատում են ծաղիկների, վարդի հետ, մարդու խոսքը՝ նեկտարի, մեղրի: Հայկական մշակութում երբեմն հաճոյախոսություն է կնոջը տղամարդու հետ համեմատելը, նրան տղամարդկային հատկանիշներ վերագրելը («Նա տղամարդ կի՞ն է»):

Հատկանշական է, որ շատ մշակույթներում որպէս հաճոյախոսություն զրծածվում են համեմատությունները կենդանական աշխարհի ներկայացուցիչների հետ, ընդ որում՝ այն, ինչ հաճոյախոսություն է համարվում մեկ մշակույթում, կարող է միանա-

մայն անհասկանալի և անգամ վիրավորական լինել մյուսում։ Այսպես, ոռու մշակույթում *պտիչկա, բախոնյակ, սոկոլ, օրլենոկ* (թռչնակ, ձկնիկ, բազե, արծվիկ) փաղաքշական, գովաբանող անուններ են:² Ըստ Ի. Ն. Գորելովի և Կ. Ֆ. Սեդովի, «այլ մշակույթի կրողների վրա շատ տարօրինակ տպավորություն կարող են թողնել կանանց հասցեին արվող որոշ հաճոյախոսություններ։ Հնդկաստանում կնոջը կարելի է հաճոյանալ՝ նրան համեմատելով կովի հետ, իսկ նրա բայլվածքը՝ փղի բայլվածքի հետ։ Ճապոնուհու համար լավ հաճոյախոսություն է համեմատությունը օձի հետ, բաշկիրուհու համար՝ ձևի ու շարժումների կատարելությունը մարմնավորող տզրուկի։ Ռուսական մշակույթում «Գյունյա» (սագ) դիմելածեր վիրավորանք է կնոջ համար։ Եզիստոսում դա բնրուշ հաճոյախոսություն է»:³ Հայաստանում տղամարդու համար հաճոյախոսություն կարող է լինել նրան առյուծի, արծվի հետ համեմատելով։ Երեխային փաղաքշորեն անվանում են զառնուկ, իսկ ջերանի հետ համեմատությունը հաճոյախոսություն է կնոջը։

Հայ և ոռու գեղարվեստական գրականությունից հավասար թվով (200-ական օրինակ) քաղված հաճոյախոսական դիսկուրսների՝ մեր անցկացրած վերլուծությունը ի հայտ բերեց, որ մարդու արտաքին տեսքին վերաբերող **հաճոյախոսությունները** երկու լեզվամշակույթներում հանդիպում են գործնականում նույն քանակով (ընդհանուր քանակի համապատասխանաբար 15 և 14 տոկոս)։ Հատկանշական է, որ արտաքինի առանձին տարրերին վերաբերող հաճոյախոսությունների մեջ հայերենում գերակշռում են աչքերը, հայացքը բնութագրող հաճոյախոսությունները։ Նման հաճոյախոսություններ անելիս խոսում են բարի, խելացի, ոյութող, մողական, հաճախ անգամ քաղցր հայացքի մասին։ Պատահական չե, որ բանաստեղծների ու գրողների կողմից բազմիցս գովերգված, կորսված հայրենիքի անհուն կարուն ու տիրությունը կրող *հայի աչքերն* են հանդես գալիս որպես հայերի մշակութային կողի, հայ ինքնության կարևորագույն էթնիկական հատկանիշներից մեկը։ Հարկ է նաև նշել, որ գովելով մարդու աչքերը, հայացքը, հայկական մշակույթում

² Տես՝ **М. Феллер, Как рождаются и живут слова**, М., 1964, էջ 59:

³ И.Н. Горелов, К.Ф. Седов, Основы психолингвистики, М., 2005, էջ 132:

միաժամանակ ներակայորեն դրվատվում է նաև նրա խորաթափանցությունը, խելքը: Հայերենում տարածված են զրուցակցի ձայնին վերաբերող հաճոյախոսությունները՝ այն բնորոշելով որպես հաճելի, քաղցր: Ընդհանուր առմամբ արտաքին տեսքին վերաբերող հայերեն հաճոյախոսություններում լայնորեն գործածվում են հոմանիշները, մակդիրները, ածականների գերադրական աստիճանները և այլն, ինչը հայերի զգացմունքայնության արտացոլումն է:

Մարդու ներքին, բարոյական որակներին վերաբերող հաճոյախոսությունները նույնպես գործնականում նույն քանակով են հանդիպում հայկական (20 տոկոս) և ոռոսական (18 տոկոս) լեզվամշակույթներում: Հատկանշական է, որ նման հաճոյախոսություններն ավելի շատ են, քան արտաքինին վերաբերողները: Վերլուծությունը ցույց է տալիս, որ մարդու ներքին, բարոյական որակներից հայկական մշակույթում առավել հաճախ դրվատանքի են արժանանում ազնվությունը, արդարությունը, բարությունը, խղճմտությունը, բարեսրտությունը, մարդկայնությունը, մեծահոգությունը, խիզախությունը, բարեպաշտությունը, հնազանդությունը:

Դառնալով զրուցակցի ազգականների հասցեին արվող հաճոյախոսություններին, որոնք հայկական լեզվամշակույթում գերակայում են ոռոսականի նկատմամբ (համապատասխանաբար 7 և 4 տոկոս), պետք է նշել, որ հայկական մշակույթում նախ և առաջ գովում են զավակներին: Դա բացատրվում է հայերի ընդգծված սիրով երեխանների նկատմամբ, որոնք ընտանեկան աստիճանակարգում զբաղեցնում են անվիճարկելի առաջին տեղը: Եվ, հաճոյախոսելով զավակին, մենք դրանով իսկ մեծարում ենք ծնողին:

Ինչ վերաբերում է մարդու մասնագիտական որակներին կամ որոշակի ունակություններին առնչվող հաճոյախոսություններին, ապա դրանք հայկական մշակույթում շատ ավելի քիչ են, քան ոռոսականում (համապատասխանաբար 10 և 22 տոկոս): Այդպիսի հաճոյախոսություններում հայերենում գերակշռում են տալանդավոր, շնորհալի, հմուտ և նման մակդիրները: Կոնկրետ բովանդակությամբ այս խմբի հաճոյախոսությունները բնութագրում են երաժշտական ընդունակությունները, հոեստրական վարպետությունը, բանաստեղծական շնորհը, խոհարարական ունակությունները:

Ի տարբերություն այս վերջին խմբի, ընդհանրական հաճոյա-

խոսությունները, որոնք համադրում են մարդու գովեստը միաժամանակ մի քանի չափորոշիչներով, ինչն ուժեղացնում է հաճոյախոսության զգացմունքային ուժը, հայկական մշակույթում ոչ միայն գերակայում են ոռւսականի նկատմամբ (համապատասխանաբար 30 և 19 տոկոս), այլև տոկոսային առումով ամենամեծ խումբն են կազմում բոլոր տեսակների մեջ:

Հասարակության տարրեր սոցիալական շերտերը, տարիքային ու սեռային տարրեր խմբերը ներկայացնող ութառուն հայերի շրջանում անցկացված հարցումը⁴ վերհանել է հետևյալը. 1) 20-35 տարիքային խմբում կանաց մեծամասնությունը (20-ից 15-ը) գերադասում է ոչ թե անել, այլ ստանալ հաճոյախոսություններ: Այս տարիքային խմբի տղամարդիկ նույնպես գերադասում են հաճոյախոսություններ ստանալ, թեև ավելի քիչ չափով (20-ից 11-ը): Ուշագրավ է, որ ավելի բարձր տարիքային խմբում (35-50) երկու սեռերի ներկայացուցիչների մեծամասնությունը գերադասում է հաճոյախոսություններ անելը: 2) 20-35 տարեկան կանայք ու տղամարդիկ առաջին հերթին գովում են մարդու արտաքինը (20-ից 13-ը), մինչդեռ 35-50 տարիքային խմբում «Ամենաշատը մարդկանց հատկանիշներից ի՞նչն եք գովում» հարցին երկու սեռերի հարցվածները տվել են գործնականում նույն պատասխանները. հարցված 20-ական տղամարդկանցից ու կանանցից համապատասխանաբար 15-ն ու 13-ը նշել են մարդու որոշակի ունակությունները (տղամարդիկ հիմնականում գովում են սեփական կանաց խոհարարական հմտությունը), հետո գալիս են մարդկային որակները, ինտելեկտը: Մյուսները գովում են մարդու արտաքինը, սակայն, ի տարբերությունը ավելի երիտասարդ հարցվածների, նշում են նաև գրուցակցի ճաշակը:

Հայկական, ռուսական ու անգլիական լեզվամշակույթներում հաճոյախոսության խոսողական ակտի առավել խորը գուգադրական վերլուծության նպատակով վերլուծել ենք համապատասխան բառարանային հոդվածները, հաճոյախոսություններին առնչվող դարձվածքները, բառակապակցությունները, առածներն ու ասացվածքները, ինչպես նաև հաճոյախոսական դիսկուրսի նմուշներ հա-

⁴ Որպես հիմք ընդուվել է Երևանի պետական համալսարանի մագիստրատուրայի ուսանող Մարիա Զեկուչյանի անցկացրած հարցումը:

յերենում, ոռուսերենում և անգլերենում: Վերլուծությունը թույլ է տվել անելու հետևյալ եզրահանգումները. ա) արսիոլոգիական (գնահատողական) բնութագրման տեսանկյունից առավել դրական երանգավորումը հաճոյախոսությունն ունի անգլիական լեզվամշակույթում, իսկ առավել բացասականն ու սուբյեկտիվը՝ հայկականում: Իսկ ոռուսական լեզվագիտակցության մեջ հաճոյախոսությունը գերակշռող դրական երանգավորումների կողքին ունի նաև բացասականը՝ կապված ինչպես հասցեատիրոց գերազնահատելու, այնպես էլ հաճոյախոսության հեղինակի շահախնդիր նպատակադրումների հետ, բ) հայերի ու անգլիացիների շրջանում հաճոյախոսելու առումով դիտարկվում է ավելի մեծ զսպվածություն, գ) անգլիական մշակույթում, ի տարբերություն հայկականի ու ոռուսականի, հաճոյախոսությունը կրում է ավելի շատ ձևական բնույթ, դ) հայկական ու ոռուսական լեզվագիտակցության մեջ, ի տարբերություն անգլիականի, հաճոյախոսությունը կապված է լինում խողոսի՝ անձնական շահ հետապնդող մտադրության հետ, ե) անգլիական լեզվագիտակցության մեջ հաճոյախոսությունը կապվում է առաջին հերթին հավանության արժանացնելու հետ, ինչը բացակայում է հայկականում, զ) ի տարբերություն հայկականի, անգլիական և ոռուսական մշակույթներում հաճոյախոսությունը կապվում է քաղաքավարության և հարգանքի հասկացությունների հետ, ե) հայկական լեզվագիտակցության մեջ, ի տարբերություն ոռուսականի ու անգլիականի, հաճոյախոսությունը հիմնագուրկ գովասանք է, ը) հաճոյախոսությունները ոռուսական և հատկապես հայկական մշակույթներում, ի տարբերություն անգլիականի, ընդունվում են ավելի մեծ «դիմադրությամբ»:

Ամփոփելով՝ կարելի է եզրակացնել, որ հայկական, ոռուսական ու անգլիական լեզվամշակույթներում հաճոյախոսության խնսողական ակտի գործառնության ողջ նմանությամբ հանդերձ, հայկական լեզվամշակույթում կիրառվող հաճոյախոսություններում առկա են էական տարբերություններ, որոնք արտացոլում են հայերի ազգային հոգեկերտվածքը և ուրույն աշխարհներում:

Իսկ ավարտել ուզում եմ Բուլատ Օկուզավայի խոսքերով.

«Եկեք հաճոյախոսենք միմյանց: Ձե՞ն որ այդպես պարզեսում ենք սիրո երջանիկ պահեր»:

Brutian Lilit – Compliments in the Armenian Linguoculture (in the Comparison with Russian and English). - In the paper, the speech act of a compliment in the Armenian linguoculture is analysed in the comparison with Russian and English compliments. The comparative analysis has revealed the peculiarities of Armenian compliments which reflect the specific mentality of the Armenians.

Лилит Брутян – Комплименты в армянской лингвокультуре (в сопоставлении с русской и армянской). – В статье анализируется речевой акт комплимента в армянской лингвокультуре в сопоставлении с русскими и армянскими комплиментами. Сопоставительный анализ выявляет особенности армянских комплиментов, отражающие специфику менталитета армян.

Դավիթ Գյուլգատյան (Հայաստան,
Վանաձորի պետական համալսարան)

ՔԵՐԱԿԱՆԱԿԱՆ ԿԱՐԳԵՐԻ ՀԱՄԱՏԵՂՈՒՄԸ ՍՏՈՐՈԳՄԱՆ ՄԵԶ

Առանցքային արտահայտություններ՝ ստորոգում, քերականական կարգ, նշան, ազդանշան, քողարկյալ և արտարկյալ ստորոգումներ, վանկակազմի ստորոգում, գերհամադրական ստորոգում:

Աշխատանքի խորագիրը հուշում է, որ երկու էական հասկացության հետ գործ ունենք ա) քերականական կարգերի և բ) ստորոգման:

Ա) Ընդունված է քերականական կարգերը, քերականության ավանդական բաժանման համապատասխան, երկու խմբով ներկայացնել ձևաբանական կարգեր, շարահյուսական կարգեր: Այս բաժանումը պետք է ընդունել վերապահությամբ: Չենք կարող ասել, իհարկե, թե չկան ձևաբանական և շարահյուսական կարգեր: Պարզապես բանն այն է, որ թեև ունենք զուտ շարահյուսական կարգեր, սակայն զուտ ձևաբանական կարգեր չկան, և վերջիններս ձևաբանական են ոչ նրա համար, որ միայն այդպիսին են, այլ նրա, որ նաև՝ ձևաբանական են, որովհետև դրսեորվելով խոսքում՝ բառահարաբերման դերով և շարահյուսական կապակցության ապահովմամբ անմիջականորեն նպաստում են հաղորդակցության ձևավորմանն ու ծավալմանը: Եթե ասվածին ել ավելացնենք Շառլ Բալիի այն նուրբ նկատումը, թե կամայական քերականական հարաբերության հիմքում կա ստորոգում¹ (որն ինքնին շարահյուսական կարգ է, որին դեռ կանդրադառնանք), ապա կարող ենք թիւ թե շատ ամբողջացած համարել մեր նախնական դրույթը:

Քերականական կարգերի բնորոշման լեզվաբանական հարաշավերն են իմաստակրությունը, իմաստների արտահայտման քերականական միջոցները, միջկարգային անշփոթելիությունը, հակադրվող եզրերի՝ քերույթների պարտադիր առկայությունը (առնվազն երկեզր հակադրություն), որոնցից գոնե մեկը նշութակիր է²: Այս

¹ III. Балли, Общая лингвистика и вопросы французского языка, М., «Иностранный литература», 1955, с. 120:

² Հմնան. Գ. Զահոնյան, Հայոց լեզվի զարգացումը և կառուցվածքը, Երևան, «Միտք», 1969, էջ 116 – 122:

ամենի ընդհանրացումը կլինի նշանագիտական հետևյալ բնորոշումը, որ նաև՝ լեզվաբանական է. քերականական կարգն իր ներսում հակադրվող նշաններ ունեցող նշան է:

Բ) Շ. Բալլիի վերի հիշատակումը ստորոգման խորքային կամ, որ տվյալ դեպքում նույնն է, քողարկյալ (իմպլիցիտ) հատկությանն է վերաբերում, որին ավելի վաղ անդրադարձել է Մանուկ Աբեղյանը՝ առանց տերմինավորման³: Մեր ուսումնասիրությունը, սակայն, կակտենք արտարկյալ (էքսպլիցիտ) կամ մակերեսային ստորոգումից:

Ստորոգման տարածված բնորոշումը սա է. ստորոգումը հատկանիշի վերագրումն է ենթակային: Թող թույլ տրվի ասել սա ստորոգման ոչ թե ճշմարիտ, այլ ճշմարտանման բնութագիրն է, որով էլ պայմանավորված է մեր օրերում Մ. Աբեղյանի՝ նախադասության մեկ գլխավոր անդամի տեսության անտեսումը: Բանն այն է, որ ստորոգման համար որքան «ընչությունն» է կարևոր, նույքան կ՝ ինչպիսությունը (= որքան ինչ-ը, նույնքան՝ ինչպէս-ը): Ստույգ է այն, որ հատկանիշ է վերագրվում ենթակային, բայց իշպէ՞ս է վերագրվում: Կարծում ենք հարցի պատասխանը կօգնի ստեղծագործաբար դարձ կատարելու դեպի արեղյանական ուսմունք:

Կամայական մակերեսային ստորոգման մեջ ստորոգիչը (էական կամ օժանդակ բայր) հավասարության (գուցե ավելի ճիշտ է ասել հավասարեցման) ազդանշան է: Եթե ասում ենք Եղբայրու ուսուցիչ է, ապա տվյալ խոսքիրադրության մեջ նույնացնում ենք «Եղբայր» և «ուսուցիչ» առարկայական հասկացությունները, և այդ նույնացումը՝ որպես առարկաների հավասարեցում, ապահովում է «է» ստորոգիչը: Բերված օրինակը մակերեսային ստորոգումներից թերևս ամենամակերեսայինն է: Սակայն այս մակերեսայնությունը մի ուրիշ խորք ունի, որը չարտարկելու շքացահայտելու դեպում կրախվենք հակասության պատին: Ինչպես նշվեց, համաձայն տարածված սահմանման՝ ստորոգումը հատկանիշի՝ վերագրում է, մինչդեռ մեր օրինակում գործ ունենք երկու առարկայական հասկացության հետ Եղբայր և ուսուցիչ: «Եղբայր» ենթակային «ուսուցիչ» հասկացությունը վերագրվում է որպես «ուսուցող» հատկանիշ՝

³ Տե՛ս Մ. Աբեղյան, Հայոց լեզվի տեսություն, Երևան, «Միտք», 1965, էջ 369:

չվանելով իրենից առարկայնությունը: Այն, որ վերագրյալի մեջ պահպանվում է առարկայական հասկացությունը, հայերենում շատ հեշտ որոշվում է առարկայանիշ հարցի օգնությամբ. «Ի՞նչ է եղբայր»:

Գ) Սակայն եթե բնականոն է միջառարկայական հավասարումը, ապա կարծես մեկ այլ հակասության ենք բախվում այն դեպքում, եթիվ վերագրյալը բուն հատկանշակիր բառ է լինում՝ ածական: Այսպես՝ «Տունը շքեղ է» օրինակում գործ ունենք «տուն» առարկայի և «շքեղ» հատկանիշի հետ, որոնց հարցում տրամաբանորեն հավասարության մասին խոսք լինել չի կարող: Սակայն նոյն տրամաբանությունն օգնում է մեզ համապատասխան կառուցվածքում («Տունը շքեղ է») ևս բացահայտելու առարկայնության չափարաժին, որին նոյնական օգնում է հարցումը: Դիտարկվող նախադասության մեջ բայ-ստորոգյալի անվանական բաղադրիչին առարկայական հարց ենք տալիս՝ տունն ի՞նչ է: Անզամ այն դեպքում, եթիվ հարցը հատկանշային հիմքով է, դարձյալ առարկայացված է տունն ինչպիսի ն է, և առարկայացումը տեղի է ունենում շնորհիվ որոշիչ հոդի: Այսպիսով՝ եթե նախորդ կետի օրինակում վերագրվողը («ուսուցիչ») հատկանշացվող առարկա է, ապա «Տունը շքեղ է» օրինակում հակառակի հետ գործ ունենք. «շքեղ» հատկանիշն է առարկայնաբար վերագրվում «տունը» ենթակային: Ասվածի հիման վրա հետևյալ բնորոշումը կտանք. ստորոգումը հատկանշացվող առարկայի կամ առարկայացված հատկանիշի վերագրումն է ենթակային: Անկախ այն բանից՝ առարկան է հատկանշացվում, թե հատկանիշը՝ առարկայացվում, վերագրումը կատարվում է առարկայնաբար, և սա պարտադիր պայման է ստորոգման համար ստորոգական կառուցվածքի երկու բաղադրիչների միջև ստորոգչի հավասարական ազդանշումն ապահովելու առումով: Ի մի բերելով նախորդ և այս կետերի բնորոշումները՝ ստորոգումը կվերասահմանենք այսպես. ստորոգումը առարկայացված հատկանիշի կամ հատկանշացված առարկայի վերագրումն է ենթակային առարկայնաբար: Վերագրվելիս առարկայական կերպավորումը պարտադիր պայման է, որովհետև հավասարության ապահովման համար կամ համարժեք (համահավասար) հատկանիշներ պիտի ունենանք, կամ այդպիսի առարկաներ: Ենթակայի հատկանշացումը բացառված է,

բանի որ գործողության՝ որպես հատկանիշի առարկան է, ուրեմն բայ-ստորոգյալի անվանական մասի վերագրվող հատկանիշի առարկայացում պիտի լինի նշված հավասարության (հավասարեցման) համար:

Մինչև հիմա բերված օրինակներում ստորոգական բաղադրության երկու բաղադրիչի հարաբերությունն էր ուշադրության կենտրոնում, որը, ինչպես քանից ասվեց, հավասարական հարաբերություն է: Առանց ստորոգչի ենթական և բայ-ստորոգյալի անվանական բաղադրիչն իրենց հավասարայնությամբ հիշեցնում են հարթաշափական (անհատելի) գուգահեռներ, այսինքն չեզոք բաշխման հարաբերության մեջ են: Սրանք կապակցվում են միայն ստորոգիչ բայի միջնորդավորմամբ, նրա հանգուցավորմամբ: Ասվածով վերահաստավում է այն դրույթը, որ նախ համարասությունը կապակցություն չէ⁴, ապա կապակցությունը պայմանավորված է մի միայն տարադասական (= գերադաս / ստորադաս) հարաբերությամբ⁵:

Դ) Զուտ կառուցվածքաբանորեն գերադաս դիրքում է ստորոգիչը: Ստորոգումը, ըստ բարի ներքին ձևի ընկալման, այլ բան չէ, քան «ասելիքը վար բերելը»: Լեզվական համակարգի վերնոլորտից է իշնում Հ-ն (est-ը), եացնում ասելիքը, հետևաբար զուտ կառուցվածքաբանորեն ունենք ստորոգական եռանդամություն՝ ա) ստորոգիչ (էական կամ օժանդակ բայ), բ) ստորոգյալ արեդյանական ըմննմամբ (այսինքն՝ բայ-ստորոգյալի անվանական բաղադրիչը), գ) ստորոգելի (ենթակա): Ենթական, այսպիսով, ստորոգելի է, քանի որ ենթակա է ստորոգյալ դաշնալու: Ասել է այս նոր ըմբռնմամբ ենթական և (արեդյանական) ստորոգյալը փոխատեղելի անդամներ են, ինչպես՝ *Տունը շրեղ է: ≈ Շրեղը տունն է:* Այս փոխատեղումը հնարավոր է համակարգային հնարավորությամբ: Լեզվի համակարգի հիշյալ վերնոլորտում ստորոգական կառուցվածքի եռանդամությունը ստորոգչի և հավասարագոր երկու ստորոգելիների ներգործություն է: Ի տարբերություն խոսքում ստորոգելի / ստորոգյալ հակադրության՝ վերնոլորտում ունենք երկու անտարորդ ստորո-

⁴ Տե՛ս III. Բալլի, անդ, էջ 116: Լ. Տենիեր, Основы структурного синтаксиса, М., «Прогресс», 1988, էջ 24:

⁵ Լ. Տենիերը նշում է, որ կապակցությունը կախվածության հարաբերություն է, որ իրար է միացնում գերադաս և ստորադաս տարբերը: Տե՛ս և Լ. Տենիեր, անդ:

⁶ Համապատասխանության նշան:

գելի՝ իբրև «տուն» և «շքեղ» հասկացությունների ստորոգացման հավասարաչափ հնարավորություն։ Խոստդուրթյան պահին է հաղորդողի զիտակցությունն ակնթարքորեն թելայրում, թե հնարավոր երկու ստորոգելիներից ո՞ր մեկն է խոսքային արտահայտության մեջ ստորոգյալի, և ո՞ր մեկը՝ ստորոգելիի դեր ստանձնելու խոսքում իսկ շարունակելով պահպանել վերջինիս ստորոգյալ դառնալու հնարավորությունը մեկ այլ համարժեք հաղորդակցության պահի։ Ըստ այդմ՝ զուտ կառուցվածքային եռանդամությունը մեր զիտակցության մեջ բեկվում է տրամաբանական երկանդամության, որի բաղադրիչներից գերադաս է նաև, որի կազմում առկա է ստորոգիչը, այսինքն՝ հանգույցն ու ստորոգյալը միասին, իսկ ստորադասը ստորոգելի-ենթական է և ենթակա է բայ-ստորոգյալին։ Այսպիսով՝ մեզ համար ընդունելի է Ս. Աբեղյանի՝ միայն բայ-ստորոգյալը նախադասության զիսավոր անդամ համարելու տեսակետը⁷։ Ի դեպ, դա ընդունելի է նաև լեզվով մեզ տրված տրամաբանական փաստարկմամբ։ Ճի կարող զիսավոր անդամ լինել մի բան, որի անունը ենթակա է։ Արդ ասվածը տրամաբանական վահճանակետին հասնելու համար նախադասության զիսավոր անդամը, ի հակադրություն ենթակայի, վերանվանում ենք գերակա (= բայ-ստորոգյալ ըստ Ս. Աբեղյանի)։

Այսպիսով՝ ստորոգական մակերեսային նվազագույն բաղադրությունը երկանդամ բաղկացություն ունի գերակայի և ենթակայի համակցությամբ։ Բերված «Տունը շքեղ է» օրինակում գերական է «շքեղ է» բաղադրիչը ստորոգչի (է) և ստորոգյալի (շքեղ) մեկտեղմամբ, ենթական «տունը» (ստորոգելի)։ Ենթական նույնականի լրացում է գերակայի համար, ինչպիսին են խնդիրը, պարագան։ Ենթակայի և սրանց տարրերությունը ստորոգական գործունեության մեջ հենց ենթակայի առաջնային կարևորությամբ է պայմանավորված։ Այդ կարևորությունը, սակայն, հիմք չի կարող լինել՝ ստորադաս անդամը զիսավոր համարելու։

Ե) Վերը հիշատակվեց Շ. Բալլիի հայտնաբերած կարևորա-

⁷ Տե՛ս Ս. Աբեղյան, անդ, էջ 361։ Ս. Աբեղյանից հետո (նրանից անկախ) այս նոյն տեսակետն են ընդունել օրինակ, Շ. Բալլիին և Լ. Տենիեր(տե՛ս և նշվ. պշխ.)։ Մեզանում Ս. Աբեղյանի տեսությունն է որդեզրել և զարգացրել է Արայանը։ Տե՛ս և Զ. Առաջն, Պредмет и основные потоки структурального синтаксиса, Ереван, Миткбр 1968, с. 198 – 199.

գույն մի դրույթ, որ վերաբերում է քերականական բոլոր հարաբերությունների հիմքում ստորոգման առկայությանը. «Հնդեվրոպական լեզուներում ցանկացած քերականական հարաբերություն բայական է: Ողջ քերականությունը պարփակված է բայի մեջ, և հակառակը, ամեն մի բայ ինչ-որ բան է արտահայտում կամ բովանդակում քերականությունից, որովհետև այն հանգույց է կամ հանգույց է պարունակում»⁸: Եվ իսկապես, ասվածը ոյուրությամբ հնարավոր է ցույց տալ նշված լեզուների բազմաթիվ օրինակներով: Բնականաբար մեր օրինակը հայերենից ենք բերում՝ փոխակերպների համընկնելիության կաղապարով.

Տնակ ։ փոքր տուն ։ (այն, որ) տունը փոքր է:

Դիմավոր բայը՝ որպես գերիշխող անդամ, իր «իշխանության ու հսկողության» տակ է առնում նախադասության բոլոր անդամների, հետևաբար և բոլոր խոսքի մասերի քերականական կարգերը: Ուշադրություն դարձնելով մեզ քիչ թե շատ ծանոթ լեզուների վրա դժվար չէ նկատելը, որ, ե. Աղայանի արտահայտությամբ, «ձևերի ճռխությամբ», «քերականական կարգերի բազմազանությամբ» հավասարը չունի բայը⁹: Հարկ է նկատել, որ այս իրողությունն արդյունք է բայի «ծավալապաշտության», քանի որ նրա բոլոր կարգերը «առօրավկած-զավթված» են մյուս խոսքի մասերից: Այսպես դեմքի կարգը բային է անցել անձնական դերանունից, սեռը գոյականից, թիվը՝ գոյականի միջնորդությամբ թվականից, վիճակի կարգը՝ ածականից, ժամանակի և կերպի կարգերը՝ մակրայից, եղանակը՝ մակրայի միջնորդավորմամբ՝ վերաբերականից. եթե ասվածին էլ ավելացնենք, որ բայի ելակետային ձևը՝ անորոշ դերբայը՝ որպես գործողության բացարձակ անվանում¹⁰, հոլովկում է գոյականի հոլովումներից միայն մեկով, այսինքն՝ ունի հոլովի և հոլովման քերականական կարգեր, պատկերը երեխ կամբողջանա: Դետք է նկատել, որ անհրաժեշտ «զավթողականություն» է սա, նույնիսկ «իշահ» «կարգատու» խոսքի մասերի, որովհետև զիջելով իրենց քերականական կարգերը՝ ոչ միայն կորուստ չեն ունենում այդ խոսքի

⁸ III, Եալլի, անդ, էջ 120:

⁹Տե՛ս Է. Աղայան, Ժամանակակից հայերենի հոլովումը և խոնարհումը, Երևան, ՀՀՍՀ ԳԱ հրատ, 1967, էջ 304:

¹⁰ Անդ, էջ 347:

մասերը, այլև վերահաստատում են իրենց «սեփականությունը» ստորոգման միջոցով: Խոսողը նյութը հաղորդելիս բայի միջոցով խոսքում (նախաղասության մեջ) հանդես եկող համապատասխան խոսքի մասերին է վերադարձնում դրանց կարգերը, և հաղորդակցումը հենց այդպես է ապահովվում: Առանց բայաստորոգական կենտրոնի կամ միջուկի՝ մնացյալ խոսքի մասերն անկենդան բառեր են, սույ հարացուցային միավորներ: Առանց այդ միավորների՝ բայց հարաբերվելու եզրեր չունի: Նույնիսկ միադիմի բայերի դեպքում խորքային գոյականի հետ հարաբերման հնարավորությամբ է բայական «ինքնազործառում» լինում (հմմտ. *անձրևում է = անձրն է զայիս*): Բայի շնչավորմամբ են վերաբերնանում և հարաբերվում մնացյալ խոսքի մասերը:

Բայի այլակարգ յուրացումները ոչ միայ ինքնանապատակ չեն, այլև տրված են նրան վերուստ: Քիչ առաջ ակնարկած վերնոլորտի «է»-ն համատեղում է այդ բոլոր կարգերը որպես տարորոշելի միավորների ներիցյուսում: Համոզվելու համար բավական է թերթել մեր բառարանները «է»-ի իմաստներին ծանոթանալու: Նա և գերազույն ԷՌԻԹՅՈՒՆ է, և՝ առարկա՝ որպես գոյ, և՝ հատկանիշ՝ որպես ընթացավորիչ:

Զ) Անդրադառնալով ստորոգման և քերականական կարգերի հարաբերակցությանը՝ ստորոգումը կարող ենք ներկայացնել գոյավիճակային շերտավորմամբ: Ըստ այդմ՝ կունենանք կայական, գորութենական և գործուն ստորոգումներ: Առաջին երկուսը քողարկյալ ստորոգումներ են և քողարկելության հատկանշով հակադրվում են վերջինին, որն արտարկյալ ստորոգում է: Մյուս կողմից, սակայն, ընդհանրություն ունեն երկրորդ և երրորդ գոյավիճակները, որոնք, անկախ քողարկյալ թե արտարկյալ լինելու հանգամանքից, դրսևորվում են վերբառային մակարդակներում՝ հակադրվելով առաջինին, որը բացահայտվում է բառաձևերում:

Քերականական կարգերի տեսանկյունից կայական է ներկարգային ստորոգումը: Այս ստորոգումը հատուկ է ձևաբանական հարացույցներ կազմավորող կարգերին, որոնցում անշարժ հանդիպադիր հարաբերության մեջ են դրանց քերույթները՝ որպես հնավոր կապակցիչներ:

Քողարկյալ ստորոգումներից զորութենականը արտարկյալի

համեմատ ներկայանում է երկու խմբով՝ նախաստորոգային և հետաստորոգային կարգեր: Նախաստորոգային է ստորոգման ենթակա գոյականը կամ գոյականական (ծավալված) շարույթը, հետաստորոգային են ա) մակրայր կամ մակրայական շարույթը որպես ստորոգման հետագա ծավալում, բ) դերքայր կամ դերքայական դարձածը՝ որպես ապաստորոգացում:

Քերականական կարգերի տեսանկյունից գործուն է՝ ա) բացարձակ արտարկյալ ստորոգումը, որը ստորոգման բուն մակերեսային տիպն է՝ այն, ինչը ներկայացվեց վերը տրամաբանական երկանդամության և զուտ կառուցվածքային եռանդամության հարաբերակցությամբ, բ) այսպես կոչված՝ առաջին աստիճանի քողարկմամբ ստորոգումը, որի միջուկը դիմավոր բայն է, սակայն կամ առաջնային գործորդը¹¹ (ակտանու) ստորոգելին (ենթական), կամ ստորոգյալը քողազերծման կարիք ունի¹²:

Է) Համասեռության (իզոմորֆիզմ) սկզբունքով ստորոգում կարող ենք հայտնաբերել լեզվական կառուցվածքի ստորին և վերին եզրային մակարդակներում:

Վանկազմի ստորոգման յուրօրինակ ստորոգիչ է վանկարարը, որը ինքնուրույն վանկ ձևավորելու դեպքում համասեռություն ունի պարզ դիմավոր ձևով արտահայտված գերակայի հետ (հմմտ. Վազգեց, գամեն), իսկ բաղաձայնի հետ վանկ ձևավորելու հատկությունը համասեռ է բաղադրյալ դիմավոր ձևով արտահայտված պարզ գերակային, ինչպես նաև բաղադրյալ գերակային:

Հարացուցային հնչյունը (հնչույթը) կայական ինքնաստորոգմամբ է օժտված (ինչպես, օրինակ, ամեն մի բառ), դրսերվող հնչյունը՝ ներվանկային ու միջվանկային հարաբերությունների «ստորոգացմամբ»:

Ծավալուն խոսքում «լուր» ստորոգական հարաբերություն կանախորդ և հաջորդ բոլոր նախադասությունների միջև: Յուրաքանչյուր անցումային դադար՝ իր կապակցիչ գորությամբ, հաստումն է ստորոգական էացման: Միաժամանակ այստեղ հակադրության չեղոքացում է տեղի ունենում լեզվաբանական և հոգեբանական ստորոգումների միջև, որովհետև ամեն անցումին հաջորդում է նոր

¹¹Տե՛ս և Լ. Թեոփեր, նույն տեղում, էջ 250:

¹²Տե՛ս և Ս. Աբեղյան, նույն տեղում, էջ 369 («Ծան.» հատվածը):

իրազեկումը, ուստի նախորդ նախադասությունը ենթակա-ենթահիմքն է, հաջորդը՝ գերակա-մակաբերյալը:

Այս ամենը նորովի է հանգեցնում հայրենական լեզվափիլիփայության մեջ տասնամյակներ առաջ բացահայտված գերհամադրական ստորոգման¹³ զաղափարին: Լեզվի ողջ էությունը բոլոր գործառույթներով, տողորված է ստորոգայնությամբ. ստորոգումը լեզվի շունչն է ու շնչառությունը, նրա ոգին է:

David Gyulzatyan - The Integration of Grammatical Categories in Predication. - Key words: *predication, an attribute, substantiated, grammatical category, subject, a cross-categorial interaction.* Predication is not the mere ascription of an attribute to the subject; rather, it is the ascription of a substantiated attribute. There is no grammatical category beyond predication. This is due to the "expansive" quality of the verb, which essentially has no grammatical category of its own, but by appropriating grammatical categories, it ensures a cross-categorial interaction, thereby ensuring communication. On the other hand, however, the language commences with the "est", the Aristotelian potentiality, wherein all these categories slumber, which actualize in speech thanks to their predictability.

Давид Гюльзатян - Совмещение грамматических категорий в предикации. -

Ключевые слова: предикация, атрибут, объект, грамматические категории, подлежащее, межкатегориальные отношения.

Предикация – это передача атрибута, как объекта, подлежащему. Нет грамматической категории, которая бы была бы вне предикации. Это обусловлено «объемностью» глагола, который, по сути, не имеет собственных грамматических категорий, и, осваивая их, формирует межкатегориальные отношения, с помощью которых обеспечивается коммуникация. С другой стороны, однако, язык начинается с глагольного конструкта – аристотелевского неподвижного первичного двигателя, в котором покоятся все эти категории, воспроизводящиеся в речи благодаря предикации.

¹³Տե՛ս Է. Աթայան, Լեզվական աշխարհի ներքին կերպավորումը և արտաքին վերաբերությունը, Երևան, ԵՊՀ հրատ., 1981, էջ 222:

Գրիգորյան Սուսաննա (Հայաստան,
ԳԱԱ լեզվի ինստիտուտ)

ԳՐԻԳՈՐ ՏԱԹԵՎԱՑՈՒ «ԳԻՐՔ ՀԱՐՑՄԱՆՑ»-Ի ԵՐԱԺՇՏԱԿԱՆ
ՀԱՍԿԱՑՈՒԹՅՈՒՆՆԵՐԻ ԻՄԱՍՏԱՅԻՆ ՔՆՆՈՒԹՅՈՒՆ

Հայոց եկեղեցին դարերի միջով գրեթե անփոփոխ մեզ է հասցը ել իր կարևորագույն երկու հարստությունները՝ ծխակարզը և հոգևոր երաժշտությունը: Հոգևոր թեման, ինքնին պարտադրել է հարազատ մնալ զրոց լեզվին, ուստի ժամերգություններին, պատարագին ուղեկցող շարականների, կցուրդների, մեսեղինների տեքստերը ի սկզբանե գրվել են դասական հայերենով, ապա ավանդաբար շարունակել շարադրվել դրանով՝ նաև հետագա դարերում: Միայն շարականների հեղինակների թիվը մինչև XV-րդ դարն անցնում է երկու տասնյակից:

Հոգևոր երաժշտությունը միջնադարյան Հայաստանում դասավանդվել է բավականին խորությամբ, ինչի մասին վկայում են առանձին երաժշտական «ուսումնարաններ»-ի գոյությունը, բազմածավալ մասնագիտական վերլուծությունների առկայությունը, ինչպես նաև այն փաստը, որ եկեղեցու հայրերը խիստ հոգածություն են հանդես բերել հոգևոր երգի ուսուցման հանդեպ: Մադարիա Օրմանյանի «Ծիսական բառարան»-ում «Տէր զի բազում» սաղմոսի առնչությամբ կարդում ենք, որ սաղմոսի 4-րդ մասն ըստ Հովհան Օձնեցու «պետք է միշտ «միաձայնությամբ» լինի, երբեմն «ի թիւ՝ խոնարի ձայնիւ» և երբեմն էլ ավելի հանդիսավոր երգեցողությամբ¹, չնայած նույն աշխատության «եկեղեցական պաշտամունքների բացարություններ» մասում հեղինակն այդ վկայությունները համարում է «ոչ լիակատար են և ոչ ամբողջական գրվածներ» և վկայակոչում դրանք վերապահությամբ. «Հին մատենագիրներից, - գրում է նա, - Յոհան Օձնեցին և Խոսրով Անձեսացին որոշ տեղեկություններ և հրահանգներ են տվել ժամերգությունների վերաբերյալ, սակայն նրանց գրածները ավելի շատ ծառայում են իին ժամանակների կարգ ու կանոնը».

¹ Մ.Օրմանյան, Ծիսական բառարան, Ե., 1992, էջ 133:

ուսումնասիրելու, քան թէ վերջին ժամանակների ծեսը բացատրելու, նաև ոչ լիակատար են և ոչ ամբողջական գրվածներ են, ուստի երեմն և շափավոր կերպով կարող ենք օգտվել դրանցից և դրանց նմաններից»²:

Նշանավոր հայագետը շարունակելով միիթարյան հայրերի վարքագիծը (Հովհան Որոտնեցին և Գրիգոր Տաթևացին միիթարյան հայրերի կողմից նկատվել են իբրև միարարական շարժման հակառակորդներ և դրանով պայմանավորված՝ շրջանցվել է նրանց ողջ զրական ժառանգությունը՝ քննության չի արժանացրել մասնավորապես Տաթևացու մեծածավալ աշխատությունները, այս դեպքում՝ երաժշտագիտական վերլուծությունները, մինչդեռ այս ոլորտում Գրիգոր Տաթևացին մի կողմից՝ հարցի պատմության շարադրանք ունի, մյուս կողմից՝ տալիս է շարականների և հոգեոր այլ երգերի կառուցվածքի, կատարման խիստ մասնագիտական վերլուծություն և նկարագրություն ու պատեհ առիթով անդրադառնում նաև քերականական կողմին, ստուգաբանում կամ՝ բացատրում այս կամ այն հասկացությունը:

Գրիգոր Տաթևացու «Գիրք հարցմանց»-ի 9-րդ հատորի ամբողջական պրակներ (45-49-րդ) ամբողջությամբ երաժշտական հասկացությունների, դրանց ծագման, պատմության վերլուծութան էջեր են:

Նշանավոր այս աշխատության մեջ հանդիպում ենք հետաքրիդ մի հարցադրման. պատասխաններով այն հարցին, թէ այս կամ այն շարականը ով է հեղինակել, Տաթևացին թվարկում է հայտնի շարականների բոլոր հեղինակներին, ապա եզրափակում. «Այսքան շարականս ընդունելի է յեկեղեցի. և աւելին քան զայս խոտելի է և անպիտան»³:

Մեծանուն վարդապետի հիշատակությունը հետաքրիդ է ինքնին. սակայն հատվածի վերջին նախադասությունը հարց է առաջացնում. դրանք «խոտելի և անպիտան» են ի՞նչ պատճառով՝ թեմայի և բովանդակությա՞ն, շարադրանքի լեզվի, թէ՝ երաժշտության: Շարականի դեպքում պարտադիր կարող էին լինել թէ՝ գրոց լեզվին հարազատ մնալու անհրաժեշտությունը, որ դեռ պարտադիր

² Նոյնը, էջ 129:

³ Գ. Տաթևացի, Գիրք հարցմանց, Կ.Պոլիս, 1729թ., էջ 638:

պահանջ էր, և թե՝ երաժշտության կանոնականցված պահանջները: Սակայն, ինչպես կարելի է կռահել, շեղումներ եղել են թե՝ լեզվի և թե՝ երաժշտության հարցում, որոնք և խոտանվել են եկեղեցու հայրերի կողմից: Գաղտնիք չէ, որ առաջին հայացքից անմեղ թվացող շեղումները (հատկապես՝ ծիսական, կրոնական, որին խիստ շաղկապված էր հոգևոր երաժշտությունը), կարող էին ենթարկվել խստագույն հավատաքննության՝ դավանաբանական վեճերի միքանի դար շարունակվելու պատճառով:

Գրիգոր Տաթևացին Տաթևի համալսարանի իր հայտնի երեք «ուսումնարաներից» մեկում անձամբ ուսուցանել է երաժշտություն «Ի միումն ուսուցաներ զնախկին երգիչ վարդապետաց զերաժշտութիւնս քաղցրալուր ձայնի եղանակաւ...: Եւ ի միումն՝ նկարագրութիւն պատկերահանութեան եւ զանազան նկարչութիւնն: Եւ ի միումն՝ զներքին եւ զարտաքին գրեանս», և ինչպես հատվածն է վկայում, ոչ միայն տեսականորեն է դասավանդել երաժշտություն, այլև ունեցել է «քաղցրալուր ձայն»:

Տաթևացին շեշտում է շարականանագիր հեղինակների առածնաշնորհի մասին՝ «Որք զծորանս հոգւոյն արբին և ի ժամանակս ժամանակս երգեցին եղանակաւ զերգս շարականաց»⁴: Տաթևացու դիտարկմամբ սաղմոսների հիմնական հեղինակը՝ Դավիթ քագավորը, «հոգեխառնեաց» դրանք և «ուսոյց երգեցողացն»⁵: Նմանատիպ բնութագրման հանդիպում ենք նաև «Երգ երգոց»-ի նրա հայտնի մեկնության մեջ. «Վասն է ր կոչի Երգ երգոց» հարցին նա պատասխանում է, որ ինչպես «ի հարսանիսն երգ եւ կաքաւ լինի, այժմ զնոյն պատմէ հոգեպէս»⁶, այսինքն հեղինակն ամենուր շեշտում է շարականների, սաղմոսների ներազդող հոգևոր ուժը:

Անդրադառնալով ձայնին ընդհանրապես՝ Տաթևացին այն բաժանում է իինգ տեսակի: Ըստ նրա ձայնն առկա է նաև ներքին խոսքի մեջ, իսկ ի տարբերություն, օրինակ, սովորական երգի, շարականներում առաջնային է խորհուրդը, քան ձայնը. «Ամենայն եղանակը բարբառոց ի իինգ տրամատին: Նա՝ ի՞ ամենսին անձայն. որպէս

⁴Հին ձեռագրերի իմստիխոսս, Մատենադարան, ձեռագիր հ. 6607, էջ 6ա:

⁵Գ. Տաթևացի, Գիրք հարցմանց, էջ 637:

⁶Նույնը, էջ 640:

⁷Մատենադարան, ձեռագիր հ. 1264, էջ 427բ:

ներտրամադրեալն ի խորհուրդս: Երկրորդ՝ ամենեին ձայն առանց քանի. որպէս զոշումն: Երրորդ՝ որ քանն առաւել է քան զայնն. որպէս երգ շարականաց: Չորրորդ՝ ձայնն առաւել քան զբանն. որպէս ձայնաւոր երգը: Հինգերրորդ՝ որ հաւասար է քանն և ձայնն ի լեզուն. որպէս բարբառ խօսից⁸: Վերջինը շաղկապված միտքն է, որտեղ «քանը և ձայնն» հավասար են:

Գրիգոր Տաթևացու «Գիրք հարցմանց»-ում երաժշտական հասկացություններն ըստ իմաստային դաշտերի խմբավորվում են երեք դաշտերում. երաժշտական ընդհանուր հասկացություններ, զործիքներ և շարականների, սաղմոսների անվանումներ: Վերջին խումբը հեղինակը բերում է համատարած գոյականական կիրառությամբ (դրանք թվաքանակով գրեթե վեց տասնյակ են), իսկ «Երեք սրբեան»-ը անզամ՝ հոլովառությամբ՝ «Երեքսրբենին»:

Ունենք «աղելու», «գորողայ» (կամ՝ գուրզայ), «մեսեղի», «ովսաննայ», «ջուխտ», «սաղմոս», «ֆարտ» փոխառյալ հասկացությունները և սրանցով, փաստորեն, սահմանափակվում է բուն փոխառությունների թիվը: Հեղինակն ինքը, ստուգաբանում է «աղելու», «ովսաննայ» բառերը. «Դարձեալ ի յերբայեցի լեզուն (այ) ասէ թէ զայ յայտնեսցի, (է) աստուած. (ուիայ) օրինեցէք և գովեցէք զկենդանին աստուած»: «Ովսաննայ ի յերբայեցոցն ի մերս փրկութիւն լսի»⁹: «Մեսեղի» -ն բացատրում է՝ «կցորդ», ինչպէս հետազայում բացատրել են զրաբարյան բառարանները:

Գրաբարյան բառարաններում համընկնում են նաև «գուրդա», «փոխ» երաժշտական հասկացությունների բացատրությունները. «Եւ գուրդայն որպէս ընթերցուածն: Եւ փոխն որպէս գուիխն: Հանգիստն որպէս մասնաւորքն. նոյնպէս և տունքն»¹⁰:

«Ֆարտ» և «ջուխտ» հասկացություններին հանդիպում ենք «ձայնը ո՞ր դասունն է հարցի պատասխանի մեջ. «Ֆարտ, առաջին ձայնն ա՞շ դասուն է, և կողմն ահեակ: Եւ յորժամ թիւն երկրորդ լինի որ է՝ ջուխտ, առաջին ձայնն ահեակ դասուն է, և կողմն աշ»¹¹:

Մնացյալ դեպքերում հոգևոր երաժշտության բուն հայկական

⁸ Գ. Տաթևացի, Գիրք հարցմանց, էջ 639:

⁹ Գ. Տաթևացի, Գիրք հարցմանց, էջ 644:

¹⁰ Նույնը, էջ 636:

¹¹ Նույնը, էջ 641:

ակունքներով՝ պայմանավորված՝ ունենք հայերեն կամ հայերենի բառակազմական կանոններով կազմված կամ տեղայնացված ածանցավոր կամ բարդ բառեր (հիմնականում՝ հարադիր բարդություններ):

1.Երաժշտական ընդհանուր հասկացություններ. «անբիծք», «անձինք» (անձնավորված, անձին նվիրված շարականներ), «առաւտուու երգն», «երաժշտ», «երգ», «կանոն», «կանոն գլխին», «կանոնք սաղմոսին» (սրանք կանոններում հավաքված սաղմոսներն են), «կարաւել», «կողմունք ձայնին», «կողմն առաջին ձայնին», «կողմն երկրորդ ձայնին» (սա կոչվում է «աւագ կողմ»), «կողմն գերրորդ ձայնին» (սա կոչվում է «վառ»), «կողմն չորրորդ ձայնին», «ձայնաւոր երգը», «նուագեմ», «շարական վարել», «սաղմոս տուն», «սաղմոսաքաղաք», «սաղմոսաքան», «սաղմոսն շարականք», «տաղք», «փոխեր», «քաղեմ»:

Ինչպես նշեցինք, վերլուծություններում առկա են խիստ մասնագիտական մանրամասներ՝ շարականների, սաղմոսների կամ այլ հոգևոր երգերի կատարումների վերաբերյալ: Այսպէս օրինակ, «սաղմոսաքաղ փոխերի» առնչությամբ կարդում ենք, որ դրանք «ալելուով» չափուք է ուղեկցվեն, քանի որ սա «սաղմոսաքաղի հաշիւն է», իսկ «ալելուն միայն սաղմոսին է»¹²: Կամ՝ «առաւտու երգն» կատարվում է ի դեմս Խաչի: Կամ՝ «Զշարականն ո՞րպէս քաղեմք» հարցին՝ պատասխանում է. «Նա՛խ ըստ ատորց: Երկրորդ՝ համանմանութեան Երրորդ՝ ըստ կարգի»¹³:

Հետաքրքիր է նաև կանոնագլխիների բացատրությունը: Դավթի 147 սաղմոսները բաժանված են 8 մասերի, որոնք կոչվում են «կանոն», իսկ կանոնի 7-րդ կամ վերջին գուրդան կոչվել է «գլխավոր». «Դարձեալ և ըստ մերոց վարդապետաց, առաջին կանոնին ը երրորդ գուրդայն օրինութիւն՝ ի հանդերձելումն ակնարկէ, զի օրն այն ուրախութիւն է արդարոց. և կործանումն ամբարշտաց. որպէս երգն այն ուրախութիւն է, և սուզ եզիպտոսի: Երկրորդն նոյն խնամկալութիւն և կշուամբութիւն: Երրորդն հրոյ սպառնալիք և սատակումն. և դարձեալ աւետեաց հրաւեր: Չորրորդն պարտապան

¹² Նույնը, էջ 630:

¹³ Նույնը, էջ 641:

գոհութեան վասն էից փոփոխման. և ոմանց ամօթ պատկառանաց: Հինգերորդն հրոյ կիզումն և բարձումն ամբարշտաց. և ոմանց բժշկութեան ցող 'ի տեսոնէ ցողեալ: Վեցերորդն չարչարանաց պատիժ չարչարեցելոց. և ապաշխարողաց բողութիւն. յասելն (ընկեցեր յետո զամենայն թշնամիսն իմ:) Եօթներորդն օրինութիւն հրեշտակաց և փրկութիւն: Ութերորդն նոյնպէս զերկոցունց կողմանց յայտնէ զիրկելոց և զկորուսելոց. (օրինութեամբ նորա լցան տիեզերք.) և դարձեալ՝ (նետաձիգն եղեր 'ի չարս): Այսքան վասն կանոնազլիցն»¹⁴:

2. Գործիքներ. «աղի», «գործի» (ք), «ստեղիք», «տափի», «ցնծպայ», «փող», «քնար»:

Ըստ հեղինակի, տեղեկանում ենք, որ Դավիթ մարգարեն սաղմոսները կատարում էր քնարի կամ տափի նվազակցությամբ: Ապա Ասափիր և Դիթամը ավելացրեցին ծնծղան: Անահասը և Եղիազարը փողի նվազակցությունը ավելացրեցին: Իսկ ոմանք էլ, ըստ Տաթևացու՝ «առանց գործեաց երգէին»¹⁵. որն այսպէս ասած՝ «ակապելա» կատարումն էր:

3. Չարականների, սաղմոսների անվանումներ. «զԱղցից կիրակէիցն», «Անթառամ ծաղկին», «զԱյսօր անձառն», «զԱյսօր յարեան», «անձինքն և զհարցն», «զԱնսկիզբն», «զԱստուած անեղն», «զԱւազ շարաթեանն», «զԶաւազ օրինութիւնքն», «զԱրարշակներն», «արևազալին շարականերն», «զԱրեզականն», «զԲազումս ի մանկտեացն», «զԵրգեցէրն», «Երեքսրբեանն», «զԵօթանասնիցն», «զԵօթն ձայնիցն», «զԶորս ըստ պատկերին», «Ընդ հոգուոյ քումն», «զԹուուանցն», «զ'Ի յանսահման ծովէն», «զ'Ի քէն հայցեմքն», «Լոյս զըւարին», «զԽաղաղութիւնն», «զԽաշին և զեկեղեցոյ», «զԽոտաճարակացն», «զԽորհուրդն անձառ», «զԾաղկազարդի», «զԾննդեանն», «զԿարգ մեծ տօնիցն», «զՄարտիրոսացն», «զՄեղաք յամենայնին», «զՄէծահրաշն», «զՄէծացուսցէրն», «զՀանգստեանն», «զՀոգույ գալստեան», «զՀրեշտակապետացն», «զՆայեա սիրովն», «զՆինուկացոցն», «զՆորահրաշն», «զՆորոգեալ կղզիքն», «Ուղրիցին», «զՊէնտակոստէին», «զՍուրբն աստուածն», «զՄբբութիւն սրբոցն», «զՎա-

¹⁴ Նոյնը, էջ 629:

¹⁵ Նոյնը, էջ 640:

ոին», «զՎարդավառին», «զՎարդավառի բ պատկերն», «զՏեառնընդառաջին», «զՓառքն և ալէլուն», «զՓառաւորեալն», «Փառք ի բարձունսն», «զՓոխման առաջին պատկերն», «զՓոխման բ պատկերն», «զՕրինեմք զքեզն», «Օրինութիւն և փառքն», «Օրինեա անձն իմ գուեր, տէր աստուած իմ մեծ եղեր յոյժ» (սա առաջին սաղմոսն է), «Բարձր առնեմ զքեզ աստուած իմ և բազաւոր իմ» (սա վերջին սաղմոսն է):

Տաթևացու վկայությամբ շարականը սկիզբ է առել հինգերորդ դարից, և առաջին շարականի («զՎարզն ապաշխարութեան») հեղինակը Մեսրոպ Մաշտոցն է: Ժանրը հետազայում այնքան է զարգացել, որ ողջ եկեղեցական ծեսերը, աստվածաշնչան պատումները, տոները հատիկ-հատիկ, պատկեր առ պատկեր տեղ են գտել շուրջ երկու տասնյակ շարականագիր հեղինակների գործերում. «Նա ին մեծն մեսրոպը զկարգն ապաշխարութեան. և սուրբն սահակ զաւագ շաբաթեանն: Մովսէս քերթօնն զծննդեանն, և զմեծացուցեքն, և զտեառնընդառաջին, և զփոխման առաջին պատկերն: Այլ և զկարգն յարութեան սորա է ասացեալ մեծն վարդան՝ ի տեսութիւն անթառամ ծաղկին: Իսկ այլք ասեն թէ անանիա շիրակունին է ասացեալ: Եւ զախնտակնոստէին, և զվարդավառին, և զուրք գրիգորին և զյովիաննուն, և զմարգարէիցն, և զվարդանանցն, և զառաքելոցն, և թագաւորացն, և զանտօնին: Զայս ամենայն ումանք անանիայի տան. և ումանք խորենացւոյն: Զմեղաք յամենայնին, և զկարգ մեծ տօնիցն, յոհան օձնեցին: Զիրիփսիմեանց անձինքն և զիարցն՝ տէր կումիտասն: Եւ զանսկիզբն, յոհան մանդակունին: Եւ այլք ասեն թէ օձնեցին: Զիանգստեանն, և զմարտիրոսացն, պետրոս զետաղարձն: Եւ զբազումս ՚ի մանկտեացն: Զիաշին և զեկեղեցոյ, սահակն որ զնաց ընդ դէմ տաճկաց: Զզորս ըստ պատկերին, զրիզոր մազիստրոսն: Զաւագ օրինութիւնքն զեօթն ձայնիցն, ստեփաննոս սիւնեցին: Եւ զվարին ներսէս կլայեցին: Այլ և զաղցից կիրակէիցն, և զինուկացւոցն, և զծաղկազարդի հարցն, և զիորոյ զալստեան դ պատկերն, և զվարդավառի բ պատկերն, և զփոխման բ պատկերն, զիրեշտակապետացն, և զեօթանասնիցն, զիւոնդեանցն, զմարգարէից դձ հարցն, և զյովիաննու դձ հարցն, զնորահրաշն, զնայեա սիրովն, զ՚ի թէն հայցեմքն զարեազալին շարականերն, զօրինեմք զքեզն, զայսօր անձառն, զարարչակներն, զաստուած անեղն, և

յումանց լուար թէ զսուրք յակոբին այլ: Զայս ամենայն մեծն ներսէս է ասացեալ կլայեցին: Իսկ զայսօր յարեաւն, զնորոգեալ կղզիքն, և զքոռուանցն, ներսէս լամբրօնացին: Իսկ զխորհուրդն անձառ, և զմեծահրաշն, գրիգոր վկայասէրն: Իսկ զարեզականն, գրիգոր սկիւռացին: Զերգեցէքն, տէր յակոբ կլայեցին: Եւ զոր նախ իմացն, ըզ՚ի յանսահման ծովէն, և զքարզմանչաց օրինութիւնն, և զսուրք սարզսի օրինութիւնն, վարդան վարդապէտն: Իսկ զներսէսին մեծի, և զիստաճարակացն, յոհաննէս պլուզն: Եւ զղնոնդէսանց մանկունքն դժ, սարկաւազ վարդապէտն որ ՚ի հաղբատ: Եւ զսրբութիւն սրբոցն խաչի, ստեփիաննոս սիինեցին»¹⁶:

Սակայն մենք մի տարօրինակ փաստ արձանագրեցինք, եթք փորձեցինք ծանոթանալ բառի ստուգաբանությանը: Մի կողմից, ունենք փաստ, որ ժանրը ծագել է 5-րդ դարում, սակայն պարզվում է, որ մեր շարականագիր վերոնշյալ վարդապէտները առնվազն մինչև ութերորդ դարը կամ չեն իմացել, թէ ինչ է շարականը, կամ էլ ժանրը օգտագործել են, սակայն առանց անվանման: Այսպէս, Հ. Աճայանի «Արմատական բառարան»-ում «Շարական» բառահոդվածի տակ կարդում ենք. «Ը դարուն Յունաց մէջ, և նրանց օրինակով նաև Հայոց մէջ սովորութիւն դարձաւ միևնույն տօնին պատկանող զանազան հոգևոր երգերից ընտրելով կամ, եթէ պակասաներ կային, լրացնելով՝ կազմել ինը երգերի մի շարք...: -Շարական բառը կանոն բառից աւելի նոր է, մօտաւորապէս ԺԲ դարից, բայց կարող է լինել նաև աւելի հին՝ Ժ դարից»¹⁷:

Գ. Զահուլյանը բառը դնում է չստուգաբանված բառերի շարքում:

«Նոր բառզիրք հայկագեան լեզուի» բառարանի հեղինակներն այն համարում են փոխառություն եքր. «Չիր» արմատից:

Բազմաթիվ այլ հայագետներ արաբական ծագում են վերագրել: Սրանց բացատրությունը չընդունելով՝ Ն. Մառն այն ասորական փոխառություն է համարել:

Երեմիս Մեղրեցին տալիս է «կարգ կամ տող» բացատրությունը, որ հետագայում հանդիպում ենք նաև Ս. Աբեղյանի մոտ,

¹⁶ Գ. Տարեացի, Գիրք հարցմանց, էջ 637-638:

¹⁷ Հ. Աճայան, Հայերեն արմատական բառարան, հ. Գ, Ե. 1977, էջ 501:

ըստ որի գործ ունենք հայերեն «Չար»(թ) բառի հետ՝ -ական մասնիկով¹⁸, որ անառարկելի և անվիճելի է տեսակետ է:

Շարականների վերլուծությունների մեջ խիստ առանձնանում է «Զուրբն աստուածն» կամ, որ ավելի հայտնի է՝ «Երեքսրբեան»-ի մեկնությունը: «Վասն Երեքսրբենին» վերտառությամբ պրակում հեղինակը բերում է ուշագրավ փորձիկ մի պատմություն, ըստ որի պարզ է դառնում, որ այն հեղինակել է Հովսեփի Արեմաթացին. «այսպէս ասէ Ներտառիոս հայրապետն հոօմայ թէ՝ չէր հնար իշուցանել զմարմինն տեառն ՚ի խաչէն վասն փայլատակմանցն ՚ի խոցուածոյն: Ապա ի բացեայ կացեալ և զձես համբարձեալ ասէ, Սուրբ աստուած Սուրբ և հզօր Սուրբ և անմահ որ խաչեցար վասն մեր ողորմեա՝ մեզ: Եւ զայս երից ասացեալ էջ մարմինն սուրբ ի վերայ բազկացն յովսեփիայ»¹⁹:

Այն եկեղեցում կատարելու կանոնակարգումը Տաթևացին վերագրում է Իգնատիոս Աստվածազգեացին, երեք անգամ կատարելը՝ Հովհան Ուսկեքերանին: Իսկ հայոց եկեղեցուն ընդօրինակելով՝ այն առայսօր կատարում է ասորի եկեղեցին. «Այլ և ասորիք ասեն ըստ մեզ զսուրբ աստուածն որ խաչեցար մինչև ցայսօր»²⁰:

Երաժշտական հասկացությունների Տաթևացու բացատրությունների մեջ հանդիպում ենք նաև նորակազմ բառերի: Հետաքրքիր է դրանցից «սատանազիւտ» բառը: Բառիմաստը թելադրում է, որ խոսքը վերաբերում է սատանայի կողմից հնարելուն, սակայն անսպասելի է բացատրության մեջ՝ ինչը հնարելուն: Հատվածից պարզ է դառնում, որ առաջին իսկ երաժշտական գործիքները՝ քնարն ու տավիղը «սատանազիւտ» են, որ ստեղծվել է մարդկանց «իգացնելու», այսինքն հոգեպես թուլացնելու համար, ուստի Դավիթ բազավորը դրանք սպասարկու դարձրեց հոգենոր երգեր կատարելուն. «Վասն է՞ր ձայն և քնար խառներ դալիթ ի յերզս հոգւոյն» հարցին հեղինակը պատասխանում է. «Նա ին զի մարդն հոգի է և մարմին, ձայնի և ձեռօր երգեր. զերկու մատունս ի մի լծակցեալ յօրինութիւնն աստուծոյ: Երկրորդ զի սատանայազիւտ էր քնար և

¹⁸ Նույը:

¹⁹ Գ. Տաթևացի, Գիրը հարցմանց, էջ 631:

²⁰ Նույնը:

տաւիդ, իգացուցանել զմարդիկ. խառնեաց զնոսա ՚ի բանս հոգւյն, զի իւր սրովն խոցեսց զինքն և հալածեսց որպէս ի սաւուղայ»²¹:

Նորակազմ է նաև «կիսափոխ» բառը: Սա զիշերվա ինը ժամերի հսկումներին կատարվող «փոխերին» հաջորդող միջև հանգըստյան վեց ժամերը կատարվող սաղմոսի մաս է. «Իսկ եկեսցն ունի սաղմոսս թ փոխ բոլոր. պահապան թ ժամուց հանապազորդ զիշերոյն: Եւ վեց կիսափոխն՝ յաւելեալ ժամուցն մինչ ի հանգըստեանն»²²: Որևէ բառարան չունի վկայություն:

Գրաբարյան բառարաններում բացակայում է «անբիծք»-ը՝ իբրև երածշտական տերմին (տրվում է միայն «անարատ, մաքուր» բացատրությունը). «Անբիծքն վասն մեղաց պատարա գ է. նոյնպէս և յիսներորդ ողորմեայն վասն մեղաց է ալէլու ոչ ասի»²³:

Հետաքրքիր է նաև երածշտական ձայների ծագման պատմությունը: «Ո՞ք գտին ձայնս» հարցին Տաթևացին պատասխանում է. «Ասեն եթէ՝ ստեփաննոս ոմն երաժիշտ զամենայն ձայնս գոյից բաժանեաց իգ. որք են, բառաչել, կառաչել, խինչել, և այլն նմանապէս: Եւ ստեփաննոսս այս արար գործիք իգ որիշ որիշ. և նորօք երգէր: Իսկ թիմզիանոս արար մի գործիք և իգ աղի: Եւ յետ սորա թռվնաս երաժիշտ այլակերպ յօրիներ գործիք. որ զամենայն կենդանեաց ձայնս նովաւ երգէին: Իսկ յետ սորա՝ Մինիգրէս արար զառաջին ձայնն, ՚ի եիւսնականէ՝ գտեալ արուեստից: Եւ Փոկեղէդէս եղբայր նորա արար զերկրորդ ձայնն ՚ի դարբնականէ՝. Ապա Սոփէկդիդէս եղբայր սոցա եզիս զերրորդ ձայնն ՚ի հոսանաց. ապա Պապիանոս քեռորդի սոցա արար զշորրորդ ձայնն ՚ի ծփանաց ծովու: Եւ ապա՝ թինոսփէնէս հմուտ ձայնից գազանաց և թռչնոց, զատուցանէ՝ զգկողմն առաջին ձայնին: Ապա արիլեւս, զատուցանէ՝ զկողմն երկրորդ ձայնին որ կոչի աւագ կողմն: Եւ զերրորդ ձայնին որ կոչի վառ: Ապա՝ նումինոս, զատոյց զկողմն չորրորդ ձայնին. որ է վերջին: Բայց արքեղայոս դարձեալ մաքրեաց զամենայն որ ուսաւ ՚ի ծովային կենդանեաց»²⁴: «Բառաչել», «կառաչել», «խինչել»-ը ձայնարկություններ լինելով՝ վերապահությամբ պետք է ընդունել երաժըշ-

²¹ Գ. Տաթևացի, Գիրք հարցմանց, էջ 641:

²² Նոյնը, էջ 622:

²³ Նոյնը, էջ 630:

²⁴ Նոյնը, էջ 640:

տական հասկացությունների մեջ, սակայն հարցի պատմության առումով հասկանալի է, որ ձայնն սկսել է մշակվել նմանակումներից և պարզունակ հնչումներից:

Susanna Grigoryan - Musical Terminology Meaning Research in the "Book of Questions" of Grigor Tatevatsi. - The spiritual music in Medieval Armenia was taught very thoroughly, which was proven with already existed special musical "schools". Grigor Tatevatsi personally taught music in one of the three "schools" of Tatev university, and the entire chapters of his "Book of Questions" /45-th – 49-th/ were dedicated to musical terms and the history of it's origin. Musical concepts were examined in three semantic fields – original music concept itself, instruments and the names of religious songs, psalms. He also has some newly-formed words, such as satanayagyut, kisapokh.

Сусанна Григорян - Смысловое исследование музыкальных терминов в "Книге вопросов" Григора Татеваци. - Духовная музыка в средневековой Армении преподавалась весьма углубленно, о чем свидетельствует наличие отдельных музыкальных "школ". Григор Татеваци лично преподавал музыку в одной из трех школ Татевского университета, и целые выпуски его "Книги вопросов" посвящены музыкальным понятиям и истории их возникновения. Музыкальные понятия исследовались в трех измерениях – непосредственно музыкальные понятия, инструменты и названия шараканов, псалм. Татеваци создал также новые слова, такие как "сатанаягют", "кисапох".

Դալայան Տոք

(Ֆրանսիա, Centre national de la recherche scientifique)

ՀԱՅԵՐԵՆԻ ԵՆԹԱՇԵՐՏԱՅԻՆ ԾԱԳՄԱՆ ՈՐՈՇ ԲԱՌԵՐԻ ՍՏՈՒԳԱԲԱՆՈՒԹՅՈՒՆՆԵՐ

Հայոց լեզվի բառապաշտի առավել ուսումնասիրված հատվածը՝ հնդեվրոպական ծագման բառային միավորներն են: Սա պայմանավորված է վերջին երեք դարերի ընթացքում Եվրոպայում համեմատական լեզվաբանության իրեւ առանձին գիտաճյուղի բուռն զարգացմամբ: Բացի գիտական պարբերականներում լույս տեսած հազարավոր սոուզաբանական հոդվածներից, 20-րդ դարի սկզբից ի վեր լույս են տեսել հայոց լեզվի 3 սոուզաբանական բառարաններ: Սրանք հատկապես կամ ի մասնավորին անդրադարձել են հայերենի այսպես կոչված «բնիկ» բառաշերտին:

Սակայն հայոց լեզվի ենթաշերտային (սուբստրատային) բառերը առանձին հետազոտության առարկա երբեք չեն եղել: Մինչդեռ այս բառային միավորների ուսումնասիրությունը խիստ արժեքավոր է ոչ միայն հայերենի զարգացման պատմության լուսաբանման տեսանկյունից, այլև տարածաշրջանի հին ու նոր՝ մեռած եւ կենդանի տարբեր լեզուների ուսումնասիրման, դրանց միջեւ գոյություն ունեցող հնչյունական օրինաչափությունների վերհանման համար:

Նախքան ենթաշերտային մի քանի բառերի քննությանն անցնելը, փորձենք հակիրճ ձեւակերպել, թե ինչ ենք հասկանում ենթաշերտ ասելով: Ներկա լեզվաբանական մտքի զարգացման մակարդակում, կոնկրետ հայերենի պարագայում, ենթաշերտ ասելիս սովորաբար ի նկատի է առնվում Հայկական լեռնաշխարհի լեզվավիճակը նախքան հայերենի, որպես ինքնուրույն եւ այդ լեռնաշխարհի ամբողջ տարածքի համար ընդհանուր լեզվի ձեւավորումը: Այս սահմանման համար որպես հիմք ենք ընդունել 20-րդ դարի հայերկու խոշոր լեզվաբանների՝ Հ. Աճառյանի և Գ. Զահոնկյանի աշխատությունները¹:

¹ Տե՛ս, հատկապես, Հ. Աճառյան, Հայոց լեզվի պատմություն, I մաս, Պետական համալսարանի հրատարակչություն, Յերևան, 1940, էջ 202-217:

Ենթաշերտը ոչ թե մեկ միասնական լեզու է կամ նախալեզու, այլ Հայկական լեռնաշխարհի զանազան գավառներում եւ երկրամասերում ժամանակին խոսվող ցեղային առանձին լեզուների ու բարբառների այն ամբողջությունը, որի բառապաշարը եւ քերականական ձևերը անքակտելիորեն մտել են հայոց լեզվի կուր համակարգի մեջ: Այդ ցեղային լեզուները եւ բարբառները չեն պատկանել ներկայիս հայտնի որեւէ լեզվաընտանիքի, փաստորեն մեռած լեզուներ են եւ հետեւաբար հայերենը դրանց միակ ժառանգորդն է: Որոշ դեպքերում, սակայն, այդ ենթաշերտը ներկայացնող ցեղային լեզուներից եւ բարբառներից ծագած բառերի զուգածները եւ տարրերակները պահպանվել են նաեւ հարեւան լեզուներում: Հայերենի բառապաշարում մի ստվար զանգված կազմող անհայտ ծագման բառերը, որոնք ո՛չ փոխառություններ են, ո՛չ էլ ունեն զուգահեռներ հնդեվրոպական ցեղակից լեզուներում, մեծ մասամբ ծագում են ենթաշերտից: Այսինքն դրանք նույնքան բնիկ եւ հարազատ են հայոց լեզվի համար, որքան հնդեվրոպական ծագման բառերը:

Ստոր բերվում են ենթաշերտային ծագման ուր բառեր կամ արմատներ, որոնք մեծ մասամբ առաջին անգամ են քննվում այդ դիտանկյունից: Եթե խնդրո առարկա բառերի զուգահեռ ձևերն առկա են հարեւան լեզուներում (վրացերեն, պարսկերեն), ապա տվյալ ենթախորագրի ներքո նշվում են նաեւ այդ լեզուների տարբերակները:

հայ. արեթ «ոյիւրավառ նիւթ» – վրաց ձծյօ-օ [abed-i] «արեթ»²

Հարեթասունկը կամ արեթասունկը, որի անվան տարատեսակներն են՝ արեթենի, արեթուկ, ծառի մակաբույծ սունկ է: Աճում է կաղնու եւ այլ սաղարբավոր ծառատեսակների վրա, զործածվում է հատկապես վերքերի արյունահոսությունը կանգնեցնելու համար. լատիներեն անվանումն է՝ *polyporus fomentarius*³:

Արեթը դյուրավառ նյութ է (*polyporus squammosus*), որ ստացվում է (h)արեթասնկից՝ հատուկ պատրաստությունից հետո, ավե-

² Վրացերենի տվյալները հիմնականում բաղել ենք հետեւյալ առբյուրից՝ Ռ. Գորգածե, Վրացերեն-հայերեն բառարան, ԵՊՀ հրատարակություն, Երեւան, 2005:

³ Ս. Գարամաճեան, Նոր բառզիրք հայերեն լեզուի, Կ. Պոլիս, 1910, էջ 1, Ստ. Մալխասեանց, Հայերեն բացարական բառարան, Երեւան, 1944, հ. 1, էջ 1:

լացնելով այրած կտավ եւ այլ նյութեր։

Աբեր բառի առաջին հայտնի վկայությունը հայերենում Գրիգոր Նարեկացու մոտ է (10-րդ դ.):

Հրայր Աճառյանը վրացական ածյօթ-օ [abed-i] «աբեր» ձևը համարում է փոխառյալ հայերենից. նա բերում է նաև այլ քարթ-վելական զուգահեռներ, սակայն չի ընդունում արմատի՝ քարթվելական ծագման վարկածը, որն առաջարկել էր Ն. Մարը⁵: Գետրգ Զահուկյանը, ընդհակառակը, հայերենը փոխառյալ է դնում վրացերենից, քանի որ ընդունում է դրա քարթվելական ծագման վարկածը⁶:

Ակնհայտ է սակայն, որ առաջին դեպքում, այսինքն՝ հայերենից փոխառվելու պարագային, վրացերենում կունենայինք *ածյօթ-օ [*abet-i] տարբերակը՝ շնչեղ խոլ պայթականով, իսկ երկրորդ դեպքում՝ եթե հայերեն բառը փոխառված լիներ վրացերենից, այն պիտի հնչեր *աբեղ եւ ունենար վերջահար ձայնեղ պայթական, ինչպես վրացերենում: Ի դեպ, այս ձեւն արձանագրված է միջին հայերենում (աբեղ/աբէղ)⁷: Սակայն առաջին հայտնի վկայությունը, ինչպես նշվեց, աբեր ձևով է:

Մեր կարծիքով, շատ հավանական է, որ հայերենում և վրացերենում զործ ունենք ընդհանուր ենթաշերտային բառի հետ: Ըստ որում, աբեր բառը հանդիպում է հայերենի նաև արեւմտյան բարբառներում (Հաճն, Խարբերդ, Համշեն, Զեյթուն), իսկ վրացերենին զուգահեռ ձեւերն առկա են մեզրելերենում և սվաներենում:

հայ. աղանձ «բոված արմտիք» – վրաց. ձլանձՁՁ [alanձva] «խանձում», ձլանձՇՇ-օ [alanձul-i] «խանձած»

Աղանձը տապակի վրա խարկած ընդեղենն (արմտիք) է՝ ցորեն, ձավար, զարի, սիսեռ ևն. սրանից ունենք նաև աղանձել «խար-

⁴ Նոյն տեղում; Ժամանակակից հայոց լեզվի բացատրական բառարան (ԺՀՀԲԲ), Հ. Աճառյանի անվան լեզվի ինստիտուտ, Երևան, 1969, հ. 1, էջ 1:

⁵ Հ. Աճառեան, Հայերեն արմատական բառարան (ՀԱԲ), Պետական համալսարանի հրատարակություն, Երևան, 1926, հ. 1, էջ 74:

⁶ Գ. Զահուկյան, Հայերեն ստուգաբանական բառարան, Երևան, 2010, էջ 19:

⁷ Ռ. Ղազարյան, Հ. Ավետիսյան, Միջին հայերենի բառարան, Պետական համալսարանի հրատարակություն, Երևան, 2009, էջ 13:

կել, բովել, խորովել» բայր: Աղանձի վրա հաճախ ավելացնում էին չամիշ եւ տարվա որոշ օրերին գործածում իբրեւ աղանդեր: Հոմանիշներն են՝ խայծառ, խածաղ/խեծաղ, կարկատ, եղի, մուրկ⁸:

Աղանձ արմատի առաջին հայտնի հիշատակությունը 12-13-րդ դարերից է (Միսիթար Հերացի եւ «Գիրք Վաստակոց»):

Հ. Աճառյանը հայերենին վերագրում է հնդեվրոպական (հ.-ե.) ծագում *Ինդհ- նախաձևից, որի ժառանգ-ձեւերը ցեղակից լեզուներում նշանակում են «եփել, կերակուր պատրաստել». այս պատճառով՝ վրացերեն ձլանծցա [alançzva] «խանձում» բառը Աճառյանը փոխառյալ է համարում հայերենից⁹: Մեր կարծիքով, սակայն, իմաստաբանորեն քիչ հավանական է հայ. աղանձ-ի կապը հ.-ե. *Ինդհ- նախաձեւի հետ: Գ. Զահուլյանը նույնպես չի ընդունում Հ. Աճառյանի բացատրությունը՝ նշելով, որ Պոկռոնու բառարանում *Ինդհ- արմատ չկա: Գ. Զահուլյանն առաջարկում է այլ հ.-ե. Ստուգաբանություն՝ *polntio- նախաձևից, որի արմատն է, ըստ նրա՝ *pel- «այսուր, փոշի, այսուրից շիլա». Վրացերենի մասին նա որեւէ բան չի գրում¹⁰:

Թվում է՝ առավել հավանական է ընդհանուր ենթաշերտային ծագում ենթադրել նշված բառերի համար: Հայերենում աղանձ-արմատը տարածված է թե՝ արեւելյան, թե՝ արեւմտյան բարբառներում¹¹:

հայ. աղերս- – վրաց. ձլցշօ-օ [alers-i] «իայլիայանը, շոյանը», ձլցշօան-օ [alersian-i] «քնրուշ, սիրալիր»

⁸ Գ. Աւետիքեան, Խ. Միւրմէեան, Մ. Աւգերեան, Նոր բառզիրք հայկագեան լեզուի, Տպարան ի Սրբոյն Ղազարու, Վենետիկ, 1836, էջ 33; Ս. Զախօշախեան, Բառզիրք ի բարբառ հայ եւ իտալական, Տպարան Սրբոյն Ղազարու, Վենետիկ, 1837, էջ 22; Ս. Գարամաճեան, նշվ. աշխ., էջ 24; Ս. Ամատունի, Հայոց բառ ու բան, Տպարան Մայր Աթոռոյ ս. Էջմիածնի, Վաղարշապատ, 1912, էջ 18; Հ. Աճառեան, Հայերէն զաւառական բառարան, Թիֆլիս, 1913, էջ 73; Ստ. Մալխասեանց, նշվ. աշխ., 1944, հ. 1, էջ 39; ԺՀՀԲԲ, 1969, հ. 1, էջ 33; Ս. Սուրբիայան, Հայոց լեզվի հոմանիշների բացատրական բառարան, Երևան, 2009, էջ 19:

⁹ Հ. Աճառեան, ՀԱԲ, 1926, հ. 1, էջ 120-121:

¹⁰ Գ. Զահուլյան, նշվ. աշխ., էջ 34:

¹¹ Հ. Աճառեան, ՀԱԲ, 1926, հ. 1, էջ 121:

Հայերենում աղերս բառն ունի երկու հիմնական իմաստ՝ 1. սաստիկ աղաջանք՝ պաղատանք, և 2. առընչություն, կապակցություն: Հնում ունեցել է նաև «ընծա, շնորհ, կաշառ» իմաստը¹²:

Թերևս, աղերս բառի տարբերակներն են Մշո բարբառում վկայված աղերիի և Վանա բարբառում վկայված աղաւիլ «աղաջել, պաղատել, աղերսել» բառերը, որոնք իր բարբառային բառարանում ընդգրկել է Հ. Աճառյանը¹³:

Հայ. աղերս- արմատի հոմանիշներն են՝ աղերսանք, աղաշանք, թախանձանք, խնդրանք, հայցուածք, ողոքանք, պաղատանք, թախանձ, ողոք¹⁴:

Աղերս բառը հայերենում առաջին անգամ վկայված է Ս. Գրքի հայերեն թարգմանության մեջ (5-րդ դար):

Հ. Աճառյանը թեև հայերենի ծագումը համարում է անհայտ, բայց վրացերենը փոխառյալ է դնում հայերենից¹⁵: Գ. Զահուլյանը՝ «ար- արմատի համար ենթադրում է հ.-ե. ծագում՝ *el- բնածայնական նախածնից, սակայն անբացատրելի է մնում -երս վերջավորությունը. վրացերենի մասին ոչինչ չի գրում¹⁶:

Իսկապես, վրացերենը հնչյունաբանորեն կարող էր փոխառյալ լինել հայերենից, եթե չլիներ իմաստային զգալի հեռավորությունը: Ուստի, կարծես, առավել հավանական է թվում ընդհանուր ենթաշերտային ծագումը երկու լեզուների համապատասխան ձեւերի համար: Հայերենում աղերս- արմատը հայտնի է Մեղրիի և Մշո բարբառներում¹⁷, այսինքն՝ թե՝ արեւելյան, թե՝ արեւմտյան:

հայ. աղիւս – վրաց. ձլօօծ-օ [aliz-i] «հում աղյուս» – պարսկ.

¹² Ս. Գարամաճեան, նշվ. աշխ., էջ 27-28; Ստ. Մալիսանեանց, նշվ. աշխ., 1944, հ. 1, էջ 43; Հայոց լեզվի բարբառային բառարան (ՀԼԲԲ), Հ. Աճառյանի անվան լեզվի ինստիտուտ, Երևան, 2001, հ. 1, էջ 38; Ռ. Ղազարեան, Գրաբարի հոմանիշների բառարան, Մեծի Տան Կիլիկիոյ Կաթողիկոսութիւն, Արթիլիս, 2006, էջ 12:

¹³ Հ. Աճառյան, ՀԳԲ, էջ 75:

¹⁴ Գ. Աւետիքեան, Խ. Սիրմելեան, Ս. Աւգերեան, ՆԲՀ, էջ 37-38; Յ. Գայայեան, Բառարան զանձարան հայերեն լեզուի (ԲԳՀՀ), Գահիրե, 1938, էջ 9; Ռ. Ղազարեան, նշվ. աշխ., էջ 12; Ս. Սուրիսայան, նշվ. աշխ., Երևան, 2009, էջ 19:

¹⁵ Հ. Աճառյան, ՀԱԲ, 1926, հ. 1, էջ 126-127:

¹⁶ Գ. Զահուլյան, նշվ. աշխ., էջ 36:

¹⁷ Հ. Աճառյան, ՀԱԲ, 1926, հ. 1, էջ 127; ՀԼԲԲ, հ. 1, էջ 38:

Հինգ[աշխ] «հում աղյուս»

Աղյուսը՝ կաղապարի մեջ շինված, ջրով շաղախված եւ ապա հնոցի մեջ թրծած եւ/կամ արելի տակ չորացրած կավահողի ուղղանկյուն կտոր է, որը քարի փոխարեն գործածվում է իրքի շինանյութ՝ պատ շարելու համար: Լինում է հարդախառն (եթե հում է) կամ առանց հարդի (եթե թրծած է)¹⁸:

Հումանիշներն են՝ ազուր (թրծած) եւ ալիզ (չթրծած՝ հում)¹⁹:

Հայերենում աղիս բառն առաջին անգամ վկայված է Ս. Գրքի հայերեն թարգմանության մեջ (5-րդ դար):

Հ. Աճառյանը հայերենի համար ենթադրում է փոխառություն փոքրասիական մի հին լեզվից, իսկ վրացերեն եւ պարսկերեն ձևերը փոխառյալ է դնում հայերենից²⁰: Սակայն Գ. Զահուլյանը չի ընդունում այս տեսակետը, քիչ հավանական է համարում նաև հ.-ե. Ծագումը²¹:

Հայերենից փոխառված լինելու պարագային՝ վրացերենում եւ պարսկերենում սպասելի էին վերջահար /-s/ խուլ շփականով ձեւեր եւ ոչ /-z/ ձայնեղով: Բացի այդ, ոչ մի կերպ չի բացատրվում /-i/ կիսաձայնի կորուստը /h/ ձայնավորից հետո եւ երկրարբարի վերածումը պարզ ձայնավորի:

Այդպիսով, առավել հավանական է թվում ընդհանուր ենթաշերտային ծագումը կամ պարզապես տարածաշրջանի մշակութային բառ լինելը: Հայերենում աղիս տարածված է արեւմտյան բարբառներում²²:

Ինչ վերաբերում է ալիզ «հում աղյուս» բառին՝ վկայված Թիֆլիսի բարբառում²³, ապա ակնհայտ է, որ այն փոխառյալ է վրացերենից (ձլօթ-օ [aliz-i] > ալիզ):

¹⁸ Գ. Աւետիքեան, Խ. Սիւրմելեան, Մ. Աւգերեան, ՆԲՇԼ, էջ 40; Ս. Գաբամանեան, նշվ. աշխ., էջ 29; Ստ. Մալխասեանց, նշվ. աշխ., 1944, հ. 1, էջ 44; ԺՀՀԲԲ, 1969, հ. 1, էջ 14, 41:

¹⁹ ԺՀՀԲԲ, 1969, հ. 1, էջ 14, 41; Ս. Սուրբայան, նշվ. աշխ., 2009, էջ 21:

²⁰ Հ. Աճառյան, ՀԱԲ, 1926, հ. 1, էջ 130-131:

²¹ Գ. Զահուլյան, նշվ. աշխ., էջ 37:

²² Հ. Աճառյան, ՀԱԲ, 1926, հ. 1, էջ 130:

²³ ՀՀԲԲ, 2001, հ. 1, էջ 16:

հայ. ամայի – վրաց. ածառ [amao] «ապարդյուն, ունայն», ածառձա [amaoba] «ունայնություն»

Ամային ածական է՝ «անմարդաբնակ, ավերակ, անմշակ» նշանակությամբ: Այս բառի հոմանիշներն են անմարդաբնակ, անբնակ, անապատ, ավերակ, անշեն, անմշակ, խոպան, ապալեր(կ), պարապ²⁴:

«Ամայի» բառի առաջին հայտնի վկայությունը Մովսես Խորենացու «Յաղագս պիտոյից» աշխատության մեջ է:

Հ. Աճառյանը «ամայի» բառը համարում է անհայտ ծագման բառ, սակայն վրացերեն ձեւը փոխառյալ է դնում հայերենից²⁵: Գ. Զահոռուկյանն էլ, իր հերթին, «ամայի» բառը միացնում է ամ-ալ «լցնել» արմատին²⁶, ինչը, սակայն, իմաստաբանորեն անհամատելի է կարծես:

Վրացերենի «ապարդյուն, ունայն» նշանակությանը մոտ գործածություն հայտնի է նաև գրաքարում՝ «պարապ տեղը, իզուր»:

Ամենայն հավանականությամբ, նշված բառերի համար պետք է ենթադրել ընդհանուր ենթաշերտային ծագում: Նույն աղբյուրից կարող էր ծագել նաև Վանի բազաւորության սեպագրերում մեկ անգամ գործածված առև բառը²⁷, որի նշանակությունը պարզ չէ:

Ի դեպ, ամայի բառը հայերենում տարածված է թե արեւելյան, թե՝ արեւմտյան բարբառներում:

Նախորդ հինգ ենթախորագրերի տակ քննարկված հայերեն բառերը եւ դրանց այլալեզու զուգահեռ ձևերը ժամանակին միմյանց հետ համեմատվել են նաև նախորդ հետազոտողների կողմից, սակայն նրանց կողմից տրվել են այլ մեկնաբանություններ: Հաջորդ քննարկվելիք բառերը առաջին անգամ են բաղդատվում:

հայ. աւ- «իւենթություն, մոլեգնություն», աւ- «շվարում, շիռքություն», աւաղ «ափսոս, նիհար, տկար, վատուժ» – վրաց. աշ- [av-]

²⁴ Ս. Գարամաճեան, նշվ. աշխ., էջ 37; Յ. Գայայեան, ԲԳՀԼ, էջ 11; Ստ. Մալխասեանց, նշվ. աշխ., 1944, հ. 1, էջ 55; Ա. Սութիայան, նշվ. աշխ., 2009, էջ 24:

²⁵ Հ. Աճառեան, ՀԱԲ, 1926, հ. 1, էջ 144-145:

²⁶ Գ. Զահոռուկյան, նշվ. աշխ., էջ 42:

²⁷ Հ. Արյունյան, Կօրպուս սրբածությունների համար (ԿԿԿՀ), Երևան, 2001, ս. 128, 434.

Ժիտական նախածանց, ձՅ-օ [av-i] «չար, կտտաղի»

Հայերենում ալ- արմատը պահպանված է ալիլ «ցնորվել, խենթանալ» բայի մեջ, որից գրաբարում կազմված էր հատկապես աւեալ «ցնորված, խենք» բառը, գուցե նաև՝ *աւանդիլ չպահպանված բայից աւանդող «ցնորված, մոլեզնած» ենթակայական դերբայը: Թվում է, թե կարծես աւադ անյայտ ծագման բառի մեջ նոյնպես կարելի է տեսնել ալ- արմատը:

Աւեալ «ցնորված» ձեւը առաջին անգամ վկայված է Բարսեղ Վեսարացու թարգմանության մեջ:

Հ. Աճառյանը ալ- արմատի ծագումը համարում է անհայտ, թեև ալիւն բառը միացնում է ալ-ին²⁸: Մինչդեռ Գ. Զահուլյանը՝ ալ-«խենթություն, մոլեզնություն» արմատը բխեցնում է հ.-ե. *ազ- «սիրել, համել, կարիք ունենալ, ցանկանալ, տենչալ, նպաստել, օգնել» նախաձեւից եւ նոյնպես ալիւնը-ը միացնում է ալ-ին²⁹:

Ամենայն հավանականությամբ, եթե հաշվի ենք առնում հայերենի եւ վրացերենի տվյալները, առավել իրատեսական է թվում համապատասխան երկու բառարմատների ենթաշերտային ծագումը:

հայ. բարձ- «բարձրութիւն» – վրաց. ձձարձացցեბա [abarbazeba]
«երերալով բարձրանալ»

հայ. բարձ- «բարձրութիւն» - վրաց. ձծրձանցձա [abrzaneba]
«ստիպել տեղից վեր կենալ բարձրանալ»

Բարձ- արմատը հայերենում բազմաթիվ բարդ եւ ածանցավոր բառեր է կազմում: Այստեղից է նաև՝ -ր ածականով բարձր ածականը, որ նշանակում է ուղղահայաց դիրքով՝ ներքեսի կետից մինչեւ վերին կետը զգալի հեռավորություն ունեցող, դեպի երկինք ուղղությամբ ձգվող³⁰: Նույն ձևից է՝ արեւմտահայերեն բարձրկեկ «քիչ բարձր» ածականը³¹:

Բարձ- արմատի առաջին հայտնի վկայությունը Ս. Գրքի հայերեն թարգմանության մեջ է (5-րդ դ.):

²⁸ Հ. Աճառյան, ՀԱԲ, 1926, հ. 1, էջ 360-361:

²⁹ Գ. Զահուլյան, նշվ. աշխ., էջ 98:

³⁰ Ստ. Մալխասեանց, նշվ. աշխ., 1944, հ. 1, էջ 346:

³¹ Ա. Սարգսյան, Արեւմտահայերենի բառարան, Երևան, 1991, էջ 54:

Հ. Հյուրշմանը, Հ. Աճառյանը եւ Գ. Զահուկյանը բարձ-ր արմատին վերագրում են հ.-է. ծագում *bhrg'-h- նախաձեւից: Վրացերենի մասին չեն գրում³²:

Այսինչ վրաց. ածարծացյօթա [abarbraceba] բառի մեջ, ամենայն հավանականությամբ, առկա է *ձա՛ր-Ց- [bar-c-] արմատի կրկնությունը, ինչը հենց բառին հաղորդել է երերալու նրբերանզը, իսկ ածրծանցօթա [abrzaneba] բառի մեջ տեսնում ենք ծ(ա)՛ր-Ց- [b(a)r-Ց-] արմատը: Այսպիսով, վրացերենում վկայված են *bar- «բարձրութիւն» արմատի երկու տարբեր աճականներով ձևեր՝ *ձա՛ր-Ց- [bar-c-] եւ ծ(ա)՛ր-Ց- [b(a)r-Ց-]:

Հետարքրական է, որ վրացերենում եւ հայերենում պահպանված այս նույն արմատը հանդիպում է նաև Վանի թագաւորության սեպագրերում՝ *barz-i / *barz-u ձեւերով՝ հետեւյալ բարդ բառի մեջ՝ bar-zu-di-bi-du-(ú)-ni կամ bar-zi-di-bi-du-(ni), որը նշանակում է տաճարական համալիրի մի կառույց³³: Սեպագրային այս ձեւերից առաջինը *barz-u հնչյունապես ճզրտորեն արտացոլված է զրաբարում բարձր բառի -ու հոլովման մեջ բարձ-ու:

Բարձ- արմատի քննությունը վրացական և սեպագրային զուգահեռների ներզրավմամբ, ցույց է տալիս, որ հնարավոր է ենթաշերտային եւ հնդեվրոպական նախաձեւի բաղարկումը կամ ընդհանուր ծագումը նոստրատիկ նախահիմքից:

հայ. բիզ – վրաց. ածթցա [abzek'a] «վեր ցցել, տնկել», «վեր բարձրացնել», ածթցօլ-օ [abzek'il-i] «ցցած, վեր բարձրացրած»

Բիզը պարզ գործիք է՝ փայտէ կորով, մետաղէ սրածայր սլաքով, գործածիքում է զյսավորապես կոշկակարության մեջ կաշի ծակելու եւ կարելու համար, երբեմն նաև խագելու ու փորագրելու համար: Հոմանիշներն են՝ հերին, հերոն:

Մազերը բիզ-բիզ կանգնել արտահայտությունը նշանակում է «մազերը ցցվել, տնկվել». ասվում է զարմանք եւ սարսափ նկարագրելու համար անակնկալ պատահարի ժամանակ: Հայոց խոսակցական լեզվում բավական տարածված է նաև բգիկ-բգիկ անել - «պատառոտել, ծվատել» բաղադրյալ բայլը³⁴:

³² Հ. Աճառեան, ՀԱԲ, 1926, հ. 1, էջ 413-415; Գ. Զահուկյան, նշվ. աշխ., էջ 121:

³³ Հ. Արյուշյան, ԿԿՀ, ս. 440.

³⁴ Ս. Գարամաճեան, նշվ. աշխ., էջ 314-315; Ստ. Մալխասեանց, նշվ. աշխ., 1944, հ. 1,

Բիզ բառը գրական աշխարհաբարում վկայված է Երեւանի առաջին պարբերաթերթում՝ «Պատկ»ում (1880/06/07, № 13), իսկ «բարբառային աշխարհաբարում» ավելի վաղ՝ Խաչատուր Աբովյանի մոտ («Պարապ վախտի խաղալիք», 1841 թ.)³⁵:

Ստ. Մալխասյանցը՝ հայ. բիզ բառը համարում է ծագած թուրքերեն բիզ «խայրոց» բառից: Ըստ երեւույթին, այդ կարծիքին են եղել 20-րդ դարի մեր մյուս լեզվաբանները նույնպես, եւ այդ պատճառով բառը տեղ չի գտել հայերենի ստորաբանական բառարաններում: Այս հարցում թերևս դեր է խաղացել նաև բառի ուշ վկայված լինելը:

Ինչևէ, թուրքերենից ծագած լինելու մեկնուրյունն իմաստաբանորեն քիչ հավանական է կարծես: Վրաց. ածթշցա [abzek'a] եւ ածթշցօլ-օ [abzek'il-i] բառերի համադրումը հայերենի հետ թույլ է տալիս վերականգնել վրաց. *bz-ek' արմատը, որի առաջին բաղադրիչը, ինչպէս երևում է, նույնական է հայերեն բառի հետ:

Այսպիսով, նշված բառերի համեմատական քննուրյունից հետո՝ հավանական է թվում հայերենի եւ վրացերենի ընդհանուր ենթաշերտային ծագումը: Ընդ որում, հայերենում բիզ արմատը տարածված է թե արևմտյան, թե արևելյան բարբառներում³⁶:

Торк Далалян - Этимология некоторых армянских субстратных слов. - В статье рассматривается происхождение восьми армянских слов и корней, этимология которых в большинстве случаев не совсем была ясна. Основываясь на существование параллелей в грузинском и персидском языках, предполагается о субстратном происхождении данных форм.

Tork Dalalyan - Etymologies of Some Armenian Substratum Words. - We discuss in this paper eight Armenian words and roots which's etymologies in most cases have been obscure to some extent. Basing on the existence of parallels in Georgian and Persian languages we assume the substratum origin of these forms.

էջ 100, 370; Ա. Սուրբիայան, Ա. Գալստյան, Հայոց լեզվի դարձվածանական բառարան, ԵՊՀ հրատարակչություն, Երևան, 1975, էջ 127; Է. Աղայան, Արդի հայերենի բացատրական բառարան, Երևան, 1976, հ. 1, էջ 867:

³⁵ http://www.eanc.net/EANC/search/?interface_language=am

³⁶ ՀԼԲԲ, 2001, հ. 1, էջ 193:

ՀԱՅԵՐԵՍԻ ԱՄԲԻՈՆԸ ՓԱՐԻԶԻ ԱՐԵՎԵԼՅԱՆ ԿԵՆՏԱՆԻ
ԼԵԶՈՒՆԵՐԻ ԲԱՐՁՐԱԳՈՒՅՆ ԴՊՐՈՑՈՒՄ

Հայերենի ամբիոնը Փարիզում բացվել է Նապոլեոն Բոնապարտի հատուկ հրահանգով: Այդ ամբիոնը բացելու նախաձեռնողը եղել է Շահան Ջրպետը, որը 1798-ին ծանոթացել է Նապոլեոն Բոնապարտի հետ և նրան էլ հայտնել է իր փափազը Փարիզի Արևելյան կենդանի լեզուների բարձրագույն դպրոցում հայոց լեզվի ամբիոն բացելու մասին: Այդ ամբիոնի բացման և հետագա ընթացքի մասին մանրամասն գրված է Ֆրանսիայի նշանավոր հայագետ Ֆրեդերիկ Մակլերի երկու աշխատություններում¹: Առաջինը կոչվում է «Հայերենի ամբիոնը Արևելյան կենդանի լեզուների հատուկ դպրոցում», երկրորդը «Հայաստանի շուրջը»: Հարց է առաջանում՝ ինչո՞ւ Ֆրեդերիկ Մակլերը կրկնեց իր 1911 թվականի նոյեմբերի 14-ի Փարիզի Արևելյան կենդանի լեզուների հատուկ դպրոցի հայերենի դասընթացի բացման արարողության ժամանակ կարդացած ծավալուն զեկուցումը՝ 1917 թվականին լույս տեսած «Հայաստանի շուրջը» մեծարժեք գրքում: Պատճառը մեկն է հայագետը կարևորեց հայերենի դեռ 1915 թվականի հայերի ցեղասպանությունից հետո միաժամանակ ազդարարելով, թե մեկ ու կես միլիոն ոչնչացված անմեղ հայերը եղել են այդ հինավորց ու շատ հարուստ լեզվի ու քաղաքակրթության կրողները:

Ֆ.Մակլերի՝ հայոց լեզվի ամբիոնին նվիրված հետազոտությունը յուրօրինակ խրախույս էր բոլոր նրանց, որոնք որոշել էին գիտահետազոտական բնագավառում ընտրել հայերենը:

Հայությունը Մակլերը հավասարապես կարևոր է համարում օտար հայագետների համար ոչ միայն ինը հայերենի՝ գրաբարի յուրացումը, այլև հայերենի նոր շրջանի երկու ճյուղերի՝ արևմտահա-

¹ F.Macler, *La chaire d'Arménien l'école spéciale des langues orientales vivantes*, Paris, 1912, F.Macler, *Autour de l'Arménie*, Paris, 1917, p.1-65. Տե՛ս նաև Ա.Դոլոխանյան, Ֆրեդերիկ Մակլերը հայագետ, Երևան, 2011, էջ 57-74:

յերենի ու արևելահայերենի իմացությունը: Դրա առհավատցյան այն կարևոր ու գլխավոր գիտական իրողությունն է, որ հայերենի քերականությունը համեմատական առումով շահեկան է ուսումնասիրելու հնդեվրոպական լեզուները, ծանոթանալու միջնադարի ընդհանուր պատմությանը, եկեղեցու պատմության վերաբերյալ փաստեր քաղելու, հիմանալի ձևով պատկերացնելու հեթանոսական պաշտամունքի ձևերը, արևելյան ժողովրդական բանահյուսությունը, ցույց տալու համար այն կապը, որ կար արվեստի և ճարտարապետության միջև:

Արևելյան կենդանի լեզուների հատուկ դպրոցում հայերենի ուսուցման դասընթացն ավարտելու համար ընդամենը երեք տարի էր հատկացվում: Այդ ժամանակահատվածում ուսանողները պետք է յուրացնեին ոչ միայն գրաբարը, այլև աշխարհաբարը, որը սովորական խոսակցական լեզու չէր, այլ իմաստ ձևափոխվել էր ու կատարելազորձվել գրաբարի ազդեցության տակ:

Տեղին է հիշատակել մի կարևոր փաստ: Հայ գրականության դասականներից Ռափայել Պատկանյանը եղել է Լազարյան Ճեմարանում Մկրտիչ Էմինի աշակերտներից և ուշագրավ հուշեր է թողել իր սիրելի ուսուցչի մասին:² Հայտնի փաստ է, որ Էմինն իր աշխատությունները գրում էր գրաբարով, ոուսերեն ու ֆրանսերեն: Նոյնիսկ Խաչատուր Աբովյանն իր երկու նամակներն՝ ուղղված Էմինին, գրել է գրաբարով: Սակայն Էմինը նախանձախնդիր էր աշխարհաբարի կատարելության խնդրում և շարունակ հետևում էր վերջինիս հարստացմանը: Այդ մասին վկայում է Ռափայել Պատկանյանը, և հայտնի է, որ Էմինի ջանքերով աշխարհաբարի մեջ մտան և ցարդ գործածվում են դասարան, թեյ, առաք, դասախոսություն, համալսարան և այլ բառեր:

Ֆ.Մակլերը բարեխսդորեն ներկայացնում է հայագիտության անցած ճանապարհը եվրոպական երկրներում՝ Բտալիա, Գերմանիա, Անգլիա, Ֆրանսիա:

Դեռ 1322 թվականին հայերենն այնքան էր կարևորվում կա-

²Տե՛ս Մկրտիչ Էմինի երկասիրությունները հայոց լեզվի, գրականության և պատմության մասին (1840-1855թթ.) հայկաբանի մի պատկերով և կենսագրական նյութերով, Մոսկվա, 1898, էջ 201-212:

թոլիկների համար, որ Ավինյոնում նստող կաթոլիկ եկեղեցու պապը հայերենի ուսուցիչներ էր պահանջել Կիլիկիայի թագավոր Լևոն Հինգերորդից, որոնք պապի վստահելի մարդկանց հայերենի դասեր պիտի տային։³

XVI դարի հոչակավոր արևելազետ Գիյոմ Պուտելը, որը մեծ ճանապարհորդ էր և հմուտ հետազոտող, հրատարակել է բազում գրքեր: 1538-ին Փարիզում լույս տեսած մի աշխատության մեջ, որը 75 էջից էր բաղկացած⁴, Պուտելը խոսում է աշխարհի 12 լեզուների մասին՝ եբրայերեն, ասորերեն, հին քաղդերեն, արաբերեն, եթովպերեն, վրացերեն, բռնիկերեն, հայերեն, լատիներեն և այլք ու հայերենին հատկացնում է իր հետազոտության հինգ էջերը նշելով, թե հայերենն ունի արտասանական դժվարություն:

XVIII դարում Քոլեջ ֆրանսի պրոֆեսոր աքքա Գիյոմ Վիլեռոյը, որը եբրայերեն էր ուսուցանում, զիտեր նաև գրաքար, իսկ նրա աշակերտը աքքա Պիեռ-Սիմոն Լուտրեն, որը նույն հաստատության եբրայերենի պրոֆեսոր էր, մեծ եռանդրվ սկսում է գրաքար սովորել և կազմում է շափազանց ծավալուն հայ-լատիներեն բառարան, որը, սակայն, չի կարողանում տպագրել:

Հետաքրքիր է, որ Փարիզի Արևելյան կենդանի լեզուների բարձրագույն դպրոցի պատմությունը զուգակցվում է հայ ժողովրդի պատմության արժանահիշատակ դրվագներով, հայ մատենագիրների ու գրողների համառոտ բնութագրմամբ և հատկապես Ֆրանսիայի զիտնականների հայագիտական ժառանգության հիմնական գործերի հիշատակումով:

Իհարկե, առաջին հերթին ժամանակագրական հերթականությամբ կարևորվում են այն հայագետները, որոնք եղել են Փարիզի Արևելյան կենդանի լեզուների բարձրագույն դպրոցի հայերենի ամբիոնի վարիչները:

Շահան Զրպետը գրել էր հայերենի քերականություն և նրա մտահղացմամբ ու առաջարկով բացվեց հայերենի ամբիոնը, և ինքն էլ դարձավ այդ ամբիոնի հայերենի հիմնական դասախոսը: Զրպետը հետազայում տեղափոխվում է Թիֆլիս (1826թ.) և մինչև մահը

³ F.Maecler, *La chaire d'Arménien...*, p. 11.

⁴ Նույն տեղում:

1838թ., դասավանդում է Ներսիսյան դպրոցում:

Չահան Զրպետի մասին եղակի հիշողություններ է քողել Գաբրիել Սունդուկյանը, որը 1832 թվականից դառնում է նրա մասնավոր աշակերտը վեց տարի սովորելով հայերեն, ֆրանսերեն, նաև լատիներեն ու իտալերեն: Զրպետի կինը՝ բնիկ ֆրանսուիի և փարիզուիի, այդ վեց տարիների ընթացքում կատարելագործում է Սունդուկյանի ֆրանսերենը:⁵ Զրպետից հետո 1830-ից մինչև 1862 թվականը հայերենի ամբիոնը զլիավորում է Լը Վայան դը Ֆլորիվալը, որի հայագիտական ժառանգությունը մեծ չէ: Նա գրաքարից ֆրանսերեն է թարգմանել Սովուս Խորենացուն (1841) և Եզնիկ Կողբացու «Եղծ աղանդոցը» (1852):⁶

Լը Վայան դը Ֆլորիվալին փոխարինում է մեծ հայագետ Էդուարդ Դյուլորիեն, որը քողել է հսկայական հայագիտական ժառանգություն և ապացուցել է Հայաստանի գրականության ու մշակույթի միջազգային արժեքը:

Էդ.Դյուլորիեն սերտ կապերի մեջ էր Վենետիկի Սուրբ Ղազար կղզում հաստատված Միիթարյան միաբանության անդամների հետ: Դյուլորիեն այն հայագետներից էր, որոնք բարձր էին գենահատում հայ պատմիչների մատյանները, որովհետև վերջիններս իրենց երկերում պահպանել են այնպիսի իրադարձությունների հիշատակներ, որոնք անտեսվել են հույն և հոռոմեացի պատմիչների կողմից: Սահմանակից սկյութական ու թաթարական ցեղերին հայ պատմիչները ճանաչում են, նորովի հոգատարությամբ ու ճշգրտությամբ ներկայացնում են այդ ժողովուրուների տեղաշարժերը: Նույնը կարելի է ասել արաբական, թուրք-սելջուկյան և մոնղոլական արշավանքների և խաչակիրների մասին: Դրանց մասին արժանահավատ փաստեր են հաղորդում Հովհաննես Դրասիսանակերտոցին, Ասողիկը, Ղևոնդ պատմիչը, Արիստակես Լաստիվերցին, Կիրակոս Գանձակեցին, Մաղաքիա Աքեղան, Վարդան Վարդապետը և շատ ուրիշ հայ հեղինակներ, որոնք անծանոթ են մնացել եվրոպական հմտություններին:

Զեկուցման մեջ նշվում են Էդ.Դյուլորիենի հիմնական աշխա-

⁵Տե՛ս Ա.Դոլուխանյան, Ֆրեդերիկ Մակլերը հայագետ, էջ 152:

⁶F.Macler, *La chaire d'Arménien...*, p. 12.

տությունները՝ հատկապես նրա կատարած հիմնարար աշխատությունը՝ նվիրված հայ հեղինակների երկերում եղած այն նյութերին, որոնք վերաբերում են խաչակրաց արշավանքներին:

Էղուարդ Դյուլորիեին հայերենի ամբիոնի վարիչի պաշտոնում փոխարինում է Օգոստ Կարիերը, որը հայտնի դարձավ Մովսես Խորենացու «Հայոց պատմության» խիստ քննադատությամբ:⁷

Կարիերի վարկածի դեմ ըմբռատացան բազմաթիվ հայ գիտնականներ, նաև անզիհացի նշանավոր հայագետ Ֆրեդերիկ Կոնհիերը, որը լիովին հերքեց Կարիերի վարկածը և Խորենացուն վերադարձրեց V դար:⁸

Կարիերը վախճանվում է 1902-ին, և նրան փոխարինում է Անտուան Սեյեն, որը զբաղվում է բացառապես հայոց լեզվի խնդիրներով: Չմոռանանք, որ նրա արժանավոր ուսանողը դարձավ մեծ լեզվաբան Հրաչյա Աճառյանը:

Ֆրեդերիկ Մակլերի գեկուցումը նվիրված է Փարիզի Արևելյան կենդանի լեզուների դպրոցի հայերեն լեզվի ամբիոնին մինչև 1911 թվականը այսինքն ամբիոնի 100-ամյա հոբեյանը: Ամբիոնի հետագա ընթացքի մասին մեծարժեք տեղեկություններ է թողել մեծ հայասեր ու հայագետ Ֆրեդերիկ Ֆեյդին: Անտուան Սեյենին փոխարինում է հենց ինքը՝ Ֆրեդերիկ Մակլերը, որն այդ պաշտոնը վարում է մինչև 1937 թվականը: Նրան փոխարինում է Անտուան Սեյենի ոչ պակաս արժանավոր աշակերտ Ժորժ Դյումեզիլը, որ մասնագիտացել էր նաև հայերենի բարբառներում:

1949-ին Ժորժ Դյումեզիլին փոխարինում է Ֆրեդերիկ Ֆեյդին և դեկավարում է ամբիոնը մինչև 1977 թվականը:

Մեսրոպ Մագիստրոսը Գալուստ Տէր-Մկրտչյանի հիշատակին նվիրված հոդվածում շատ է կարևորում օտարերկրյա հայագետների այցելությունը Հայաստան և հատկապես Էջմիածնի մատենադարան: Նա հատուկ նշում է. «Միաբան Գալուստը այդ մասնագետ այցելուների մեծազույն մասի համար ուսուցիչ և ուղղություն

⁷ Օգոստ Կարիերի կարծիքի վերջին հերքումը տե՛ս Ա.Մուշեղյան, Մովսես Խորենացու դարը, Երևան, 2007, էջ 4, 9, 10, 15, 302, 329, 342:

⁸ Տե՛ս «Հանդէս ամսօրեա», 1902, էջ 1-6, 80-90, 129-132, 193-198, 236-240, 1903, էջ 30-36, 152-157, 215-218, 317-320, 325-330:

տվող է հանդիսացել և երբեմն նաև հրահրել է նոցա եռանդը: Անգլիացի պրոֆեսոր Կոնիքեր, ֆրանսիացի Մեյե և Մակլեր, գերմանացի դոկտոր Լեման, Դումբերգ, ակադեմիկոս Մառ, դոկտոր Կարստ և այլն Գալուստի հետ կապված մնացին ոչ միայն իբրև լոկ մասնագետներ, այլ իբրև լավ բարեկամներ»⁹:

Այդ ժամանակներում Հայաստան այցելելը չուներ ներկայիս ոչ հարմարավետությունը և ոչ էլ ճամփորդական արագությունը: Բավական է հիշել, թե ինչպիսի դժվարությունների հանդիպեց Մարի Ֆելիսիտե Բրոսան, եթե 1848-ի հունվարի 11-ին Թիֆլիսից մեկնեց Երևան և 40 օր Էջմիածնում ունեցավ ստեղծագործ աշխատանքի երջանիկ օրեր: Թեպետ ցրտաշունչ ձմեռ էր, և վանքի մատենադարանը չէր տարացվում, նա Հովհաննես Շահիսարունյանցի անձնվեր աջակցությամբ ծանոթացավ իրեն անհրաժեշտ հայկական ձեռագրերին: Այդ ճամփորդությունը նկարագրել է իր նորերում, որոնք լույս տեսան 1849-ին Ս.Պետերբուրգում:¹⁰

Ֆրեդերիկ Ֆեյդին ևս այցելել է Հայաստան: Առաջին անգամ 1963-ին: Նրա արժանավոր աշակերտը Ժան-Դիեռ Մահեն հիշեցնում է, թե որքան դժվար էր օտարերկրացիների համար այցելել Խորհրդային Հայաստան, սակայն Ֆեյդին հաղթահարում է բոլոր արգելվները, տեսնելու համար այն երկիրը, որն այնքան սիրել էր:

Ֆեյդիի վրա խոր տպավորություն է թողել 1915 թվականի սարսափելի եղենից հետո վերածնված Հայաստանը: Նրան հիացմունք է պատճառել Հայաստանի գիտությունների ազգային ակադեմիան՝ իր բոլոր ինստիտուտներով, Երևանի պետական համալսարանը, միուս բուհերը և առաջին հերթին Մաշտոցի անվան հոյակապ Մատենադարանը: Ֆեյդին հավաստում է, թե երևակայությունից վեր է Հայաստանի գիտության ծաղկուն վիճակը. կա Գիտությունների ազգային ակադեմիա՝ իր գիտնականների պատկառելի բանակով ու տարբեր ինստիտուտներով. «Այս երկու բառերու «հայկական» և «սկագեմիա» բառերու զուգակցումը բազմանշանակալի է ինձի համար, որպես Ձեր անցյալի պատմությունը իմացողի»¹¹:

⁹ Մեսրոպ Մագիստրոս, Հողվածների ժողովածու, Ս.Էջմիածին, 2009, էջ 557:

¹⁰ Տե՛ս M.Brosset, *Rapports sur un voyage Archéologique dans la Géorgie et l'Arménie (exécuté en 1847-1848)*, st. Petersbourg, 1849, p. 15-152.

¹¹ «Պատմա-բանասիրական հանդես», 1963, թիվ 4, էջ 261:

Մի զրույցի ժամանակ Ֆեյդին խոստովանել է, թե Արևմուտքի մեջ հայերի կողմից հայագիտությունը նվազելու վրա է, և ինքը ուրախ է, որ Հայաստանը ժամանակին է բռնել հայագիտության շահը, ու այսուեղ հայագիտությունը զարգանում է ճիշտ այնպես, ինչպես ֆրանսագիտությունը Ֆրանսիայի մեջ, գերմանագիտությունը՝ Գերմանիայի մեջ՝ հավասար կերպով:¹²

Ֆեյդին, որպես հայագետ, բազմաճյուղ հետաքրքրություններ ուներ՝ հայոց լեզվի ուսուցման խնդիրներ, հայ գրերի գյուտի պատմություն, պատմագիտական հետազոտություններ, գրականագիտական հետազոտություններ, հայ ժողովրդական բանահյուսություն և թարգմանություններ:

Ֆեյդիի ուսուցիչը ևս՝ Ֆրեդերիկ Մակլերը, որը հայ դատի նվիրյալ պաշտպաններից էր, մեծ եռանդով զբաղվել է հայոց լեզվի ուսուցման խնդիրներով:

Հիանալի ձևով հասկանալով, թե օտարազգի հայագետը միայն հայ անցյալի մատենագրությամբ չպետք է զբաղվի, այլև հաղորդակից պետք է լինի ժամանակակից հայ լեզվաբանությանը, գրականությանը, բանասիրությանը, Մակլերը գրում է: «Ժամանակակից հայերենի քրեստոնմատիա», որը լույս է տեսնում 1932-ին Փարիզում:¹³

Նախաբանում կա բնաբան՝ քաղվածք 1883-ին Փարիզում լույս տեսած պարսկերենի քրեստոնմատիայից. «Սամանին լսել է Արու Թուրքաբ Ալի բեն Թահիր Կերմինուց. «Կերմինինեիը իմ հայրենիքն է. այն իր անունը ստացել է արաբներից նվաճվելու ժամանակ, եթք Վերջիններս տեսել են ծառերի և վտակների բազմաքանակ լինելը, բացականչել են. «Կերմինեհ, ճիշտ Հայաստանի նման է»:¹⁴

Այս բնաբանը, որ Մակլերն ընտրել է, նպատակ ունի օտարազգի ուսանողի մեջ հետաքրքրություն առաջացնել դեպի Հայաստանը:

Նախաբանում Մակլերը նշում է, թե գրաբարը զբաղեցրել է բազմաքանակ բանասերների, գիտնականների, ուսանողների սերունդների: Մակայն հայերն ունեն նոր լեզու, որն արտահայտում է

¹² Նույն տեղում:

¹³ F.Macler, *Chrestomatie de l'Arménien moderne avec vocabulaire*, Paris, 1932, 399 p.

¹⁴ Նույն տեղում, p. 7.

այդ ազգի նոր գաղափարներն, ու դարձել է նոր գրական լեզու:

Այդ նոր լեզուն ծնվեց ու քաղաքացիական իրավունք ստացավ Արևելյան Հայաստանում, որը պարսկական տիրապետությունից անցավ Ռուսաստանին, և Աբովյանը պահանջեց գրել նոր լեզվով, ու դարձավ ժամանակակից հայերենի հայրը: Նա արևելահայերենի ձևափորման ու զարգացման կենտրոններ է համարում Էջմիածինը, Երևանը, Թիֆլիսը և Բաքուն:

Արևելահայ լեզվի կողքին զարգացավ արևմտահայ ժամանակակից լեզուն՝ գլխավոր կենտրոններ ունենալով Կոստանդնուպոլիսը, Զմյուռնիան, Վենետիկի և Վիեննայի Մխիթարյան միաբանությունները:

Մակլերն եական մեծ տարբերություններ չի տեսնում արևելահայերեն և արևմտահայերեն լեզուների միջև, որովհետև գրական այդ լեզուներից որևէ մեկը իմացողը հեշտությամբ հասկանում է մուսին:

Նրա կարծիքով օտար հայագետը պետք է լիովին հասկանա այդ երկու լեզուները, դրա համար էլ քրեստոմատիայի նյութերը բաժանում է երկու մասի: Առաջին մասում զետեղում է արևելահայ գրողներին ու բանաստեղծներին, իսկ երկրորդ մասում՝ արևմտահայ:

Առաջին հատվածում կան ժողովրդական հերիաքներ, գրույներ, Ստեփանոս Պալասանյանի «Հայոց պատմությունից» հատվածներ և հայ գրողներ Վ. Փափազյանի, Ավ. Ահարոնյանի, Շաֆֆու, Շիրվանզադեի, Խ. Աբովյանի երկերից առանձին կտորներ և բանաստեղծություններ Ալ. Ծատուրյանից, Ղ. Աղայանից:

Արևմտահայ գրականությունը ներկայացնում են Ս. Մամուրյանը, Հովհ. Գագանչյանը, Ս. Տյուսաբը, Ռ. Զարդարյանը, Հ. Պարոնյանը, Ս. Օրմանյանը, Հ. Ասատուրը, Զ. Եսայանը, Լ. Բաշայյանը, Ս. Պորտուգալյանը, Ե. Դուրյանը, Պ. Դուրյանը, Վ. Թերեյյանը, Ս. Պարսամյանը, Ռ. Որբերյանը, Ա. Փանոսյանը, Հր. Նազարյանը, Սիամանթոն, Դ. Վարուժանը, Ա. Չոպանյանը և այլք:

Քրեստոմատիային կցված է շատ հարուստ հայերեն-ֆրանսերեն բառարան:¹⁵ Բացատրված են գրեթե բոլոր բառերը: Քրեստո-

¹⁵ Նույն տեղում, էջ 241-393:

Մատիայի բնագրերի վերջում Ֆ.Մակլերը զետեղել է իր բացատրությունները՝ կապված 1922 թվականին Խորհրդային Հայաստանում իրականացված ուղղագրական փոփոխությունների հետ, որոնք առնչվում էին յև տառերի գործածության հետ: Ուղղագրական նոր կանոնի համաձայն բառասկզբի յ կիսաձայնով սկսվող բոլոր բառերը, որոնք արտասանվում էին ի տառով, պետք է գրվեին հով: Օրինակ յամր=համր, յաջող=հաջող, յոլով=հոլով և այլն:

Այն գոյականները և բայերը, որոնք վերջում ունեին չարտասանվող յ կիսաձայնը, արդեն գրվում են առանց դրա: Օրինակ չգտայ=չգտա, կարդայ=կարդա, կերայ=կերա և այլն: Շառայ=ծառա, բահնայ=բահնա, տղայ=տղա, վկայ=վկա, սատանայ=սատանա և այլն:

Հատ հստակ և բազմաթիվ օրինակներով Մակլերը բացատրում է արևելահայերենի նոր ուղղագրությունը, որը մեծագույն օգնություն էր այդ լեզուն սովորողների համար:

Մեծ քանակ են կազմում նաև հայերենի ամբիոնը երկար տարիներ զլսավորած Ֆրեդերիկ Ֆեյդիի հայերենին վերաբերող լեզվաբանական աշխատությունները: Դրանց մեջ կարևոր են հատկապես երկրուրը առաջինը արևմտահայերենի քերականությունն է, և երկրորդը՝ արևմտահայերենի դասագիրքն է, որը լույս է տեսել 1948-ին և 1969-ին: «Բազմավեպում» լույս են տեսել նրա տեսրակները՝ նվիրված հայերենի քերականության տարբեր խնդիրներին (տե՛ս «Բազմավեպ», 1952, 1956, 1967, 1969, 1976): Այս տեսրակներից վերջինը նա հարգանքով ու բարեկամական սիրով նվիրել է Մատենադարանի տնօրեն, ակադեմիկոս Լևոն Խաչիկյանին: Տեսրակը բաղկացած է 54 էջից և նվիրված է գրաբարի բայական համակարգին. „Le système du verbe Arménien classique”:

Փարիզի Արևելյան կենդանի լեզուների դպրոցի հայերենի ամբիոնի վարիչները եղել են բազմագիտակ բանասերներ, իմացել են բազմաթիվ հին ու նոր լեզուներ, ծանոթ են եղել համաշխարհային գրականության գլուխգործոցներին և ամենակարևորը տիրապետել են միջնադարի մտածողության համակարգի երթեւն ոչ հեշտ ընկալելի խորհրդանշերին: Բոլոր վերոհիշյալ հայագետների գիտական առաջընթացը եղել է շարունակական երիտասարդությունից մինչև կյանքի վերջը:

Վաղ շրջանի հայագետների մասին խոսելիս Ֆրեդերիկ Մակերը չի մոռանում ֆրանսիացի և ֆրանսերենով զրոյ Մաթյուրին Լա Կրոզին, որը հնության պրոֆեսոր էր և Պրուսիայի արքայի գրադարանավարն ու հնագետը: Նա սովորել էր գրաբարը և զրել է երկիաստորանոց հայերենի բառարան: Մակերը չի մոռանում նաև Լա Կրոզի 1739-ին գրած և այժմ Մաշտոցի անվան Մատենադարանում պահպող այն գիրքը, որում հայագետը խոսում է Եթովպիայի ու Հայաստանի եկեղեցիների պատմության մասին („Histoire du christianisme d'Ethiopie et d'Arménie“) - «Եթովպիայի և Հայաստանի քրիստոնեական պատմություն»):

Ֆրանսիացի հայագետները հայոց լեզվի ուսուցումը կազմակերպում էին հայ գրականության լավագույն հեղինակների ստեղծագործությունների բնագրերի յուրացմանը զուգընթաց և հասնում էին ցանկալի արդյունքի: Նրանք հմուտ լեզվաբաններ լինելով նաև հայ գրականության օրինակելի գիտակներ էին: Հետևենք նրանց օրինակին և նվիրմանը:

Долуханян Аэлита - Кафедра армянского языка парижской высшей школы живых восточных языков. - Кафедра армянского языка была основана в Парижской Высшей школе живых восточных языков по специальному приказу Наполеона Бонапарта, по просьбе Шаана Джрпета. В 1911 г. в Париже было отмечено столетие основания этой кафедры, а Фредерик Маклер выступил с большим докладом, отметив имена заведующих кафедрой, ученых, подготовленных там и вклад, внесенный ими в развитие арменоведения в Европе. Заведующими армянской кафедрой были Вайан де Флоривал, Едуард Дюлорье, Огюст Карьер, Антуан Мейе, Фредерик Маклер, Жорж Дюмезиль, Фредерик Фейди.

Французские арменоведы проводили преподавание армянского языка на основе изучения текстов произведений лучших представителей армянской литературы. Будучи искусными языкоковедами, они были в то же время прекрасными знатоками армянской литературы.

Dolukhanyan Aelita - The Chair of Armenian Language of Paris High School of Living Eastern Languages. - The Chair of Armenian language was founded in Paris High School of living Eastern languages on the order of

Napoleon Bonaparte, at the request of Shahan Jerpet. In 1911 the centennial of the Chair foundation was celebrated in Paris and Frédéric Macler made a long report, mentioning the names of the Heads of the Chair, the scholars trained there and their contribution to the development of Armenian studies in Europe. The Chair was headed by Vaillant de Florival, Edouard Dulaurier, Auguste Carrière, Antoine Meillet, Frédéric Macler, Georges Dumezil and Frédéric Feydit.

French armenologists used to teach Armenian language studying the works of the Armenian literature best representatives. Being skilled linguists, they were at the same time excellent connoisseurs of Armenian literature.

ԴՈԽՈՅԱՆ ՌՈՒԶԱՆՆԱ (Հայաստան,
Վ. Բրյուսովի անվ. ԵՊԼՀ)

ՄԱՍԱԿԱՆ ԲԱՅԵՐԻ ԻՍԱՍՏԱՅԻՆ ԴԱՍԱԿԱՐԳՈՒՄԸ
ԱՐԴԻ ՀԱՅԵՐԵՆՈՒՄ

Մտածական բայերը՝ իբրև մտավոր գործունեության և դրա հետ սերտորեն առնչվող տարատեսակ գործողությունների արտահայտիչ, մտքերի ձևակերպման և հաղորդակցման մինչխոսքային ձևավորման իմաստով հետազոտության անսպառ աղյուր են:

Արդի հայերենում մտածական բայերի (այսուհետ՝ ՄԲ) վերաբերյալ որևէ համայիր հետազոտություն չկա. իմաստային խմբավորման փորձերի կամ տերմինի հիշատակման (իմա՝ ՄԲ) հանդիպում ենք շարահյուսագիտության մեջ՝ խնդրառության, ուրիշի ուղղակի խոսքի ուսումնասիրության հետ կապված¹: Հ. Օհանյանը նշում է, որ շատ լեզվաբաններ այս կամ այն հարցի լրացրանման կապակցությամբ կատարել են բայերի դասակարգումներ, բայց քանի որ բոլոն նպատակը չի եղել դասակարգումը իմաստային հատկանիշով, ուստի շատ բայեր դուրս են մնացել խմբավորումից: Հայքերականագիտության մեջ բայական մի շարք խմբերի տրվել են համապատասխան անվանումներ, առանց, սակայն, հասուկ ուսումնասիրության ենթարկելու, ինչպես, օրինակ՝ իմացական, զգացական, մտածական, վիճակային, հարկադրական, ակտիվ գործողության, օժտվածության և այլն²: Մենք ուսումնասիրել ենք վերոնքշյալ բայերը իմաստային տեսանկյունից՝ դիտարկելով այն իբրև բառախմաստային խոսք (այսուհետ՝ ԲԻԽ)՝ կազմակերպված դաշտային սկզբունքով՝ միջուկի (նույնացուցիչ), եզրամասի, հատվող

¹ Տե՛ս Վ. Առաքելյան, Ժամանակակից հայերենի հոլովների և հոլովական կապակցությունների իմաստային առումները, Ե., 1957, Հայերենի շարահյուսություն, Ե., հ. 1, 1958, Ա. Արքահամյան, Բայը ժամանակակից հայերենում, Ե., 1962, Գ. Զահոնիկյան, Ժամանակակից հայերենի տեսության հիմունքները, Ե., 1974, Վ. Քոսյան, Ժամանակակից հայերենի բառակապակցությունները, Ե., 1975, Հ. Հարությունյան, Կառավարումը ժամանակակից հայերենում, Ե., 1983 և այլք:

² Տե՛ս Հ. Օհանյան, Մտածական և հոգեվիճակային բայերի խնդրառությունը ժամանակակից հայերենում, Լեզվի և ոճի հարցեր, X, Ե., 1987, էջ 14:

միավորների փոխհարաբերությունների հաշվառմամբ:

Հոդվածի նպատակն է ուրվագծել արդի հայերենի ՄԲ-երի ԲԻԽ-ի սահմանները՝ հիմք ընդունելով դասակարգման իմաստային չափանիշը, այսինքն՝ բառարանային բացատրությունը: Խմբավորումը կատարել ենք՝ նկատի առնելով միասնականացնող կարգային-բառային հետևյալ իմակը. «Օբյեկտիվ իրականության երևոյնները մտքով պատկերացնել ընկալել, վերացարկել, գուգադրելով, վերլուծելով ու հետևություններ անելով դատել»: Մտածական ԲԻԽ-ի բառացանկը կազմել ենք, ըստ է. Աղայանի Արդի հայերենի բացատրական բառարանի³ (այսուհետ՝ ԱՀԲԲ), համատարած ընտրանքի եղանակով: ՄԲ-երը դասակարգել ենք իմաստահարացուցային, շարակարգային և գործաբանական սկզբունքներով: Խմաստահարացուցային դասակարգումը կատարել ենք երկաստիճան համակարգով՝ առաջին աստիճանում արդի հայերենի բայկան բառապաշարի մտածական ԲԻԽ-ը բաժանելով երեք դասի՝ առաջնային, երկրորդային և փոխաբերական մտածականների: Առաջնային մտածականների դասին ենք վերագրել այն բայերը⁴, որոնք, որպես մտածական գործընթացի արտահայտություն, արձանագրված են ԱՀԲԲ-ում իրենց առաջին, երկրորդ, երրեմն նաև երրորդ⁵ նշանակություններով (1921): Երկրորդային մտածականների դասին ենք վերագրել այն բայերը, որոնք արձանագրված են երրորդ չորրորդական կամ այլ նշանակություններով (185): Փոխաբերական մտածականների դասին ենք վերագրել այն բայերը, որոնք արձանագրված են փոխաբերական նշումով (271): Դասակարգման երկրորդ աստիճանում առաջնային մտածականների հարացույցը խմբավորել ենք ըստ ենթահարացույցների⁶՝ նկատի ունենալով մըտա-

³ Տե՛ս Է. Աղայան, Արդի հայերենի բացատրական բառարան, Ե., 1976:

⁴ Դասակարգելիս հիշյալ բառարանից բաղել ենք միայն համադրական բայերը:

⁵ Մտածական որոշ բայեր իրենց երրորդ նշանակությամբ հաճախագործածության շնորհիվ մտնում են առաջնային մտածականների դաս, սակավագործածությամբ՝ երկրորդային:

⁶ Հարացույցին հարաբերությունների վերլուծության համար անհրաժեշտ նախապայման է լեզվական միավորի իմաստային կառուցվածքը, այսինքն նրա բաղադրիչ չայնությունը (իմա՞ բառահմաստային տարբերակների (ԲԻՏ) առկայությունը): Թեև ԲԻԽ-ի որևէ իմույթի սեռային իմակը կրկնվում է բոլոր ԲԻՏ-երում, բայց դրանք իրենց հերթին, ըստ տեսակային իմակների, ի հայտ են բերում նաև իմաստային

ծողության գործընթացի տարրեր իրավիճակները: Ի տարրերություն առաջնային մտածականների՝ երկրորդային և փոխարերական մտածականները զուրկ են իմաստային հակադրությունից, որովհետու միայն խոսքային իրադրության մեջ են ձեռք բերում մտածականության հատկանիշ և կապ ունեն խոսքային տարրերակայնության հետ, հետևաբար դուրս են մնում հարացուցային դասդասումից:

Հ. Օհանյանը հիշյալ բայերի խնդրառությունը ուսումնասիրելիս իմաստային դասակարգման փորձ է արել՝ ՄԲ-երի քանակը հասցնելով 50-ից 60-ի և խնդրառությունը առավել հստակ ներկայացնելու համար դասակարգել է դրանք՝ առանձնացնելով հետևյալ մանրախմբերը՝ մտածության (մտածության պրոցեսը՝ մտածել, դատել, խորել, մտորել, միտք անել, մտմտալ), իմացության (իմանալու, գիտենալու նշանակություն՝ իմանալ, գիտենալ, ճանաչել), հասկացման կամ կռահման (հասկանալը, ըմբռնողությունը, կռահելը՝ հասկանալ, գիտակցել զլսի ընկնել, կռահել, ըմբռնել, պատկերացնել, կշռադատել), զգայության (ճանաչողության ստորին աստիճանը՝ զգալ, զգայել ընկալել)⁷, հիշողության (հիշողություն, մտապահում՝ հիշել, վերիիշել, մտապահել, մտաքերել, մտահան անել, մոռանալ), մտահանգման (եզրակացություն, եզրահանգում՝ մտահանգել, եզրակացնել, եզրահանգել, եզրակացության զալ, եզրակացություն անել)⁸:

Ուսագիտության մեջ մտածական բայերին (глаголы мыслить/мышление, ментальные глаголы, глаголы интеллектуальной деятельности ևն) անդրադարձել են շատերը, որոնց հետազոտությունները, սակայն, մասնակի են և վերաբերում են հիշյալ բայերի այս կամ այն տեսակին կամ դրանց առնչվող այլ խնդիրների⁹: Պայմանա-

հակադրություններ, և այդ հակադրամիանությունն էլ ծնում է ենթահարացույց, խումբ, ենթախումբ, շարք ևն: Տե՛ս Ռ. Դոխտյան, *Սասագակն բայերի բառախմատային խումբը արդի հայերենում*, Ե., 2014, էջ 22-23:

⁷ Կարծում ենք, որ այս տեսակը մտնում է զգացական բայերի ԲԽՆ՝ ՈՒ:

⁸ Տե՛ս Հ. Օհանյան, նշվ. հոդվ., էջ 31-33:

⁹ Տե՛ս և Լ. Бабенко, *Функциональный анализ глаголов говорения, интеллектуальной и эмоциональной деятельности (на материале художественной речи А. Платонова)*, Автор. дисс. канд. филол. наук, Ростов-на-Дону, 1980, Н. Гарипова, *Опыт лексико-грамматической характеристики сочетаемости глаголов мышления*, Учен. зап., Башк. Ун-т,

կանորեն ամբողջական ուսումնասիրություն կատարել է Լ. Վասիլեսը՝ ՄԲ-երը բաժանելով հետևյալ տեսակների՝ մտածական պրցեսի, մտածական ակտի արդյունքի, միջուկային «պատկերացնել», միջուկային «ենթադրել», միջուկային «վճռել», միջուկային «հավատալ», միջուկային «հասկանալ», միջուկային «սխալվել» նշանակությամբ բայեր, գիտելիքի և հիշողության բայեր¹⁰: Վերջինս հարացուցային սկզբունքը համարյալ է շարակարգայինի հետ, որը, մեր կարծիքով, այնքան էլ նպատակահարմար չէ. մենք կողմնակից ենք սկզբունքների անխառն կիրառմանը և մեր աշխատանքում հստակ տարրուշում ենք դրանք:

ՄԲ-երի հարացուցը մենք բաժանում ենք հետևյալ ենթահարացուցների՝ բուն մտածական, ըմբռնման կամ հասկացման, իմացական, ատեղծագործական, միտումնավոր մտածողության, դատողության, հիշողության:

Բուն մտածական բայերի ենթահարացուցը. մտածողությունն այն իմացական գործընթացն է, որի օգնությամբ մարդը կարողանում է դուրս գալ անմիջական զգայական արտացոլման միջոցով ստացված տվյալների սահմաններից, բացահայտել երևույթների ներքին էական, օրինաչափ կապերն ու հասկանիշները¹¹: Զնավորվում է մտածողության իմաստահավելիչով (այսուհետև՝ իմ-իշ)՝ արտահայտելով հետևյալ իմաստային բանաձեր (այսուհետև՝ ԻԲ). «Մեկի կամ մի բանի մասին մտածել»: Նույնացուցիչը (այսուհետև՝ նույն-իշ) մտածել-ն է, որի շուրջը խմբավորվում են խոկալ, խորհրդածել, խորել, մտախոնել, մտանցել, մտմտալ, մտորել բայերը՝ մտածունքի տարբեր ծավալներով և մտածական բազմապիսի երանգներով, որոնց նրբիմաստները (մտքերով տարվելու, կշռադատելու, մտահոգվելու ևն) նյութականանում են մնացյալ ենթահարացուցներում¹²: Բաղկացած է մտածական ընդիմանրական (տևա-

1964, Вип. 18, М. Дмитровская, *Глаголы знания и мнения*, Автор. дисс. канд. филол. наук, М., 1985, М. Пименова, *Семантико-синтаксический аспект лингвистических глаголов*, Автор. дисс. канд. филол. наук, СПб., 1985 ևն:

¹⁰ Տէ՛ս և Լ. Васильев, *Семантика русского глагола*, М., 1981, էջ 122-168:

¹¹ Տէ՛ս և Ա. Նալշաջյան, *Հոգեբանության հիմունքներ*, Ե., 1997, էջ 259:

¹² Օրինակ, խորել-ը իր առաջնային իմաստով նշանակում է մտածել բայց ունի նաև մտրում դատելու, կշռադատելու նրբիմաստները, որոնք առաջնային են դառնում դատողական ենթահարացուցում՝ դատել և կշռադատել նույնացուցիչներով ևն:

կան) գործընթացի և մտածողության արդյունքի բայերի խմբերից: *Մտածական ընդհանրական գործընթացի խումբ*. մտածողությունը միշտ ուղղված է դեպի որևէ խնդրի լուծումը, և եթե խնդիրը բարդ է, ապա դրա բացահայտումը պահանջում է որոշակի տևականություն: Ձևավորվում է մտածական ընդհանրական գործընթացի տևականության իմ-իշով՝ հետևյալ ԻԲ-ով. «Մտավոր լարում պահանջող տևական նպատակադիր աշխատանքով որևէ խնդիր լրացնել»: Նույնիշը աշխատել-ն է՝ աշխատակցել, գործածել, գրադարձել, պարապել բայերով¹³: *Մտածողության արդյունքի բայերի խումբ*՝ մտածողության արդյունքի իմ-իշով՝ հետևյալ ԻԲ-ով. «Տարատեսակ մտքերին մտովի առարկայական կերպարանք տալ»: Նույն-իշը առարկայացնել-ն է՝ իրայնացնել, մարմնավորել, նյութականացնել բայերով:

Ըմբռնման կամ հասկացման բայերի ենթահարացույց՝ ըմբռնման կամ հասկացման իմ-իշներով՝ հետևյալ ԻԲ-ով. «Ըմբռնել՝ հասկանալ, մտքով յուրացնել»: Նույն-իշներն են ըմբռնել-ը և հասկանալ-ը՝ զիտակցել, ընկալել, յուրացնել, խելամտել բայերով: Բաղկացած է կոռահման, իմաստավորման կամ վերագրման, տրոհման բայերի խմբերից: *Կոռահման բայերի խումբ*՝ կոռահման իմ-իշով՝ հետևյալ ԻԲ-ով. «Անձնական դիտողությունների՝ կողմնակի երևույթների՝ հատկանիշների եիման վրա մի բան մտքով հասկանալ, զլիսի ընկնել»: Նույն-իշը կոռահել-ն է՝ գուշակել, կանխազգալ, նախազգալ, նկատել բայերով: *Իմաստավորման կամ վերագրման բայերի խումբ*՝ իմաստավորման, վերագրման իմ-իշներով՝ հետևյալ ԻԲ-ով. «Իմաստ՝ նշանակություն տալ, իմաստով օժտել, այս կամ այն իմաստը վերագրել»: Նույն-իշները իմաստավորել-ը և վերագրել-ն են՝ անձնավորել, առնչել, կերպավորել, նշանակավորել, վերաբերել բայերով: Ներկայանում է իմաստագրկման ենթախմբով՝ իմաստագրկման իմ-իշով՝ հետևյալ ԻԲ-ով. «Իմաստից զրկել, անիմաստ՝ աննպատակ՝ ավելորդ դարձնել»: Նույն-իշը իմաստագրկելն է՝ անիմաստանալ, բովանդակագրել, գաղափարագրել, իմաստագերծել բայերով: *Տրոհման բայերի խումբ*՝ տրոհման իմ-իշով՝ հետևյալ ԻԲ-ով. «Որևէ բան բաժանել մյուսից՝ հեշտացնելով մտքի ճիշտ

¹³ Հոդվածի ծավալը նկատի ունենալով՝ յուրաքանչյուր տեսակի համար բերում ենք 3-ից 5 օրինակ:

ըմբռնումը»: Նույն-իշը տրոհել-ն է՝ աղյուսակել, բաժնեհատել, բացորդել, սահմանազատել բայերով:

Իմացական բայերի ենթահարացուց. մտածողության հիմնական առանձնահատկություններից մեկն այն է, որ քույլ է տախս հիշողության մեջ կուտակված գիտելիքներն ու անմիջական ընկալումները օգտագործել իմացական նոր արդյունքների (մտքերի, եղրակացությունների, ընդհանրացումների, կոահումների) հասնելու համար¹⁴. ձևավորվում է իմացության իմ-իշով՝ հետևյալ ԻԲ-ով. «Որեւէ երևույթի, առարկայի և այլնի մասին որոշակի գիտելիքներ ունենալ, իրազեկ լինել»: Նույն-իշը իմանալ-ն է՝ գիտենալ, իրազեկվել, ճանաչել, տեղեկանալ բայերով: Բաղկացած է ունկնդրելու, ուսանելու, հավելման, հավատալու, թերահավատության, մտավոր զարգացման բայերի խմբերից: *Ունկնդրելու բայերի խումբ՝ ունկնդրելու իմ-իշով՝ հետևյալ ԻԲ-ով.* «Որեւէ մեկին կամ մի բան ունկնդրել՝ լսել որեւէ բան իմանալու նպատակով»: Նույն-իշը ունկնդրել-ն է՝ ականջել, անսալ, լսել բայերով: *Ուսանելու բայերի խումբ՝ ուսանելու իմ-իշով՝ հետևյալ ԻԲ-ով.* «Կարդալով՝ վարժությամբ՝ լսելով ևն մի բան յուրացնել, գիտելիքներ ձեռք բերել, սերտել»: Նույն-իշը ուսանել-ն է՝ ընթերցել մտավարել, սերտել, սովորել բայերով: *Հավելման բայերի խումբ՝ հավելման իմ-իշով՝ հետևյալ ԻԲ-ով.* «Որեւէ բան հավելել՝ ավելացնել արդեն իմացածի վրա»: Նույն-իշը հավելել-ն է՝ ավելացնել, առջնել, ներմուծել բայերով: *Հավատալու բայերի խումբ՝ հավատալու իմ-իշով՝ հետևյալ ԻԲ-ով.* «Հավատ ընծայել, հաստատուն համոզմունք ունենալ մեկի կամ մի բանի նկատմամբ, վստահել, որեւէ կրոնի, դավանության, ուսմունքի հետևել»: Նույն-իշը հավատալ-ն է՝ դավանել, համոզվել, հետևել, վստահել բայերով: *Թերահավատության բայերի խումբ՝ թերահավատության իմ-իշով՝ հետևյալ ԻԲ-ով.* «Որեւէ բանի թերի հավատալ, կասկածել»: Նույն-իշը երահավատել-ն է՝ երկբայել, երկմտել, կասկածել, վարանել, տարակուսել բայերով: *Մտավոր զարգացման բայերի խումբ՝ մտավոր զարգացման իմ-իշով՝ հետևյալ ԻԲ-ով.* «Առաջդիմել, ստորին կամ վատ վիճակից դեպի ավելի բարձրը կամ լավը դիմել, զարգանալ մտավոր տարբեր ուղղություններով»: Նույն-իշը

¹⁴ Տի՛ս Ա. Նալշաջյան, նշվ. աշխ., Ե., 1997, էջ 259:

զարգանալ-ն է՝ առաջադիմել գերազանցել աշխարհաբարացնել կատարելագործել, մաթեմատիկականացնել բայերով:

Ստեղծագործական մտածողության ենթահարացույց ստեղծագործական մտածողությունը մտածողության բարձրագույն արտահայտությունն է, ենթադրում է մտավոր գործունեության ծավալի անսահմանություն, եթե մարդը մտովի կարող է ընդգրկել այնպիսի երևոյթներ, որոնց մտապատկերը դեռևս հասանելի չէ շատերին. այն միայն ստեղծագործող անհատի մենաշնորհն է թերևս: Զեավորվում է ստեղծագործական մտածողության իմ-իշով՝ հետևյալ ԻԲ-ով. «Ստեղծագործական աշխատանքով մշակույթի արժեք (արտադրանք) ստեղծել»: Նույն-իշը ստեղծագործել-ն է՝ արարել երկնել, հեղինակել, մտահղանալ, ստեղծել բայերով: Բաղկացած է ստեղծագործական երևակայության և հայտնագործման բայերի խմբերից: *Ստեղծագործական երևակայության բայերի խումբ*. երևակայությունը հիշողության մեջ կուտակված մտապատկերներից նոր մտապատկերներ և նրանց նոր զուգորդություններ ստեղծելու և այդ եղանակով անձի համար նշանակալից խնդիրների լուծումները որոնելու ներհոգեկան պրոցես է...¹⁵: Զեավորվում է ստեղծագործական երևակայության իմ-իշով՝ հետևյալ ԻԲ-ով. «Ստովի երևակայել պատկերացնել»: Նույն-իշը երևակայել-ն է՝ հնարամտել, մտապատկերել, պատկերացնել բայերով: Ներկայանում է հնարման բայերի ենթախմբով՝ հնարման իմ-իշով (սակավ դրական, առավելապես՝ բացասական իմաստով): Հետևյալ ԻԲ-ով. «Իրականությանը չհամապատասխանող բան հորինել»: Նույն-իշը հնարել-ն է՝ բաղբադել, հորինել նենգահետւուել բայերով: *Հայտնագործման բայերի խումբ*՝ հայտնագործման իմ-իշով՝ հետևյալ ԻԲ-ով. «Որևէ երևոյթ երևան հանել բացահայտել, զյուտ անել»: Նույն-իշը հայտնագործել-ն է՝ գտնել, զյուտարարել, հայտաբերել, հնարագործել բայերով:

Միտումնավոր մտածողության բայերի ենթահարացույց. ունի բացասական երանգավորում. ձևավորվում է միտումնավորության իմ-իշով՝ հետևյալ ԻԲ-ով. «Մտքում դիտավորությամբ՝ դիտմամբ, որոշ նկատառումներով՝ միտումով մի բան հղանալ»: Նույն-իշը

¹⁵Տե՛ս Ա. Նալշաջյան, նշվ. աշխ., Ե., 1997, էջ 55:

դիտավորվել-ն է՝ դավել, նկատառել, նյութել բայերով։ Ներկայանում է աղճատման բայերի խմբով՝ աղճատման իմ-իշով՝ հետևյալ ԻԲ-ով։ «Որևէ բան աղավաղել, նենգափոխել»։ Նոյն-իշը աղճատել-ն է՝ աղավաղել, խեղաքյուրել, կեղծել, նենգափոխել բայերով։

Դատողության բայերի ենթահարացույց. մտածողությունը թույլ է տալիս մի շարք կոնկրետ առարկաների ընկալման հիման վրա եզրակացություններ կատարել նրանց դասերի ընդհանուր հատկությունների մասին և այնուհետև այդ ընդհանուր պատկերացումները կիրառել նոր առարկաների նկատմամբ։ Ահա թե ինչո՞ւ մտածողության շնորհիվ մարդու իմացության սահմանները անսահմանորեն ընդլայնվում են¹⁶։ Զեավորվում է դատողության իմ-իշով՝ հետևյալ ԻԲ-ով։ «Դատողություններ անելու ունակություններն ու կարողությունները օգտագործել՝ օբյեկտիվ իրականության ու առարկաների միջև եղած կապերն ու հարաբերությունները պատճառաբանել կարողանալու համար»։ Նոյն-իշը դատել-ն է՝ կշռադատել, մտազննել, տրամաբանել բայերով։ Բաղկացած է վերացարկման, հետազոտության, սահմանման, դասակարգման, մեկնաբանման կամ բացահայտման, ենթադրության, ծրագրման, բացաման, մտահանգման, մտածական գործնթացի բնույթի փոփոխման կամ վերածման խմբերից։ Վերացարկման բայերի խումբ՝ վերացարկման իմ-իշով՝ հետևյալ ԻԲ-ով։ «Որևէ բանի վերաբերյալ վերացարկում կատարել»։ Նոյն-իշը վերացարկել-ն է՝ արստրաել, մտահայել, վերառել բայերով։ Հետազոտության բայերի խումբ՝ հետազոտության իմ-իշով՝ հետևյալ ԻԲ-ով։ «Գիտական քննության ու վերլուծության ենթարկել որևէ բանի իմացության՝ ձանաշման՝ բացահայտման նպատակով, ուսումնասիրել, քննել»։ Նոյն-իշներն են հետազոտել, քննել-ը՝ գրաքննել, դիտարկել, ուսումնասիրել բայերով։ Սահմանման բայերի խումբ՝ սահմանման իմ-իշով՝ հետևյալ ԻԲ-ով։ «Որևէ բանի բնորոշումը՝ բնութագրությունը տալ, որևէ բանի եռորդունը բնորոշող սահմանում տալ»։ Նոյն-իշը սահմանել-ն է՝ բանաձեւել, բնորոշել, բնութագրել, նկարագրել բայերով։ Բաղկացած է հաստատման, որոշման կամ վճռելու, գնահատման ենթա-

¹⁶ Տե՛ս ն. տ., էջ 260։

Խմբերից: Հաստատման բայերի ենթախումբ՝ հաստատման իմ-իշով՝ հետևյալ ԻԲ-ով. «Մի բանի ստույգ՝ ուղիղ լինելը, հաստատել»: Նոյն-իշը հաստատել-ն է՝ հավաստել ճշգրտել, ստուգել բայերով: Որոշման կամ վճռելու ենթախումբ՝ որոշման կամ վճռելու իմ-իշներով՝ հետևյալ ԻԲ-ով. «Որևէ բան որոշ հատկանիշներով՝ տվյալներով ևն պարզել, սահմանել»: Նոյն-իշներն են որոշել-ը և վճռել-ը՝ լուծել կարգել, որոշարկել, վճռահատել բայերով: Ներկայանում է անորոշության շարքով՝ անորոշության իմ-իշով՝ հետևյալ ԻԲ-ով. «Որևէ բան չկարդանալ ստուգապես որոշել, սահմանել, ապակողմանոշվել»: Նոյն-իշը ապակողմանորոշվել-ն է՝ մուրրվել, շփորվել, սխալվել բայերով: Գնահատման բայերի ենթախումբ՝ գնահատման իմ-իշով՝ հետևյալ ԻԲ-ով. «Մեկի, մի բանի հարգը՝ արժեքը ճանաչել, արժեքավորել»: Նոյն-իշը գնահատել-ն է՝ արժենորել գերազնահատել, թերազնահատել, վերազնահատել բայերով: Դասակարգման բայերի խումբ՝ դասակարգման իմ-իշով՝ հետևյալ ԻԲ-ով. «Որոշ տարբերակիշ հատկանիշների կամ հատկությունների իման վրա որևէ բան դասերի՝ կարգերի՝ խմբավորումների բաժանել»: Նոյն-իշը դասակարգել-ն է՝ դասել, դասդասել, համակարգել, շարադասել բայերով: Բաղկացած է տարբերակման, միավորման, բաղդատման ենթախմբերից: Տարբերակման բայերի ենթախումբ՝ տարբերակման իմ-իշով՝ հետևյալ ԻԲ-ով. «Որևէ բանի քննության՝ ուսումնասիրության ժամանակ տարբեր կարգի տարբերը՝ երեսույթները ևն առանձնացնել, զատորոշել միմյանցից»: Նոյն-իշը տարբերակել-ն է՝ այլազանել, բազմամասնել, զատել, հատկացնել բայերով: Միավորման բայերի ենթախումբ՝ միավորման իմ-իշով՝ հետևյալ ԻԲ-ով. «Առանձին տարբերից՝ մասերից՝ միավորներից ամբողջություն կազմել»: Նոյն-իշը միավորել-ն է՝ բանահավաքել, զուգամիավորել, կապակցել, համակցել բայերով: Բաղդատման բայերի ենթախումբ՝ բաղդատության իմ-իշով՝ հետևյալ ԻԲ-ով. «Զուգադրելով մեկի և մյուսի տարբերությունները՝ նմանությունները և առավելությունները որևէ բան երեան բերել, բաղդատել»: Նոյն-իշը բաղդատել-ն է՝ զուգադրել, զուգակշռել համայնքել համեմատել բայերով: Մեկնաբանման կամ բացահայտման բայերի խումբ՝ մեկնաբանման և բացահայտման իմ-իշներով՝ հետևյալ ԻԲ-ով. «Որևէ բնագիր բացատրել՝ պարզաբանել,

լուսաբանող, քննադատական դատողություն անել որևէ բանի վերաբերյալ։ Նույն-իշներն են մեկնաբանել-ը՝ արտահայտել, լուսաբանել, ծանոթաբանել, հայտնաբերել, պարզաբանել բայերով։ Ենթադրության բայերի խումբ՝ ենթադրության իմ-իշով՝ հետևյալ ԻԲ-ով։ «Նախնական դատողություններ անել որևէ բանի մասին»։ Նույն-իշը ենթադրել-ն է՝ դիտել, կարծել, կանխենթադրել, համարել բայերով։ Ծրագրման բայերի խումբ՝ ծրագրման իմ-իշով՝ հետևյալ ԻԲ-ով։ «Որևէ գործունեության ծրագիր կազմել»։ Նույն-իշը ծրագրել-ն է՝ կանխսամտածել, ձգտել, մտադրվել, նպատակամղվել բայերով։ Բացառման բայերի խումբ՝ բացառման իմ-իշով՝ հետևյալ ԻԲ-ով։ «Բացառություն անել, հանել՝ հեռացնել որևէ բանի կազմից»։ Նույն-իշը բացառել-ն է՝ բացարկել, ժխտել, հերքել, մերժել բայերով։ Մտահանգման բայերի խումբ՝ մտահանգման իմ-իշով՝ հետևյալ ԻԲ-ով։ «Որևէ դատողությունից կամ ստացած տպավորությունից անհրաժեշտ հետևություն անել, եզրակացնել»։ Նույն-իշը մտահանգել-ն է՝ արտածել, եզրահանգել, եզրակացնել մակածել բայերով։ Բաղկացած է փաստարկման և ամփոփման ենթամբերից։ Փաստարկման բայերի ենթախումբ՝ փաստարկման իմ-իշով՝ հետևյալ ԻԲ-ով։ «Որևէ բան փաստերով հիմնավորել՝ պատճառաբանել, ապացուցել»։ Նույն-իշը փաստարկել-ն է՝ ապացուցել, հիմնավորել փաստաբանել, պատճառաբանել բայերով։ Ամփոփման բայերի ենթախումբ՝ ամփոփման իմ-իշով՝ հետևյալ ԻԲ-ով։ «Ուսումնասիրությունը՝ շարադրանքը ընդհանուր բնույթի եզրակացություններով ներկայացնել»։ Նույն-իշը ամփոփել-ն է՝ ամբողջացնել, բովանդակել, եզրափակել, ընդհանրացնել բայերով։ Մտածական գործընթացի բնույթի փոփոխման կամ վերածման բայերի խումբ՝ փոխակերպման իմ-իշով՝ հետևյալ ԻԲ-ով։ «Մտածական գործընթացի որևէ արդյունքի (միավորի) բնույթը փոխել, վերածել, այլակերպել մի այլ արդյունամիավորի»։ Նույն-իշը փոխարկելն-ն է՝ ածանցել, առասպելականացնել, առնմանել, բառարդել, բարգմանել բայերով։

Հիշողության բայերի ենթահարացույց՝ հիշողության իմ-իշով՝ հետևյալ ԻԲ-ով։ «Մեկին կամ մի բան հիշողության մեջ պահել, չմոռնանալ»։ Նույն-իշը հիշել-ն է՝ մտաբերել, մտաբեռնել, մտակոչել, մտապահել, վերիիշել բայերով։ Բաղկացած է մտազբաղության և

մոռացման բայերի խմբերից: *Մտազբաղության բայերի խումբ՝ մտազբաղության իմ-իշով՝ հետևյալ ԻԲ-ով.* «Կենտրոնացած կերպով միտքը մի բանով զբաղեցնել»: Նոյն-իշը մտազբաղվել-ն է՝ մտազարկել, մտամոլորվել, մտատարվել, մտասեեռվել բայերով: Ներկայանում է մտատանջության բայերի ենթախմբով՝ մտատանջության իմ-իշով՝ հետևյալ ԻԲ-ով. «Միտքը չարչարել, տանջել որևէ խնդրով՝ մի բան հիշելու նպատակով»: Նոյն-իշը մտատանջվելն-ն է՝ մտալլկվել, մտահոգվել, մտահուզվել, մտապաշարվել բայերով: *Մոռացման բայերի խումբ՝ մոռացման իմ-իշով՝ հետևյալ ԻԲ-ով.* «Ինչ-ինչ պատճառներով մեկին կամ մի բան միտքը չպահել, եթել չկարողանալ»: Նոյն-իշը մոռանալ-ն է՝ անտեսել, մտազանցել, մտահանել, մտացրվել բայերով:

Շարակարգային սկզբունքով բացահայտվում են ՄԲ-երի կապակցելիության հարուստ առանձնահատկությունները: ՄԲ-երը բազմիմաստ են, այսինքն՝ միննույն բայը, շնորհիվ իր բառախմատային տարբերակների, տարբեր խորաշարերում դրսենում է տարբեր նշանակություններ: Խորաշարային շրջապատը ծառայում է արտահայտած իմաստի ճշգրտմանն ու կոնկրետացմանը: ՄԲ-երի շարակարգային կառույցը գործում է մտածող սուբյեկտի և մտքի առարկայի միջոցով մտածական ակտի արդյունքում: ՄԲ-երին հատուկ են ենթակաառության, ստորոգառության, խնդրառության և պարագաառության արժույթները¹⁷: Հատ ՄԲ-երի հետ կապվող տարբեր բնույթի գործորդների (ակտանու) քանակի՝ կարելի է տարբերել զրո արժույթից (Շատ զիտես, թիշ խոսիր) մինչև եռարժույթ ՄԲ-եր: ՄԲ-երը ունեն շարահյուսական կապի երկու տեսակ գործողի (սուբյեկտային՝ Գող^{եր} և գործորդի (խնդրային կամ օբյեկտային՝ Գորդ^{առն}): Հասցեատիրոց (Գորդ^{հաց}) դիրքը հատուկ չէ ՄԲ-երին: ՄԲ-երի հարացույցում գործում են շարակարգային հետևյալ բանաձևերը՝ Գող^{եր} + ՄԲ^{սու} (Ես մտածու մ եմ, ՊԱ, 139)¹⁸, Գող^{եր} + ՄԲ^{սու} + Գորդ^{առն}¹⁹(Ով սահմանում է նոր օրենք ու կարգ... ՊԱ, 58),

¹⁷ Տէ՛ս Գ. Բ. Զահոռկյան, Ժամանակակից հայերենի տեսության հիմունքները, Ե., 1974, էջ 466-467:

¹⁸ Պ. Սևակ, Մարդը ավի մեջ, Ե., 1963:

¹⁹ Բանաձևում գործածվում են հետևյալ պայմանական արտահայտությունները. Գող-գործող, այսինքն՝ ենթակա, ՄԲ^{սու} - ստորոգայլ արտահայտված ՄԲ-ով, Գորդ-

Գողենք + ՄԲատ + Գրդանում(Երբ (ես) իիշում եմ քո մասին, սիրու լցվում է լացով), Գողենք + ՄԲատ + Գրդում + Գրդանում (Ես քո մասին արդյոք ի՞նչ եմ մտածում, ՊՍ, հ.1, 1982, 235):

Գործարանական սկզբունքով բացահայտվում են ՄԲ-երի կիրառական առանձնահատկությունները, որոնք կապված են մտքերի իրացման հետ, որի արդյունքում էլ ձևավորվում է խոսքը: ՄԲ-երի ԲԻՆ-ը սերտորեն առնչվելով այլ ԲԻՆ-երի հետ՝ հատվում է՝ առաջացնելով երկրորդային և փոխարերական մտածականներ: Այլ ԲԻՆ-երի բայեր ձևավորում են ՄԲ-ի ԲԻՆ-ի եզրամասը, որով հետև, առաջնային նշանակությամբ պատկանելով այլ ԲԻՆ-ի, ՄԲ-ի ԲԻՆ են մտնում իրենց երկրորդային կամ փիբը. նշանակություններով, այսինքն՝ ինտելեկտուալ նշանակությունը նրանց իմաստային կառուցվածքում եզրային է: Մտածական ԲԻՆ-ը սերտորեն կապված է ասացական ԲԻՆ-ի հետ, որովհետև մտքի խոսքային ճիշտ դրսերումը նպաստում է հաղորդակցման իրականացմանը: Դա պայմանավորված է խոսքի և մտածողության փոխարաբերությամբ, խընդրառական որոշ կապերի ընդհանրությամբ, ասացական և մտածական բայերի սուբյեկտի ընդհանրությամբ (Ես մտածում եմ/Ես ասում եմ), խոսքային իրադրության պահանջով այդ բայերի փոխադարձ փոխարինմամբ (պայմանավորված ուրիշի ուղղակի խոսք ներմուծելու կարողությամբ²⁰⁾, միևնույն բայի միջոցով և մտածական, և ասացական գործընթացների արտահայտմամբ: ՄԲ-երը հատվում են նաև գրավոր խոսքի ասացականների²¹ հետ, որովհետև վերջիններս՝ իբրև մտքի՝ բառայնորեն ձևավորված գրավոր (չինչող) արտահայտման գործընթաց, ավելի մոտ են մտածականներին, քան բանավոր խոսքի ասացականները: Խոսքային իրադրության պահանջով ներքին խոսքից անցում է կատարվում դեպի գրավոր, ապա

գործորդ, այսինքն՝ ուղիղ կամ անուղղակի խնդիր, որոնց անվանումները տրվում են համառոտագրությամբ:

²⁰ Զենք զնաց դըմքըմբալով՝ Դավթի ականջն ընկավ հորում. Հայ-հայ, ասավ (մտածեց՝ փոխարինումը մերն է) հորեղբայրը է Սասաւ ասքից ինձ է գուստ (Հ. Թումանյան, հ. 4, Ե., 1991, էջ 35). Երկու դեպքում է՝ ասաց/մտածեց, արժույթը չի փոխվում:

²¹ Տե՛ս Ո. Դոխտյան, Գրավոր խոսք ասացականները արդի հայերենում, Զահուլյանական ընթերցումներ, Հանրապետական գիտական նատաշրջանի գեկուցումներ (Երևան, 2013թ., մայիսի 22-24). -Եր.: Էդիթ Պրինտ, 2013, էջ 54-55):

բանավոր խոսք (կամ՝ ներքին խոսք→բանավոր խոսք→ գրավոր խոսք). գործաբանական այս շրթայում էլ առաջանում են իմաստային համաձայնվածքները (ինչպես,օր., բնութագրել, գրախոսել, եզրակացնել, ենթադրել, ծանոթագրել, հիմնավորել, ձևակերպել, նկարագրել, շարադրել, որոշել, սահմանել, վերլուծել ևն):²²

Մտածական ԲԻՆ-ը առնչություններ ունի զգացական ԲԻՆ-ի հետ, որովհետև, բացահայտելով երևույթների պատճառական կապերն ու օրինաչափությունները, մենք անցնում ենք զգայական իմացությունից այն կողմ, խորացնում մեր պատկերացումները բնական ու հասարակական գործընթացների վերաբերյալ, այդուհանդեռձ այս ԲԻՆ-երի սահմանները այնքան էլ հատակ չեն տարրողվում՝ պատճառ դառնալով յուրատեսակ հատումների համար: Մտեղծագործական մտածականների ենթահարացույցի բայերը հատվում են ԶԲ-երի երազանքի խմբի բայերի հետ, օր. երևակայելը և պատկերացնելը կան երկու հարացույցներում էլ: Կամ՝ ճանաչելը հավասարապես կապվում է թե իմացության, թե զգայական ընկալման հետ, իսկ ըմբռնելը իր մեկ իմաստով ճանաչողական բայ է, մեկ այլ նշանակությամբ՝ հասկացման կամ կոռհման:²³

ՄԲ-երը հատվում են նաև վարքի ԲԻՆ-ի բայերի հետ, ինչպես օրինակ՝ երեխայանալ, թեթևամտել, մանկանալ, վերաբերվել ևն:

Մտածական բայերի իմաստային դասակարգումը փորձ է՝ խոսքային գործունեությունը առավել հատակ պատկերացնելու, վերոնշյալ բայերի միջոցով նախ՝ մտքում խոսքը տրամաբանորեն կառուցելու, ապա՝ ճիշտ ու տեղին կիրառելու համար:

Дохоян Рузанна - Семантическая классификация глаголов мышления современного армянского языка. – В современном армянском языке не проводилось комплексного изучения глаголов мышления. Попытки семантических группировок этих глаголов или упоминание термина (глаголы мышления) встречаются только в работах по синтаксису. В статье вышеупомянутые глаголы мы изучали с семанти-

²² Տե՛ս Ո. Դոխյան, Ասացական և մտածական բայերի իմաստային առնչությունները, Զահուլյանական ընթերցումներ-2009, Հանրապետական գիտական նատաշրջանի գեկուցումներ (Երևան, 2009թ., ապրիլ 28-29). -Եր., Նաիրի, 2009, էջ 61:

²³ Տե՛ս Հ. Օհանյան, Մտածական բայերի խնդրառության մի բանի հարցեր, Հայոց լեզուն և գրականությունը դպրոցում, Ե., 1984, N 3, էջ 53:

ческой точки зрения, рассматривая как ЛСГ, организованную полевым принципом. Мы очертили границы, формируя парадигму глаголов мышления, которую разделили на следующие подпарадигмы: истинные мыслительные, познавательные, рассудительные, глаголы восприятия и понимания, воспоминания, творческого, тенденциозного мышления. В свою очередь, подпарадигмы разделили на соответствующие группы, подгруппы, ряды. Цель исследования глаголов мышлений – дать более четкое представление о роли и употреблении этих глаголов в процессе речевой деятельности.

Dokhoyan Ruzanna- The Semantic Classification of the Verbs of Thinking in Modern Armenian. - There is no complex research of the verbs of thinking in modern Armenian. We only meet the attempts of those semantic groups or the mentioning of the term (verbs of thinking) in the syntax. We have studied the above -mentioned verbs in the article from the semantic point of view observing them as a word-semantic group organized by a field principle. We have outlined the borders forming the semantic paradigm of the verbs of thinking which we have divided into following subparadigms: original verbs of thinking, those of comprehension or understanding, recognition, judgment, creative, intentional thinking, memory. We have divided the following into appropriate groups, subgroups, series. The classification of the verbs of thinking aims to imagine clearly the process of speech activity.

ԲԱՌԱՊԱՇԱՐԻ ՀԱՍՏԱԼՄԱՆ ՄԿՋԲՈՒՔՆԵՐԸ ՀԱՅԵՐԵՆՈՒՄ

Ֆրանսիացի հայագետ Ֆրեդերիկ Ֆեյդին դեռ անցյալ դարում հայերենը բնութագրել է որպես «մի զարմանալի յուրահասուկ շնորհ ունեցող լեզու, որ ի վիճակի է ազատորեն և սոույզ արտահայտելու միաժամանակ գիտական ճշորոշ միտքը, փիլիսոփայական գաղափարները և բանաստեղծական նրբին, բազմերանգ կիսաստվերները»: «.... Իմ գիտցած լեզուների մեջ հայերենը բացառիկ է.... նախ որպես զարմանալի տրամաբանական լեզու, ապա նաև՝ իր ձկունությամբ, նոր բառեր կազմելու ոյուրությամբ»: Իսկ Ֆեյդին այդպես ասելու իրավունք ուներ, քանի որ տիրապետել է եվրոպական ու ասիական մի շարք լեզուների:

Անցյալ դարի 70-ական թթ. Ֆեյդին ամերիկացի հայագետ Սոլտերսի հետ միասին գրել է. «Մենք վստահ ենք, որ բառերի ճշգրիտ իմաստը տվող մի լեզու եթե կա, ապա դա հայերենն է, և առաջարկում ենք ՄԱԿ-ի միջազգային լեզու ընտրելիս նախապատվությունը տալ նրան»:¹

Գրական հայերենն իր այս հատկությունները ձեռք է բերել հազարամյակներ շարունակ ազատ ու անկախ զարգացման, մաքրության ու ինքնարավության շնորհիվ: Եվ որպեսզի հայերենը չկորցնի իր այս առավելությունը, պետք է շարունակել նրա զարգացման ավանդույթները՝ նպաստելով նրա ինքնամաքրմանը և կատարելագործմանը:

Խոսքը հայերենի նախ և առաջ բառակազմական համակարգի մասին է, որը կարող է առավել կատարելագործվել, եթե հայերենը անխոչընդուռ կիրառվի կյանքի ամենատարբեր ոլորտներում և շաղարտվի այլ լեզուների ձևավայրերում:

Կարծիք կա, թե հայերենը կարող է աղբեջաներենի, ուզբեկերենի և այլ լեզուների նման բավարարվել անզերենից ու ոռւսերենից

¹ https://hy.wikiquote.org/wiki/Ֆրեդերիկ_Ֆեյդի

անսահմանափակ փոխառություններով, ու դա լեզվի զարգացման ավելի հեշտ ճանապարհ է:

Իսկապես դա ավելի հեշտ է թվում: Բայց նախ պարզենք, թե ում համար է դա հեշտ:

Հեշտ է այդ բառապաշարը մշակողների համար: Շատ ավելի հեշտ է այլ լեզուներից պատրաստի բառեր վերցնելն ու տառադարձելը, քան հայերեն նոր բառեր կերտելը կամ պատճենելը:

Հեշտ է նաև այդ բառապաշարին այլ լեզուներով արդեն ծանոթ մարդկանց համար: Նրանք սովորելու նոր բան քիչ կունենան:

Իրավիճակը շրջադարձեն փոխվում է, եթե խնդիրը դիտարկում ենք մատադ սերունդների դիտանկյունից: Առաջին անգամ տվյալ հասկացությանը հայերեն գրականության միջոցով ծանոթացնողի համար անհամեմատ նախընտրելի է հայերեն բառը, քան փոխառությունը ինչ-որ մի անծանոթ կամ կիսածանոթ լեզվից: Նախընտրելի է, քանի որ հայերեն բառը փոխառության համեմատ ապահովում է ինքնըստինքյան հասկանալիություն, ոյուրին յուրացում, խնայողություն, ինչպես նաև լեզվական համակարգին հարմարվածություն, ազգային միասնություն: Քննարկենք այս կետերը առանձին-առանձին:

1. Ինքնըստինքյան հասկանալիություն: Նորակազմ բառերը իրենց արդեն ծանոթ բաղադրիչների շնորհիվ թափանցիկ են, այսինքն՝ ի սկզբանե ունեն հասկանալիության որոշակի ներուժ, ինչից գուրկ են փոխառությունները: Դա պատկերացնելու համար համեմատենք հետևյալ բառերը.

դիդակտիկա – ուսուցարանություն,

վիտամին – կենսանյութ,

մանդաստ – իրավագիր,

գրաֆիտ – գրաքար,

կոնցենտրատ – խտանյութ,

էմպատիա - հուզակցություն,

կատարսիս - ինքնամաքրում,

ինվեստոր - ներդրող,

օնլայն – առցանց:

Փոխառություններն ինքնին և ի սկզբանե ոչինչ չեն հուշում և կարող են հասկանալի դառնալ միայն համարժեք հայերեն բառերի

կամ դրանց բառակապակցական բացատրությունների օգնությամբ: Այսպես՝ սարկոֆազ-ը պետք է հասկանալ ու հիշել որպես «քարե տապան՝ քարտապան», Ֆունզիցիդ-ը՝ «սունկ սպանող նյութ՝ սնկասպան», իխուիոլոզ-ը՝ «ձկների գիտակ՝ ձկնագետ» և այլն: Իսկ եթե երբեմն կարծես թե ինչ-որ բան հուշում են, ապա դա կարող է խարուսիկ լինել: Օրինակ՝ կորդեքալետ-ը («պարախումբ») թվում է բալետի տեսակ, միշղեռ այստեղ բայետ բաղադրիչը մեզ ծանոթ իմաստը չունի, կատապուլտ-ը («ինքնանետիչ») թվում է պուլտի տեսակ, միշղեռ այստեղ էլ պուլտ բաղադրիչը մեզ ծանոթ իմաստը չունի:

2. Դյուրին յուրացում: Բնականաբար բառը որբան թափանցիկ է, այնքան լավ է տպավորվում և արագ յուրացվում: Մինչդեռ դրանց օտար համարժեքները, ինքնստիճանյան հասկանալիության հատակությունից միանգամայն զուրկ լինելով, յուրացվում են ոչ թե տրամաբանորեն, այլ զուտ մեխանիկորեն և հավելյալ ջանքերի հաշվին: Օրինակ՝

երկամյա – բիենալե,
ապագայագետ – ֆուտուրոլոզ,
ներծոր – էնդոկրին,
դիտանկյուն – ռակուրս,
նախազում – քարֆինգ,
բնակախումբ – պոպուլյացիա
էկզոտիկ – տարաշխարհիկ,
էվակուացիա – տարհանում:

3. Խնայողություն: Մասնագիտական գրականության մեջ ընդունված է այն դրույթը, որ փոխառության փոխարեն նորակազմությունների կիրառումը խնայողության միջոց է: Այդ կերպ լեզուն և մեր հիշողությունը ազատազրվում են տասնյակ հազարավոր օտար բառերից, որոնք ունեն արմատների արժեք և առանձին-առանձին հիշվելու կարիք: Մինչդեռ նորակազմությունները, բաղադրվելով հայտնի կադապարներով, հայտնի արմատներից ու ածանցներից, ինքնըստիճանյան հասկանալիության շնորհիվ հիշողությունը ծանրաբեռնում են աննշան ջափով: Հետևաբար օտար բառերը միանգամայն ավելորդ թե՛ն են լեզվի և հիշողության համար:

4. Լեզվական համակարգին հարմարվածություն: Այս

չափանիշը կարելի է դիտարկել որպես քերականական հարմարվածություն, բառակազմական սերողունակություն, հնչությային համապատասխանություն, արտասանական հարազատություն: Սրանցից առավել կարևորը բառակազմական սերողունակությունն է:

Համեմատենք էմոցիա և հույզ բառերը: Հույզը ոչ միայն ավելի կարծ է, այլև արտադրողական է: Նրանից ինքնաբերաբար կազմվում են ածանցավոր՝

• գոյականներ՝ *հուզում, հուզմունք, հուզականություն, հուզվածություն,*

• ածականներ՝ *հուզական, հուզիչ, հուզումնավետ, անհույզ, համահույզ,*

• մակրայներ՝ *հուզականորեն, հուզաբար,*

• բայեր՝ *հուզել, վերահուզել, հուզականանալ,*

• ինչպես նաև բազմաթիվ բարդություններ՝ *հուզալից, հուզումնալից, հուզաշատ, հուզազուրկ, հուզաբորբոք, հուզաթաթավ, հուզախառն, հուզախուվ, հուզահակ, հուզաշխարհ, հուզավառ, հուզարար, հուզարտահայտչական, հուզումնաբեկ, հուզումնակոծ, հուզակցություն, սաստկահույզ, փորթորկահույզ, մրրկահույզ, մշտահույզ, սրտահույզ, սիրահույզ, ծովահույզ, մոտահույզ և այլն,*

• որոնք իրենց հերթին կարող են ածանցվել՝ *հուզաշատություն, հուզաբարում, հուզաշխարհային, հուզավառվել, հուզազրկվել, հուզարտահայտչականորեն, հուզարտահայտչականացում և այլն (ընդհանուր թվով՝ 45 բառ):²*

Մինչդեռ էմոցիա-ից գրեթե ոչ մի բառ չի կազմվում, հետևաբար հարկ է լինում փոխառել դրա օտարալեզու ածանցյալներ՝ էմոցիոն, էմոցիոնալ, էմոտիվ, որպեսզի դրանցից մի կերպ կազմվեն մի քանի նոր բառեր՝ էմոցիոնալացում, էմոցիոնալություն, էմոցիոնալորեն, էմպատիա:

Իսկ հայերեն կազմություններից շատերը և հատկապես բայերը անփոխարինելի են: Ուստի օտար բառը նախընտրողը տիպված է լինում իրար կողքի գործածել օրինակ, էմոցիա-ն և հուզվել-ը: Բայց այդ պատճառով մթագնում է դրանց իմաստային կապը, և

² Բառերն ընտրված են Է. Աղայանի «Արդի հայերենի բացատրական բառարանից» (Ե., 1976):

քողարկվում է ծագումնաբանական առնչությունը՝ **հոլոց - հոլոգիզ**:

Սերողունակ բառերից արդեն պատրաստի կաղապարներով ինքնըստինքյան ստացվում են բառակազմական համակարգեր (հարացույցներ), կամ այդ բառերը ներառվում են համակարգերի մեջ և լեզվակրի միտքն ու հիշողությունն ազատում մեծարանակ ածացյանկներ կազմելու, իմաստով հարաբերակից բառեր գտնելու ջանքերից: Այս հատկությունը, որպես կանոն, բնորոշ չէ փոխառություններին, որոնք ամլացնում են բառակազմական կաղապարները, հաշմում բառակազմական համակարգերը:

Բերենք բառակազմական մանրահամակարգերի մեկական օրինակ գեղարվեստի, լեզվաբանության և տեղեկագիտության ոլորտներից հայերեն, անգլերեն և ռուսերեն գուգահեռներով:

Գեղարվեստի ոլորտից

գեղանկար	գեղանկարային	գեղանկարից	գեղանկարչություն	գեղանկարչական
գծանկար	գծանկարային	գծանկարից	գծանկարչություն	գծանկարչական
խճանկար	խճանկարային	խճանկարից	խճանկարչություն	խճանկարչական
սրբանկար	սրբանկարային	սրբանկարից	սրբանկարչություն	սրբանկարչական
մանրանկար	մանրանկարային	մանրանկարից	մանրանկարչություն	մանրանկարչական
յուղանկար	յուղանկարային	յուղանկարից	յուղանկարչություն	յուղանկարչական
ջրանկար	ջրանկարային	ջրանկարից	ջրանկարչություն	ջրանկարչական
որմնանկար	որմնանկարային	որմնանկարից	որմնանկարչություն	որմնանկարչական
յուսանեկար	յուսանեկարային	յուսանեկարից	յուսանեկարչություն	յուսանեկարչական
դիմանկար	դիմանկարային	դիմանկարից	դիմանկարչություն	դիմանկարչական
բնանկար	բնանկարային	բնանկարից	բնանկարչություն	բնանկարչական
խարանկար	խարանկարային	խարանկարից	խարանկարչություն	խարանկարչական

painting	painting	painter	painting	(of) painting
graphics		draftsman, drawer, draughtsman	graphics	graphic
mosaic	mosaic	mosaïcist	mosaic	mosaic
icon	iconic	iconographer	iconography	iconographic
miniature	miniature	miniaturist	miniature	miniaturistic
oil painting	oil painting	oil painter	oil painting	(of) oil painting
watercolor, wash drawing, aquarelle	watercolor	watercolorist, wash drawer	watercoloring, wash drawing	(of) watercoloring
fresco, mural, wall-painting	fresco	wall-painter	wall-painting	fresco, mural, wall-painting

photo, photograph	photographic	photographer	photography	(of) photography
portrait	portrait	portraitist	portraiture, portrait-painting	(of) portrait-painting
landscape	landscape	landscape-painter	landscape-painting	(of) landscape-painting
poker-work, pyrography	poker-work, pyrography	poker-worker, pyrographer	poker-work, pyrography	poker-work, (of) pyrography

живопись	живописный	живописец	живопись	живописный
графика (м. ч.), рисунок	графический, рисуночный	график, рисовальщик	графика, рисунок	графический, рисуночный
мозаика	мозаичный	мозаист, мозаичник	мозаика	мозаичный
икона	иконный	иконописец	иконопись	иконописный
миниатюра	миниатюрный	миниатюрист	миниатюра	миниатюрный
живопись маслом	маслянный	художник по маслу	живопись маслом	
акварель	акварельный	акварелист		
фреска	фресковый	художник пишущий фрески, альфрейщик	фреска	фресковый
фотография	фотографический	фотограф	фотография	фотографический
портрет	портретный	портретист	портрет	портретный
пейзаж	пейзажный	пейзажист	пейзаж	пейзажный
выжигание, пирография	пирографический	пирографист	выжигание, пирография	пирографический

Լեզվաբանության ոլորտից

գոյական	գոյականական	գոյականացում	գոյականակազմ	գոյականակերտ
ածական	ածականական	ածականացում	ածականակազմ	ածականակերտ
թվական	թվականական	թվականացում	թվականակազմ	թվականակերտ
բայ	բայսկան	բայսցում	բայսկազմ	բայսկերտ
մակրայ	մակրայական	մակրայացում	մակրայակազմ	մակրայակերտ
դերանուն	դերանվանական	դերանվանացում	դերանվանակազմ	դերանվանակերտ
դերբայ	դերբայական	դերբայացում	դերբայակազմ	դերբայակերտ

noun	nominal	nominalization	noun derived	noun-forming, noun derivation
adjective	adjectival	adjectivation,	adjective	adjective-

		adjectivization	derived	forming, adjective derivation
numeral	numeral	numeralization	numeral derived	numeral derivation
verb	verbal	verbalization, verbification	verbal	verb-forming, verb derivation
adverb	adverbial	adverbialization, adverb formation	adverb derived	adverb- forming, adverb derivation
pronoun	pronominal	pronominalization	pronoun derived	pronoun derivation
participle	participle	participialization	participal derived	participal- forming, participal derivation

существительное	Субстантив-ный	субстантивация, субстантивированье	отсущество- тельное	субстантивирующ- ий (суффикс)
Прилагатель- ное	адъективный	адъективация, адъективизация, адъективированье	отприлагате- льное	адъективирующи- й (суффикс)
числительное	Нумераль- ный	нумерализация		
глагол	глагольный	вербализация, отглаголивание	Отглаголь- ное, деверба- тивное	глагольный (суффикс)
наречие	наречный, адвербальный	адвербиализация, отнаречивание		(суффикс) образующий наречие
местоимение	Местоимен- ный	Прономинали- зация		
причастие	причастный, инфinitив- ный			

Տեղեկագիտության ոլորտից

տպել	տպիչ	տպում
պատճենել	պատճենիչ	պատճենում
ծրել	ծրիչ	ծրում
փոխարկել	փոխարկիչ	փոխարկում

որոնել	որոնիչ	որոնում
տողադրձել	տողադրձիչ	տողադրձում
մշակել	մշակիչ	մշակում
ցուցարկել	ցուցարկիչ	ցուցարկում
զննել	զննիչ	զննում
գտել	գտիչ	գտում
տեղադրել	տեղադրիչ	տեղադրում
ուղագրել	ուղագրիչ	ուղագրում

print	printer	printing
copy	copier	copying
scan	scanner	scanning
convert	converter	converting
search	search engine, searcher	searching
hyphenate	hyphenator	hyphenating
process	processor	processing
display	monitor, display	displaying
browse	browser	browsing
filter, filtrate	filter	filtering
install	installer	installing
spell check, spell-check	spell checker, spell-checker, spellchecker	spell checking, spellchecking

печатать	принтер	печать, печатание
копировать	копировальное устройство, ксерокс	копирование
сканировать	сканер	сканирование
преобразовать	преобразователь, конвертер, конвертор	преобразование, конвертация
искать	искатель, поисковик	поиск
переносить, делать перенос, писать через дефис	переносчик, расстановщик переносов	перенос, расстановка переносов
обрабатывать	обработчик, процессор	обработка
отображать	монитор	отображение
просматривать	браузер, просмотрщик	просмотр
фильтровать	фильтр	фильтрация
устанавливать	установщик, инсталлятор, программа установки	установка, инсталляция
проверять орфографию	спеллчекер	проверка орфографии

Հայերենը իր լեզվական համասեռության շնորհիվ այս երեք դեպքում էլ կատարյալ է, ամբողջական, ինքնարավ և ապահովում է հասկացական ու լեզվական համակարգերի համաձևություն: Մինչդեռ ոուսերեն մանրահամակարգերը իրենց անհամասեռության պատճառով թերի են (կան բաց վանդակներ), ոչ ճկուն, անմիօրինակ, երկիմաստություններով, համանուններով, կաղապարից շեղվող ձևերով, անհարկի հոմանիշներով ու տարբերակներով լի:

Թերությունները առաջանում են փոխառությունների հետևանքով, որոնք զուրկ են սերողունակությունից և իրենց հետ բերում են օտար ածանցյալներ կամ հարկադրում բավարարվել նկարագրական բառակապակցություններով, որոնք հաճախ կամայական են, վիճելի և անհարմար: Փոխառությունները փաստորեն ավերում են բառակազմական հարացույցները:

Նոյնը կպատահի, եթե հայերենում կ ներմուծենք փոխառություններ՝ *նատյուրմորտ, պեյզաժ, ակվարել, գրաֆիկա, ֆրեսկա* և այլն:

Անզերենը միջին տեղ է զրավում հայերենի և ոուսերենի համեմատ:

Հայերենի այս ինքնարավությունից շահում է լեզուն ինքը՝ ձեռք բերելով բառակազմական համակարգի ճկունություն, իմաստային դաշտերի համակարգվածություն, այլ լեզուներից անկախություն:

Անդրադառնալով միայն վերջինիս (անկախություն)՝ պետք է նկատենք, որ արևելահայերենը դեռ լիովին չի հաղթահարել կախվածությունը արևելյան լեզուներից (պարսկերենից, արաբերենից, թուրքերենից), իսկ այժմ զգալի կախվածություն ունի ոուսերենից, քանի որ մեծարիվ են ոուսերենի միջնորդությամբ կատարված, ոուսերենին հարմարված և ոուսերենից տառադարձված փոխառությունները՝ *լամինացիա, խրոնոլոգիա, տոննա, տեխնիկա, բլոկիրովկա* և այլն, որոնք հայերենին մասամբ պարտադրում են բառակազմական ու հնչադարձական որոշ միջոցների կիրառում նաև այլ լեզուներից փոխառություն կատարելիս *ինտալյացիա, պարկովկա, ռեստորտ, կրեատիվ, դատարելյացիա, տրի-դե, էմ-պե-տրի* և այլն:

Ոուսերենն ինքը կախման մեջ է լատիներենից, իին հունա-

րենից, ինչպես նաև գերմաներենից, անգլերենից, ֆրանսերենից, իտալերենից:

Արևելահայերենը այժմ սկսել է կախման մեջ ընկնել անգլերենից:

Որևէ այլ լեզվից կախվածությունը սովորաբար լինում է ժամանակավոր, և պարբերաբար առիթ է լինում փոխելու կախվածության կողմնորոշումները:

Լեզվական կողմնորոշման փոփոխության հետևանքով՝

բիրժան դառնում է *բորսա*,

կոնֆերենցիան՝ կոնֆերանս,

ինստույցիան՝ ինսթրույցըն,

տոննան՝ թոն,

ցիկլ-ը՝ սայրել,

մուլտի-ն՝ մալթի,

պարկովկան՝ փարքինգ,

խրոնոլոցիան՝ քրոնոլոցի,

սիեման՝ սքեմ,

ցինիկ-ը՝ կինիկ,

մատրիցան՝ մատրիքս,

պրոյեկտ-ը՝ փրոցեքրօ,

վիզուալ-ը՝ վիժուալ այլն:

Հայտնի չեմ, թե դեռ ինչ լեզուներ կտիրապետեն աշխարհում և կփորձեն բոնանալ հայերենի նկատմամբ: Խճնաբավ քաղաքականության դեպքում ազդեցությունների փոփոխության նկատմամբ լեզուն ձեռք է բերում անընկալունակություն (իմունիտետ): Ամեն փոփոխության հետ հարկ չի լինում վերանայելու փոխառությունների կազմը, եղանակները, հիմքերը:

5. Ազգային միասնություն: Հայերը ցրված են աշխարհով մեկ: Ամեն երկրում հայերենը կրում է տեղի պետական լեզվի ազդեցությունը (թուրքերենի, արաբերենի, պարսկերենի, հունարենի, ֆրանսերենի, իսպաներենի, ռուսերենի կամ անգլերենի), նրանից փոխառություններ կատարում:

Այդ պատճառով ռուսահայի հայերենը դժվարիասկանալի է սիրիահայի համար, ֆրանսահայինը՝ թուրքահայի համար և այլն: Հետևաբար պետք է խուսափել փոխառություններից և զբաղվել հա-

մազգային համաձայնեցված բառակերտմամբ, որպեսզի հայերենը առավել շմասնատվի ու չճուղավորվի, միասնական լինի ազգի համար:

Լեզվի սեփական միջոցների վրա հիմնված նորակազմությունները դրսեորումներն են լեզվի ներքին պահանջի, իրացումներն են այդ լեզվի ինքնամաքրման, համակարգայնացման, բանականացման, միասնականացման, խնայողության միտումների³:

Մինչդեռ փոխառությունները հետևանք են արտաքին ազդեցությունների ու ճնշումների, ինչպես նաև մասնագետների նախապաշարվածության, անկարողության, ծուլության, վերասերված լեզվագգացողության ու ճաշակի:

Իրենց պետական լեզուն սիրող, հարգող և խորապես գնահատող երկրներում՝ Ֆանսիայում, Թուրքիայում և այլուր, լեզվի մաքրության և փոխառությունները նորակազմություններով փոխարինելու գործը ոչ թե նվիրյալ անհատների հույսին է թողնված, այլ պետականորեն իրականացվող ծրագիր է:

Գործում են այդ նպատակով ստեղծված պետական հաստատություններ, որոնք կազմում են օտար բառերի սև ցուցակներ, դրանց փոխարինման համար հավաքում նորակազմությունների կամ մոռացված բառերի առաջարկներ, կազմակերպում այդ առաջարկությունների հանրային քննարկումներ, ընտրում լավագույն տարբերակները և օրենքի ուժով պարտադրում դրանց գործածությունը:

ԵԶՐԱԿԱՑՈՒԹՅՈՒՆ

Որքան էլ երեմն անխուսափելի թվան փոխառությունները, պետք է հիշել, որ փոխառությունը («պարտքով վերցված բառը»)

³ Տե՛ս նաև Է. Աղայան, *Տերմինազիտություն*, Ե., 1978: Ռ. Իշխանյան, *Ակնարկներ հայերենի տերմինաշինության*, Ե., 1981: Ռ. Իշխանյան, Հայերենի տեմինաշինության հարցեր, - Հրաբեր հասարակական գիտությունների, Ե., 1969, 7, էջ 87-103: Գ. Զահորյան, Հայոց լեզվի տեմինաբանության զարգացման հարցերի քննարկումը, - Հրաբեր հասարակական գիտությունների, Ե., 1971, 9, էջ 93-98: Հ. Բարեկյան, *Տերմինաբանական և ուղղագրական տեղեկատու*, Ե., 1988, էջ 5-27: Հ. Զարարյան, Օտարաբանությունների արտամդման միտումը հայերենում, - Բաներ Երեւանի համալսարանի հասարակական գիտություններ, Ե., 2002, 1, էջ 133-140:

Ժամանակավոր երևոյթ է, մինչև սեփական համարժեքի հայտնվելը և տարածվելը: Հետևաբար միշտ պետք է *հնարավորինս խուսափել* փոխառություններից՝ ձգտելով լեզվի ներքին պաշարների հիման վրա գտնելու համարժեք միջոցներ: Դրա ուղիներն են.

- նոր բարի ստեղծում,
- օտար բարի պատճենում,
- եղած բարին նոր իմաստի հավելում,
- հնացած բարի գործառական թարմացում,
- մոռացված բարի վերակենդանացում,
- բարակապակցության վերածում հապավման և այլն:

Оганес Закарян – Принципы пополнения словарного запаса армянского языка. – По мере развития языка необходимость в образовании новых слов в армянском языке преимущественно удовлетворяется с помощью, с одной стороны, собственных новообразований, с другой стороны – заимствований из других языков. Вследствие этого часто возникают параллельные формы. Из них заимствованный вариант удобен для специалиста, который знаком с данным понятием на иностранном языке и привык к этой иностранной форме. Однако для того, кто впервые знакомится с этим понятием, гораздо предпочтительнее созданный собственными языками средствами вариант, который, по сравнению с заимствованным вариантом, отличается приспособленностью к системе языка, понятен сам по себе, легко усваивается, наделен свойствами не перегружать память и способствовать национальному единству. Словообразовательная система армянского языка настолько гибка, что самопроизвольно образовываются словообразовательные парадигмы. Между тем, заимствования, как правило, разрушают эти парадигмы, излишне перегружают систему языка и память человека. Вот почему необходимо по возможности избегать заимствований и дать предпочтение их армянским эквивалентам.

Hovhannes Zakaryan – Principles of replenishment of vocabulary of the Armenian language. – In the process of development of language the need for formation of new words in Armenian language is generally satisfied on the one hand by means of new formations, and on the other hand – foreign-language loans. Because of this, parallel forms often arise. The loan-word is convenient for specialists who are familiar with this concept in a foreign language and have got used to this form. However for those, who get

acquainted with this concept for the first time, the word form created by his or her own language means is much more preferably which, in comparison with the borrowed word, differs in fitness to system of language, is clear in itself, is easily acquired, is allocated with properties not to overload memory and to promote national unity. The word-formation system of the Armenian language is so flexible that word-formation paradigms are spontaneously formed. Meanwhile, loans, as a rule, destroy these paradigms, excessively overload system of language and memory of the person. That is why it is necessary to avoid loans whenever possible and to give preference to their Armenian equivalents.

Թաղեսոյան Հասմիկ (Հայաստան,
ԳԱԱ լեզվի ինստիտուտ)

ՄԻՌԵԱՂԱԴԻՉՈՎ ՆՈՐ ԿԱԶՄՈՒԹՅՈՒՆՆԵՐ ՄԻՋԱՄԱՐՑԱՆ ԲԺՇԿԱՐԱՆՆԵՐՈՒՄ

Սիրու գոյականը բառակազմական լայն հնարավորություններ է հանդես բերում միջին հայերենի շրջանում: Իրեն կազմախոսական բառ՝ այն ամենից հաճախ կիրառվել է միջնադարյան բժշկարաններում (12-17-րդ դդ.), որտեղ սիրու-ը առանձին կիրառություններից բացի հանդես է գալիս ածանցավոր, բաղադրյալ նոր կազմություններում, ինչպես նաև բառակապակցություններում: Սույն ուսումնափրության համար դիտարկել ենք Միխիթար Հերացու «Ձերմանց միխիթարութիւն», Արուսայիդի «Յաղագս կազմութեան մարդոյն» (12-րդ դ.), Գրիգորիսի «Քննութիւն բնութեան մարդոյ և նորին ցավոց», Իշող քահանայի «Գիրք ի վերայ բնութեան», թարգմանական «Բժշկարան ձիոյ», ինչև «Գիրք վաստակոց»¹ (13-րդ դ.), Ամասիացու «Անզիտաց անպէտ», «Օգուտ բժշկութեան» (15-րդ դ.), Ասար Սեբաստացու «Գիրք բժշկական արիեստի» և Բունիաթ Սեբաստացու «Գիրք բժշկութեան տումարի» բժշկարանները (16-17-րդ դդ.):

Առանձնացրել ենք «սիրու» բաղադրիչով չորս տասնյակ նոր կազմություններ, որոնք ստեղծվել են միջին հայերենի շրջանում և հիմնականում կիրառվել են հենց բժշկարաններում: Վերջիններիս գերակշռող մասը արձանագրված է «Միջին հայերենի բառարան» -ում² (24 բառ): Այդ իսկ պատճառով դրանց կանդրադարնանք առավել համառոտ: Առանձնակի ուշադրություն ենք դարձրել հատկապես բառակապակցությամբ արտահայտված և հարացիր նոր կազմություններին, որոնք տեղ չեն գտել նշված բառարանում: Դրանք հիմնականում դարձվածային արժեք ունեցող բառակապակցություններ են:

¹ «Գիրք վաստակոց» թարգմանական երկը մի փոքր վերապահումով ևս ընդգրկել ենք բժշկարանների շարրում, բանի որ վերջինս, բոյսերին և պտուղներին առնչվելով, սերտ կապ ունի նաև բժշկության հետ:

² Ռ. Ղազարյան, Հ. Ավետիսյան, Միջին հայերենի բառարան (այսուհետ՝ ՄՀԲ), Ե., 2009:

Նախ անդրադառնանք մեկ բառով արտահայտված նոր կազմություններին, որոնք, հաճախակի գործածվելով բժշկարաններում, տերմինի արժեք են ստանում: Ածանցման եղանակն այստեղ աշքի չի ընկնում. առանձնացրել ենք միայն սիրտ բաղադրիչով վերջածանցմամբ կազմված չորս բառ՝ *սրտային*³ «սիրտն ամուր», *սրտով*⁴. գործածվել է ածականական՝ «սրտոտ, անվախ»⁵ և «սրտանց» (ԲԶ 81) մակրայական կիրառություններով, *սրտութիւն* «բարկութիւն, զայրովյա» (ԲԶ 77), *սրտուկ*⁶ «բույսի միջուկ, ծուծ»: Նկատենք, որ վերջին բառը առանց -ուկ վերջածանցի էլ «Գիրք վաստակոց»-ում կիրառվել է նոր՝ «մրգի միջուկ» իմաստով. «Առ նոր սերկելի....և այնու ճեղքեա ՚ի չորս և հան սիրտն» (Եջ 126): ՍՀԲ-ում, սակայն, սիրտ բարի այս նոր իմաստը տեղ չի գտել, չնայած որ ածանցավոր սրտուկ-ը կա՞:

Բարաբարդման եղանակով կազմվել են *սրտաժած* «սրտի դողոց» (ԱՍՕԲ 63), *սրտառաջ*⁸ «կուրծք», *սրտայդալ* «սրտի գդալ» (Գր.130) զոյականները և *սրտքաց* «սիրտը բացող, ուրախացնող» (ԲԶ 85), *սրտիեշտ* «սրտի համար հաճելի» (ԱՍՕԲ 42) ածականները: Բարդ բառերից վերջածանցի հավելմամբ են կազմվել *սրտայցաւութիւն* «սրտի ծակոց» (ԱԱԱԱ 31), *սրտիեշտութիւն*⁹ «հոգու անդորր», *սրտնեղանք*¹⁰ «սրտնեղութիւն», *սրտկութեք* «սրտի աման»

³ Տե՛ս Ամիրդովլաթ Ամասիացի. Օգուտ բժշկութեան, Ե., 1940, էջ 24, Անգիտաց անպետ, Վիեննա, 1926, էջ 369: Այսուհետև տվյալ բժշկարաններից բերվող օրինակների էջերը կնշվեն փակագծերում՝ համապատասխանաբար ԱՍՕԲ և ԱԱԱԱ համառոտագրություններով:

⁴ -Ով հոլովական վերջավորությունը միջին հայերենում նաև վերջածանց է. տե՛ս Ակնարկներ միջին գրական հայերենի պատմության, հ. Ա, Ե., 1972, էջ 255, Ռ. Ղազարյան, Միջին հայերենի բառապաշարը, Ե., 2001, էջ 205:

⁵ Տե՛ս Բժշկարան ձիոյ և առհասարակ գրաստնոյ, Ե., 1980, էջ 77: Այսուհետ օրինակների էջերը կնշվեն փակագծերում ԲԶ համառոտագրությամբ:

⁶ Տե՛ս Գիրք վաստակոց, Վենետիկ, 1877, էջ 51, 130, 139:

⁷ Տե՛ս ՍՀԲ, էջ 722:

⁸ Գրիգորիս, Քննութիւն բնութեան մարդոյ և նորին ցավոց, Ե., 1962, էջ 57: Այսուհետև օրինակների էջերը կնշվեն փակագծերում Գր. համառոտագրությամբ:

⁹ Տե՛ս ՍՀԲ, էջ 722:

¹⁰ Աբրւայիդ, Յաղագս կազմութեան մարդոյն, Ե., 1974, էջ 217: Այսուհետև օրինակների էջերը կնշվեն փակագծերում Աբու. համառոտագրությամբ:

(Գր. 57) գոյականները: Բայական վերջավորությամբ են ստեղծվել սրտելնել «սրտնեղվել» (ԲՇ 73) և սրտահեշտացուցանել¹¹ «սփոփել» բայերը:

Ի դեպ նկատենք, որ նման որոշ բառեր հաճախ կիրառվել են և՝ հարադրությամբ և՝ համադրությամբ, ինչպես՝ սրտի դզալ՝ սրտայդզալ, սիրտը ելնել – սրտելնել, սրտի հեշտութիւն – սրտիհեշտութիւն:

Միջնադարյան բժշկարաններում, ինչպես և բնորոշ է միջին հայերենին առհասարակ, շատ զործուն են հարադրական բարդությունները, որոնցից թվային գերակշռությամբ աշքի են ընկնում հատկապես հարադրավոր բայերը: Դրանց շարքում մեզ հետաքրքիր են սիրտ գոյականով և տարբեր բայերի հարադրությամբ զգալի թվով կազմությունները: Առանձնացրել և քննել ենք 19 հարադրություններ, որոնցից միայն 7-ն են տեղ գտել ՄՀԲ-ում. սիրտն անցնել «ուշաթփվել», սիրտն ի վեր բերել «փսխել», սիրտը խառնակել «սիրտը խառնել», սիրտը կուրդի «խեղճանալ», սիրտը հասնել «մահանալ», սիրտը նեղնալ «սրտնեղվել», սրտին շարժել «սրտխառնոց»: Ինչպես տեսնում ենք, բերվածները բոլորն են վերահմատավորում ստացած դարձվածքներ են, որոնք ժողովրդական մտածողության արդյունք են: Միայն «սիրտը խառնել» նշանակությամբ այստեղ կիրառվել են սիրտը խառնակել, սիրտը շարժել, իսկ «փսխել» իմաստով՝ սիրտ դարձնել, սիրտ ձգել, սիրտն ի վեր բերել, դարձվածքները:

Նկատենք, որ օրգանիզմում կատարվող ֆիզիոլոգիական տարբեր երևույթները պատկերավոր նկարագրական ձևով ներկայացնելու այս միտումը սովորական է բժշկարանների համար. չեն որ ժողովրդական լայն զանգվածներին հասանելի լինելու խնդիրն այս շրջանում ամենից ավելի ուներ հենց բժշկությունը:

Պետք է նշել, որ սիրտն իբրև կազմախոսական բառ՝ բժշկարաններում գործածվել է երկու իմաստով՝ սիրտ և ստամոքս: Նկատենք, որ սրտի «ստամոքս» նշանակությունը զայխ է հենց ժողովրդական մտածողությունից. կարելի է ենթադրել, որ ստույգ

¹¹ Մխիթար Զերացի, Զերմանց Մխիթարութիւն, Վենետիկ, 1832, էջ 15: Այսուհետև օրինակների էջերը կնշվեն փակագծերում:

Հիմանալով սիրտ օրգանի տեղը՝ մարդիկ հաճախ ստամոքսի ցավերը և մարտողական խնդիրները վերազրել են սրտին: Դրանով կարելի է բացատրել սիրտը խառնել, սիրտ թափել և մի շարք այլ դարձվածքների իմաստը: Կարծում ենք, որ ենց այստեղից էլ առաջ է եկել վերախմաստավորումը և բառակապակցության անցումը դարձվածքի: *Սիրտ* բառի «ստամոքս» իմաստը գտնում ենք Ստ. Մալխասյանցի բառարանում, որպես բառի 3-րդ իմաստ՝ գավառական բառ կամ նշանակություն նշումով¹²: Է. Աղայանը իբրև սիրտ բառի 6-րդ իմաստ ևս նշում է «մարդու և կենդանիների մարտողական օրգան, ստամոքս» դարձյալ ժողովրդական նշումով¹³: Մի. Շերացու աշակերտ և հետևորդ Գրիգորիսը, իր «Քննութիւն բնութեան մարդոյ և նորին ցավոց» բժշկարանում մանրամասն անդրադառնալով սիրտ-ստամոքս առնչությանը, բժշկագիտորեն բացատրում է, որ սրտի և ստամոքսի հիվանդությունները փոխկապակցված են և դրա պատճառն այն է, որ ստամոքսի և կերակրափողի միացման տեղը՝ ստամոքսը բռնը (ընդգծումը մերն է) մոտ է սրտի ներքի փոստրակին՝ սրտազդալին և վերջինիս ցավը հաճախ շփորշվում է սրտի ցավի հետ. «զի թէ ցաւէր սիրտն, նայ մեռաներ մարդն, այլ ցաւ է, որ պատահէ ստամոքքերնին»¹⁵:

Այս հանգամանքը հաշվի առնելով՝ կարելի է առանձնացնել սիրտ-ով կազմված բառակապակցությունների իմաստային երկու խումբ:

1. կազմություններ, որոնք վերաբերում են սրտին, ինչպես՝ սիրտը ելնել «բարկանալ», սիրտն ի վեր վագել, սիրտն ի վեր քաշել «կծկվել», սիրտը խաղալ «հուռվել», սիրտը հասնել «լյանքը սպառվել», սիրտը նեղնալ «սրտնեղվել» և այլն,

2. կազմություններ, որոնք վերաբերում են ստամոքսին, ինչպես՝ սիրտն ի վեր բերել, սիրտ դարձուցանել // դարձնել գալ «փսխել», սիրտը խառնակել «սիրտը խառնել», սրտայշարժ լինել «ստամոքսի մեծանալը կամ փոքրանալը», սիրտը շարժել «սիրտը խառնել» և այլն:

¹² Ստ. Մալխասեանց, Հայերէն բացատրական բառարան, հ.4 , Ե., 1945, էջ 219-220:

¹³ Է. Աղայան, Արդի հայերէնի բացատրական բառարան, Ե., 1976, հ.2, էջ 1306:

¹⁴ ՄՀԲ, էջ 718:

¹⁵ Տե՛ս Գրիգորիս, Քննութիւն բնութեան մարդոյ և նորին ցավոց, Ե., 1962, 130-131;

Ինչպես արդեն նշեցինք, միջնադարյան բժշկարաններում հանդիպում են դրածվածային արժեք ունեցող հարադիր նոր կազմություններ, որոնք տեղ չեն գտել ՍՀԲ-ում (նաև ՆՀԲ-ում), մի քանիսն էլ արձանագրված են «Հայոց լեզվի դարձվածարանական բառարան»-ում կամ «Հայոց լեզվի բարբառային բառարան»-ում: Վերջիններս կարելի է ասել՝ բժշկարաններում բժշկական տերմինի արժեք ունեն: Ներկայացնենք դրանք.

Միրտ դարձուցանել // դարձնել և սիրուը ձգել համարժեք հարադրությունները, որ արձանագրված չեն բառարաններում, բժշկարաններում հանդիպում են «փսխել» իմաստով. «Միրտ դարձուցանելոյ դեղ: Ինչ-որ ուստե կամ ինչ որ խմէ սիրուն դարձուցանել»¹⁶: «...և քուն չկարէ լինել ի սրտին շարժելոյն և դարցնելոյն» (Գր.48): «Մարդ, որ սիրուն շարժէ և ձգէ ..վաս նշան է» (Գր. 210):

Միրտը ելնել «բարկանալ» դարձվածքը ՍՀԲ-ում գտնում ենք միայն համադրական սրտելնել ձևով: Այն կիրառվել է 12-րդ դարի բժշկարաններում. «Կասն միօրեայ շերմանն, որ պատճառն ի սիրուը ելնելուն լինի» (ՍՀԶՈՒ 16): «Միրտ ելնելն և բարկութիւնն և ուժ բոնաւրութեան ի լեղոյն է» (Աբուս 216):

Միրտն ի վեր վազել և սիրուն ի վեր քաշել դարձվածքները վերաբերում են «սրտի կծկվել»- ուն. «Նշանն այն է, որ սիրուն ի վեր վազէ զերդ մորթած հավ»¹⁷: «Եւ թվենայ հիւանդին, թէ սիրուն ի վեր կու քաշեն» (Գր 148):

Միրտն ի վեր զալ բայլ, որ «փսխել» իմաստով կիրառել է Ամիրդովլար Ամասիացին (ԱՍՕԲ 58), արձանագրված է ՀՀԲԲ-ում¹⁸:

Միրտը խաղալ «հուզվել» դարձվածքը, որ դարձյալ գտնում ենք Ամասիացու մոտ (ԱՍՕԲ 481), բերվում է ՀԼԴԲ-ում ¹⁹ և ՀԲԲ-ում²⁰:

¹⁶Տե՛ս Ասար Սեբաստացի, Գիրք բժշկական արհեստի, Ե., 1993, էջ 221:

¹⁷Տե՛ս Բոնիաք Սեբաստացի, Գիրք բժշկութեան տումարի, Ե., 1987, էջ 84: Այսուհետև օրինակների էջերը կաշվեն փակագծերում ԲՍ համառոտագրությամբ:

¹⁸Հայոց լեզվի բարբառային բառարան, հ. Ե., Ե., 2008, էջ 345:

¹⁹Ա. Սուրբայան, Ա. Գալստյան, Հայոց լեզվի դարձվածարանական բառարան, Ե., 1975, էջ 526:

²⁰Ստ. Մալիասեանց. Հայերէն բացատրական բառարան, հ.4 , Ե., 1945, էջ 220:

*Սիրտը շարժել դարձվածքը, որ բառարաններում*²¹ գտնում ենք միայն «հուզել» իմաստով, Գրիգորիսի բժշկարանում կապվելով ստամոքսի հետ՝ զործածվել է «սիրտը խառնել» նշանակությամբ. «Երբ սիրտն շարժի և ձգէ զայն, նայ երնջկտալն և հեծկտուկն կտրի»:

(Գր.125)

Սրտայշարժ լինել հարադիր կազմությունը ևս ստամոքսին է վերաբերում և նշանակում է «ստամոքսի մեծանալը կամ փորրանալը». «Զի հաստ կերակուրն աւիրէ ստամոքն, որպէս կանայքն երք յդանան, նայ սրտայշարժլինին» (Գր.127):

Սիրտ բաղադրիչով հարադրավոր բայերի շարքում առանձնացրել ենք չորս բառ-տերմիններ, որոնք ձևավորվել են տրական հոլով+ անորոշ դերբայ (որոշյալ կամ անորոշ առումով) հարադրությամբ և համարժեք են անվանական հասկացություններին, քանի որ գործողության փոխարեն երևույթ են ցույց տալիս, ինչպես՝ սրտին դողալ, սրտին խաղալը, սրտին ձգել, սրտին ստրոփտալ, սրտին ելնել և այլն: *Սրտին դողալ և սրտին ստրոփտալ // ստրօփելն սրտին* կազմությունները արաբերեն խաֆաղան-ի «արագ սրտխփոց» հայերեն համարժեքներն են, որոնք բոլորն ել անվանական արժեք ունեն, ինչպես՝ «Խաֆաղան, որ է սրտին դողալն, տաքէ այլ կու լինի, ի պաղէ այլ կու լինայ (ԲՍ 88): Վասն խաֆաղանի, որ՝ սրտին ստրոփտալն»: (ԲՍ 84): «Եւ ստրօփելն սրտին այս է պատճառն, որ ջրայեան զիջութիւնն արգիլեալ է յայն մաշկն» (Գր. 120): *Սրտին խաղալ* դարձվածքը, ի տարբերություն սիրտը խաղալ-ի (հուզվել), հանդիպում է «սրտխառնոց» իմաստով. «Եւ այս ցաւերս պատահին կոլնջին յոլով խոցտուկ, և սրտին խաղալ, և վերաբերութիւն, և պնտութիւն փորոյն» (Գր. 141): *Սրտին ձգել // ձգել սրտին «փսխում»* դարձվածքը հանդիպում է Գրիգորիսի բժշկարանում. «Զի թէ էլայուսն ի ուրիշէ լինի՝ յոլով ցաւ, և խոցտուկ, և փքոել առեացն, և ձգել սրտին, և ձգել աղբն» (Գր. 142):

Սիջնադարյան բժշկարաններում կիրառվել են նաև երկու բառերի հարադրությամբ կազմված կայուն բառակապակցություն-

²¹ Ա. Սուլիհասյան, Ա. Գալստյան, Հայոց լեզվի դարձվածաբանական բառարան, Ե., 1975, էջ 530, Է. Աղայան, Արդի հայերենի բացատրական բառարան, Ե., 1976, հ. 2, էջ 1307:

ներ, որոնք ունեն մեկ բառային իմաստ: Բժշկարանների հանգամանալի քննությունը ցույց է տալիս, որ վերջիններս մեկ հասկացություն արտահայտող բառ-տերմիններ են, իբրև այդպիսին ունեն մեկ բառի արժեք և ևս արժանի են ուշադրության: Սույն հոդվածի շրջանակում առանձնացրել ենք այդպիսի վեց բառակապակցություն, որոնցից միայն *սրտի աման* «սրտապարկ» (ԱԱՕԲ 293, ԲՍ 88) և *սրտի դզալ* «կրծքավանդակի ներքի փոսորակ մասը» (Գր. 125) կազմախոսական տերմիններն են տեղ գտել ՄՀԲ-ում: Գրիգորիսի բժշկարանում գտնում ենք ևս չորս՝ կազմախոսական *սրտի անդամ* և *ախտաբանական սրտի ելունդ*, *սրտի ուղից* և *սրտի թաղնալ* բառ-տերմինները:

Սրտի անդամ բառակապակցությամբ Գրիգորիսը արտահայտել է «սրտանոթ» հասկացությունը. *անդամ* բազմիմաստ գոյականը, որ ունի մարմնի մաս և օրգան իմաստները, տվյալ բառակապակցության մեջ փաստորեն ստացել է անոթ իմաստը. «...և այլ նշան սրտին ամեն անդամքն թուլնան վասն պլրամեն զիջութեան» (Գր. 60):

Սրտի ուղից բառակապակցությամբ նա արտահայտել է «սրտի բորբոքում» հասկացությունը. «Թէ սրտի ուղիցն պինդ լինի, նայ թալցնէ զմարդն. և յետև թալնալոյն՝ արթննայ և մեռնի» (Գր. 121):

Սրտի ելունդ տերմինով նա արտահայտել է բժշկության մեջ հայտնի սրտապարկի բորբոքման ելունդավոր տեսակի (կոծիծավոր էնդոկարդիտ)՝²² հասկացությունը, իսկ *սրտի թաղնալ* (գրք. թուլանալ) բառ-տերմինին տակ ըստ երևույթին հասկացել է «սրտամկանի թոռշոմածություն» հիվանդությունը²³. «Եւ (սրտի) թաղնալն այն է զոր ասէ Գաղիանոս և Բազարատ, զի արձակի անասնական օրութիւն յանկարծակի և ընդ մինն վարթի» (Գր. 121): «Եւ լինի թաղնալն ի կանանցն ի յայնժամն, որ որովայնն ծննդականին խեղդի»: (Գր. 122): Նկատենք, որ նշված բառ-տերմինները, ընդգրկված լինելով բժշկարանի «Վասն սրտին նեղերոյն պատճառացն եւ նշանացն»²⁴ գլուում, հաճախ կիրառվել են միայն երկրորդ բաղադրիչով՝ այդպիսով ար-

²² Ա. Կծոյան, Գրիգորիս, Քննութիւն բնութեան մարդոյ և նորին ցավոց. Ներածություն, Ե., 1962, էջ LXVI:

²³ Տե՛ս Նույն տեղում:

²⁴ Տե՛ս Նույն տեղում, էջ 119-123:

տահայտելով ընդհանուր բառակապակցության իմաստը:

Այսպիսով, ամփոփելով վերն ասվածը՝ նշենք, որ միջնադարյան բժշկարաններում «սիրտ» բաղադրիչով գործածված չորս տասնյակ նոր կազմություններից 16-ը դարձվածային արժեք ունեցող և բառակապակցությամբ արտահայտված կազմություններ են, որոնք տեղ չեն գտել ՍՀԲ-ում։ Վերջիններս բժշկարաններում ստացել են բժշկական տերմինի արժեք։

Тадевосян Асмик - Образования новых слов с компонентом “сирт” (сердце) в лечебниках средневековья.- В статье рассматриваются слова, образовавшиеся с компонентом “сердце” (40 слов), которые употреблялись в лечебниках средневековья (12-17вв.). В этих лечебниках анатомическое слово *сердце* кроме одинарного применения, часто используется в производных, составных новообразованиях, а также словосочетаниях. Особое внимание уделяется аналитическим сложным словам и словосочетаниям, которые не нашли места в “Словаре среднеармянского языка”. Эти новообразования в лечебниках часто имеют смысл медицинского термина.

Hasmik Tadevosyan - New Formations with Component “Sirt” (Heart) in the Medical Books of Middle Ages.- This article studies the words formed with the component “heart” (40 words), which were used in the medical books of middle ages (12-17c.). In these medical books the anatomical word “heart” is used not only as a single word, but also in derivatives, compounds, and word combinations . The special attention is given to analytical compound words and word combinations, which are not found in the “Dictionary of Middle Armenian”. These neologizmes often have meanings of medical terms.

Խաչատրյան Լալիկ (Հայաստան,
Խ.Աբովյանի անվան ՀՊՄՀ)

ՍԱԿԲԱՅԻ ԱՐԺԵՔՈՎ ՊԱՏԿԵՐԱՎՈՐ ՀԱՄԵՄԱՏՈՒԹՅՈՒՆՆԵՐԸ ԳՐԱԲԱՐՈՒՄ

Պատկերավոր համեմատությունները (ՊՀ) լեզվական այնպի-
սի կառույցներ են, որոնք արտահայտում են համեմատելի հատկա-
նիշ երկու տարածետ առարկաների և նրանց հատուկ ընդհանուր
հատկանիշի հարաբերության միջոցով:

Մասնագիտական գրականության մեջ այս կարգի կապակ-
ցությունները կոչվում են նաև համեմատություն դարձվածային
միավորներ կամ համեմատություն դարձվածային արտահայտու-
թյուններ¹:

ՊՀ-ները գործառական լայն հնարավորություններ են դրսեն-
րում մեր լեզվի բոլոր շրջաններում. գրաբարում հանդես են զայխ
դասական և հետդասական հայերենի ինքնուրույն և թարգմանական
երկերում, միջին հայերենի գրական հուչարձաններում, արդի գրա-
կան հայերենում՝ բնութագրվելով ոճական որոշակի դերով:

Այդօրինակ կապակցությունները գրաբարում բնութագրվում
են յուրահատուկ իմաստներով, որոշակի տարբերակներով ու կա-
ռուցատիպներով, որոնք ընդհանրություն ունենալով հայերենի տար-
բեր գոյավիճակների համանման կառույցների հետ, միաժամանակ
բնութագրվում են որոշակի տարբերակից գծերով:

ՊՀ-ները, իբրև լեզվական միավորներ, բնութագրվում են որո-
շակի հատկանիշներով, ուստի կարելի է դրանք դասակարգել ըստ
ներբառութային իմաստային հարաբերությունների (հոմանիշներ,
հականիշներ), ըստ ձևաբանական արժեքի (ածականական, բայա-
կան և մակրայական), ըստ տարբերակների (բառական, քերակա-
նական, քանակական), ըստ շարակայուսական գործառույթների (են-
թակա, վերադիր, խնդիր, պարագա և այլն):

¹ Հմմտ. Խ.Բաղդիկյան, *Ժամանակակից հայերենի դարձվածային միավորները*, Ե., 1986, էջ 126-127, 140, 260-263: A. G. Հազարյան, *Фразеология современного фран-цузского языка*, М., 1987, էջ 111-125, 194-199: Պ. Բեղիբյան, *Ժամանակակից հայերենի ոչ փոխարերական կայուն բառակապակցությունները*, Ե., 1990, էջ 50-51:

Խոսքիմասային արժեքը հատուկ է ինչպես ազատ կապակցություններին, այնպես էլ կայուն պատկերավոր (դարձվածային) արտահայտություններին: Եթե խոսվում է դարձվածքների կամ ՊՀ-ների ձևաբանական արժեքի մասին, նկատի է առնվում կապակցության միջոցով ձևավորված հասկացությունը, այլ ոչ թե նրա բառ խոսքի մասին համարժեք լինելը²:

Գրաբարի անվանողական ՊՀ-ները տարբերակվում են հիմնականում ածականական, բայական և մակրայական տեսակների: Հմմտ.

ա) ածականական. քաղցր քան զմեղու խորիսի, բազում քան զիեր զիսոյ, չար քան զբոյնս օճից, սուր հատու ազդու քան զուր երկսայրի,

բ) բայական. սիրել իբրև զուրբ, իբրև զջուր հոսել(իմ), քան զաւազ բազմանալ, իբրև զիսուտան ի բաց թողով,

գ) մակրայական. որպէս լոյս առ խաւար, որպէս յորձան ինչ սաստիկ, զօրէն ի խաւարէն զերծեալ(ը) և այլն³:

Այդ արժեքներով ՊՀ-ները գործառական լայն դրսեորումներ ունեն հայերեն առաջին թարգմանական լայնակտավ մատյանում՝ Աստվածաշնչում, որտեղից էլ անցել են Ե դարի պատմիչների երկերին՝ ամբողջացնելով նրանց ստեղծագործությունների պատկերավորման համակարգը:

Ելնելով այն հանգամանքից, որ ՊՀ-ները հայոց լեզու և հայ գրականություն են թափանցել Աստվածաշնչ մատյանից և հինգե-

²Տե՛ս Պ.Ս.Քենդիրյան, Ժամանակակից հայերենի դարձվածաբանություն, Ե., 1973, էջ 133:

³ Աստվածաշնչում բայական ՊՀ-ների թեմայով տողերիս հեղինակը զեկուցումով հանդես է եկել 2014-ին Էջմիածնում կայացած «Եկեղեցի և կրթություն» միջազգային գիտաժողովում՝ նվիրված Գևորգյան հոգևոր ձեմարանի հիմնադրման 140-ամյակին: Ածականական ՊՀ-ների մասին տե՛ս մեր «Ածականական համեմատություն-դարձվածային միավորները գրաբարում» հովիածը (Վանաձորի Հովի.Թումանյանի անվ. պետական համալսարան, 3-րդ միջազգային գիտաժողովի նյութերի ժողովածու, 2014, էջ 94-105):

³ Թարգմանական երկերից իբրև բնագիր ենք ընտրել Սուրբ Գիրը, տե՛ս «Աստուածաշնչ մատեան իին և նոր կտակարանաց», Հայաստանի Աստուածաշնչային ընկերությին, Երեւան, 1997:

բորդ դարի պատմագիրների աշխատություններից՝ մենք նպատակահարմար ենք համարում այդ կարգի կառույցների լեզվաբանական քննությունը կատարել գրաբարի (դասական և հետդասական) ինքնուրույն և թարգմանական երկերի բնագրերի շրջանակներում⁴:

Սույն հոդվածում ուսումնասիրության նյութ կդարձնենք միայն մակրայի արժեքով ՊՀ-ները՝ փորձելով վեր հանել դրանց խմաստային և կառուցվածքային առանձնահատկությունները գրաբարում:

Գրաբարում մակրայական ՊՀ-ների կառուցվածքային պլանում հանդես են զալիս հատկանշային խոսքի մասերը, իսկ որպես սպասարկու բառեր գործառվում են *իբրեւ, որպէս, քան, նման, զօրէն, օրինակ իմն, չափ, պէս նախադրությունները, ինչպէս նաև զ, ի, ըստ նախդիրները*:

Մակրայական ՊՀ-ները գրաբարում հանդիպում են երկու կարգի կառուցատիպերով: Մի դեպքում նրանց արտահայտության պլանում առկա է մակրայական բաղադրիչ, մյուս դեպքում այդպիսի բաղադրիչներն չկան:

Մակրայական բաղադրիչ ունեցող կապակցությունները համարվում են երկգագաթ կամ երկրենո կառույցներ: Այդպիսի կապակցությունների արտահայտության պլանում գործառապես կենսունակ են *որպէս և քան նախադրությունները, ինչպէս*

*արագ քան զմիտո արագագոյն քան զարեգակն
արազապէս որպէս թռչունք անողոմաբար որպէս զազանք
քաջաբար որպէս զարծուի և այլն:*

Հմմտ. Զիա թղ արագագոյն քան զարեզակն զշանձնաւոր լուսինն ասիցեն (Եզն., 215): Եւ ինքն քաջաբար որպէս զարծուի կանչեալ դիմեաց ի վերայ (Յովհ. Մամ., 41):

Մակրայական բաղադրիչ չունեցող ՊՀ-ները կազմված են նախադրությունից կամ նախդրից և գոյականի հոլովածներից: Դրանց արտահայտության պլանում գործառապես կենսունակ են *իբրեւ, քան, որպէս նախադրությունները, ի, ըստ նախդիրները և օրինակ իմն բաղադրյալ կառույցը: Այդպիսի կապակցությունները*

համարվում են միազգագայք կամ միաբնեո կազմություններ, ինչպես՝	
իբրև զածուխ	քան զածուխ
իբրև զՏէր	ըստ կամացն
իբրև զծառայ	օրինակ իմն որպես փոթորիկ
ի նմանութիւն տաճարի	ըստ նմանութեան Աստուծոյ և այլն:

Օրինակ՝

Զիա բդ պաշտիցեմք զարեգակն, որ մերթ կոչի իբրեւ զծառայ առ ի սպասն յոր կարգեցաւ հասանելոյ (Եզն., 14): Թխացան քան զածուխ տեսիլք իւրեանց, եւ ոչ որ ճանաչէր զնոսա (Ողբ. Դ. 8): Դատերք նորա զարդարեալք եւ պաճուճեալք ի նմանութիւն տաճարի (Սաղ. ՃԽԳ. 12): Որ ըստ նմանութեան Աստուծոյ արարան (Յակո. Գ. 9):

Սակբայական ՊՀ-ների գերադաս անդամի դերում կարող են հանդես գալ հատկանշային այլ խոսքի մասեր:

1. Փոխանուն ածականներ.

իբրև զայսահարս	որպես զբարբարոսս իբրև զսուրբ
որպես զշանքահար	օրինակ իմն կիսամահ իբրև կանխագէտ
իբրև զանգէտս	որպես զպաքեալ ծարաւիս և այլն:

Օրինակ՝ Ոչ իբրեւ զանգէտս զործեցաք անխորհուրդ զայնպիսի մեծ և ահաւոր գործ (Փարպ., 80): Դուք, այսուհետեւ, իբրեւ զկան-խազէտս, զգուշացիք, զի մի … անկանիշիք յաստեաց հաստա-տութեանն (Բ. Պետ. Գ. 17):

2. Բայեր.

ա) անորոշ դերքայ.

իբրեւ ի չարէ խորշէլ (սատակէլ)	իբրեւ ի հիւղն լինել
իբրեւ ի ներքուստ համբառնալ	մահու չափ մարտնչէլ և այլն:
Օրինակ՝	

Ապա յդութեանն զնա չէր նա արժանի առնել, այլ անդեն իբրեւ ի չարէ խորշէլ և սատակէլ (Եզն., 372): Զի իբրեւ ի վերուստ ի խոնարի իջանէ, և դարձեալ յելանելն իբրեւ ի ներքուստ ի վեր ելեալ համբառնալ (Եզն., 373):

բ) անցյալ դերքայ.

իբրև զմեռեալ	որպես յաստուծոյ յաղթահարեալ
իբրև ի քնոյ ընդուսուցեալ	որպես ի խաւարէն զերծեալք
իբրեւ ի ժառանգ մնացեալ	իբրեւ ի մօրէ կերպարանս առեալ

որպէս արեամբ պսակեալ որպէս ընդ մարդոյ մարտուցեալ
որպէս հինից և ասպատակաց պարսպեալը և այլն:

Օրինակ՝ Զի իշգալ իբրէն զմեռեալ՝ ընկալցին զնա դժոխքն (Եզն., 374): Որպէս ի խաւարէն զերծեալը ի լոյս (Փարպ., 16): Որպէս
ընդ մարդոյ մարտուցեալ, եւ որպէս յասուուծոյ յաղթահարեալ (ՆՀԲ,
2, 536):

գ) ենթակայական դերբայ.

որպէս զմի անգամ խարող (Խոր., 262):

3. Գոյականի թեր հոլովածեր.

ա) տրական հոլով.

իբրէն զորդոցն իբրէն զինու

որպէս Ասուուծոյ և այլն:

Օրինակ՝ Ծառայք, հնազանդ լերուք տերանց ձերոց՝ որպէս
Ասուուծոյ (Փարպ., 145):

բ) բացառական հոլով.

իբրէն ի պղծոյ իբրէն ի հրոյ

իբրէն յամենեցունց բերանոյ իբրէն յինքեան քաջութենէ

իբրէն յերեսաց Տեառն իբրէն ի խոտանէ և այլն:

Օրինակ

Եւ ի մսոյ հրաժարեցոյց իբրէն ի պղծոյ և ի խոտանէ իմերէ (Եզն., 374):

գ) զործիական հոլովով.

իբրև հեղեղաք անձրեաց զօրէն երկաթապինդ կապանաւք

զոր օրինակ ձիւն սալիտակութեամբն իբր այրութեամբ

զահ տեառն զիտելով չափ իբրէն հանդերձի և այլն:

Օրինակ՝ Եւ այսպէս եկեղեցի Քրիստոսի, իբր այրութեամբ իմն
անխնամ մնացեալ և լոեալ ի տօնից տարեկանաց (Յհ. Կթ., 278):

դ) ներգոյական հոլովով.

իբրև ի թանձրամած խաւարի իբրև ի զիշերի մութ

իբրև զկենդանի ի զերեզմանի գունակ ի խաղս զնդակաց և
այլն:

Օրինակ՝ Եւ ի միջօրէի իբրև ի զիշերի մութ և մէզ և մառախուտ
և խաւար պատեալ պաշարեր զԱսքանազեանս ազն (Յհ. Կթ., 219):

Մակրայական ՊՀ-ներում կենսունակ զործածություն ունի զ
նախդիր + հայցական հոլով ձևակազմական կադապարը, ինչպէս

իբրև զԲարելոնի հնոցին բոց որպէս զորդին ուրացող:
 Մակրայական ՊՀ-ների կառուցվածքային պլանում
 կենսունակ է Ն անվանական հոդը, որ հանդես է գալիս հայցական
 հոլովի հետ, ինչպէս.
 իբրև ի վերայ աւազակին ըստ կամացն
 ըստ հոգևոր առաքինութեանն յանց ըստ հրաման
 օրինադրին ըստ նմանութեան ժամանակին ի նմանութիւն
 խորանին
 ըստ նմանութեան Նաբուգոնոսուրայ արքային և այլն: Օրինակ՝
Ըստ հոգևոր առաքինութեանն ամենեքեան երկնաքաղաքացիք

(Եղ., 194): Շինել տաճար ի նմանութիւն սրբոյն խորանին
 (ԱՀԲ, 2, 432): *Ըստ նմանութեան ժամանակին*, որպէս ասացին նմա
 մօքըն (ԱՀԲ, 2, 433):

Մակրայական ՊՀ-ների տարբեր կառուցատիպէր են
 կազմում գոյականական քաղաքիները (կամ փոխանվանաբար
 գործածված այլ խոսքի մասերը), որոնք հանդես են զալիս կամ
 միայն եզակի, կամ միայն հոգնակի թվով:

Այսպէս, հետևյալ մակրայական ՊՀ-ների գոյական
 քաղաքիները հանդես են զալիս միայն եզակի թվով. հմմտ.
 իբրև զմարդ իբրև զանձրել // զուղատարափ
 իբրև զորում ի մեջ ցորենոյ որպէս զԱստուած
 իբրև Աստուած Ճշմարիտ նման Յուղայի
 արագագոյն քան զարեգակն ըստ օրինակի ծիածանի
 ըստ նմանութեան մանրամաղ փոշոյ և այլն:

Օրինակ՝ *Հրբեւ զմարդ խոնարի երեւեալ* (Ազաթ., 579): Եւ
 անմեկնելի ի մարդկութենէ իւրմէ իբրև *Աստուած Ճշմարիտ յԱստու-
 ծոյ Ճշմարտէ՝ յարեալ*. (Ղե., 94):

Կան ՊՀ-ներ, որոնց անվանական անդամները կիմսակա-
 նում հոգնակի թվով են հանդես զալիս, ինչպէս՝

իբրև ամոլք հաւանք և հաւասարք	իբրև զփայտահարս
իբրև զզուարքունս	իբրև զվայրենիս
իբրև զիրեշտակս	որպէս զբարբարոսս
իբր ի մեջ թշնամեաց	զօրէն վաճառականաց
նման աստուածոց	որպէս վարակեալ ինչ

Հոլովայիւք

գունակ ի խաղս գնդակաց

շանց գունակ:

Օրինակ՝ Խոտաբուտ կենօք իբրեւ զվայրենիս ընդունելին զկերակուրն մեծաւ խնդրութեամբ (Եղ., 201). Ի մահուան անկարեկից և անհարց մեռանին, իբր ի մէջ թշնամեաց (Պիտ.):

Կան ՊՀ-ներ, որոնց անվանական բաղադրիչները թվային սահմանափակություն չունեն.

քան զարիւծ(ունս)	իբրն զդեւ(ս)	իբրն զոչխար(ս),
որպէս մեղու(ս)	իբրն զանասուն(ս)	իբրն զքաջայր(ս),
իբրն զձի(ս)	իբրն զջորի(ս),	որպէս //քան
զարծուի(ս)		
իբրն զմանուկ(ս)	որպէս ծնող(ք),	իբրն զզառն // -
զարին(ք):		

Օրինակ՝ Եւ անցեալ որպէս զարծուի սրաթե ընդ գետն (Խոր., 179):

Առաջինն իբրեւ զմատակ առիւծ թէւաւոր, եւ թէւք նորա իբրեւ առիւծոյ (Դանի. Է. 4): Սաւուղ եւ Յովնաքան ... ոչ մեկնեցան ի մահուան իրեանց. թէրեազոյնք քան զարծուիս, զօրացան առաւել քան զարիւծունս (Բ. Թագ.. Ա. 23):

Մակրայական ՊՀ-ների կառուցատիպերի մէջ որոշակի շերտ են կազմում այն արտահայտությունները, որոնց գերադաս բաղադրիչներն ունեն հավելական բաղադրիչներ: Նման կառույցներում գերադաս բաղադրիչներին հարող հավելական անդամները լրացյալների նկատմամբ ցուցաբերում են թվային և հոլովական համաձայնություն, ինչպէս

իբրեւ զիսաշն լրեալ իբրն զարբերս մշտնչնաբուխս

իբրեւ զճրազ լրուցեալ ըստ կարծեաց մոտաց իրեանց

իբրեւ զհուտ մակաղեալ իբրն ոչխարք մոլորեաք

իբրեւ զիսաշինս յալիտենականս իբրն զջահս վառեալս

իբրն զզարանս վայրենիս // -արինախանձս // - արինաբրբուս և այլն:

Օրինակ՝ Եւ որ շէնն մնասց՝ եղիցի իբրեւ զհուտ մակաղեալ եւ իբրեւ զիսաշն լրեալ (Եսայ. Ի. 10): Եւ կան իբրեւ զիսաշինս յալիտենականս (Յովլ. Ի. Ա. 11): Եւ ումանք ըստ կարծեաց մոտաց իրեանց համարին, թէ ի վերայ չափոցն աստեղաց կացին (Բարս., 11):

Հատկանշային ՊՀ-ները կարող են հանդես գալ նաև խոսքի-մասսային երկակի գործառություն՝ ցուցաբերելով ածական // մակրայ

խոսքիմասային տարարժեքություն⁵:

Այդօրինակ ՊՀ-ները հիմնականում միազգազայթ կապակցություններ են, որոնց խոսքիմասային ած. // մկր. արժեքներն իրացվում են խոսքային միջավայրում: Դիտարկենք տարարժեքություն (երկարժեքություն) դրսեորդ հետևյալ ՀԴԱ-ները.

որպէս ծառ (հաստատուն - ած., հաստատուն կերպով - մկր.),
որպէս նապաստակ(ք) (վախկոտ - ած., վախենալով - մկր.),
որպէս բազմութիւնք ջրոց // նման յորդառատ անձրեւի (հորդառատ - ած., ուժեղ հորդելով - մկր.),
մահու չափ (անսահման - ած., սաստիկ, չափազանց - մկր.),
որպէս ոսկի ի բովս (շատ թրծված - ած., շատ թրծվելով - մկր.),
որպէս հուր ինչ մոլեկան հրդեհի (խիստ այրող - ած., խիստ այրելով - մկր.),

զոր օրինակ որպէս լոյս առ խաւար (խիստ լուսավոր - ած., խիստ լուսավորելով - մկր.),

նման առիծու // իբրեւ զառիւծ (քաջ, փիսք. առաջնորդ - ած., քաջաբար - մկր.),

նման մեղուի (ժրաջան - ած., ժրաջանորեն - մկր.),

նման Յուղայի (դավաճան - ած., դավաճանաբար - մկր.),

նման Աստուծոյ (օգնող, պահպանող - ած., օգնելով, պահպանելով - մկր.),

նման զայլոց (շատ ազահ - ած., ազահաբար - մկր.),

Բնագրային օրինակներ.

Մահու չափ - 1. „անսահման,, - ածական. Մեղք՝ որ մահու չափ են (Փարպ., 191): Վրէժ մահու չափ դովաւ խնդրեսցի (Զաք., Ե. 3): 2. „սաստիկ, չափազանց,, - մակրայ. Եւ մեք ելցուք մահու չափ մարտնչել ի վերայ օրինացն (Բ. Սակ. ԺԳ. 14):

Իբրեւ զգառն - 1. „խոնարի,, - ածական. Երթայք, ահա առաքել զձեզ իբրեւ զառինս ի մէջ զայլոց (Ղուկ. Ժ. 3): 2. „խոնարիաբար,, - մակրայ. Եւ իբրեւ զառն անմեղ վարեալ ի սպանդ, ոչ զիտացի թէ զինէն խորհեցան խորհուրդ չար (Երեմ. ԺԱ. 19):

⁵ Խոսքիմասային տարարժեք բառերի մասին տե՛ս Լ.Խաչատրյան, *Տեղաշարժեք բառերի ձևաբանական իմաստի մեջ*, Ե., 1985, էջ 32-54; Լ.Ս.Խաչատրյան, *Խոսքիմասային տարարժեքությունն արդի հայերենի կայուն կապակցություններում*, Ե., 1996, էջ 84-201:

Հիբեւ զարիւծ – 1. վիլք. „առաջնորդ,, - ածական. Զի ես եմ իբրեւ զարիւծ ի վերայ տանն Յուղայ (Ովսէ. Ե. 14): 2. „առյուտծի նման,, - մակրայ. Որսացեալ եմ իբրեւ զարիւծ (Յովք. Ծ. 16):

Այսպիսով, մակրայական ՊՀ-ները, որպես հատկանշային բնույթի արտահայտություններ, լայն գործածություն ունեն գրաբարի ինքուրույն և թարգմանական աշխատություններում:

Գրաբարի մակրայական ՊՀ-ները բնութագրվում են որոշակի կառուցատիպերով, որոնց մեջ առանձնանում են երկզագաք և միազգագաք կառույցները, դրանց ենթատիպերը, որոնք հատկանշվում են բաղադրիչների կառուցվածքային գործոններով, քերականական հատկանիշներով, նախդիր-նախադրությունների խնդրանական դերով և այլն:

Մակրայական ՊՀ-ները, անկախ կառուցատիպերի բազմազանությունից, գրաբարի ինքնուրույն և թարգմանական գրականության մեջ ունեն արտահայտված ոճական նշանակություն: Դրանք միաժամանակ որոշակի բնութագրական դեր են խաղում տվյալ ժամանակաշրջանի պատմագեղարվեստական ստեղծագործությունների պատկերավորման համակարգը բնութագրելիս:

ՊՀ-ները, որոշակի բացառություններով, հայոց լեզու և գրականություն են թափանցել առաջին հերթին Աստվածաշունչ մատյանից, ապա իննօրորդ դարի ինքնուրույն պատմագիտական երկերից: Ըստ այդմ, նման կապակցությունների իմաստակառուցվածքային ուսումնասիրությունը կարող է բացահայտել ինչպես հայեցի պատկերավոր լեզվամտածողության ծագումնաբանությունը, այնպես էլ այդօրինակ կառույցների սերիչ կաղապարներն ու մասնակաղապարները:

Խաչառյան Լալիկ - Сравнительно-устойчивые обороты (СУО) со значением наречия в древнеармянском языке. - В рамках сравнительно-устойчивых оборотов (СУО) со значением наречия подавляющее большинство составляют сочетания составленные с двумя знаменательными компонентами (двувершинные СУО), у которых доминантный компонент в основном является наречием, как: *արագ քան զմիտու, անողորմարար որպէս զագանք, քաջարար որպէս զարծուի* и т.д.

В ряду СУО определенный слой составляют те сочетания, которые составлены с одним знаменательным компонентом /одновершин-

ные СУО/, как: իրեւ զարդիծ, որպէս զանգեսու и т.д.

В одновершинных конструкциях знаменательный компонент часто выражается в косвенной форме, как: որպէս *Աստուծոյ*, իրեւ *ի բոցոյ*, իրեւ *հեղեղաւը* и т.д.

Некоторые наречные СУО совмещают частеречные значения прилагательного и в синтаксическом уровне характеризуются как полисемичные единицы.

В авторских текстах СУО имеют стилистически-выразительную окраску.

Khachatryan Lalik. - Fixed expressions (RFE) with the value of the adverb in the old Armenian language - Relatively fixed expressions (RFE) with the value of the adverb the categorematic words with two significant components (binomial RFE) subordinate link-words compose overwhelming majority in which the dominant component is basically an adverb, as *արագ քան զմիսու*, *անողորմարար որպէս զազանք*, *քաշարար որպէս զարծուի* and so on.

Those RFE-s comprise some layer, that consist of a single significant components (unipolar RFE), such as իրեւ զարդիծ, որպէս զանգեսու and so on.

In the unipolar combinations significant component is often expressed in the oblique forms, such as որպէս *Աստուծոյ*, իրեւ *ի բոցոյ*, իրեւ *հեղեղաւը* and so on.

Some adverbial RFE-s combine the values of part of speech of adjective and in the level of syntax are viewed as morphological polysemy.

In the author's text RFEs have underlined stylistically-expressive value.

Խաչատրյան Հասմիկ (Հայաստան,
ԳԱԱ լեզվի ինստիտուտ)

ՏԱՆՀՔՀԱՍԿԱՑՈՒԹՅԱՆ ԲԱՌԱՆՎԱԼՈՒՄՆԵՐԻ
ԳՈՐԾԱՌԱԿԱՆ-ԾԱԳՈՒՄՆԱԲԱՆԱԿԱՆ ՔՆՍՈՒԹՅՈՒՆԸ
ԲԱՐԲԱՌԱՅԻՆ ՀԱՅԵՐԵՆՈՒՄ

Տուն և տնտեսություն իմաստային դաշտն արտացոլող բառանուններից է **տանիքը**: Հստ Գ. Զահոնյանի՝ բնակարան, տուն, կահկարասի բարիմաստային թեմատիկ խմբի հնդեվրոպական բառանուններից են նաև **ձեղունք, տանիքը, ցիկը**¹:

Տանիք հասկացության բառագուգարանությունները բարբառյին հայերենում կազմում են հիմնականում բառային չորս խոսմք՝ **տանիք, կտոր, ձաձուզ, էրթիզ**: Փաստված են նաև այլ բառանուններ, որոնք սահմանափակ տարածում ունեն:

Ձեղունք բնիկ հայերեն բառանունը Հայերենի բարբառագիտական ատլասի ծրագրով հավաքած բարբառյին նյութերում մեզ չի հանդիպել: Սակայն Հ. Աճառյանը վկայել է, որ Ակնի բարբառում առկա է **ձեղունք** բառի **ձ’ողունք** զուգաբանությունը, իսկ Տրավիզոնում՝ **ձեղուն-ի ցըլիինք** համանիշը²: Ակնի բարբառի **ծողունք** բառաձեռք Պ. Բեդիրյանին հիմք է տվել եզրակացնելու **ձեղունք** բառի բուն հայկական **ձող** արմատից առաջացած լինելը: Հստ Բեդիրյանի՝ բառիմաստի զարգացումով **ձող**՝ զերան իմաստից առաջացել է **ձեղունք** բառանունը: Այս առումով զիտնականը մեր խնդրո առարկա բառանունների շրջանակներում հետաքրքրական դիտարկումներ է անում՝ համարելով, որ «Իմաստի նման անցման դրդապատճաներից հիմնականն այն է, որ առաստաղի զերանները կատարում են ամբողջ կտորի հենարանի դեր և որպես հիմնական ֆակտոր իրենց անունը տվել են ամբողջ առաստաղին (այսինքն՝ տեղի է ունեցել անցում մասից ամբողջին)³»: Նույնպիսի բարիմաստային հարաբե-

¹ Գ. Զահոնյան, Հայոց լեզվի պատմություն: Նախագրային ժամանակաշրջան (այսուհետև՝ ՀՊ:ՆԺ), Ե., 1987, էջ 212:

² Հ. Աճառյան, Հայերեն արմատական բառարան (այսուհետև՝ ՀԱԲ), հ. 3, Ե., 1977, էջ 148:

³ Պ. Բեդիրյան, Բարիմաստային զարգացումները հայերենում, թեկնածուական

բակցությամբ են բաշխված 1. *աճառ* «առաստաղի մանր գերաններ» իմաստով արարական փոխառությունը, որն օճողը բառաձևով հանդեւ է գալիս բարբառային հայերենում որպես *առաստաղի նշանակելի*: 2. *Քարդիկց* առաջացած փայրդու բառաձևը, որը հայերենից անցել է թուրքերենին, այնուհետև հետ առնելով Ղարաբաղի բարբառում, ինչպես նաև այլ խոսվածքներում (օր.՝ Գալառում) դարձել է *փայրդու*՝ կտորի վրա հաստատված այն հաստ գերանները, որոնց վրա լցնում են հողը: 3. *Կոճ* բառանունը ճյուղերը կտրտված ծառի բուն իմաստից բարիմաստային զարգացումով ձեռք է բերել գերան, դրանդի, (Խոտքուրում՝ շենքի քիվ) ընդհուպ նաև առաստաղ նշանակությունները:

Ի դեպ, *առաստաղ* հասկացության բառանունները քննելիս մենք անդրադարձել ենք վերոքերյալ բառանվանը, որը Ղարաբաղի որոշ խոսվածքներում փաստված է *կուճքերան*՝ որպես առաստաղ, իսկ Կապանի Վերին և Ներքին Խոտանանում՝ *կօճ/կրճքէրան*:

Ճեղուն բառի քննությանը անդրադառնում է նաև Է.Աղայանը: Նա, փաստելով Հ.Աճառյանի կողմից վկայված «Վարք Ս.Գէորգայ զօրավարին» գրքի ձեռագրական *Ճեղուն* և *Ճողուն* տարբերակները, ինչպես նաև Ակնի բարբառի *Ճողունք* և Տրավիզոնի *Ճրխինք* բառերը նույն նշանակությամբ, կարծում է, որ այդ օրինակները խոսում են հօգուս *Ճեղ* և *Ճոշ* արմատների առնչակցության: Եվ կարծում է, որ *Բեղիքրյանի* ստուգաբանությունը հավաստի է, և *Ճեղուն* բառը հայերեն ձոդ բառի հետ կապվում է հնիս. *g'heł* արմատին⁵:

Ճրխինքը՝ որպես *Ճեղուն* հասկացության նշանակելի, Հ.Աճառյանը փաստել է նաև Համշենի բարբառում, որը, ըստ նրա, ներկայացնում է *Ճեղուն* բառը և շատ անկանոն է: Հայերէն զաւառական բառարանում հիշյալ բառանվանը տրվում է հետևյալ բացատրությունը. «Ճիմինք Տրավիզոն. Տան առիքը, երդիքին ներսի մասը, ուր շարունակ մուր զարնելով, սև մուր կապած է: = Ճեղուն»⁶:

ատենախոսություն, Ե., 1955, էջ 290:

⁴ Զահուկյանական ընթերցումներ, Ե., 2010, էջ 131-132:

⁵ Է.Աղայան, *Բառարևնական և ստուգաբանական հետազոտություններ*, Ե., 1974, էջ 108-111:

⁶ Հ.Աճառյան, *Քննություն Համշենի բարբառի*, Ե., 1947, էջ 35, 242, Հայերէն զաւառական բառարան (այսուհետև՝ ՀԳԲ), Թիֆլիս, 1913, էջ 1056:

Ս.Ամատունու բառարանում *ցըկինք*-ը դիտարկված է երդիկ հասկացության բառազուգաբանություն («Գողն էօր տնէն, եզը ցիկինքէն հօնէ կու»)⁷: Մեր կարծիքով, այսուեղ ևս վերահիմնաստավորման արդյունքում *ձեղունք* ձեռք է բերել երդիկ իմաստը:

Կոռուր: Հ.Աճառյանը կոռուր բառը չի ստուգաբանում, նշում է, որ այն հին մատենագրության մեջ ավանդված չէ, և ներկայացնում է բառի՝ «սուներու վրայի հարթ, հողածածկ տանիք նշանակությունը»: ՀԱԲ-ում լեզվաբանը նշում է նաև, որ բառն առկա է հայերենի բարբառներում, և որ 12-րդ դարում վկայել է Ուտհայեցին քարակոռուր ձևով՝ «քերոի քարեռեն տանիք» իմաստով⁸: Գ.Զահուկյանը, քննելով *ձեղունք* բառի ծագումնաբանությունը, գրում է. «Եթե նկատի առնենք չելնոյն, չելնոնց կրիս (կրիայի) պատյան, (փայտէ) ծածկ, կրծքավանդակ, կուրծք, փայտէ պաշտպանողական սարք՝ նավից ափ իջնելու համար զուգահեռ ձևերի առկայությունը, այլև հայ. կոռուր և կորել բառերի իմաստային առումները, թերևս հնարավոր է *ց'հելսոնք*-ի տակ բերվող ձևերը միավորել *ց'հել-«կորել»* արմատի տակ բերվող ձևերի, և այսպիսով՝ *ձեղունք, ձողունք, ձկնւ* (ակոսել) բառերի կապը համարել սկզբնական (այսինքն՝ *ց'հելսոնք*-ի տակ բերվող ձևերը ածանցումներ համարել *ց'հելից*)»: Գիտնականը հավելում է նաև, որ իմաստային հիմունքով Է.Աղայանը ճիշտ է համարում Պ.Բեդիրյանի՝ *ձեղունք-ը ձող-ի հետ կապելու փորձը, մանավանդ* որ կա *ձողունք* ձայնաբառային ձևը⁹: Այսինքն՝ եթե ճիշտ համարենք Զահուկյանի այս մեկնաբանությունը, ապա բարբառային կոռուր բառը թերևս աղերսներ ունի բնիկ հնդեվրոպական *ձեղունք* բառանվանման հետ: Չնայած այս ամենին՝ Ստուգաբանական բառարանում գիտնականը կոռուրը համարում է անհայտ ծագման բառ¹⁰:

Որպես *տանիք* հասկացության նշանակելի՝ կոռուր բառաձեր տարածական մեծ ընդգրկում ունի: Կոռուր-ը հայերենի բարբառներում դրսենորված է մի շարք հնչատարբերակներով՝ կրտուր, կրտսուր, կրտեր, կրտօր, կրդուր, զրդուր: Այն ընդգրկում է հայ

⁷ Ս.Ամատունի, Հայոց բառ ու բան, Վաղարշապատ, 1912, էջ 178:

⁸ Հ.Աճառյան, ՀԱԲ, հու. 2, էջ 678, ՀԳԲ, էջ 620:

⁹ Գ.Զահուկյան, ՀՀ Պ: ՆԺ, էջ 170:

¹⁰ Գ.Զահուկյան, Հայերեն ստուգաբանական բառարան, Ե., 2010, էջ 433:

բարբառների արևելյան խմբակցության Արարատյան բարբառա-
խմբի Երևանի, Բայազետի, Ջուղայի բարբառները (*կըսուր*), Ղա-
րաբաղ-Շամախիի միջբարբառախմբի (*կըտօր*) և Ազուլիս-Մեղրու
բարբառախմբի խոսվածքները (Ազուլիս, Կարձևան՝ *կըտօր*, Նախի-
ջևանի Շոռութ գ.՝ *կըսուր*, Գորիսի Խնածախ, Շահումյանի Բուզ-
լուխ գ.՝ *կըտրէր*):

Բարբառների մի սովոր մասում *տանիք* հասկացության բա-
ռանուն է *տանիք* բառաձևը: Ըստ Հ.Աճառյանի՝ *տանիք-ը տուն*
բառից առաջացած բառաձև է, իսկ *տուն-ը բնիկ* հայերեն բառ է՝
հնիս. *Ճ՛ռ* ձևից սերված: *Տուն* (սեռ. *տան*)+*իք* ածանց=տանիք: ՆՀԲ-
ում այն լծորդված է համարվում լատիներեն *տօնուս*, հունարեն
տοιούς բառերին, որ և *տանիք* է նշանակում¹¹:

Տանիք բառանունը ևս հայերենի բարբառներում աշխարհա-
գրական լայն ընդգրկում ունի՝ բարբառների արևմտյան խմբակ-
ցության գրեթե բոլոր բարբառախմբերում՝ Կիլիկիայի, Համշենի,
Վանի միջբարբառախմբեր, Անտիոքի և Փոքր Ասիայի, Սուշ-Տիգ-
րանակերտի բարբառախմբերի խոսվածքներ, ինչպես նաև բարբառ-
ների արևելյան խմբակցությունից՝ մասամբ Խոյ-Մարաղյաի բար-
բառախուում: Այստեղ ևս հնչունական տարբերակները բազմազան
են.

1. *Տանիկ*: Մուշ (Հաղպոն, Մկրագում, Հացիկ և այլն), Սասուն
(Հազզո, Մոտկանի Կրիու գ.), Ալաշկերտ (Յոնչալու, Իրիցու գ.-եր).

2. *Դանիք*: Սասունի բարբարին բնորոշ հնչունական առանձ-
նահատկությամբ պայմանավորված՝ բառակզբի խուլ հնչունի
ձայնեղացմամբ տարբերակ, որն առկա է Սասունի Արփի, Իշխա-
նաձոր, Ընգուզնակ, Գոմք և այլ գ.-երում:

3. *Տընքք*. Կրգենի խոսվածքում վկայված *տընքք* հնչատարբե-
րակում դրսնորված է ք ձայնավորի փակություն կամ վերին բարձ-
րացում:

4. *Տանիս*: Այն *տանիք* բառի գրաբարյան հոգնակի հայցական
հոլովածենով տարբերակն է՝ *տանիք>տանիս*, և փաստված է հիմնա-

¹¹ Հ. Աճառյան, ՀԱԲ, հ. 4, էջ 428: Նոր բառզիրը հայկագեան լեզուի, հ.Բ, Վենետիկ, 1837, էջ 891:

կանում Վանի միջրաբբառախմբի խոսվածքներում (Վան ք., Արճակի Լիմ գ., Հայոց ձորի Հորմորուր գ., Շատախ և այլն): *Տանիսի*-ի տարածական շառավղի մեջ ներառված են նաև Մուշի, Բիթլիսի, Խիզանի, Սպարկերտի խոսվածքները: Խոյ-Մարաղայի բարբառախմբում բառն առկա է *տղնիս* հնչատաբբերակով, Մարաղա ք.-ում և Նախիջևանի Ազա զյուղում՝ *տինիս*: Շատախի, Արաղայի շրջանի Խաչան գ.-ի, ինչպես նաև Գավառի խոսվածքներում *տանիս*-ը վկայված է տվյալ խոսվածքներին բնորոշ շրբնայնացած ա ձայնավորով տարբերակը՝ ան (տան նիս), իսկ Մոկսի Մամոտանց ենթաշրջանի Ապարանց գ.-ում՝ երկբարբառային կամ եռաբարբառային արտասանությամբ՝ *տանիքիս*:

Դէնէր: Հայերենի բարբառներում *դէնէր* բառաձեր՝ որպես *տանիք* հասկացության զրոգաբանություն, առկա է արևմտյան խմբակցության Անտիոքի բարբառախմբի Քեսարի (*դընէր(p)*), Հաջընի (*դէնէլ*), Սվետիխայի (*դմինայրկ/դմինօյրկ*) խոսվածքներում և Անտիոքի Բեյլանի Սովալուիս և Աթըլս զյուղերի (*դինիք*), Փոքր Ասիայի բարբառախմբի Խարբերդի (*տինիք*), Եղեսիխայի (*դէնէր*), Զմշկածագի (*դէնէր*), Արաբկիրի (*տէնէր*), Սևերեկի (*դէնէր*) խոսվածքներում:

Գ. Զահուկյանը զրաբարում չվկայված հնդեվրոպական արմատների շարքում առանձնացնում է *տէնէր* բառաձերը. *տէնէր* (*դէնէր?*) - տանիքի հարթ կտոր (Արաբկիր, Կյուրին, Մալաթիա, Չարսանջակ, Ախուցխա): Նա զրոգահեռներ է տալիս հնդեվրոպական այլ լեզուների հետ, օրինակ՝ մ.վ.գերմ. tener «ձեռքի ափ», հ.լատ. dacea - «հարթակ, հրապարակ, կալ», թերևս լիսով. denis «տախտակամած» և այլն: Այնուհետև վկայակոչում է հ.-ե. dhen-ը՝ «ձեռքի ափ, գետնի հարթ տեղ, հարթ տախտակ», dhenr «գետնի մեջ հարթ իջվածք»¹²: Գիտնականը արձանագրում է նաև, որ բառարաններում բարբառային բառերը բերված են սկզբնային խուլով, մինչդեռ ենթադրելի է սկզբնական ձայնեղ, այսինքն՝ *տէնէր>դէնէր*:

Տանիք հասկացության բառազուգաբանություն է փաստված նաև Էղթիզ բառանունը: Մենք ժամանակին անդրադարձել ենք հիշյալ բառանվանը, որի բուն նշանակությունն է՝ տան կտորի մեջ թողած բացվածք, որ ծառայում է իբրև լուսամուտ և օդանցք: Պար-

¹² Գ. Զահուկյան, Հայ բարբառազիտության ներածություն, Ե., 1978, էջ 316:

զապէս պիտի նշել, որ այս դեպքում հավանաբար գործ ունենք փոխարեացման հիմքի վրա ստեղծված բառանվանման հետ: **Էրթիզը** կողմացված գործառում է Փոքր Ասիայի բարբառախմբի մի շարք խոսվածքներում (Կարինի բարբառ՝ Գյումրի, Զավախը՝ շնչել ձայնեղ հ’ով հ’կրտից, Ակն, Երզնկա, Շապին-Կարահիսար՝ էրթիզ, Սեբաստիա՝ էրթիզ կ’ն այլն):

Բարբառային հայերենում **տանիք** հասկացության դիմաց որոշ խոսվածքներում գործածվում է **ծածուկ** կամ **ծածկ** բառանունը: Հ.Աճառյանը ՀԳԲ-ում Երևանի խոսվածքում փաստել է **ծածկ** բառը, որը նշանակում է «կտորին վրայի մասը»¹³: Ս.Ամաստունու բառարանում **ծածք** բառահոդվածում տրված է հետևյալ մեկնությունը՝ «Ար. Շրկ. Շինութեանց յարկ, Ծածք առաստաղին կան յամբողջութեան, Կան բազմարի սենեակներ, որոնց ոչ մէկը ծածկ չունի»¹⁴:

Ծածկ բառանվան արմատական ձևն է **ծածուկ**-ը: Այդ է վկայում նաև հայերենի բարբառներում առկա **ծածուց** բառաձևը: Բառի հստակ ստուգաբանությունը չկա: ՆՀԲ-ում այն կապվում է **ցածուկ** բառի հետ: Հ.Աճառյանը **ծածուկ**-ի համար տալիս է հետևյալ բացատրությունը. «գաղտնի, թաքուն, անեզաբար. ծածուկը - ունի նաև թաքստոց, ծածուկ տեղ»¹⁵ իմաստը: Թերևս թաքստոց, ծածուկ տեղ իմաստից էլ **ծածկ**-ը ձեռք է բերել **տանիք** իմաստը:

Հայերենի բարբառներում **ծածկ** բառանունը՝ որպէս **տանիք** հասկացության բառաձև, մեկուսացված գործառում է Համշենի բարբառում (Համշենի, Ճանիկի Օրդուի խոսվածք, Տրապիզոն՝ **ծածուց**): **Ծածկ** բարբառային տարբերակով առկա է Խոտրջուրի Միջնթաղ գ.-ի (**ծածք**), ինչպէս նաև Սասունի Հոսներ, Քոփ գյուղերի (**ձ’ասկ**, **ձացք** - ամբողջական տանիքը) և Աշտարակի (Կարբի՝ **ծասկ**, Փարպի, Օշական՝ **ծասկ**) որոշ խոսվածքներում:

Նիկոմեդիայում առկա է **գունին վրա** կապային կառուցով բառաձևը (Նիկոմեդիայի Պարտիզակ ք., Արմաշ գ., Ասլանբեկ՝ **գունին վրա**, Աղաբազար՝ **տղան վրա**): Հավարիկում փաստված է **տունին գուլուխ** բառակաղապարը:

¹³ Հ.Աճառյան, ՀԳԲ, էջ 502:

¹⁴ Ս.Ամաստունի, Հայոց բառ ու բան, Վաղարշապատ, 1912, էջ 300:

¹⁵ Հ.Աճառյան, ՀԳԲ, հ.3, էջ 437:

Ցըվիք: Հայերենի բարբառներում որպես *տանիք* հասկացության բառանուն բառարաններում վկայված է *ցըվիք* բառանունը, որը ՀԲԱ ծրագրով հավաքված նյութերում այս իմաստով մեզ չի հանդիպել: Հ.Աճառյանը փաստում է հիշյալ բառանվան առկայությունը զավառականներում (Ղարաբաղ, Ղարադաղ՝ *ցէվք* «կտուր», Ալաշկերտ, Մուշ *ցըվիք*, Խարբերդ *ցըվիք* «տանիք», Մոկս *ցըվիքք* «քիւ, տան կտուրի դուրս կարկառեալ մասը», *տանիք* իմաստով բառն առկա է նաև Ակն, Ապարան, Արաբկիր, Բաղեշ, Բինեյան, Չեյրուն, Կարին, Մաշկերտ, Սասուն, Տիգրանակերտ, Քղի¹⁶: Չեյրունում *ցըվիք* բառից է բաղադրված *ցիվիյայք*, *ցիվիրձայք*՝ քիվ, կտուրի ծայրը իմաստով բառանունը)¹⁷:

Ցըվիք բառանունը արձանագրված է նաև Ս.Ամաստունու բառարանում (Ալաշկերտ, Շիրակ Շիրվանջուղ գ.) շինության տանիքի դեպի բակի կողմը ընկած մասը, նաև տան սրահի դեպի բակը մեկնված գերանների ծայրը իմաստուներով¹⁸: Ս.Ղարիբյանը Մալաթիայի բարբառով բերված մի նմուշում ևս փաստել է *ցըվիք* բառանունը քիւ իմաստով (Քելվօն (Գևորգը) դէնէրին *ցըվիքէն* թող անցնի Ափրամ ամույին դունը)¹⁹: ՀԼԲԲ-ում ներկայացված է ցիւ բառի տարածքային ընդգրկումը, ինչպես նաև հնչատարբերակները. «Ցըվիք, ցիվք, Կր., Մլր., Խր., Դրս. (Քղի), Ակն, Արք.Տգր.՝ Յէվ, Ղրք՝ Յէվք, Ղրք.՝ Յիւիք, Ն.Ն.՝ Ցըվիք, ՀՃ.՝ Ցըվիշկ, Շատախ՝ ցուվք»:

Զարկ է նշել, որ բարբառներում այն դրսնորվել է մի քանի նշանակությամբ 1. տան կտուրի՝ պատից դուրս երկարած մասը (Ա' խօխա *ցերէն* վեննը մի կենալ՝ վեր կըննիս): 2. Կտուր, տանիք, 3. Ղրք. Որևէ բանի ծայրային՝ եզրային մաս (Բաղին չորս դոլը պեցուր չափար ըրած, ետ չափարին *ցերին* պտկներին էլ մարդի քալլեք՝ նի կոխած): 4. Անդունիի պոռունկ, զահավանդ (Մուղայիր կաց կո ցերան ծորը չըննիս)²⁰:

Ակնհայտ է, որ բառանունները ժամանակի ընթացքում իմաստային զգալի փոփոխությունների են ենթարկվում, մասնավորապես

¹⁶ Հ.Աճառյան, ՀԱԲ, հ. 4, Ե., 1979, էջ 458:

¹⁷ Հ.Աճառյան, Քննություն Կիլիկիայի բարբառի, Ե., 2010, էջ 341:

¹⁸ Ս.Ամաստունի, Հայոց բառ ու բան, Վաղարշապատ, 1912, էջ 644:

¹⁹ Ա.Ղարիբյան, Հայ բարբառազիտություն, Ե., 1953, էջ 415:

²⁰ ՀԼԲԲ, հ.Զ, Ե., 2010, էջ 283:

տեղի է ունենում հնդեվրոպական որոշ բառերի իմաստի նեղացում, իմաստային անցումներ, հատկապես փոխաբերական իմաստի մղում առաջնային պլան:

Նոյն կերպ էլ *ցրվիք* բառանունը բարբառային հայերենում բացի վերը հիշատակած իմաստներից ունի նաև այլ նշանակություններ: Մեր նախորդ հրապարակումներում արձանագրել ենք, որ Սասունի որոշ խոսվածքներում փաստված է *ցրվիկ* բառանունը՝ որպես *ջրհորդան* հասկացության նշանակելի: Բարիմաստային հետաքրքիր գուգորդումների հետևանք է Մարտունու Զոլաքար գ.-ի խոսվածքում առկա *ցրվիք*-ը: Այն գոմին կամ մառանին կից ծածկ ունեցող, սակայն առանց պատերի շինությունն է, որտեղ խոտ, փայտ, աթար, բահ, ձյուն մաքրելու թի և զյուղական կենցաղում գործածվող այլ իրեր են պահվում:

Ցրվիք բառից բաղադրված ունենք *ցրվըրուեխ*, *ցրվըրպրուոկ*, *ցրվատակ* բառաձևերը, որոնք գործածական են Ղարաբաղի բարբառում: *Ցրվատէխը* որևէ բարձրության (լինի դա շենքի թե շենքի կատար և այլն) պրունկը՝ եզրն է (*Ցրվըրուէխէն* վեննը մի՛ կենալ, պատառ ե՛տ կաց): *Ցրվատակ*-ը որևէ բարձրության տակը՝ հատակն է (Խօխան *ցերան* վեր ընգալ *ցրվատակը*, ամմա վեշ մին պան չիլավ)²¹: *Ցրվըր* Ղարաբաղի բարբառում հիմնականում գործածվում է *քիվ* իմաստով:

Ա. Սարգսյանը Ղարաբաղի բարբառի բառարանում արձանագրել է գրաբարյան *ցիւ*՝ տան ծածկ իմաստով բառանվան *ցրէվէք* բառակազմական տարբերակի միայն վերին ծայր՝ կատար իմաստը: *Ցիւ* բառանունը փոխաբերացմամբ հիշատակված բառարանում փաստված է նաև հետևյալ դարձվածներում. 1. *Ցրէվքան վէր ըղնէշ*, այսինքն՝ մեծ դժբախտության հանդիպել, ծանր վիճակի մեջ ընկնել (Հարավքերը *ցէվքան* վէր ա ընգալ, հա՛մ կավն ա ըստակալ, հա՛մ արտը էրկալ), 2. *ցրէվքէն պըտէկէն*՝ շատ բարձր տեղ (Խըծապէոր են ա *ցրէվքէն պըտէկէն*)²²: Ամենայն հավանականությամբ այս դարձվածքները բարիմաստային նուրբ անցումների հետևանք են:

Զահուկյանը, քննելով խնդրո առարկա ցիվ և *քիվ* բառանուն-

²¹ ՀԼԲԲ, հ. Զ, էջ 284:

²² Ա. Սարգսյան, Ղարաբաղի բարբառի բառարան, Ե., 2013, էջ 748:

ները, դրանք ևս ամփոփել է բնակարան, տուն, կահ-կարասի իմաստային թեմատիկ խմբի բուն հնդեվրոպական բառանունների շարքում: Հնդեվրոպական ի ածանցը, ըստ նրա, հաճախ հանդես է գալիս *հ-ք* ձեռվ (այսինքն՝ *ցիւ+հ-ք=ցուիք*)^{23:}

Բացի վերոհիշյալ բառանուններից հայերենի բարբառներում արձանագրված են սահմանափակ գործածություն ունեցող այլ բառանուններ:

Որպես կոնածել տանիք կամ զմբեթ են դիտարկված Վանում՝ *կուրա*, Մուշում՝ *խուրա* բառանունները²⁴, իսկ Երզրումի Անթապ, Քոչկ զյուղերի խոսվածքներում՝ *հուրա-ն* հացատան տանիքն է: Հ.Աճառյանը *կուպայ* «զմբեթ» իմաստով բառը արաբական փոխառություն է համարում՝ *qubbə*²⁵: Ինչպես տեսնում ենք, այս դեպքում *կուպա* բառին բարբառային հայերենում վերագրվում է հավելյալ իմաստային-գործառական բաշխում, որն է՝ *տանիք-ը*: Ի դեպ, Գավառի տարածաշրջանում գիտարշավների ժամանակ մեզ հաճախ է հանդիպել *կուրով* տուն բառակապակցությունը, որը գործածվում էր զմբեթածել տանիք են ունեցող տների համար:

Ղարաբաղ-Շամախիի միջբարբառախմբի որոշ խոսվածքներում առկա են չուվշտան (Զադրութ, Մարտունու Եմիշճան գ.), թախտափուշ (Գորիսի Քարահունջ, Վաղատուր, Խնձորեսկ գ.-եր. ի դեպ, թախտափուշ-ը թիթեղյա տանիքն է), Նուխի ք.-ում՝ չարդախ և կոտոր բառածերը, իսկ չաթը՝ նույն իմաստով, գործածվել է Նիկոմեդիայի Խասկալ գ.-ում: Ենթադրում ենք, որ բացի *կոտոր-ից*՝ հիշյալ բառերը փոխառություններ են:

Ռողոսրոյում *տանիք-ը քիրեմիդ*, Գանձակում *կըրամիդ* (որպես թեք կտուր) հնշատարբերակներով է արձանագրված, որոնք, մեր կարծիքով, աղերսվում են կղոմինդր (*keramis, -idos*) հունարեն փոխառության հետ: Այսինքն՝ կղոմինդր բառը թթած տափակ ու բարակ աղյուս՝ տան կտուրը ծածկելու համար իմաստից բառիմաստային զարգացումներով ձեռք է բերել *տանիք* նշանակությունը:

Քննելով *տանիք* հասկացության բառանունները՝ հարկ ենք

²³ Գ.Զահուկյան, ՀՀ Պ: ՆԺ, Ե., 1987, էջ 264:

²⁴ ՀՀ ԲԲ, հ. Գ, էջ 199, Ս.Բաղրամյան, Մուշի բարբառ, Ե., 1958, էջ 239:

²⁵ Հ.Աճառյան, Հայոց լեզվի պատմություն, Ե., 1951, մաս 2, էջ 195:

համարել հընթացս անդրադառնալ տանիքի հետ կապված մի քանի այլ բառերի, որոնք նախկինում մեր ուշադրությունից դուրս են մնացել:

Երգնկայի բարբառում փաստված են *խաչկու/խաչկունք* բառանունները՝ որպես տանիքի կենտրոնից բացված լուսամուտ, այսինքն՝ երդիկ²⁶: Նոյն իմաստով էլ *խաչք* բառաձեն է արձանագրված Կարինի բարբառում²⁷: Հիշյալ բառանունները ակնհայտորեն առնչվում են հ.-ե. *խաչ* արմատի հետ: Անգամ Եվրոպիայում զավառական թուրքենում հայերենից փոխառված է *խաչուկ* բառը, որը զյուղական տների առիքներին դրված խաչաձև գերանն է²⁸:

Մալաթիայի բարբառում Թ.Դանիելյանը արձանագրել է *լուծազը*՝ որպես լուսի անցք, պատուհան²⁹:

Մի շարք բարբառներում (Երգնկա, Տիգրանակերտ) վկայված է նաև տանիքի լուսամուտի կափարիչ իմաստով *խափանք*³⁰ բառանունը: Հ.Աճառյանը թուրքական փոխառությունների մեջ հիշատակում է *զարանքը*՝ «փեղկ» նշանակությամբ³¹: Այնուհետև անդրադառնալով *զարանք* բառի բարիմաստներին՝ գրում է, որ Ն.Նախջևանում *զարանք* նշանակում է «տան ճակատի փոքրիկ բացվածքը՝ ձեղունի լուսավորության համար, որ կարող է ապահեպատ լինել կամ ոչ, և որ ձմեռները խցկում են, որպեսզի ձյուն չմտնի»: Մեկ այլ վկայությամբ՝ *զարանքը* զյուղական տների և օդաների երդիկների կափարիչն է, որ շինվում է շրջանակի մեջ առնված տախտակից, որը ցերեկը վար քաշելով բացում են, զիշերը վեր քաշելով փակում: Հ.Աճառյանի կարծիքով, համաձայն այս մեկնությունների, *զարանքը* նույնանում է թքք. *kepenk* ձևի հետ, որի իմաստն է պատուհանի կամ դռան փեղկ, որ անձրևի և շողի ժամանակ փակում են: Սակայն Պոլսում բառը նշանակում է «հին տների մեջ սանդուռքի զլիսին շինված լայն փեղկ, որ զիշերները փակելով երկրորդ

²⁶ Դ.Կոստանդյան, *Երգնկայի բարբառը*, Ե., 1979, էջ 155:

²⁷ Հ.Սկրտյան, *Կարնո բարբառը*, Ե., 1952, էջ 148:

²⁸ Հ.Աճառյան, *ՀԱԲ*, հ. 2, էջ 335:

²⁹ Թ.Դանիելյան, *Մալաթիայի բարբառը*, Ե., 1967, էջ 220:

³⁰ Դ.Կոստանդյան, *Երգնկայի բարբառը*, էջ 155, Ա.Հանեյան, *Տիգրանակերտի բարբառը*, էջ 211:

³¹ Հ.Աճառյան, *ՀԱՊ*, մաս 2, էջ 276:

հարկը առաջինից բաժանում են և որի վրա անկողին զցելով նաև պառկում են (սա միշտ է, որպեսզի առաջին հարկը մտած գողը նաև երկրորդ հարկ չկարողանա բարձրանալ): Աճառյանը կարծում է՝ քանի որ *զափանքի* առաջնային իմաստն է թաքսոնց, ծուլակ, ապա այն թուրքական արմատներով հնարավոր չէ մեկնաբանել, ուստի պետք է ենթադրել, որ ծագում է հայերեն *կափանք «թակարդ, կափարիչ, խոսի բարից», արմատը *կափ* «փակել, խփել», որից ունենք *կափուլ* «թակարդ», *կափարիչ* և այլն³²: Եվ զիտնականը եզրակացնում է, որ *զափանքը* հայերենից անցել է թուրքերենին և հետո թուրքերենից՝ նորից հայերենին³³:

Այսպիսով՝ ամփոփելով *տանիք* հասկացության բարբառային բառաձևերի ըննությունը՝ կարող ենք արձանագրել, որ դրանցից հայ բարբառներում առավել գործածականները եղել են հիմնականում անհայտ ծագման *կոռուր* և բնիկ հայերեն կամ հնդեվրոպական ծագման *տանիք*, *դիներ* բառանունները: Ընդ որում՝ *դիներ*-ը փաստվում է որպես զբարարում չվկայված հնդեվրոպական արմատ, որն առկա է միայն բարբառներում: *Ցըլիք* բնիկ հայերեն բառանունը բարիմաստային յուրօրինակ զարգացումներ է ձեռք բերել՝ *տանիքից քիվ*, *քիվից մինչև ջրհորդան* և այլն: Հետաքրքրական է նաև *կոռուր* և *ձեղուն* բառանունների ծագումնաբանական առնչակցությունը: Բարբառային հայերենում *տանիք* հասկացությունը դրսորված է նաև բարիմաստային հետաքրքիր զուգորդումներով առաջացած բառաձևերով, ինչպես՝ *ձեղուն*, *ծածուկ*, *էրթիկ*, *կուրա*, *կրամիդ* և այլն:

Khachatryan Hasmik - Functional-geneological study of the words reflecting the concept of *roof* in Armenian dialects.- The Article examines the words reflecting the concept of *roof* in the dialects of Armenian the most used of which are *կոռուր/ktur* which is of unknown origin and *տանիք* and *դիներ* which are native Armenian. In Armenian dialects *ցվիք* native Armenian word has acquired different meanings, such as *roof/տանիք/*, *cornice/քիվ/* and *gutter/ջրհորդան/*. The words *ձեղուն*, *ծածուկ*, *էրթիկ*, *կուրա*, *կրամիդ* have changed their meanings into *roof* as well. In

³² Հ.Աճառյան, ՀԱԲ, հ.1, Ե., 1971, էջ 495-496:

³³ Հ.Աճառյան, ՀՀ Պ, մաս 2, էջ 284:

Armenian dialects there are also some foreign and borrowed words for the concept of roof, such as կրամիդ, կուրշ, բախուսիլուշ, չարդաշի, etc.

Хачатрян Асмик - Функционально-этимологическое исследование словоформ понятия *տանիք* в армянских диалектах. - В данной статье исследуются зафиксированные в армянских диалектах словоформы понятия *տանիք* (таник – крыша), наиболее употребительными из которых является слово неизвестного происхождения *կուռըր* (ктур – крыша, кровля) и исконно армянские *տանիք* и *դինէր* (динэр – крыша). Исконно армянская словоформа *ցվիք* (цвик) приобрела своеобразные семантические ответвления – от *տանիք* до *քիզ* (кив), от *քիզ* до *ջրհորդան* (джхордáн). В результате переосмыслиния формами слова *տանիք* стали семемы *ձեղուն* (дзегүн), *ծածուկ* (цацук), *էրդիկ* (эртик), *կուրշ* (кубá), *կրամիդ* (крамид). В армянских диалектах встречаются также заимствованные и иностранные словоформы *կրամիդ* (кэрамайд), *կուրշ*, *բախուսիլուշ* (тахтапúш), *չարդաշի* (чардáх) и др.

Խաչատրյան Նունե (ԼՂՀ,
Արցախի պետական համալսարան)

ԲԱԶՄԱԳՈՐԾԱՌՈՒՅԹ ՇԱՂԿԱՊՆԵՐԸ ԺԱՄԱՍԱԿԱԿԻՑ
ՀԱՅԵՐԵՆՈՒՄ

Ժամանակակից հայերենի շաղկապները իմաստային և ոճական բազմաթիվ հնարավորություններով օժտված կապակցության վիզոցներ են: Բազմագործառույթ շաղկապները վճռական ու նշանակալից դեր են կատարում բարդ նախադասության առանձին մասերի կապակցման, իմաստային փոխհարաբերությունների ձևավորման, դրանց բնույթի բացահայտման մեջ:

Տարաբնույթ նախադասություններում իրենց իմաստաբանական և կիրառական յուրահատկություններով առանձնանում են բազմիմաստ ստորադասական շաղկապները: Դրանք, ունենալով շարականության իմաստատարերակից արժեք, կարող են կապակցել շարականության տարբեր գործառույթներով բնորոշվող նախադասություններ:

Բազմագործառույթ ստորադասական շաղկապները իրենց հիմնական իմաստային հարաբերության արտահայտման հետ զուգընթաց նշում են նաև այլ հարաբերություններ: Միննույն շաղկապները կապակցված կախյալ նախադասությունները իմաստային-լրացական տարբեր հարաբերություններով կապվում են զիսավորի հետ, որը կանխորոշում է ամբողջ բարդության կառուցվածքը, կապակցվող մասերի ձևակազմական արտահայտությունները:

Իմաստային տարբերակումը կատարվում է այն բանի հիման վրա, թե շաղկապները կապակցման ինչ բառերի, բառախմբերի ինչ կարգերի հետ են կապակցվում, դիմավոր բայերի եղանակային և ժամանակային ինչ ձևերի հետ են զուգորդվում: Իմաստային տիպերի բացահայտման համար դեր են խաղում կապակցվող նախադասությունների, շաղկապների շարադասույթունը, երբեմն էլ համատեքստը: Կարենորվում են ստորոգյալի կառուցվածքի և լրացյալի բառաբերականական բնույթը զոյականական անդամի լրացում կախյալ նախադասությունների դեպքում, ինչպես նաև բայի սեռը և բայիմաստը՝ բայական անդամի լրացում երկրորդական նախադասություններում:

Ժամանակակից հայերենում տարաբնույթ նախադասությունների մեջ այլևայլ գործառույթներով հանդես են զալիս հիմնականում ոք, թէ, եթէ, մինչ(և), քանի, քանի դեռ, քան, քանի ոք, որովհետև, մանավանդ, մանավանդ ոք, ինչ է թէ, թէ ինչ է, միայն, միայն թէ շաղկապները:

Մենք հոդվածում քննում ենք բազմազործառույթ ոք, թէ ստորադասական շաղկապների կիրառությունը բարդ նախադասության ոլորտում:

Իրենց դերով առանձնանում են ոք, թէ մեկնական շաղկապները, որոնք քիչ բացառությամբ մասնակցում են զրեք բոլոր տեսակի կախյալ նախադասությունների կապակցմանը: Այս շաղկապները «ցույց են տալիս, որ իրենցով կապակցվող լեզվական միավորը նախորդին լրացում-մեկնությունն ու բացատրությունն է»¹:

Շարահյուսական նույն գործառույթներն ունենալով՝ ոք և թէ շաղկապներն իրարից տարբերվում են վերաբերմունքային-ձանաչողական հաստկանիշով: Ոք շաղկապը վերաբերմունքի հաստատական, իսկ թէ-ն երկրայական-անհավանակության իմաստային երանգ է արտահայտում: Թէ-ով կապակցված երկրորդական նախադասություններում կիրառվում են հիմնականում (ոչ՝ բացառապես) հարցական-հարաբերական դերանուններ, ընդ որում գերադաս նախադասության ստորոգյալը կարող է լինել ժխտական կամ հաստատական բնույթի: Հաճախ թէ-ով կապակցվող կախյալ նախադասություններին գերադասի մեջ համապատասխանում է երկրայական, ոչ հաստատական իմաստով բայ-ստորոգյալ: «Թէ շաղկապի երկրայական իմաստը ավելի շեշտելու և նույնիսկ անհավանական դարձնելու նպատակով երբեմն գործածվում է համապատասխան իմաստ արտահայտող եղանակավորող բառ, հատկապես իբր բառը»²:

Ոք, թէ շաղկապներով կապակցվող ստորադաս նախադասությունը լրացնում է գերադաս նախադասության՝¹⁾ որևէ բայի կամ բայական կապակցության, 2) որևէ գոյականի կամ գոյականական

¹ Մ.Ե.Ասատրյան, Ժամանակակից հայոց լեզու, Եր., 2002 թ., էջ 398:

² Տէ՛ս Ս.Գ. Աբրահամյան, Զթերվող խոսքի մասերը և նրանց բառական ու բերականական հատկանիշները ժամանակակից հայերենում, Եր., 1965, էջ 454-455:

կիրառություն ունեցող որևէ անդամի, ինչպես նաև անվանական որոշակի արտահայտությունների, կառույցների, բաղադրյալ կապակցությունների, Յ) հարաբերյալների:

Քննենք կառուցվածքային այս տեսակներն առանձին-առանձին: 1) Մեկնական ոք, թե շաղկապներով կապակցվող մասը լրացնում է գերադաս նախադասության հիմնականում հոգեկան գործունեություն նշող որևէ բայի, որը կարող է լինել՝ ա) ներգործական և բ) ոչ ներգործական: Գլխավորի մեջ բացակայում է այն անդամը, որի գործառույթով հանդես է գալիս կախյալ նախադասությունը:

Եթե զիսավոր նախադասության մեջ որպես խնդրառու բառ գործածվում են ասացական (հայտնել, պատասխանել), հասկացական-իմացական (իմանալ, ըմբռնել), զգացական (սիրել, հարգել), կամային (կամենալ, որոշել, ուզենալ) իմաստ արտահայտող ներգործական սերի բայեր, ապա կախյալ նախադասությունը բնույթով լինում է ուղիղ խնդիր:

Քերենք օրինակներ. «Եվ ստիպում ես ինձ գոռալ՝ ասե՛լ, Որ դու այրում ես Տրոյայի պես» (ՊՍ): «Պատմեի, թե այս աշխարհում ինչեր եմ քաշել» (Հ Ա): «Բայց տեսել եք, որ չունեմ ես ոչ մի երգ առանց Ձեզ» (Հ Ա): «Տեսե՞լ եք, թե ոնց է սպանում մարդն իր նմանին» (Կ Հ): «Նա զգում է, որ գործը դժվարությամբ գլուխ կգա»: Կամ՝ «Նա զգում է, թե գործը ինչպիսի դժվարությամբ գլուխ կգա»: «Ես կուզենայի, որ իմ սիրածը Ծաղկի պես քնրուի ու անուշ լինի» (ՀՇ): «Ես որոշել եմ, թե ինչպես եմ վարվելու նրա հետ»:

Քիչ չեն այն կապակցությունները, որոնցում կախյալ նախադասությունը կարող է նախադաս գործածվել: Օրինակ՝ «Որ մեռնում էր նա, ես զիտեի»: «Թե ինչ է նրա վերջնական նպատակը, ոչ ոք չի կարող կռահել»:

Ինչպես զիտենք, ասացական բայերի լրացնող կախյալ նախադասություններին բնորոշ հատկանիշն այն է, որ յուրովի ներկայացնում են ուրիշի ուղղակի կամ անուղղակի խոսքը: Նշենք, որ անուղղակի հարցում պարունակող ուղիղ խնդիր երկրորդական նախադասությունները զիսավորի հոգեկան գործունեություն արտահայտող բայերի հետ կապվում են թե շաղկապով:

Եթե գերադաս մասում գործածվում է ներգործական սերի կամայական նշանակություն ունեցող բայ, և երկրորդական

նախադասության ստորովյալը առնչվում է գերադասի ստորովյալի բայիմաստի հետ, ունենում ենք նպատակի պարագա կախյալ նախադասություն: Օր. «Կանչում եմ, որ նորոգես այս տունը»: Նպատակային հարաբերության ձևավորմանը նպաստում է հատկապես երկրորդական նախադասության ստորովյալի եղանակաժամանակային արտահայտությունը. այն ձևավորվում է ըղձական եղանակի ապառնի ժամանակով: Ժամանակային տեսակետից նրա գործողությունը հաջորդում է զիշավոր նախադասության գործողությանը: Ոք ընդհանրական շաղկապը նպատակային հարաբերություն է արտահայտում, երբ կապվում է ներգործական սեռի բայերի, բայական կապակցությունների հետ: Օրինակ. Ասես մի օր կերտել եմ քեզ, որ մարմարե քո տեսքով Անհաս տենչի, անհազ սիրո արձան դառնաս, Արարատ(ՍԿ): Վառեց մոմը՝ թե իբր սառած-փետացած մատները տարացնի(ՀՍ): Թե-ով կապակցությունները ավելի հատուկ են ժողովրդախոսակցական լեզվին (այդ մասին կխոսենք համապատասխան տեղում): Նշենք նաև, որ նպատակի պարագա երկրորդական նախադասությունը ոք շաղկապով կապակցվելու դեպքում գործածվում է վերջադաս (միջադաս՝ դերբայական, բայական որևէ անդամի լրացնելիս):

Ոք, թե շաղկապներով կախյալ նախադասությունը կարող է լրացնել զիշավոր նախադասության որոշ կարգի չեզոք (ոչ ներգործական) սեռի բայերի: Եթե կախյալ նախադասությունը կապվում է չեզոք սեռի միայնիմի երրորդ դեմքի բայերի հետ (թվալ, երևալ, պատահել, մնալ), ունենում ենք ենթակա երկրորդական նախադասություն: Այս կարգի բարդ նախադասությունների գերադաս բաղդրիչները հիմնականում կազմված են լինում բայ-ստորովյալից (երբեմն մեկ-երկու լրացումից): Բերենք օրինակներ. Երևում է, որ այսօր շատ ես աշխատել: Մ. խ, թվում եմ, թե այնտեղ եմ հիմա (ՀՍ):

Այս շաղկապներով կախյալ եզրը կարող է լրացնել զիշավորի՝ հոգեկան գործունեություն արտահայտող չեզոք սեռի բայերի (կասկածել, սպասել, ունկնդրել, հավատալ) և բնույթով լինել հանգման խնդիր: Օր. Գրեթե չեի հավատում, որ երբեմնի վտիտ ու փիսրուն այդ աղջնակը շնորհալի դերասանուի է դարձել: Սպասում եմ, թե ով պիտի զա:

Բերենք օրինակ վերաբերության խնդիր երկրորդականով.

Հավատացած էր, որ ահա ուր որ է հասնելու են ափ (ՈՀ): Վիճում էին, թե ով է մասնակցելու այդ երեկոյին, ով՝ ոչ:

Միջոցի խնդիր. Գեր միսիթարվիր, որ նույն համն ունեն քրտինք ու արցունք (Պ Ս): Ես շատ եմ հետաքրքրվում, թե ինչպես է պարապում եղբայրս:

Սահմանափակման խնդիր. Համոզված էի, որ ժառանգության մի որոշ մասը պիտի ստանա իր կինը: Համոզված էիր, թե նա քո ամենալավ, ամենաբարձր բաղդանքների իրագործողն է:

Տողեկան այլևայլ վիճակներ արտահայտող մի շարք չեղոր սերի բայերի (վախենալ, զգուշանալ) բարիմաստներով պայմանավորված՝ կախյալ նախադասությունը լինում է պատճառի պարագա: Օր. Զգուշանում էի, որ հանկարծ որևէ մեկին չնեղացնեմ: Վախենում էինք, թե անձրև կզա: Այսպիսի բայերի լրացնող նախադասությունները ուսումնական մի շարք ձեռնարկներում համարվում են նաև անջատման խնդիր³:

Հետևանքի պարագա: Ովքե՞ր են զալու, որ այդպես արագ-արագ նախապատրաստվում են: Որքա՞ն շատ էին հիացել այդ տեսարանով, որ մինչև այժմ չեն մոռանում այն: Մրանք լրացնում են հարցական և բացականչական նախադասությունների: Թե՞ով նա-խադասությունները գործածական չեն:

Որ ընդհանրական շաղկապը նպատակային հարաբերություն է արտահայտում ֆիզիկական հատկանիշ նշող մի շարք չեղոր սերի բայերի հետ կապվելիս: Օր. Մենք պայքարում ենք, որ աշխարհում լինի խաղաղություն: Գնացել եմ տուն, որ իբր հանգստանամ: Կամ՝ Կաշխատեմ, որ զյուղում մանկապարտեզը վերաբացվի: Եթե երկրորդական նախադասության շարադասությունը փոխենք, կփոխվի նաև նրա իմաստը և բնույթը: Ինչպես. Որ զյուղում մանկապարտեզը վերաբացվի, կաշխատեմ: Այս դեպքում երկրորդականը բնույթով պայմանի պարագա է: Շարադասությունը, թերևս սակավ, իմաս-տային կարևոր դեր է կատարում բարդ նախադասությունների հա-մակարգում:

³ Տե՛ս՝ Ս. Աբրահամյան, Ն. Պարնասյան, Հ. Օհանյան, Խ. Բաղիկյան, Ժամանակա-կից հայոց լեզու, շարադասություն, հ. 3, Եր., 1967, էջ 668: Ա. Պապյան, Խ. Բաղիկյան, Ժամանակակից հայոց լեզվի շարադասություն, Եր., 2003, էջ 324-325:

Բացատրական ոք, թե շաղկապները կապվում են նաև կրավորական սեռի բայերի հետ: Այս դեպքում ստորադասություններն իրենց գործառույթով կարող են լինել ենթակա: Ենթակա երկրորդական նախադասության գերազանց բաղադրիչի բայ-ստորոգյալը (ասացական, մտածական) կիրառվում է եզակի երրորդ դեմքով: Բերենք օրինակներ. Նրանց կողմից արդեն հաղորդվել են, որ հարավային քամիները օդի տաք հոսանքներ են բերել Հարավային Կովկաս (լր): Որոշվեց, թե եկողներից քանիսն են մնալու (լր): Կարող է գործածվել կրավորական սեռի երրորդ դեմքի բայերի հետ, որոնք ունեն չեզոք սեռի իմաստ: Օր. Նրա համար պարզվեց, որ բոլորն իրեն խարում են:

Վերը նշվածները ոք, թե շաղկապների զիսավոր կիրառություններն են: Այս շաղկապները կարող են արտահայտել նաև այլ հարաբերություններ: Ոք, թե շաղկապներով կապակցված երկրորդական նախադասությունները պատճառի, պայմանի, հիմունքի, ժամանակի, նպատակի իմաստ են արտահայտում հատկապես ժողովրդախոսակցական լեզվում, որտեղից և անցել են գեղարվեստական գրականությանը: Բերենք օրինակներ:

Պատճառի պարագա երկրորդական նախադասություն. Կնոջ վրա թոնթորաց, թե կովկին ծարավ է թողել: Զայրանում էր, որ փախցրել էին աղջկան: Ոք, թե շաղկապները համարժեք են որովհետև շաղկապին: Կամ՝ Որ այդպես է, լավ նայիր թեզ: Այս ոք շաղկապի մեջ առկա է նաև պայմանի իմաստ, և կախյալ նախադասությունը կարող է ընկալվել որպես պայմանի պարագա: Այսպիսի նախադասությունների իմաստային տիպերի բացահայտման համար դեր է խաղում համատեքստը:

Պայմանի պարագա. Փորձանքը որ զա, հանկարծ կզա: Թե կուզես, լոիր, թե կուզես, ոռնա՛, թե կուզես, ծամիր սեփական լեզուու (ՊՍ): Իբրև պայման ներկայացվող գործողությունը, երևույթը նախորդում է գերադաս նախադասությամբ արտահայտված գործողությանը, երևույթին: Ոք, թե շաղկապները համարժեք են եթե շաղկապին:

Նպատակի պարագա. Բանաստեղծին թողեց մենակ... իրեն պես, որ իրեն պես մտիկ անի ամեն մեկին ու կյանքին (ՀԹ): Ավետիքը շարունակ աչք էր ածում շուրջը, թե հովիվներ երևան, հոտ

տեսնի մակաղած (ՎԽ):

Ժամանակի պարագա. Ազնո որ մեծանաս, ի՞նչ ես դառնալու (Հ U): Սութը որ ընկնի, խարոյկ կվառենք (լր): Ժամանակի պարագա ստորադաս նախադասության գործողությունը նախորդում է գերադաս նախադասության գործողությանը: Որ շաղկապը համարժեք է եքք դերանվանք: Կամ՝ Որ վառարանը չի վառվում, սենյակում ցուրտ է: Այստեղ ոք շաղկապն արտահայտում է նաև պայմանի իմաստ: Եվ համատեքստն է դեր խաղում իմաստային տիպերի որոշման հարցում:

Հիմունքի պարագա. Անձրև է գալու, որ արևը ծակում է: Որ լույսը վառվում է, նշանակում է եկել են: Որ շաղկապը համարժեք է քանի ոք շաղկապին:

Թե-ով ժամանակի, հիմունքի պարագա երկրորդական նախադասությունները պակաս գործածական են:

Թե շաղկապը ունի մի այսպիսի յուրահատկություն: Ինչպես գիտենք, ուղիղ խնդիր երկրորդական նախադասությամբ հաղորդվում է նաև ուրիշի ուղղակի խոսքը: Հաճախ թե շաղկապով երկրորդական նախադասությունը միանում է զլխավորին, որի մեջ բացակայում է ասացական բայը, բայց մտքով հասկացվում է: Այդ թե-ն փոխարինում է ասացական բային: Օրինակ՝ Ուրիշ մարդ մոտեցավ, թե՝ Նոյ, ազատի ինձի, դու լավ մարդ ես (ԱԲ): Սա հասուկ է ժողովրդախոսակցական լեզվին:

2) Կառուցվածքային այլ տիպ են ներկայացնում ոք, թե շաղկապներով կապակցված նախադասությունները, երբ լրացնում են գերադաս նախադասության ոչ թե բային, այլ գոյականին, գոյականական կիրառություն ունեցող որևէ անդամի⁴: Բերենք օրինակներ.

Որոշիչ երկրորդականով. Նա դիմում է գրել, որ իրեն աշխատանքից ազատել են: Նրանց պատասխան են տվել, թե իրենք ամենայն պատրաստկամությամբ ուրախ են աշխատել մեզ հետ (լր): Հատկացուցիչ երկրորդականով. Անիրամեշտություն չկա, որ նա այցելի մեզ: Հատուկուր թվերն ապացույց էին, թե ժամանակին

⁴ Գոյականական անդամ ասելով նկատի ենք ունենում դերանունով, գոյականաբար գործածված բառով արտահայտված անդամները:

մարգագետնի սևահողերում աճել է կաղնին:

Բացահայտիչ երկրորդականով: Իբրև լրացյալ հանդես են զալիս անձնական առաջին և երկրորդ դեմքի դերանունները: Օր. Դուք, որ նվիրվել եք այդ գործին, արժանի եք ամենաչերմ վերաբերմունքին: Նա պատմեց իր հետ պատահածը, թե ինչպես է օգնել ձանապարհը կորցրած անծանոթներին: Ոք-ով կապակցված ստորադաս նախադասությունները կարող են լրացնել որոշակի արտահայտությունների, անվանական կառուցների: Բերենք օրինակներ. Խաղաղություն, որ աշխեներն իր բանա դաշտում, մի տուղտ, մի բալիկ (ՊՍ): Շնորհակալություն, որ մեզ միշտ հիշում եք: Երանի Ձեզ, որ ոչինչ չգիտեք: Ամոք քեզ, թե այդպես ես մտածում: Փա՞ռդ շատ, այ' Աստված, որ հրաշք բաներ ես ստեղծել

Նման բառերի, արտահայտությունների լրացնող նախադասությունները բնույթով լինում են նպատակի, պատճառի կամ հիմունքի պարագա: Թե-ի գործածությունը սահմանափակ է այս կառուցվածքի նախադասություններում:

Հաճախ կախյալ նախադասությունը կարող է լրացնել անվանական ստորոգյալի, որի հանգույցը գործածվում է բացառապես եզակի երրորդ դեմքով: Որպես վերադիր հանդես են զալիս հիմնականում ածականը, գոյականը: Պայմանավորված վերադիրների բայիմաստով, առաջադրվող հարցերով՝ այդպիսի նախադասությունները լինում են ենթակա, խնդիր, պարագա: Բերենք օրինակներ. Ենթակա երկրորդական նախադասությամբ. Լավ է, որ եկար: Սուս է, թե իբր Երեմը տարբեր մարդկանց մոտ շոշափել է քաղաքական հարցեր: Որպես վերադիր կարող է հանդես գալ որևէ գոյական, ժամանակի մակրայ: Ինչպես Դեկտեմբերին էր, որ տեղի ունեցավ երկրաշարժը: Երեկ էր, որ անհոգ ու երջանիկ խաղում էր բակում: Հաճախ ոք շաղկապով նախադասությունը լրացնում է գերադաս նախադասության մեջ արտահայտված դերանվանը. Ինչի՞ց է, որ դու միշտ ուշանում ես:

Միջոցի խնդիր կախյալ նախադասությամբ կապակցության դեպքում գերադաս մասում որպես վերադիր հանդես են զալիս այն որակական ածականները, որոնք ունակ են առնելու գործիական հոլովով ձևավորված խնդիր (մեծ, ուրախ): Օր. Ռազմիկը միանգամայն հապարտ է, որ ինքն այժմ հայոց կանոնավոր բանակի զինվոր է:

Հանգման խնդիր. Ես արժանի՝ չեմ, որ դու ներկա լինեմը իմ հարսանիքին:

Պատճառի պարագա. Ես շատ զոհ եմ, որ կարող էի անցյալի միջով բացատրել ներկան:

Հետևանքի պարագա. Ես խելո՞ չեմ, որ ինձ չընտրեցիք:

Այս դեպքում թե-ով կապակցություններ չենք ունենում:

3) Որ, թե շաղկապների բազմազործառությանը նպաստում են զիսավոր նախադասության մեջ զործածվող հարաբերյալները: Դրանք ցուցական, երբեմն անորոշ դերանուններ են, դերանվանական կապակցություններ, բառախմբեր: Կախյալ նախադասությունը նյութականացնում է հարաբերյալի իմաստը՝ որոշակի բովանդակություն հաղորդելով նրան: «Հարաբերյալի կապակցական դերն իրացվում է նրանով, որ այն ակնարկում է երկրորդական նախադասության իմաստը, ինքն ունենալով վերացական իմաստ՝ շարականացնելով այն դերն է կատարում, ինչ որ երկրորդական նախադասությունը, որը որոշակիորեն արտահայտում է հարաբերյալի ակնարկած իմաստը»⁵:

Որ, թե-ով կապակցվող այսպիսի նախադասությունները հանդես են զալիս համարյա բոլոր զործառություններով:

Այն դերանունը (հոլովի կարգից զուրկ) ձևական ենթակա, ուղիղ խնդիր է դառնում՝ նշանակելով մի բան անող, լինող, զործողությունը կրող առարկա, երևոյթ: Բերենք օրինակներ:

Ենթակա երկրորդական նախադասությամբ. Նրան հուզում էր և այն, որ դու չես իմացել այդ մասին: Նրան հուզում էր և այն, թե ինչու այդ մասին չես իմացել:

Ուղիղ խնդիր. Եվ այն հասկացա, որ դրամի պես մաշվել են արդեն բառերը բոլոր (ՊՍ): Եվ այն զգիտեր, թե որ երկրում էր առևտուր անում: Կամ՝ Ես ուզում էի այն, որ մեկ էլ կանչեր: Ուշագրավ է նշել, որ կամային բայերի գործածության դեպքում այն հարաբերյալի փոխարինումը պայդ դերանունով հիմնովին փոխվում է բարդ նախադասության կապակցվող մասերի իմաստային փոխհարաբերությունը: Ինչպես. Ես ուզում էի այն, որ մեկ էլ կանչեր: Այս դեպքում երկրորդական նախադասությունը բնույթով նպատակի

⁵ Ս. Աբրահամյան, Հայոց լեզու, շարականացնություն, Եր., 2004, էջ 142:

պարագա է: Այս, այդ դերանունները «գորկ լինելով այն վերացական ու անորոշ նշանակությունից, որ հատուկ է այն դերանվանը, և ակնարկելով որևէ կոնկրետ նախապես հիշատակված ցանկություն կամ պահանջ՝ հանդես են զալիս սեռի խնդրի բուն նշանակությամբ, որի պատճառով երկրորդական նախադասությունը ձեռք է բերում նպատակի նշանակություն»⁶: Իհարկե, այսպիսի գործածությունը խրախուսելի չէ և տարածված է հատկապես ժողովրդայինության լեզվում:

Ստորոգելի կախյալ նախադասությունը կարող է արտահայտել առարկայացված գործողություններ, ինչպես նաև որակական, քանակական հատկանշի կամ հատկանշի հատկանշի իմաստ: Առաջին դեպքում լրացնում են այն հարաբերյալին, երկրորդ դեպքում՝ այնքան, այնչափ, նույն, նույնքան, այնպես, այնպիսի հարաբերյալներին, որոնք հանդես են զալիս որպես վերադիր: Օր. Խեղճ մարդու միակ իղձը այն է, որ մտնես ծնողներիդ տունը: Նրա միակ մտահոգությունն այն է, թե ինչպես կընթանա գործողությունը: Տպավորությունն այնպիսինն է, որ շատ քիչ է առաջ շարժվել մեր գրականությունը: Այնտեղ ամեն ինչ այնպես էր, որ կարծես մեջը մարդկա, զիշարկի տակ՝ գլուխ: Նրան այնպես էր թվում, թե սենյակը լիբն է մարդկանցով:

Հաճախ որոշ կարգի բայերի բայիմաստի հետ պայմանավորված՝ ցուցական դերանունները հանդես են զալիս հոլովական թեր ձևերով: Օր. Այդ խորթությունը նրանից է, որ Միքայելը բավական աճել և չափահաս էր դարձել (ստորոգելի): Այս ամբողջը նրա արյունքն է, որ բոլորն աշխատել են անձնվիրաբար (հատկացուցիչ): Ես հասա նրան, որ կորցրի իմ հավատն ու վստահությունը (հանգման խնդիր): Իր ուժերի նկատմամբ կասկածը ծնվեց նրանից, որ երեկ ակոսի մեջ ծնկները կըստեցին: Նրանից, թե ձեռքերն ինչ բույր ունեն, կարելի է խմանալ՝ սիրու՞մ է մարդը, թե՞ չի սիրում (անշատման խնդիր): Իրեն միխթարում էր նրանով, որ նյութական կորուստներ չունեցավ: Սպանում էր նրանով, թե կդատեն ամենախիստ ձևով (միջոցի խնդիր): Արդարացվեց նրանով, որ ի վերջո ճանաչեց իրեն (սերգործող խնդիր): Դա լավ է այն բանով, որ վերա-

⁶ Գ.Գարեգինյան, Շաղկապները ժամանակակից հայերենում, Եր., 1963, էջ 194:

կանգնեց իր վարկը (սահմանափակման խնդիր): Մեր գործի հաջողությունը կախված է նրանից, թե ինչքան լուրջ ենք վերաբերվում դրան (պատճառի պարագա):

Հայն տարածում ունեն այն մեկնական, բացատրական երկրորդական նախադասությունները, որոնք՝ ա) այն, այնպիսի հարաբերյալների միջնորդությամբ կապվում են գոյականների, բայանունների հետ (նշելով այս կամ այն հատկանիշը), բ) այնպես, այնքան և նման հարաբերյալներով՝ բայի հետ (արտահայտելով որպակական, քանակական հատկանիշներ): Ըստ այդմ էլ լինում են՝ ա) որոշիչ և բ) ձևի պարագա, չափ ու քանակի պարագա: Բերենք օրինակներ.

Որոշիչ երկրորդականով. Նա իր հոգում կրում է այն մեծ սարսափի, որ սեփական աշքերով տեսել է հոր սպանությունը: Նա ժպտաց այն մտքից, թե քանի տարի է այդ ծառը կանգնած է այդտեղ(ՎՍ): Նշենք, որ այս կիրառությամբ թե շաղկապը ավելի է տարածված, քան որ-ը:

Կամ՝ Այնպիսի լոռություն էր, որ մենք ակամայից սկսեցինք վախենալ: Այսպիսի կախյալ նախադասությունները արտահայտում են գերադաս բաղադրիչի որոշյալի այս կամ այն հատկանիշից բխող հետևանքը:

Չափ ու քանակի պարագա. Եվ մոտենալով այնքան հեռացնք, որ ետ կանչելու էլ բառ չմնաց (ՀՍ):

Ձեի պարագա. Նա այնպես է խոսում, որ ոչինչ չի հասկացվում: Այդ օրից այնպես էր ձևացնում, թե իբր նրան չի էլ տեսնում:

Եթե այսպիսի կապակցություններում երկրորդական նախադասության բայ-ստորովյալը արտահայտված է լինում ըղձական եղանակով, ապա ըստ բնույթի լինում է նպատակի պարագա: Օր. Այնպես է քայլում, որ չարքնացնի փոքրիկներին:

Թե շաղկապի գործածությունն այս հարաբերյալների հետ տարածված չէ:

Հաճախ կախյալ եզրը կարող է լրացնել գերադաս նախադասության չափի, ձևի պարագաներին՝ ցույց տալով նրանց արտահայտած հատկանիշ աստիճանը: Օրինակ. Այդ երաժշտությունը այնքան դյուրիչ է, որ մարդ ուզում է անընդհատ լսի (չափ ու

բանակի պարագա): Ոտքերը փոխում է այնպես կաքավաքայլ, որ կարծես ափսոսում է կոխել գետինը (ձևի պարագա):

Հաճախ որպես հարաբերյալ հանդես են գալիս դերանվանական կապակցություններ, հոլովակապային կառույցներ. այն բանից, այդ ամենից, այն բանով, այն պատճառով, այն մասին, նրա համար և այլն: Բերենք տարբեր բնույթի նախադասությունների օրինակներ:

Այն բանից, այդ ամենից և նման հարաբերյալների լրացնող անջատման խնդիր կախյալ նախադասությունները սովորաբար դառնում են անջատման, սկզբնավիրման իմաստ ունեցող բայերի լրացում: Ինչպես՝ Նա պատմությունն սկսեց այն բանից, թե ինչպես է առաջին անգամ որսի գնացել: Նա պատմությունն սկսեց այն բանից, որ առաջին անգամ է որսի գնացել:

Միշոցի խնդիր. Մայրիկին հուսադրում էին այն բանով, որ նրա որդին կենդանի է:

Վերաբերության խնդիր. Մենք խոսում ենք այն մասին, որ պետք է գուգակցել միտքն ու սիրտը: Նա պատմեց այն մասին, թե ինչպես է հանդիպել ճանապարհը կորցրած անծանոթների: Նման կառույցներում, եթե որպես երկրորդական նախադասության լրացյալ սովորաբար գործածվում են ասացական, մտածական բայեր, հարաբերյալի բացակայության դեպքում ունենում ենք ուղիղ խնդիր երկրորդական նախադասություն:

Պատճառի պարագայով. Նրանք շուտ մեկնեցին այն պատճառով, որ նախապատրաստվեն խորհրդակցությանը: Անդրանիկը մոայլվել էր նրա համար, որ հուսահատություն էր նկատվել զինվորների դեմքներին (UU):

Նպատակի պարագայով. Հանձնաժողովը կազմվել է այն նպատակով, որ ստուգի բաժնի աշխատանքները: Նրա՝ համար, որ չորանանք այստեղ, աճեցինք մենք (ՄԼ): Նրա համար հոլովական կառույցը գործածվում է նաև պատճառի պարագա երկրորդական նախադասություններում: Տարբերությունը կրկին այն է, որ նպատակի պարագա երկրորդական նախադասությունում ստորոգյալը գործածվում է բղձական եղանակով:

Ձևի պարագայով. Այդ առթիվ շատ մակերեսային դատողություն է արել մասնավորապես այն ձևով, թե աշխարհը փուչ է,

լավությունն էլ է կորչում, վաստությունն էլ: Այրել է արտասուբը, այրել է այն ձևով, որ օդի մեջ նույնիսկ հնցուն չլսվի:

Պայմանի պարագայով. Ես կզամ միայն այն պայմանով, որ դու էլ գաս:

Հիմունքի պարագայով. Նրան կհեռացնեն այն հիմունքով, որ խախտել է աշխատանքային պայմանագիրը:

Թե շաղկապի գործածությունը այս կառուցների հետ տարածված չէ:

Այսպիսով՝ բազմագործառույթ շաղկապները հարստացել ու հարստանում են բազմապիսի նշանակություններով, իմաստային բազմազան նրբերանգներով՝ արտահայտելով արդի հայերենի շրջանին անհրաժեշտ շարահյուսական հարաբերություններ:

Nune Khachatryan - Polyfunctional conjunctions in Modern Armenian. -Polyfunctional conjunctions retain a decisive and essential role in joining separate parts of complex sentences, shaping semantic relations and revealing their character. The article analyses application of polyfunctional subordinate conjunctions in the sphere of complex sentences.

Together with expressing their primary semantic relations, polyfunctional subordinate conjunctions also mark other relations. The semantic differentiation performed by conjunctions depends on the type and categories of connective words and word phrases, on the mood and tense forms of finite verb conjunctions they connect with.

Нуне Хачатрян - Полифункциональные союзы в современном армянском языке. - Полифункциональные союзы обладают ключевой значимостью в соединении отдельных частей сложного предложения, в оформлении семантических отношений и в выявлении характера их семантического взаимодействия. В статье анализируется применение полифункциональных подчинительных союзов в сложных предложениях.

Полифункциональные союзы, кроме передачи основных семантических отношений, также маркируют иные отношения. Их семантическая дифференциация обусловлена типом соединительными слов и словосочетаний, их категориями, временными формами и формами наклонения личных глаголов, с которыми полифункциональные союзы сочетаются.

Խաչատրյան Վալենտին
(Հայաստան, ՀՀ ԳԱԱ լեզվի ինստիտուտ)

**ՄԻԶԻՆ ՀԱՅԵՐԵՆՈՒՄ ՓՈԽԱՌՎԱԾ ԲԱՌԵՐԻ
ԳՈՐԾԱԾՈՒԹՅՈՒՆԸ ԶԵՇԱԳՐԵՐԻ 15-ՐԴ ԴԱՐԻ
ՀԻՇԱՏԱԿԱՐԱՆՆԵՐՈՒՄ**

Սույն ուսումնասիրությունը վերաբերում է ձեռագրերի 15-րդ դարի հիշատակարաններում արձանագրված այն փոխառյալ բառերին, որոնք, ըստ բառարանային տվյալների, չեն վկայվել մինչև 12-րդ դարը գրված գործերում: Դրանք որոշ վերապահությամբ կարելի են համարել միջին հայերենում կատարված փոխառություններ:

Թե՝ նախորդ դարերի և թե՝ 15-րդ դարի յուրաքանչյուր հիշատակագիր հիշատակագրության ավանդույթի համաձայն ձգտել է հետևել գրաբարյան օրինաչափությանը, սակայն հիմնականում պահպանելով գրաբարի թերականական համակարգը՝ կամա թե ակամա գրական վկայագիր են հաղորդել ժամանակի խոսակցական լեզվին կամ իրենց բարբառին հատուկ և հատկապես գրաբարին անծանոթ օտար ծագման բառերի: Սակալ են այն հիշատակարանները, որոնք գրված են միջին հայերենով: Եղածներն ել մեկ-երկու նախադասությունից են բաղկացած: Ուղղակի պէտք է նկատել, որ գրաբարով գրված որոշ հիշատակարաններում մեծ չափերի են հասնում միջինհայերենյան իրողությունները: Ընդ որում՝ կանոնավոր կրթություն չունեցող անհատները, որոնց ընդօրինակությամբ է ձեռագրերի զգալի մասը, գրելով մեկ կամ մի քանի նախադասությունից բաղկացած հիշատակարաններ՝ առավել հաճախ են գործածել իրենց կենցաղ ներթափանցած և հարազատ դարձած օտար բառեր, մինչեռ ուսայալ հիշատակագիրները՝ հայ գրականության և մշակույթի կարկառուն ներկայացուցիչներ, հոգևոր տարբեր աստիճաններ ունեցող անհատներ, վարդապետներ և այլք, ի տարբերություն նախորդների, գրել են ստվարածավալ հիշատակարաններ և գրաբարի հետևողությամբ հնարավորինս զերծ մնացել նման բառերից: Այսպիսով, գրաբարին անծանոթ օտար բառերը, գործածված լինելով բարբառներում, մեծ մասամբ գրաբար չիմացող բարբառախոսների միջոցով են մուտքագրվել հիշատակարաններ:

Պետք է նկատի առնել նաև, որ փոխառությունների մեջ առանձին խումբ են կազմում այն բառերը, որոնք վերաբերում են փոխատու լեզվի մշակութային, կենցաղային զանազան հասկացություններին: Դրանք ազգային տիտղոսներ, կոչումներ, դրամական միավորներ և նույնաբնույթ այլ իրողություններ նշանակող բառերն են, որոնք հայ լեզվաբանության մեջ հայտնի են «Եկողութիկ բառեր» կամ «տարաշխարհիկ բառեր»¹ տերմինով: Բնականաբար, ի տարբերություն օտար ծագման այլ բառերի, որոնք ունեն գրական համարժեքներ, վերջիններիս գործածությունը անխուսափելի է: Ահա օրինակ. *սոմ* - թուրք. *soma* < իտալ. *դրամական միավոր*. «Ետուն վանացս սուրբ Անտոնի Ճ սոմ» (Ա. 414):

Եթե արդի հայերենի համար հստակ տարբերակելի են փոխառություն և օտարաբանություն հասկացությունները, ապա նախորդ լեզվափուլերի համար առանձնակի դժվարություն է հարուցում այդպիսի դասակարգում կատարելը՝ մի կողմից պատկերացում չկազմելով ժամանակին այդ բառերի տարածվածության և հարազատության մասին, մյուս կողմից նկատի առնելով այն, որ դրանց ճնշող մեծամասնությունը մինչև օրս կ գործուն է հայերենի բարբառներում:

15-րդ դարի հիշատակարաններում արձանագրված փոխառությունները հիմնականում արաբերեն, պարսկերեն և թուրքերեն բառեր են: Շատերը միաժամանակ հատուկ են եղել հիշյալ երեք լեզուներին և, ինչպես և կիֆաստենք ստորև: Սա է պատճառը, որ բառարաններում որոշակի հստակություն չկա նշյալ լեզուներից որևէ մեկից փոխառյալ լինելու առումով:

Քանի որ հայ գրավոր մշակույթը դարեր շարունակ հիմնականում պատմագիտական և կրոնակելեկեցական բովանդակություն է ունեցել, հետևաբար ժողովրդի կենցաղն ու նիստուկացը ներկայացնող բազում բառեր, այդ թվում դրանց՝ ժամանակին լայն տարածում գտած օտար համարժեքները չեն գրառվել: Այդ բացը մասամբ լրացվում է հիշատակարանների շնորհիվ, որոնցում գրիշները հաղորդում են կենցաղային մանրամասներ: Բառարանային տվյալների համաձայն՝ ստորև բերվող փոխառությունների գերակշիռ մասի

¹Տե՛ս Ֆ. Խլդարյան, Ժամանակակից հայոց լեզու, Ա մաս, Ե., 2009, էջ 192:

միակ վկայությունները ձեռագրերի հիշատակարաններից են:

Հիշատակագրությունների ժամանակագրական ընթացքին հետևելով՝ կարելի է նկատել, որ աստիճանաբար առավել մեծ շափերի է հասնում բարբառային-խոսակցական, դրանց մեջ նաև օտար բառերի գործածությունը: Դա մի կողմից պայմանավորված է նրանով, որ հետազոյում մասսամբ խախտվել է հիշատակագրության մեջ լեզվական բանաձևերի ու կաղապարների պահպանման դարավոր ավանդույթը, իսկ մյուս կողմից, ինչպես և նկատել է է. Մկրտչյանը, մինչ 14-15-րդ դարերը «Որևէ մեկին հիշելու կամ ինչ-որ մեկի հիշատակին նվիրաբերելու մասին չափազանց քիչ է նշվում, իսկ սովորական, առօրյա դեպքերի մասին ոչ մի խոսք չի ասվում»²: Մինչդեռ 15-րդ դարերի հիշատակարաններում ընդունված են դրանք, որոնք և պայմանավորել են առօրյա խոսակցության մեջ գործածվող օտար բառերի մուտքը:

15-րդ դարի հիշատակարաններում վկայված օտար բառերն ընդհանուր առմամբ ՆՀԲ-ում³ արձանագրված չեն: Իսկ եղած մի քանի օրինակներն ել այլ գործերի նշագրմամբ են: Հայտնի է, որ բառարանագիրներն օգտագործել են հիշատակարանների բառանյութը, բայց, ինչպես և նկատվում է, ոչ ըստ ամենայնի հատկապես չեն արձանագրվել օտար բառերը: Վերջիններս հիմնականում տեղ են գտել ԱՀԲ-ում⁴:

Հիշյալ դարի հիշատակարանները Լ. Խաչիկյանի շանքերով հրատարակվել են երեք հատորով⁵: Յուրաքանչյուրի վերջնամասում համապատասխանաբար տրվել են գործածություն գտած օտար բառերի ցանկեր, սակայն ոչ միայն դրանցում ընդգրկված չեն բոլոր օրինակները (օր.՝ *մօհր* - պարսկ. «կնիք», Գ 137), այլև շատերի բացատրությունը, ինչպես և կարելի է նկատել, խարսխված չէ զիտա-

² Տե՛ս Է. Մկրտչյան, *Աշխարհաբարի տարրերը միջնադարի գրական հուշարձաններում*, Ե., 1980, էջ 63:

³ Գ. Աւետիքեան, Խ. Սիմեոնեան, Մ. Աւգերեան, *Նոր բառզիդր հայկագեան լեզուի* (այսուհետև՝ ՆՀԲ), Վենետիկ, 1836-1837:

⁴ Ռ. Ղազարյան, Հ. Ավետիքյան, Միջին հայերենի բառարան (այսուհետև՝ ԱՀԲ), Ե., 2009:

⁵ ԺԵ դարի հայերեն ձեռագրերի հիշատակարաններ, կազմ. Լ. Խաչիկյան, մասն Ա, Ե., 1955, մասն Բ, Ե., 1958, մասն Գ, Ե., 1967:

կան հիմքերին՝ շատ դեպքերում հենված լինելով կոնտեքստից բխեցրած ենթադրությունների վրա (օր.՝ *յառաք* - արաք. «ուշադիր» (Բ 115), մինչդեռ ՍՀԲ-ն բացատրում է «դեղագործ»՝ որպես բնագրային վկայություն բերելով լոկ հիշյալ օրինակը):

Հիշատակագրողները, անդրադառնալով տվյալ ժամանակաշրջանի պատմական իրադարձություններին, կառավարման գործընթացին, կրոնական կեղեցական համակարգին, իրավական, շուկայական փոխարարքերություններին և այլ բնագավառների, կիրառել են համապատասխան իմաստային դաշտերին բնորոշ օտար անվանումներ:

Ուսումնասիրությունը ցույց է տալիս, որ հիշատակարաններում գործածված փոխառյալ բառապաշարում զգալի թիվ են կազմում հատկապես անձնանիշ բառերը: Դա պայմանավորված է նրանով, որ հիշատակագիրները նշել են թե՛ իրենց պաշտոնը կամ զբաղմունքը և թե՛ իրենց գրեթե բոլոր մերձավորների ու տարբեր մարդկանց, որոնք որոշակի ներդրում են ունեցել այս կամ այն ձեռագիրը ձեռք բերելու գործում կամ նպաստել են զրառումներին: Այդպիսով զրական վկայություն են ստացել «պաշտոն, արհեստ, զբաղմունք, մասնագիտություն» նշանակող զանազան օտար անվանումներ: Այսպես. *աթմաքչի* - թուրք. «հացագործ, հացթուխ». «Յիշեցէք ի Քրիստոս և աստուած-ողբրմի ասացէք զվերջին ստացող սուրբ Աւետարանիս՝ *աթմաքչի* մղտեսի Յոհաննի» (Գ 520). ՍՀԲ-ում տրված բնագրային երկու վկայություններից մեկը հիշյալ օրինակն է, իսկ մյուսը 17-րդ դարի հիշատակարանից է, *նադարամի* - պարսկ. «նադարա նվազող, դափահար, թմբկահար». «Քրիստոս աստուած քն Միսանգամ զալլաստեանդ յիշեայ զստացող սուրբ Աւետարանիս զէլմելիքն և զկողակիցն իւր զ նադարամի Ամինատինն» (Գ 104), *ճառահպաշի* - արաք., թուրք. «վիրաբուժապետ». «Կատարեցաւ Բժշկարանս կամօք պարոն Ռամատան ճառահպաշիին» (Գ 13), *պօստանճիպաշի* - թուրք. «պետական բարձր պաշտոնյա». «Եւ զիս՝ զանարժան ծառայս ճառահպաշի համ պօստանճիպաշի յիշեցէք ի տէր» (Գ 13), *բարդար* - պարսկ. «հանձնարարություն կատարող, իրագործող (անձ)». «Եւ դարձեալ անդրէն բարդար յըլքրկեցին ալեկոնձեալ երկիրս Արճիշոյ» (Գ 257), *մուրքիի*. «Եւ զայլ աշխատատրք վանացս՝ զտնտես Պապն, զմուրքիի Աբրահամն և զայլսն, Աստուած

նոցա աշխատանացն վարձս հատուցանէ» (Գ 82). բառը վկայված է ՍՀԲ-ում և բացատրված «ոտքի վրա ծառայող, տարբեր հանձնարարություններ կատարող սպասավոր», սակայն ծագումը նշված չէ, ՀԱԲ-ում⁶ տրված է մոլորդիկ տարբերակը՝ բացատրվելով՝ «խոհարի օգնական, որ է մոխիր բափող, թոնիր մաքրող ու վառող, ջուր բերող ևն անձը», այնուհետև մեկ բնագրային օրինակ է բերվել, որում, սակայն, պարզ չէ տվյալ նշանակությունը: Որպես հիմնավորում վերը նշված իմաստին վկայվել է հետևյալը. «Բառիս իմաստը տալիս է գու. – Երև. մոլորդիկ, մքրուկ՝ նոյն նշ.», ապա և հավելվել. «Հաստ այսմ անստոյզ է Քաջունի, հու. Գ. 170 մոլորդիկ «իշապան»: Համաձայն ՀԱԲ-ի⁷ բառն արաբական ծագում ունի և նշանակում է. «զրաստ, զրաստավար (Էշ, ջորի քշող)» (արաբ. տազերիկ), ուստի և. «Ճիշտ չէ Աճառյանը (ՀԱԲ, 3, 365), որ «անստոյզ» է համարում Քաջունու բացատրությունը՝ մոլորդիկ «իշապան», Էշպաշի – քուրք. «Նահանգապալետ» (Գ 19), քամդաշի – պարսկ. «հարկեր գանձող, հարկային վերակացու» (Գ 11) ևն:

Ապրուստի միջոց չունենալու, ունեցվածքը կորցնելու, կողոպնուստի ենթարկվելու, տարբեր միջոցներով ձեռագիր ձեռք բերելու, իրենց, հարազատներին ու մերձավորներին որպես բարի հիշատակ և Աստծու ողորմությանն արժանանալու համար եկեղեցիներին նվիրատվություն անելու մասին շարադրանքը նախապայման է հանդիսացել գրական վկայություն հաղորդելու «ունեցվածք, ապրուստի միջոց, գույք» նշանակող օտար բառերի, ինչպես. ըռզակ – արաբ. «ապրանք, ինչը, հարստություն, պաշար». «Եւ քաղաքացիք ամէն թողաք զտուն և ըռզակ» (Բ 274), «...զնեցի իմ հալալ ըռզակովն զտուրք Աւետ/արանս/ յիշատակ ինձ, և կենակցին իմոյ Խասկանն» (Գ 128), մոլուք – արաբ. «անշարժ գույք, կալվածք, սեփականություն». «Ես՝ Թաճդին, Հասանի որդիս, զնեցի զջաղացն Շամօյէն՝ հայի և տաճկի վկայութեամբ, և բնական մոլուք տուի սուրբ Յովանիսին, ինձ բարի յիշատակ, և իմ ծնողաց....» (Ա 475), նաև՝ Ա. 109, Ա. 582 ևն, ֆարզիանդայ – պարսկ. «եկեղեցուն օգտագործման համար տրված գույք». «Ու որ հակառակէ յետ իմ անցման...դաւէ ու տալապ անէ՝

⁶Հ. Աճառեան, Հայերէն արմատական բառարան (այսուհետև՝ ՀԱԲ), Ե., 1971-1979:

⁷Գ. Զահուկյան, Հայերէն սոուզարանական բառարան, 2010:

յեկեղեցոյ ֆարզհանդէն հանէ ու ցրէ՝ նա զանէծք օձին և զԿայենին, զՅուղային և զՆեռան առցէ» (Գ 137), *սաղվաթ* – ըստ ՍՀԲ-ի՝ թուրք. sevkiyat < արաբ. «առաքում, ուղարկում, փոխադրում». «...եւ բերին տալիքն ընդ սաղվաթ ընդ ամեն խարճ, մինչև Բասենու սինօն՝ զան որ պիտ առնուն՝ զան յիստակ գրեն» (Ա 345). այն նաև արձանագրված է ՀԼԲԲ-ում⁸ և բացատրված է «հեռու տեղից բերված նվեր», *շուրջրանայ* – արաբ., պարսկ. «Չնորհակալության փոխարեն վարձատրություն». «Եւ առի շուրջրանայ գրոց ԲՌ դահեկան» (Ա 15), *ամանայթ* – արաբ. «ավանդ, պահ տրված իր» (Գ 132), *արմաղան* – պարսկ. «Նվեր, ընծա հատկապես հեռու տեղից բերված» (Գ 10), *նաֆաղայ* – արաբ. «ապրուստ, կենսամիջոց, ուտեստ» (Ա 626), *խազինայ* – արաբ., պարսկ. «զանձ, հարստություն» (Բ 443, Բ 444) ևն: Հիշատակարաններում լայնորեն գործածվել է *ոխզ* (Ա 580 ևն) բառը, որը նշանակում է «կրոնական հաստատությանը՝ եկեղեցուն նվիրված անշարժ կալվածք՝ գույք՝ առարկա»: Ուսումնասիրված հիշատակարաններում տեղ են գտել նաև վերջինիս հետևյալ հնչյունական տարբերակները՝ *ոխք* (Բ 405, Գ 136), *ողք* (Ա 528), *ողբ* (Ա 345), *վախն* (Ա 449), *վախմ* (Գ 130), *վաղք* (Բ 49), *ողք* (Ա 402)(< արաբ., պարսկ. vaqf, vaqf):

Պատերազմական իրավիճակում ապրող, պաշարման, գերեւարության ու դաժան հարկահանության ենթարկվող սովոր ու տառապյալ հիշատակազիրները չեն կարող անհաղորդ մնալ ողբալի իրականությանը և մեզ չափանիկ պատմական կարևոր տեղեկություններ ժամանակի իրադարձությունների և դրանց աղետալի հետևանքների մասին: Ահա և այդպիսի նկարագրությունները ուղեկցվել են համապատասխան օտար բառերի կիրառմամբ: Այսպես, *խսար // հիսար* – արաբ. «բերդի, քաղաքի պաշարում» (Ա 344), *իլդար* – պարսկ. «ասպատակ, արշավանք, հարձակում» (Ա 461), *սուրկուն* – թուրք. «աքսոր, տարագրություն» (Բ 389), *խաղի // ետղի* – արաբ. «թշնամի, ապատամբ» (Գ 96, Գ 236), *շիւան* – պարսկ. «ողբ, սուզ». «Զանքաւ կոծս և զուզս և զաղիողորմ շիւան լալոցն ով կարէ պատմել և ընդ գրով արկանել» (Բ 39), *դազայ* – արաբ. «աղետ,

⁸ Հայոց լեզվի բարբառային բառարան (այսուհետև՝ ՀԼԲԲ), Հր. Աճառյանի անվան լեզվի ինստիտուտ, Ե., 2012:

փորձանք, չարիք»: «Ի թվականիս Հայոց ԶԼՇ., յաւուրքն, որ զԲաղէշ դազայ կանէր քուրդ» (Գ 98), նաև՝ Ա 280, Գ 81 ևն. բառն արձանագրված է նաև ՀԼԲԲ-ում՝ Կր., Մշ., Սս. բարբառների նշումով, փիատայ - պարսկ., թուրք. «հետևակ»: «Եւ ած ի վերայ տաճիկ մի փիատայ, և փախստական արարեալ զկրօնաւորք» (Գ 259) ևն:

Մեկ այլ խոսմբ են կազմում պետական, իրավական ոլորտը ներկայացնող փոխառությունները. *ասախ* - թաթար., պարսկ. «օրենք» (Ա 282), *հուրմ* - արար., պարսկ., թուրք. «հրաման»: «Ասախ արար, հուրմ և հրաման ոչ կոտորել զամենեսեան» (Ա 282), *խրէր* // *խրէք* - արար. «վճիռ, որոշում, կարգադրություն, դատավճիռ» (Ա 28, Ա 445, Բ 12), *դամդայ* // *թամդէ* - պարսկ., թուրք. «մարս, մարսաւորք, առևտրաարդյունաբերական հարկ»: «Եւ այլ եկեղեցեացն ձիքազին տուինք դամդին փոխան» (Գ 11), «Որ զձկան թամդէն և զընկուզի բաղլեցին» (Բ 404) ևն:

Ամիրդովլար Ամասիացին «Ուսումն բժշկութեան» աշխատության հիշատակարանում ակամա անդրադարձել է բժշկությանն ու դեղագործությանը վերաբերող մի քանի տերմինների: Նախ բժշկարան կամ մի շարք հիշատակարաններում շրջանառվող *հերիմարան* բառի փոխարեն գործածել է նշալ իմաստն ունեցող ախրապատին արարական բառը, այնուհետև ներկայացրել նշված բնագավառին վերաբերող նույնապես արարական ծագում ունեցող հետևյալ օրինակները՝ *յառար* - արար. «դեղագործ» (Բ 115), *յաշեապ* - արար. «բուսաբան» (Բ 115), *թարքիազ* - բաղադրյալ «դեղեր պատրաստելու եղանակները» (Բ 116, Բ 286), արար., պարսկ., թուրք.՝ *մուֆրատար* // *մուֆատաթ* // *մֆուրատաթ* - «դեղագիտություն»: «ի Ախրապատին առանց մուֆատաթի չի լինար» (Բ 115), ըստ երևույթին՝ տրված տարբերակային ձևերն առկա են միևնույն հիշատակարանում, որտեղից էլ ամրագրվել են ՄՀԲ-ում:

Հիշատակարաններում, բնականաբար, տեղ են գտել նաև առօրյա երևույթներ, փոխարաբերություններ և տարբեր հատկանիշներ անվանող փոխառություններ, որոնք հասուլ են նշված ժամանակաշրջանի ժողովրդախոսակցական լեզվին և բարբառներին: Այսպես՝ *խալապաս* - արար. «վեճ, վիճաբանություն» (Գ 399), *դաւէ* // *դաւի* - արար. «վեճ, վիճաբանություն» (Ա 8, Ա 22, Բ 329, Գ 361 ևն), որից և՝ *դաւեքար* - պարսկ. «զանգատավոր, պահանջաւեր».

«Այսօրէ յետ աւետարանիս ոչ ով դաւեքար չելնի, ոչ իմոց, և ոչ օտարաց» (Ա 422), *զահմաթ* – արաք. «նեղություն, դժվարություն, հոգս» (Ա 386, Ա 548, Ա 607 ևն), *դաստէ // դաստայ* – պարսկ. «մի ձեռք, կապ, կապոց, փարեթ» (Բ 34, Գ 119), *պէտար* – պարսկ., թուրք. «վատթար» (Գ 115), *ապշահ* – արաք. «հիմար, ապուշ» (Ա 145), *ջուխտ*, *ջուխտակ* – արաք. «զույգ» (Բ 87, Բ 215), *ջուխտակ* ու *ֆրու* – արաք. «զույգ ու կենսո» (Ա 129), *քուլճայ* – արաք., թուրք. «զուտ, անխառն, մաքուր» (Ա 629), *մախմուր* – արաք. «զինով, հարրած, խումար» (Գ 417), *մաշխուլ // մաժուլ* – արաք. «զբաղված, զբավված» (Բ 80, Գ 486), *բախիլ* – արաք., պարսկ. «նախանձուտ, ժլատ» (Ա 285), *նաղու* – արաք. «կանխիկ» (Բ 67), *մալուլ* – արաք. «տիխուր» (Գ 521), *մասքուր* – արաք. «պարկեշտ, մաքրաբարո, անարատ» (Գ 129), *մահրում // մահրամ* – արաք. «զրկված» (Ա 363, Բ 249, Գ 71), *ջումլայ* – արաք., պարսկ. «զումար, ամբողջը» (Գ 329). այս բառն արձանագրված է նաև ՀԱԲ-ում, որտեղ նշված է. «հնապէս մէկ անզամ գործածել է Կոնկու. հրտր. Էմինի..., յետին հայերէնի մէջ աւելի սովորական է». Աճառյանի զրառումից պետք է հետևություն անել, որ այն ավելի վաղ ավանդված բառ է, ուստի չպետք է տրվեր ՄՀԲ-ում, չնայած որ մեզ հայտնի չէ, թե ինչու են այդկերպ վարվել վերջինիս հեղինակները: Ակնհայտորեն *ջումլայ* բառը կապված է արդի հայ բարբառներում գործածվող ցումրա «ամբողջը, ամբողջությամբ, առատորեն» բառի հետ, սակայն վերջինս անզամ ՀՀԲ-ում վկայված չէ:

Առկա են նաև այլ լեզուներից փոխառյալ հետևյալ բառեր՝ *ֆրու* – հտալ. fra < լատ. frater «հոգևոր եղբայր (ունիտորական միաբաններին տրված կոչում)» (Ա 16, Գ 15), *սինօռ* – հուն. «սահման, սահմանագիծ» (Ա 345):

Սի խումբ փոխառյալ բառեր մասնակցել են բառակազմությանը. դա վկայում է նշյալների՝ ժողովրդախոսակցական լեզվի մէջ տարածվածության մասին: Հատկապէս մեծ թվով են ներկայանում օտար արմատներից բայական վերջավորությունների միջոցով և բայերի հարադրությամբ կազմված համադրական և հարադրական բայերը: Ահա օրինակներ՝ համադրական բայեր՝ *հսարել // խսարել // հեսարել* – «պաշարել» (< արաք., Ա 287, Ա 515 ևն), *մլքել* – «տիրել, սեփականացնել» (< արաք., թուրք., պարսկ., Ա 376), *բաղել* – «անվավեր դարձնել, չեղյալ համարել» (< արաք., Բ 405), *պարիշիլ* –

«հաշտվել» (<թուրք., Գ 237), *խաղոիլ* – «սխալվել» (<արաբ., Գ 359), *խարջել // խարճել* – ծախսել (<արաբ., պարսկ., Գ 403, Ա 632) ևն, հարադրական բայեր՝ *խաս առնել* – «որևէ կալվածք ենթակա դարձնել արքունիքին» (<արաբ., պարսկ., Ա 337), *քարիսան առնել* - «հարկերից ազատել» (<պարսկ., Ա 337). «Յոյժ ողորմած էր ազգիս Հայոց, ևս առաւել մեր գեղիս Ազուլեաց, իւր խաս արար, և մէկ տարի քարիսան արար» (Ա 337), *բժջւմալ առնել* - «բնազրավել պետական գանձատան օգտին» (<արաբ., պարսկ., Գ 293), *սապապ լինել* - «պատճառ դառնալ» (<արաբ., պարսկ., Ա 402), *տամահ անել* – «աչք ունենալ մի բանի վրա, փափագել» (<արաբ., պարսկ., թուրք., Բ 277), *բունիաթ դնել* – «հիմնադրել, սահմանել» (<պարսկ., Ա 566), *ջապիր կտրել* – «պարսպել, պարիսպ քաշել» (<պարսկ., Գ 236). նույնական ծագում ունի հայերենի բարբառներում տարածված *չափար բառի հետ*, որն ամրազրաված է ՀՀԲ-ում, *սայար լինել* – «սատար լինել», նպաստել (<պարսկ. saye, Գ 339), *տաղապ անել* – «պահանջել, ցանկանալ» (<արաբ., Գ 137), *մուրատ տալ* – «փղձը կատարել» (արաբ., պարսկ., թուրք., Գ 81) ևն: Այնուհետև նկատվում են հետեւյալ կազմությունները՝

Ան՝ անասախ - «անօրեն, անիրավ» (< թաթար., թուրք., Ա 281), *անմըրրաթ* – «անզութ» (<արաբ., Ա 282). զործածվել է նաև նույնի օտար նախածանցով կազմությունը՝ *պէմրապ* – պարսկ. «անզութ» (Գ 538), *անշաղաւաթ* – «անսիրտ, անխիղդ, դաժան» (<արաբ., պարսկ., Ա 282), *անսլեհ* – «անզեն» (<արաբ., Բ 169):

-ՈՒրիս՝ թասպութիւն – «մոլեռանդություն, անհանդուրդություն» (<արաբ.,

Ա 353, Գ 109), *տամահութիւն* – «ազահություն, ընշարադցություն» (<արաբ., թուրք., պարսկ., Ա 345), *դարաշութիւն* – «զրայարտություն, սուս մեղադրանք» (<թուրք., Գ 137) ևն:

Բառարդում՝ *հասրաթ բարից՝ հասրաթամեռ // հասրաթամահ* «կարոտից մեռած, կարոտամեռ» (<արաբ., պարսկ., թուրք., Բ 6, Բ 235, Գ 142, Գ 255):

Աննշայ բառը կազմված է *ան-* ԺԱՏԱԿԱՆ նախածանցով և *նշայ* բառով, որն արաբական փոխառություն է և նշանակում է «օսլա»: Վերջինից կազմվել է նաև *նշայել* «օսլայել», որն արձանագրվել է թէ՝ նախորդ դարերի և թէ՝ 15-րդ դարի հիշատակարաններում (Բ

418, գ 339): *Նշայ և նշայել* բառերը նշված բացատրություններով և բնազրային համապատասխան վկայություններով արտացոլվել են նաև ՄՀԲ-ում: Մինչդեռ աննշայ բառը վերջինում բացատրվել է «անպետք, անորակ»՝ ենթադրությունից. «Այս թուղթս և մեկ այլն աննշայ է, զինչ օգուտ է զրելն» (Բ 114): Ընդ որում՝ վերջինիս մեկ գործածություն է առկա է 13-րդ դարի հիշատակարաններից մեկում. «Խոշորութեան զրոյս չմեղադրել, զի թուխթս յաննշա է»⁹: Ինչպես ակնհայտ է, ՄՀԲ-ի բացատրությունը սխալ է՝ հենված կոնտեքստից բխող մոտավոր բացատրության վրա:

Դիտարկված փոխարժեալ բառերի, համաձայն ՄՀԲ-ի, գերակշիռ մասով տվյալ ժամանակաշրջանի համար եզակի վկայություններ են: Վերջիններս եթե ոչ այդ շրջանում, ապա հետագայում լայնորեն կիրառվել և ամրակայվել են այս կամ այն բարբառում, ուստի և արձանագրված են ՀՀԲ-ում: Շատերն առանձնակի հարազատությամբ գործածվում են նաև առօրյա խոսակցական լեզվում: Փասոռեն հիշատակարանները մեծ կարևորություն ունեն նաև օտար բառերի մուտքը, տարածվածությունը համապատասխան ժամանակային կտրվածքով պարզելու առումով: Այսպիսի ուսումնասիրությունները, անշուշտ, լույս կափուն հայոց լեզվի պատմության մի շարք կարևոր հարցերի վրա:

Хачатрян Валентин -Использование заимствованных слов в средне-армянском языке в колофонах 15-го века.- В статье рассматривались те заимствованные слова в колофонах 15-го века, которые согласно словарям были письменно зафиксированы в средноармянском языке. Последние были классифицированы по значениям, а также был произведен анализ отдельных единиц.

Khachatryan Valentin -The Usage of Loan Words in Middle Armenian in the Handwritten Colophons of the 15th Centaury. - In this article there have been discussed the loan words used in the handwritten colophons which have been considered as literary words due to the dates of dictionaries. There have been done the semantic classification and analyzing of separate units.

⁹ Տե՛ս Հայերեն ձեռագրերի հիշատակարաններ (ԺԳ դար), կազմ. Ս. Մաթևոսյան, Ե., 1984, էջ 377:

Կատվալյան Վիկտոր (Հայաստան,
ԳԱԱ լեզվի ինստիտուտ)

ԲԱՅԱԶԵՏԻ ԲԱՐԲԱՌՈՒՄ ԲԱՌԱՍՎՈԲԻ ԲԱՂԱՋԱՑՆԱԿԱՆ
ՀԱԶՈՐԴԱԿԱՍՈՒԹՅՈՒՆՆԵՐԻ ՄԱՍԻՆ

Հայերենի բարբառներում հպական ու հպաշփական բաղաձայնները ըստ ձայնի և աղմուկի հարաբերության ունենում են համակարգային տարբեր դրսնորումներ, ինչը և հիմք է դարձել բարբառների հնյունաբանական դասակարգման¹: Բայազետի բարբառն ունի բառաստիճան համակարգ՝ բ, բ, պ, փ, ընդ որում՝ այդ համակարգը տարբեր կերպ է դրսնորվում բարբառի հինհայերենյան և նոր բառաշերտերում: Եթե հինհայերենյան բառաշերտի² բառասկզբում բացակայում են պարզ ձայնեղները, և հանդես են զալիս շնչեղ ձայնեղներ (բ, գ, դ, ձ, ջ), ապա նոր բառապաշարում ընդհանրապես բացակայում են շնչեղ ձայնեղները, և բառասկզբում հանդես են զալիս պարզ ձայնեղներ (բ, գ, դ, ձ, ջ): Դրսնորումների տարբերություններ կան նաև բառամիջում ու բառավերջում: Բայց առավել հետաքրքրական է, որ հպականների ու հպաշփականների համակարգը Բայազետի բարբառի բառասկզբում հանդես է բերում նաև զուգորդելիության յուրահատկություններ, այսինքն՝ բառասկզբի (հասկանալի է, որ խոսքը վերաբերում է նաև միավանկ բառերին) հպական կամ հպաշփական որևէ բաղաձայնի միշտ չէ, որ կարող է հաջորդել նոյն կարգի ցանկացած այլ բաղաձայն³: Այդ օրինաչափությունները տարբեր են հինհայերենյան և նոր բառաշերտերում:

Ըստ այդմ՝ Բայազետի բարբառի հինհայերենյան բառաշերտում զործառում են բառասկզբում հպական ու հպաշփական բաղաձայնների զուգորդման հետևյալ օրինաչափությունները.

¹ Տե՛ս Ա. Ղարիբյան, Հայ բարբառազիտուրյուն, Ե., 1953, էջ 57-62, 120-131:

² Հինհայերենյան արմատներով ձևավորված բարբառային բառերը ևս վերագրում ենք այս բառաշերտին:

³ Բառասկզբի հպական կամ հպաշփական երկու բաղաձայնների միջև հանդես եկող ձայնափորը որևէ դեռ չունի զուգորդելիության օրինաչափությունների ձևավորման զործում:

ա) Բառասկզբի շնչեղ ձայնեղ բաղաձայններին որպես կանոն հաջորդում են շնչեղ խով հպականներ ու հպաշփականներ (բաց, բոց, բութ, բութ, գաթա, գացի, գութան, ձութ, ձեթ): Ձայննեղներն այս դիրքում բացառված են: Այստեղ նախնական ձայննեղներն ել են շնչեղ խլացել, ինչպես՝ բափէլական (բաբէլական), գագաթն, գոք (գոզ), գօթի (գողի), դարար (դադար), դըռում (դդում), ձար (ձագ), ձիթ (ձիգ), շոչ (շոջ), գըթալ (գդալ): Այն, որ բարբառումս բառասկզբի շնչեղ ձայննեղին չի կարող հաջորդել ձայնեղ հպական կամ հպաշփական, հավաստվում է ոչ միայն օրինակների բացակայությամբ, այլ նաև հնչյունափոխական հակադարձ իրողության առկայությամբ: Այսպես, զիտէնալ բայր բարբառումս պետք է դրսենորվեր շնչեղ ձայնեղ գիտուն ունեցող ձևով, մանավանդ որ նույն արմատով ունենք զիտունիկ բառը: Սակայն բառամիջի է ձայնավորի անկումով տ – ն հայտնվել է ն – ի հարեանությամբ և բարբառումս գործող օրինաչափությամբ ձայննեղացել, և որպեսզի չձևավորվի անհամատեղելի հաջորդականություն (շնչեղ ձայնեղ հպական – ձայնեղ հպական), նախորդ բաղաձայնը վերածվել է պարզ ձայնեղի (զիտէնալ > զիտնալ > զիդնալ), ու չնայած այնուհետև տեղի է ունեցել նաև ն – ի անկում, բաղաձայնական հաջորդականությունը պահպանել է իր ձեռք բերած որակը զիդալ:

Շնչեղ ձայննեղներին բարբառում սակավ դեպքերում են հաջորդում պարզ խովեր (բափ, թեք, թթթու, թիթթոնեկ, թոք, թութ, թութանկ, չափ, ցեց, ցից, փափուկ, փերանկ, փըթիր, փըթթել, փըցել, թիթ, թիչ, թեփ և այլն): Այս դիրքում պարզ խովեր շատ քիչ են հանդիպում (փատրտել, թիկունք, քած, քըծիր), մանավանդ որ նախնական խովերը հիմնականում ձայննեղացել են (ցածըր, փագ, փեղ, փիդել, փիդու, փըդել):

բ) Բառասկզբի շնչեղ խովերին նույնպես որպես կանոն հաջորդում են շնչեղ խովեր (թափ, թեք, թթթու, թիթթոնեկ, թոք, թութ, թութանկ, չափ, ցեց, ցից, փափուկ, փերանկ, փըթթել, փըցել, թիթ, թիչ, թեփ և այլն): Այս դիրքում պարզ խովեր շատ քիչ են հանդիպում (փատրտել, թիկունք, քած, քըծիր), մանավանդ որ նախնական խովերը հիմնականում ձայննեղացել են (ցածըր, փագ, փեղ, փիդել, փիդու, փըդել):

զ) Բառասկզբի պարզ խովերին առավել հաճախ հաջորդում են նույն կարգի բաղաձայններ (ծանկ, ծեծել, ծիճընեկ, ծըպկ, կանուղ, կէծակ, կանպիկ, կանտու, կըճեփ, կօճակ, կուտ, կըպել, կըտուր, ճանկար, ճիպոր, ճըկութ, ճիճու, ճուտ, պանկաս, պանընձվել, պանառ,

պըտի, տակ, տապկել, տիկ և այլն): Ավելի քիչ են այն դեպքերը, եթե հաջորդող բաղաձայնի դերում շնչեղ խովեր են (ծափ, ծեփ, ծոց, կար, կաքավ, կըթան, կոթ, ճոթ, ճըշալ, ճութ, տափակ, տըփել, տըքալ, ճըփալ, կութ): Սակավ բառերի այս դիրքի նախնական ձայնեղները վերածվել են շնչեղ խովերի (պաքել, տէքըր, ծեք, ճընավոր), և այդպիսով այս դիրքում ևս նախնական ձայնեղները բացառվել են: Սակայն ձայնեղացման հետագա գործընթացը ընդգրկել է նաև այս դիրքի խովերը որոշ բառերում (ծըլաղ, կաղղել, ճըբըղվել, ճըբուր, պաղայել, պաղղուել, պաղասխան, պաղարար):

Այսպիսով, հինհայերենյան բառաշերտում բառասկզբի շնչեղ ձայնեղ և շնչեղ խով հպականներին ու հպաշփականներին որպես կանոն հաջորդում են շնչեղ խով բաղաձայներ, իսկ պարզ խովերին՝ պարզ խովեր: Շնչեղ ձայնեղներին պարզ ձայնեղներ հաջորդել չեն կարող, շնչեղ խովերին և խովերին ձայնեղներ հաջորդում են նախկին խովերի ձայնեղացման արդյունքում: Շնչեղ ձայնեղներին ու շնչեղ խովերին պարզ խովեր սակավ են հաջորդում, ավելի շատ են այն դեպքերը, եթե պարզ խովերին հաջորդում են շնչեղ խովեր: Այլ կերպ ասած օրինաշափ են հետևյալ հաջորդականությունները շնչեղ ձայնեղ+շնչեղ խով (քաց), շնչեղ խով+շնչեղ խով (թափ), պարզ խով+պարզ խով (պատ), պարզ խով+շնչեղ խով (կար), հնչյունափոխությունների հետևանքով ձևավորված հաջորդականություններ են՝ շնչեղ խով+ձայնեղ (փազ), պարզ խով+ձայնեղ (պաղասխան): Սակավ դեպքերում իրացվող հաջորդականություններ են՝ շնչեղ ձայնեղ+պարզ խով (ձուկ), շնչեղ խով+պարզ խով (քըծիք), իսկ շնչեղ ձայնեղ+ձայնեղ հաջորդականությունը (քար) բացառված է:

Ընդհանուր առմամբ երևան է զալիս բառասկզբի դիտարկվող բաղաձայնական հաջորդականությունների ձևավորման մի օրինաշափություն, ըստ որի որպես կանոն զուգորդելի են լարվածությամբ նույնական կամ մոտ հնչյուններ⁴, կամ ավելի լարված հնչյուններին

⁴ Ա.Հ.Խաչատրյանը ըստ լարվածության հատկանիշի կատարում է բաղաձայնների այսպիսի խմբավորում. «1. Ուժեղ (լարված) խովեր պ, տ, կ, ծ, ճ, 2. թույլ ձայնեղներ ք, գ, դ, շ, Ձ, Յ. թույլ շնչեղներ՝ փ, թ, թ, թ, Ց, չ, Գ. լարված խով շփականներ՝ ֆ, ս, շ, ի, հ, Տ.

հաջորդում են պակաս լարված հնչյուններ, այլ կերպ ասած՝ ավելի սովորական է բառասկզբի բաղաձայնական հաջորդականություններում արտասանական լարվածության պահպանումը (եթե իրար հաջորդող բաղաձայնները ըստ լարվածության նույնական են) կամ նվազումը (եթե հաջորդող բաղաձայնը նվազ լարված է, քան նախորդողը), մինչդեռ լարվածության աճը (եթե հաջորդող բաղաձայնը ավելի լարված է, քան նախորդողը) անսովոր է կամ հազվադեպ: Ըստ որում՝ այդ օրինաշափությամբ կարող են բացատրվել շնչեղ ձայնեղներից հետո ձայնեղների շնչեղ խլացման, այնպես իլ խովերից ու շնչեղ խովերից հետո խովերի ձայնեղացման գործընթացները (երկու դեպքում ել տեղի է ունեցել բաղաձայնի անցում ավելի պակաս լարվածության հնչյունի՝ $\text{F} > \text{P}$, $\text{P} > \text{F}$), մանավանդ որ հակառակ գործընթացներ (շնչեղ խովերի ձայնեղացում, ձայնեղների խլացում) տեղի չեն ունեցել:

Բայազետի բարբառին պատմաաշխարհագրականորեն մերձավոր Արարատյան, Մշո, Խոյ-Մարաղայի, Վանի և Դիաղինի բարբառներից որեւէ մեկում բաղաձայնական հաջորդականությունների ձևավորման կամ հնչյունափոխական իրողությունների դրսնորման արտասանության լարվածությամբ այսպիսի պայմանավորվածություն չենք նկատում: Սակայն Բայազետի բարբառում վեր հանված իրողությունները թույլ են տալիս ավելի ընդհանրական բնույթի որոշ եզրահանգումներ կատարել:

1.Գրաբարի բառապաշարի ձայնեղ հպականներով ու հպաշփականներով սկսվող բառերի դիտարկումը⁵ ցույց է տալիս, որ բնիկ խիստ սակավաթիվ բառերում (գող /ասա/, ձագ, գեց, դադար, դեղևսեց) է երկրորդ բաղաձայնը ձայնեղ հպական կամ հպաշփական: Ըստ որում՝ դադար և դեղևսեց բառերը կրկնավորներ են՝ դար-դար⁶, դե-դե⁷: Նման հաջորդականություններ կան բնաձայնական մի բանի

թույլ ձայնեղ շփականներ՝ վ, գ, ժ, դ» (Ա.Հ.Խաչատրյան, Ժամանակակից հայերենի հնչյութաբանություն, Ե., 1988, էջ 91):

⁵ Ըստ Հ.Աճառյանի «Հայերեն արմատական բառարանի» (այսուհետ՝ ՀԱԲ) ընձեռած կյուրի:

⁶ Տե՛ս ՀԱԲ, հ. 1, էջ 610-611:

⁷ Տե՛ս նշան, էջ 645:

բառում (բարե, բաջադ, բբել, բբչալ, բջել, դղիւն)⁸, գործածական միշտը փոխառյալ (բազին, բադ, բդեշխ, զագարքն, գուբ) ու չստուգաբանված (բիբ, բջիջ, զար, զգուել, զոգ, դագադ, դդում, դեգերել ձագար, ձիգ, ջոջ) բառերում, սակայն ավելի հաճախ հանդիպում են միանգամյա կամ հազվադեպ վկայություն ունեցող փոխառյալ, անհայտ նշանակությամբ ու ծագումով, միայն մեկ երկում հանդիպող և նման այլ բառերում (բաբ, բաբայ, բաղիան, բբրօշ, բդեղ, բդուզ, բեղեկ, բիբկան, բբողոն, բոր, զարաս, զադիշ, զբայաթ, զեղդուր, զիգ, գորադին, գուբբայ, գուգ, դաբրան, դազինիծ, դգուռն, դեզան, դոդան, դուրան, ձագի, ջաբոցել և այլն): Հասկանալի է, որ բառերի վերջին խումբը որևէ կերպ չի կարող դեր խաղալ զրաբարի բառասկզբի հնչյունական հաջորդականությունների ձևավորման առանձնահատկությունները մեկնաբանելիս, սակայն բնիկ, նաև փոխառյալ ու չստուգաբանված բառերում հաջորդող ձայնեղ բաղաձայնների խիստ սակավությունը մեզ թույլ է տալիս ընդհանրություն տեսնել Բայազետի բարբարի և զրաբարի բառասկզբի հնչյունական հաջորդականությունների ձևավորման օրինաչափություններում և ընդունելի համարել այն տեսակետը, համաձայն որի՝ զրաբարի բառասկզբում գործառել են շնչեղ ձայնեղ հպականներ ու հպաշփականներ⁹, որոնցից հետո, ինչպես Բայազետի բարբառում, ձայնեղ հպականների ու հպաշփականների գործառությունը արտաքերականորեն խոշընդուռվել է:

2.2. Մուրայյանը բառամիջում ու բառավերջում հայերենի ձայնեղների շնչեղ խլացումը համարում է թերևս այլ հնչյունափոխական երևույթների մեջ ամենահինը, «...որ տեղի է ունեցել դեռևս այն ժամանակներում, երբ ձայնեղները շնչեղ արտասանություն ունեին նաև բառամիջի և բառավերջի դիրքերում»¹⁰, և այդպիսով փորձ է

⁸ Բայազետի բարբառում բնաձայնական բառերի սկզբում հանդես են գալիս պարզ ձայնեղներ, ինչպես՝ բոռալ, բոբբորալ, զըռզըռալ, դընդընալ, բըռալ, բըռբըռալ, բըլլալ և այլն:

⁹ Կարծում ենք՝ ինչպես Բայազետի բարբառում, զրաբարում ևս այս օրինաչափությունից բացառություն են կազմել ձայնարկություններն ու բնաձայնական բառերը՝ իրենց սկզբում ունենալով ձայնեղներ:

¹⁰ Տե՛ս Հ. Մուրայյան, Հայոց լեզվի պատմական բերականություն, հ. 1, Հնչյունաբանություն, Ե., 1982, էջ 299:

արվում հիմնավորելու ձայնեղների շնչեղ խլացումը՝ ենթադրվող խլացման փոխարեն: Մինչդեռ Բայազետի բարբառում մեր դիտարկած բարի արտասանության ընթացքում արտաքերական լարվածության աստիճանական նվազման օրինաչափությունը¹¹ թույլ է տալիս ենթադրել, որ հայերենի բառամիջում և բառավերջում ձայնեղների պատմականորեն շնչեղ խլացումը նույնպես կարելի է բացատրել լարվածության թուլացմամբ, եթե նկատի ունենանք, որ շնչեղ խուլերը ձայնեղների համեմատ պակաս լարված հնչյուններ են: Ուստի տվյալ դիրքերում շնչեղ խլացումը ամենաին էլ չի ենթադրում նախնական շնչեղ ձայնեղների առկայություն: Սյուս կողմից, հիշյալ օրինաչափության գործողության պայմաններում ձայնեղները չեն կարող վերածվել ավելի լարված խուլ բաղաձայնների: Այսպիսով, հայերենի բառամիջում և բառավերջում նախնական ձայնեղների պատմական փոփոխությունը և շնչեղ խուլերի վերածումը հետևանք է բարի արտասանության ընթացքում արտաքերական լարվածության աստիճանական թուլացման միտումի գործողության:

Ինչ վերաբերում է Բայազետի բարբառի նոր բառաշերտին, ապա այստեղ գործառում են հետևյալ օրինաչափությունները.

ա) Բառակզբի ձայնեղներին հաճախ հաջորդում են նոյն որակի բաղաձայններ (բարբառ, բանդկա, բաջանադ, բեզրել, բէջարել,

¹¹ Ի դեպ, արտասանության թուլացման վերաբերյալ դիտարկում ունի նաև Է.Աղայանը, սակայն նա այդ երևույթը դիտարկում է միայն բառավերջում՝ պայմանավորված բառերի միջն դադարին արտասանական ապարատի նախապատրաստումով: «Այդ նախապատրաստման հետևանքով էլ, ահա,- գրում է Է.Աղայանը,- վերջին հնչյունի արտասանության մեջ առաջանում է որոշ թուլացում, կամ ուղղակի բարի արտասանությունը դադարում է նախքան վերջին հնչյունն արտաքերելը: Եթե թուլացումն արտահայտվում է միայն օդի հոսանքի ուժի թուլացմամբ, ապա դա կարող է առաջ բերել ոչ թե հնչյունի փոփոխություն, այլ միայն հնչյունի ուժգնության փոփոխություն, բայց եթե բառավերջի հնչյունը ձայնեղ է, այդ թուլացմանը հաճախ կարող է միանալ նաև ձայնալարերի տատանումների դադարումը ավելի շուտ, բան հարկավոր է, որ պայմանավորված է դարձյալ բառավերջի դադարին նախապատրաստվելով: Այս դեպքում, բնականաբար, բառավերջի ձայնեղ բաղաձայնը գրկվում է ձայնից, որի շնորհիվ էլ վերածվում է խուլի: Այդ երևույթը հիանալի կերպով կարելի է ցուցադրել ուսերենում, ուր բառավերջի ձայնեղներն արտասանվում են իբրև խուլեր» (Է.Աղայան, Հեղվարանության հիմունքներ, Ե., 1987, էջ 266):

բէշուրան, բիծան, բուլ, բօդ, բօդ, զագայիչ, զադան, զօջի, դաբաղ, դաբըր, դաղարգուն, դըբըլխուս, ձածան, ջանա, ջաջի, ջեթ, ջէջիմ, ջիգան), բայց այդ դիրքում սակավ չեն նաև շնչեղ խուլերը (բաթմիշ, բէշան, բըբել, բիթուն, բիթուն, բութուլկա, դաբան, դաշա, դուրան, դիթ, դօփիկ) և պարզ խուլերը (բակ, բատարէ, բըկըրտալ, բիկ, բուտկա, դակումենտ, դակազատ, դակուրկա, գուտաբ):

բ) Շնչեղ ձայնեղներին նույնպես ավելի հաճախ հաջորդում են նույն որակի բաղաձայններ (բաթ, թափուկ, թաք, թիք, թութուգ, թութուն, թութուշ, թօթխար, թօթօլ, թօփ, շնթին, շափալադ, շաք, չիթ, չըփիկ, չըփլադ, չըփիւել, չըթել, չօփ, չօթ, ցեթ, ցեփ, ցըփնել, ցուցանք, փաթուսիա, փաշա, փեթօլ, փըթիր, փըթխել, փուրան, քաշան, քափանակ, քաքուլ, քէշան, քիթիր, քօչ, քօփան, քօթ): Այս դիրքում հազվադեպ չեն ձայնեղները (բաբախ, թաբանուկ, թանդան, թըբէթ, շաբալամիշ, շնգուշ, շնդըր, չիբան, չօբան, ցիզան, փէջ, փուջ, փիձել, փուդ, փօդրաթ, թաբան, թըզուշ, թութի), բայց սակավ են հանդիպում պարզ խուլեր (թէտկել, չետվեր, չօտկ, փէճատ, քօծ):

զ) Թեև պարզ խուլերից հետո նույնպես առավել հաճախադեպ են նույն որակի բաղաձայնները (ծըծան, ծըպտուն, կանավորել, կանաւանգա, կըճեփ, կըճէ, կիսուր, կուճուռել, կօկօլ, կօտկօտ, ձանապ, ձըտել, ձիկ, ձիճընեկ, ձուճին, պանճինգա, պանճիլօգ, պէճ, պանճ, պէճ, պըտուկ, պուճադ, պուճուճակ, պուպուլ, տանպակ, տըկըր, տիկին, տիպիշնի, տիփողիկ, տուճ, տուտուգ, տուորի), բայց սովորական են նաև շնչեղ խուլերը (ծըփել, կաթա-կութա, կաշադ, կափառ, կըթուն, կըփչոն, կըփըրոտոց, ձըթըրել, ձըփճըփալ, ձոթ, պանչել, պէշէնի, պօթ, պօչուկ, տանփել, տըփել, տըթալ) և ձայնեղները (ծըգլըզել, կաթի, կանդըր, կըդան, կըդէ, կըդի, կուզլա, կուդում, ձըբուկ, ձըզըրել, պանժիշկա, պանժայական, պանդրուշկա, պանդօշ, պէդալ, պէդլի, պըդդունց, պուդրի, տանբուրէտկա, տըզլոգ, տօբրակ, ծանբի):

Փաստորեն, նոր բառապաշարում թեև ավելի գուգորդելի են

ըստ ձայնի և աղմուկի նույնական հպականներն ու հպաշփականները, սակայն ըստ այդ հատկանիշի զուգորդելիության սահմանափակումներ հիմնականում չկան: Միայն շնչեղ խովերից հետո դիրքը սակավ գործածական է մնացել պարզ խովերի համար:

Բայազետի բարբառի հինհայերենյան և նոր բառաշերտերում բառակզբի դիտարկվող բաղաձայնական հաջորդականությունների դրսերումների զուգադրումը, այսպիսով, երևան է հանում առավել ընդհանուր հետևյալ իրողությունները.

ա) Եթե դեպքում էլ ավելի զուգորդելի են ըստ ձայնի և աղմուկի հարաբերության նույնական հպականներն ու հպաշփականները, բացառություն են կազմում շնչեղ ձայնեղները, որոնք նույնական հնչյունների չեն հաջորդում, որովհետև հանդես են զայս միայն բառակզբում.

բ) Եթե հին բառաշերտում հաջորդող դիրքում ձայնեղ բաղաձայններ գրեթե չեն հանդիպում կամ էլ հանդիպում են ձայնեղացման արդյունքում, ապա նոր բառաշերտում ձայնեղ հպականները և հպաշփականները զուգորդելի են նախորդող և՝ ձայնեղների, և՝ շնչեղ խովերի, և՝ խովերի հետ.

գ) և հինհայերենյան, և՝ նոր բառաշերտերում հաջորդող շնչեղ խովերը զուգորդելի են նախորդող ձայնեղ, շնչեղ խով և խով հպականների և հպաշփականների հետ.

դ) Եթե հինհայերենյան բառաշերտում պարզ խովեր սակավ էին հանդիպում շնչեղ ձայնեղ և շնչեղ խով հպականներից ու հպաշփականներից հետո, ապա նոր բառապաշտում ձայնեղներից հետո խովերը սովորական են, սակայն սակավ են հանդես զայս շնչեղ խովերից հետո:

ե) Եթե հինհայերենյան բառաշերտում դիրքի կամ բաղաձայնների արտաքերական լարվածությունը էական նշանակություն ունի բաղաձայնական հաջորդականությունների ձևավորման, նաև հնչյունափոխական իրողությունների իրականացման գործում, ապա նոր բառաշերտի հաջորդականություններում սահմանափակումները հիմնականում չեն գործում:

Viktor Katvalyan - About Consonant Sequences in Bayazet Dialect at the Beginning of the Word.- In the sequences of occlusives and

affricates in the old Bayazet dialect, the articulatory tension remains (when the consonants succeeding each other are identical in tension) or decreases (when the subsequent consonant is less tense than the previous one). This pattern may explain the processes such as acoustic dazzling and aspiration of sonants after sonant spirants, as well as vocalization of voiceless consonants after the aspirates and sonants. Historic acoustic dazzle and aspiration of sonants in the middle and at the end of the word in the Armenian language may also be explained by the decrease in tension.

There are no restricted collocations of the above mentioned consonants at the beginning of the word in the new vocabulary of the dialect.

Виктор Катвяян - О консонантных последовательностях начала слов в Баязетском диалекте.- В последовательностях смычных и аффрикатах начала слов в старой лексике Баязетского диалекта артикуляционная напряженность сохраняется (когда следующие друг за другом согласные тождественны по напряженности) или уменьшается (когда последующий согласный менее напряженный, чем предыдущий). Этой закономерностью могут объясняться процессы как оглушения и аспирации звонких после звонких спирантов, так и озвончения глухих после придыхательных и глухих. Историческое оглушение и аспирация звонких в середине и в конце слов армянского языка тоже можно объяснить уменьшением напряженности. Ограничений сочетаемости упомянутых согласных в начале слов новой лексики диалекта не имеются.

ԼԵԶՈՒՆԵՐԻ ՄԱՍԻՆ ԵՂԵՇԵԲ ՄԻ ՎԿԱՅՈՒԹՅԱՆ ՇՈՒՐՋ

Եղիշեն «Մեկնութիւն Արարածոց»¹ աշխատության մեջ տալիս է մի շարք լեզուների, այդ թվում, հայերենի գնահատական-բնութագրումը. «Ուստի և գեղեցկաբանութիւն եղեւ ի մի խոչոր լեզուն. փափուկ՝ հելենն, սաստիկ՝ Հռոմայեցին, սպառնական՝ հոնին, աղաչական՝ ասորին, պերճական՝ պարսիկն, գեղեցկազարդ ալանն, ծաղրական գուրն, տափախաւս, խաւարաձայն՝ եզիպտացին, ճրճուղական՝ հնդիկն, համեղական՝ հայն» (817):

Այս վկայությունը չնշին փոփոխություններով տեղ է գտել ուշ շրջանի հեղինակների գործերում (Վարդան Արևելցի, Մխիթար Այրիվանեցի, Հովհաննես Երզնկացի, Գրիգոր Տաթևացի)²:

Անշուշտ, Եղիշեն նկատի է ունեցել հիշյալ լեզուներին բնորոշ լեզվաբերականական, գործառական էական առանձնահատկությունները, թե ի՞նչ, շատ դեպքերում մնում է անբացատրելի: Մեր հոդվածը այդ հարցի պարզաբանման մի փորձ է, բնավ չհավակնելով անքննադատ ընդունելության:

Նախքան պարզաբանման փորձերին անդրադառնալը, նշենք, որ Եղիշեն քաջատեղյակ էր մի շարք լեզուների, շրջանառության մեջ է դրել բազմաթիվ նոր բառեր ու քերականական տերմիններ, ծանոթ էր անտիկ դարաշրջանի լեզվական ուղղություններին³:

Անցնենք բուն հարցին: Եղիշեն հունարենը բնութագրում է փափուկ ածական-որոշչողով, Վ.Արևելցին՝ փափկազոյն, Մ.Այրիվանեցին՝ փափկական, Հ.Երզնկացին՝ փափկախաւս: Նշե՛ք բերում է Երզնկացու վկայությունը փափկախաւսը մեկնելով «Ոյր փափուկ է

¹ «Մեկնութիւն Արարածոց» (Մատենագիրը Հայոց, Ա., հտ., Ե. դար, Անթելիաս-Լիբանան, 2003: Կա նաև այլ նոր հրատարակություն հայերեն անզերեն թարգմանությամբ, Ե., 2004:)

² Տե՛ս և Լ.Խաչիկյան, Եղիշեն «Արարածոց մեկնութիւնը», Ե., 1992: Ա.Այվազյան, Մայրենի լեզուն և ազգայնականության սկզբնավորումը, Ե., 2001:

³ Տե՛ս և Լ.Խաչիկյան, նշվ. աշխ.:

խօսքն՝ բարբառն՝ լեզուն», որը ըստ Էության, որևէ լեզվական հատկանիշ չի բացահայտում: *Փափուկ* որպես լեզվաբանական տերմին չկա և Ա. Մուրադյանի գրքում⁴:

Գրաբարում փափուկ, լերկ, նուրբ բառերը հոմանշային եզրեր ունեն, վերջին երկուսը նաև լեզվաբանական տերմիններ են՝ հունարեն համապատասխանակը Փիլօս, որը բազմիմաստ է: Հունարենի՝ բառարանում նշվում է 10 իմաստ, որոնցից վերջինը քերականական տերմինն է՝ «պարզ շնչեղազուրկ, կամ բույլ շնչեղություն ունեցող»⁵:

Թերևս Եղիշեն նկատի է ունեցել հունարենի հնյունական համակարգում խուզ բաղաձայնների գերակայությունը ձայնեղների համեմատությամբ:

Ա. Այտընյանը փափուկ է համարում հունարենի ատտիկյան բարբառը՝ կապ տեսնելով ժողովուրդների և նրան լեզվի միջն. «Առատ գաղափարաց տէր ժողովուրդ մ'ը առատ ու Ճոխ լեզուի ալ տէր է... Ճին աշխարհի մէջ Ելլադայի նուրբ ու փափուկ ատտիկերենը և Լատինի հզօր և պէրճ լատիններենը՝ Յունաց գերեցկասէր մտացն ու Հռոմայեցոց յաղթասէր բնաւորութեանը ճշգրիտ հայելիներն էին»⁶:

Սաստիկ՝ հոռվմայեցին – Սաստ-ը ՆՀԲ բացատրում է. «Բան սաստիկ, խիստ, ցատումն, յանդիմանութիւն», խոկ յաղթասիրել-ը «ջանալ յաղթել հակառակասիրութեամբ, վիճել»: (Նկատի ունենք Այտընյանի հաղթասէր ածականը):

Բառարանային այս բացատրությունները բնորոշ են հատկապես հռետորական ոճին, ճարտասանական արվեստին: *Սաստիկ* բնորոշումով Եղիշեն ակնարկում է ճառերի, բանավիճային գործերի լեզվական առանձնահատկությունները, որտեղ դեր է խաղում և շեշտը, շեշտադրությունը: Արդեն 5-րդ դարում լատիններենի շեշտի

⁴ Ա.Մուրադյան, Հունաբան դպրոցը և նրա դերը հայերենի քերականական տերմինաբանության ստեղծման գործում, Ե., 1971, էջ 354:

⁵ Дворецкий И.Х., Древнегреческо-русский словарь, т. II, М., 1958, էջ 1799:

⁶ Ա. Այտընյան, Քննական քերականություն աշխարհաբար կամ արդի հայերեն լեզվի, Ե., 1987, էջ 34:

համար բնութագրական էր համարվում ոճային պահը (силовой момент)⁷:

Սպառնական հոնին – 5-րդ դ. հայ պատմագրության մեջ որոշ տեղեկություններ կան հոների մասին: Կովկասյան հոները անվանվում եին նաև խայլընդուրներ, խայլանդուրներ: 469 թ. Բաղկանյան թերակղզի ներխուժելու անհաջող փորձերից հետո, հոները որպես ժողովուրդ, աստիճանաբար անհետանում են, ասկայն հոն(եր) բառը երկար ժամանակ մնում է որպես քոչվորներին տրվող անվանում⁸:

Հանրագիտական բառարաններում, պատմագրության մեջ հոների դաժանությունների, քստմնելի արտաքինի ու անբարովարքի մասին տեղեկություններից զատ, հաճախ շեշտվում է հոների առաջնորդ Արթիլլայի սպառնալիքները ուղղված Հռոմին:

Այդ սպառնալիքները և դաժանությունները արտացոլված են տարբեր բնույթի գեղարվեստական և գրական գործերում: Հիշենք Վերդիի «Արթիլլա» օպերան, հայ գրականությունից՝ Չարենցի «Արթիլլա» պոեմը:

«...Էլ չեք մոռանա, չեք հեզնի ել ինձ | Հռոների արքա հզոր Արթիլլին

Ես կրկին ահա քանդում եմ, վառում | քաղաքներ, զյուղեր Փլշում են իմ դեմ:

Եվ այս անզամ ես՝ գոռ, անհաղթ արդեն՝ | Մի կարմիր գիշեր կմտնեմ Հռոմ:

Ա. Իսահակյանը «Արթիլլան և ի սուրբ ատեղծագործության մեջ, ի շարս այդ գաղանակերպի դաժանությունների նկարագրության, ունի և հետևյալ տողերը.

«Արդ, դողացեք, սասանեցեք Արևմուտքի խարդախ ցեղեր:

Դուք հետ Հռովմ մեղի Բյուզանդիոն | Բերում եմ ժանտ Վախճանը ձեր»:

Երկրներին ու ժողովուրդներին ուղղված հոների այդ սպառնալիքներն է նկատի ունեցել Եղիշեն, թերևս նաև արշավանքների ժամանակ այդ հրոսակների արձակած սարսափազդու ճիշերն ու աղաղակները:

⁷ Տե՛ս Տրոицкий И.М., Историческая грамматика латинского языка, М., 2001, էջ 68:

⁸ Большая Советская Энциклопедия, N 7, 1972, էջ 450:

Աղաջական՝ ասորին – Բանասիրության մեջ տարաբնույթ փաստերով հիմնավորված է ասորերենից թարգմանված «Վկայք Արեւելից»-ի լեզվառական մեծ ազդեցությունը Եղիշեի «Պատմության» վրա: «Արեւելեան վկայք շատ ազդած են Եղիշեի մտաց վրայ. կարծես թէ իրեն սիրած ընթերցման գիրքը եղած ըլլա. կարդացած միջոց շատ տեղ ինքն իրենդ կը հարցնես. Եղիշեի էջ մը կ'ընթերնում արդեօք. Եղիշե ասկից ազդուած է ոչ միայն լեզուին, իմաստներուն և դարձուածներուն, այլ և իր անուշ ու տիրական ոճին» (Բազմավեպ, 1905, էջ 359):

«Վկայք Արեւելից»-ի հայերեն թարգմանությունը իսկապես Եղիշեի Պատմության գրական աղբյուրներից մեկն է: Եղիշեն երբեմն ընդօրինակում է Աբրահամի ոճը, նրանից փոխառում որոշ բառեր, դիպուկ արտահայտություններ և համեմատություններ»⁹:

Ասորական գրականության և ասորերենի ազդեցության գործոնով, սակայն, չի բացահայտվում *աղաջական բնութագրման իսկությունը*:

Կարծում ենք՝ պետք է փնտրել ասորերենի հետ առնչվող այլ գործառույթ:

«Ասովածաշնչի թարգմանության գուգընթաց թարգմանել են եկեղեցու մեջ ընդունված աղոթքները, որոնք կարող են լինել հունարեն կամ ասորերեն»¹⁰:

Հստ երևույթին, դրանք նախապես (կամ մեծ մասամբ) թարգմանվել են ասորերենից: Գրաբարում *աղօթել* և *աղաջել* հոմանիշներ են (ՍՀԲ-ն *աղօթեն* մեկնում է: «աղօթս առնել... աղաջել, պահատել», *Աղաջեմ-ը*՝ «աղերսել, մաղթել, աղօթել»), հ.-ե. Նույն արմատի տարբերակային ձևերը¹¹: Հնարավոր է նաև, որ Եղիշեն նկատի է ունեցել Միջազգետքում մ.թ. 4-րդ դարում ձևավորված ասորական տօսալլեյանա «աղոթական, աղոթողներ» կոչված աղանդը: Հավելենք, որ Եղիշեի *աղաջական ասորին* կապակցությունը կա հետազա դարերի բոլոր վկայություններում, բայց զարմանալիորեն աղաջական բառը չկա նոր հայկացյան բառարանում:

⁹ Լ.Տեր-Պետրոսյան, *Աբրահամ խոստովանողի «Վկայք Արեւելիցը»*, Ե., 1976, էջ 71:

¹⁰ Ս.Աքելյան, *Երկեր*, Գ., Ե., 1968, էջ 103:

¹¹ Բարի ստուգաբանությունը տե՛ս Գ.Զահորյան, *Հայերեն ստուգաբանական բառարան*, Ե., 2010, էջ 35:

Պերճական՝ պարսիկն, գեղեցկազարդ՝ ալանն – Այս երկու լեզուներին տրված որակումները, ըստ Էռլյան, նույնական են: Դա պատահական չէ, որովհետև երկուսն էլ իրանական լեզուներ են, իսկ Իրան և Ալան բառերն էլ ստուգաբանորեն նույն արմատի տարբերակներ են՝ իին իրան: *aryāna-ից: Ալյութերենում և նրա որոշ բարբառներում տեղի է ունեցել ցալ անցումը¹²:

Եղիշեն ծանոթ էր իրանական մշակույթին, գրականությանը, գրադաշտական կրոնին վերաբերող մի շարք բառեր առաջին անգամ հայ մատենագրության մեջ շրջանառության մեջ է դրվել Եղիշեի կողմից: Նա անշուշտ գիտեր նաև, որ հայերենի բառապաշարի մի զգալի շերտ փոխառված է իրանական լեզուներից: Այնպես որ, պարսկերենի վերաբերյալ նրա գնահատականը հայեցողական չէ, այլ ունի իրական հիմք: Այդ գնահատականը ուշագրավ է մեկ այլ առումով: Լինելով քրիստոնեության մաքառող պաշտպան, ընդվզելով իրանի կողմից հայերին գրադաշտություն պարտադրելու դեմ, խորապես գիտակցելով, որ Սասանյան Իրանի և Հայաստանի թշնամական հարաբերությունների հիմքում կրոնական հակասությունն էր, որի կիզակետը Ավարայրի ճակատամարտն եղավ՝ մեր՝ «բարոյական», թշնամու իրական հաղթանակով, Եղիշեն թշնամու լեզվի գնահատման հարցում, արդեն ոչ թե մարտնչող ու ժխտող հակառակորդ էր, այլ իրողությունը չքաղաքականացնող ուսույնական անձ: Մի բան, որն այնքան էլ բնորոշ չէր միջնադարի ոչ միայն հայ, այլև օտար շատ պատմազիրների համար:

Ծաղրական գութն – Հ. Երզնկացու տարբերակում՝ գուղն: Գոթերենը գերմանական լեզուներից մեկն է: 4-րդ դարում ստեղծվել է այբուբեն, որով և թարգմանվել է Աստվածաշունչը: Ուսումնասիրողները հին գերմաներենի որոշ իրողություններ վերականգնում են գոթերենի տվյալներով:

Անհականալի է, թե ինչու Եղիշեն այդ լեզուն համարում է ծաղրական¹³: Մենք էլ չկարողանալով պարզել այդ բնորոշման

¹²Տե՛ս Օсновы иранского языкоznания. Древнеиранские языки, М., 1979, էջ 11:

¹³ Գերմաներենի վերաբերյալ բացասական գնահատական ունի Միխթարյան միաբաններից Պ. Հովհաննյանը. «Կոպիտ բարբառ, որ մինչեւ որեւէսաններորդ դարուն մեջեր յօրինուածոյն և ուղղագրութեան կողմանէ շատ պակասութիւններ ունետք» (Տե՛ս և Զ.Պողոս Թռվնանեանց, Մարդկային լեզուին եւ ազգային լեզուաց վրայ քենական տեսութիւն մը», Վիենա, 1857, էջ 111:)

լեզվաքերականական հիմնավորումը, այնուամենայնիվ փորձենք տալ որոշ, զուցելու ոչ ընդունելի մեկնություն:

1. Ուսումնասիրողները նշում են, որ գոթերենի այրութենի հիմքը հունարենի և մասամբ լատիներենի տառերն են: Գո՞ւ այդ է ծաղրական համարելու պատճառը: Մանականդ որ, Աստվածաշունչն էլ գրված է այդ այրութենով:

2. Գ. Տաթևացու տարբերակում գութենի փոխարեն մունդն է, որը հավանորեն գերմաներեն տոն «բերան» բառն է: Այս դեպքում նկատի է առնվել թերևս գոթերենի հնյունների և նրանց արտասանության առանձնահատկությունը. «Գոթերենի հնյունների 1/3-ը ձայնավորներ են, որոնց կազմության և արտաքրման գործում կարևոր դեր է խաղում լեզվի շարժումը հորիզոնական և ուղղահայց ուղղություններով»¹⁴:

Տափախաւս, խաւարածայն՝ էզիպտացին – Այլ հեղինակների վկայություններում երկու ածականների փոխարեն մեկն է՝ բառաձևային և հնյունական տարբերակներով (Վ. Արևելցի՝ խարսփածայն, Մ. Այրիվանեցի՝ խարխափական, Հ. Երգնկացի, Գ. Տաթևացի՝ խափարածայն):

Նշեք չունի տափախաւս և խաւարածայն բառերը, իսկ խափարական և խափարածայն գլխաբառերը գետեղված են մեկ բառահոդվածում՝ «Ունող զինչիւն կամ զձայն խոշոր և թանձր կամ դժուարալուր» բացատրությամբ:

Արմատական բառարանում նշվում է, որ խափար «թաւ, թանձր» բառը անկախաբար չի գործածվում և հանդիպում է խափարածայն և խափարական բաղադրություններում¹⁶: Երկու բառարաններն էլ որպես միակ վկայություն հղում են Վ. Արևելցուն և Հ. Երգնկացուն:

Գրաբարում թանձր և թաւ բառերը հոմանիշներ են. վերջինս նաև թերականական տերմին է՝ շնչեղ խոռվ բաղաձայնները, նաև յի-ն¹⁷:

¹⁴ С.И.Дубинин, Готский язык, Самара, 2006, № 18, 22:

¹⁵ Տարբերակները նշել ենք ըստ Ա.Այվազյանի գրքի:

¹⁶ Հ. Աճարյանի արմատական բառարանում խափար ստուգաբանված չէ: Անկախ ստուգաբանական փորձերից՝ Գ. Զահուլյանը խափար և խափար համարում է տարբերակներ: (Տե՛ս Հայերեն ստուգաբանական բառարան, № 320, 325):

¹⁷ Տե՛ս Ս.Սուրայյան, Խշկ. աշխ., № 193:

ՆՀԲ-ն տալիս է մի լրացուցիչ մեկնություն ևս. «մօս ի Խափշիկ և Խպտի ազգս և ի հնչիւն խաֆ տառի և կամ խապս, այս ինքն բանձր» (Տե՛ս ՆՀԲ, խափարական բառահոդվածը):

Ուրեմն՝ խափարական, խափարաձայն բնորշմամբ շեշտվում է եզիպտերենի խոլ բաղաձայնների գործառական դերը:

Անբացատրելի է մնում բնագրագիտական մեկ հարց.

Ինչո՞ւ Եղիշեի վկայած տափախաւս, խաւարաձայն բառերը դուրս են մնացել ուշ շրջանի այլ հեղինակների գործերից՝ փոխարինելով խարափաձայն, խափարական, խարափական բառերով:

Ճըռուղղական՝ հնդիկն – Բառակապակցությունը առկա է բոլոր տարբերակներում, բայց ՆՀԲ չի վկայել: Կա Առձեռն բառարանում «Ճնճղուկի ձայնի նման» բացատրությամբ: Արմատական բառարանը փակագծերում հավելում է «լեզու»: (Տե՛ս Ճըռուղղ բառահոդվածը): Ինչպես տեսնում ենք, բառարանների նշած բառիմաստներով չի պարզվում հնդկերենի հնչունական համակարգի առանձնահատկությունը: Կարծում ենք Եղիշեն նկատի է ունեցել հնդկերենի բաղաձայնական համակարգում Ճ, Չ Զ հապաշփական հնչույթների հաճախականությունը: Համեմատության համար բերենք հ.-ե. ծագման մի քանի բառերի հնդկերեն և այլ լեզուների համապատասխանակները.

հնդկ. cakra «անիվ» - հուն. κάκλος, հնդկ. pañca- հուն. πεντα- հայ. հինգ, հնդկ. parccati «հարցնում ե»- ավեստ. pərasti- հայ. Հարցանեմ, հնդ. jānu «ծունկ», հուն. γόνυ, միջ. պրս. zanuk – հայ. ծունկ(զ), հնդկ. r̥ij «թագավոր» - լատիներեն rex:

Նշված բաղաձայնների հաճախականությունը նկատելի է նաև հասուր անուններում: Հերթը, բնականաբար, հասավ հայերենին՝ համեղական՝ հայն:

Բերենք այլ հեղինակների տարբերակները. «Հայն՝ համեղ եւ ամենազարդ և համեմական» (Վ.Արևելցի), «հայն՝ համեմական» (Մ.Այրիվանեցի), «համեղական հայն» (Հ.Երզնկացի, Գ.Տաթևացի):

ՆՀԲ-ի Համեղական բառի բացատրությունը հետևյալն է. «Ախորժական, համեղ և Հեշտալուր, «համեղական հայն», այսինքն լեզու հայոց, տե՛ս և համեմական»: Համեմականի բացատրությունն է. «Ուր գոն համեմք, համեմեալ, ախորժական»: Բնագրային միակ օրինակը Վ.Արևելցու վերոհիշյալ նախադասությունն է: (Տե՛ս ՆՀԲ համեղական և համեմական բառահոդվածները):

Ինչպես տեսնում ենք, բառարանագիրները *համեղական* բառում տեսնում են *համ* «զգայարաններից մեկը», և համեղ, համեղական մեկնում «քաղցր, ախորժելի», որը այս դեպքում շափազանց առարկելի է: Գրաբարում *համ* ձևով ունի նաև «ամբողջ, համայն, բոլոր» իմաստները. (ծագում է հ.-ե. *sam-, sm-ից), որը առկա է մի շարք բաղադրություններում *համակ* «ամբողջովին, լիովին» *համակայ* «միասին», *համայն* «բոլոր», *համատպած* «բոլոր կողմերում տարածված» և այլն:

Եղ ձևով ել եղանիլ բայի արմատն է, որից՝ եղական «ստեղծված», եղանակ «կերպ, ձև»:

Ուրեմն՝ *համեղական*՝ *հայն* նշանակում է բոլոր լեզուների հատկանիշները ունեցող: Եղիշեն ել է այդ հաստատում՝ «*համեղական*՝ *հայն*, որ կարէ զամենն յինքն ամփոփել», իսկ Գ. Տաթևացին կրկնելով Եղիշեին շարունակում է «... և բոլոր խօսիլ, և այլքն՝ ոչ՝ որպես ասացաւ ի վերոյ»¹⁸:

Հայերենին տրված այս գնահատականը, առաջին հերթին, վերաբերում է գրաբարի հնչյունական համակարգին, որը հնչյունադարձության և տառադարձության ավելի լայն հնարավորություն ունի, քան համեմատվող որևէ լեզու:

Hovhannisyan Lavrenti – On Evidense by Yeghishe about languages. – There is the characteristic estimation of various languages in “The Interpretation of the Genesis”: Greek is delicate, Assyrian is suppliant, Egyptian is obscur, Armenian is sweet. In the article are revealed hidden linguistic values of similar words.

Оганнисян Лаврентий. – О свидетельстве Егише о языках. – В “Комментарии бытия” Егише дает оценку – характеристику некоторых языков: греческий – хрупкий, ассирийский – умоляющий, египетский – мрачный, армянский – вкусный (сладкий).

В статье разъясняются “скрытые” лингвистические значения этих слов.

¹⁸ Եղիշեի և Տաթևացու այս և այլ հատվածների մասին տե՛ս Ա.Այվազյան, Եղիշեի, էջ 30-31:

ՆՈՐԱԿԱԶՄ ԲԱՌԵՐ ՆՈՒՅՆԱԽՇԵՐԻ՝ XVIII ԴԱՐԻՑ
ԱՎԱՆԴՎԱԾ ԶԵՌԱԳԻՐ ԲԱՌԱՐԱՍԼԵՐՈՒՄ

Հովհաննիշների՝ XII-XVII դր. ավանդված ձեռագիր բառարաններին (այսուհետև՝ ԶԲ) առնչված հետազոտողները հավաստում են, որ դրանց «մանրազնին ուսումնասիրությունը ի հայտ կրերի բավական նոր բառեր, որոնք ժամանակին գրքածական են եղել մեր գրականության ու ժողովրդական խոսվածքի մեջ¹: Նոր կամ նորակազմ բառեր առկա են նաև նոյնանիշների՝ XVIII դ. ավանդված ԶԲ-ներում: Այս բառարանները շունեն բնագրային օրինակներ, հետևաբար փորձ է արվում այդ բառերի գոյությունը հաստատել հայերենի բառակազմության կաղապարային կառուցների առանձնահատկություններով և հետազյում՝ XVIII դ. հետո, լույս տեսած բառարաններով:

Աւար. կապուտ. կողոպուտ. ապոր. յափշտակութիւն նույնանիշային շարքը (այսուհետև՝ ԱԾ) համապատասխանաբար եզրափակում են ասպատակութիւն և ասպատակասփոռութիւն բառերը (Զեռ. Զեռ. 775, 54ր. 873, 197ր)²՝ երկուսն էլ՝ «Իրան. ասբատակա-ձկից, իբր պիլ. ասքառ «ձիով արշաւանք, ասպատակութիւն....»³: Ասպատակութիւն բառը XVIII դ. հետո հրատարակված բառարաններից արձանագրված է Ս. Զախարիյանի կազմած բառարանում: Այն, իբրև «չեթեճութիւն. Scorreria, guasto, sacco»⁴, ասել է՝ «հարձակում, ավարառություն», առանձնացվում է աստղանիշով (-ով), այսինքն, ինչպես նշում է հեղինակը, «.... աստղանիշ բառն և նշանակութիւնը չեն նախնի մատենագրաց, այլ արդիք և նորահնարք» (ԶԲ, էջ 9): Բառը հիշատակում են Ս. Գաբամաճյանը՝ «ասպատակ ընելը.

¹ Գ.Գաբարյան, Հայ բառարանագրության պատմություն, Ե., 1968, էջ 36: Ռ.Ղազարյան, Լեզվաբանական ուսումնասիրություններ, Ե., 2010, էջ 156:

² Փակագծերում նշվում են ձեռագիր համարը և էջը: Հոդվածում պահպանված է ձեռագիր բառարանների ուղղագրությունը:

³ Հ.Անայան, Հայերեն արմատական բառարան (այսուհետև՝ ՀԱԲ), հ. 1, Ե., 1971, էջ 273:

⁴ Ս.Զախարիյան. Բառզիրք ի բարբառ հայ և իտալական (այսուհետև՝ ԶԲ), Վենետիկ, 1837, էջ 9:

յարձակում»⁵, Ս.Մալխայանցը՝ «Ասպատակի կատարած գործը. ձիաւոր խմբով արշաւելը բալանելու նպատակով»⁶, արդի հայերենի բացատրական բառարանները՝ «Ասպատակելը, ասպատակվելը», նաև «Ավարառություն» նշանակություններով⁷: Այն առկա է նաև արևմտահայերենի բառարաններում «Ձիաւոր զօրքով կողոպուտի արշաւանք» իմաստով⁸:

Ասպատակասիռութիւն-ը ասպատակ, սփիոր արմատներով և -ութիւն վերջածանցով բաղադրություն է: Այն, ամենայն հավանականությամբ, կազմվել է զրաբարի տպագիր բառարաններում⁹, ՀԱԲ-ում (հ. 1, էջ 272), ՄՀԲԲ-ում (հ. 1, էջ 237) «ասպատակախումբ ուղարկել, ձիաւոր զօրք սփուել՝ կողոպտելու համար» նշանակությամբ վկայված ասպատակ սփուել վերլուծական կազմության կից գորությամբ¹⁰: Վկայված չէ բառարաններում:

Մեղեխ. հոմանի. բող ՆՇ-ն (Զեռ. Զեռ. 566(I), 270ա. 775, 74ա. 873, 213թ. 3110, 107ա. 6762, 124ա) ավարտվում է բողարած բառով: Հ.Աճառյանը հիշատակում է այն «նոր բառեր»-ի շարքում (ՀԱԲ, հ. 1, էջ 8): նշելով, որ Սուչավայում գործառում է «բողուրքած» տարբերակը (ՀԱԲ, հ. 1, էջ 460): Միքատ Սպարապետի «Դատաստանագիրը»-ից «պոռնիկ պահող, անսառակ, անբարոյական» նշանակությամբ բողուրքած բառային տարբերակն է արձանագրում «Միջին

⁵ Ս.Գարամաճեան, Նոր բառացիրը հայերեն լեզուի (այսուհետև՝ ԳՆԲՀԼ), Կ.Պոլիս, 1910, էջ 175:

⁶ Ստ. Մալխասեանց, Հայերեն բացատրական բառարան (այսուհետև՝ ՄՀԲԲ), Ե., 1944, հ. 1, էջ 237:

⁷ Ժամանակակից հայոց լեզվի բացատրական բառարան (այսուհետև՝ ԺՀԼԲԲ), հ. 1, Ե., 1969, էջ 187: Է.Աղայան, Արդի հայերենի բացատրական բառարան (այսուհետև՝ ԱՀԲԲ), Ե., 1976, էջ 272:

⁸ Գ.Ճերեմեան, Փ.Կ.Տօնիկիան, Ա.Տեր-Խաչատուրեան, Հայոց լեզուի նոր բառարան, հ. 1, Պէյրութ, 1992, էջ 195: Ա.Ճիզմէճեան, Հայերեն աշխարհաբար լեզուի յիշակատար բառարան, հ. 1, Հալէպ, 1957, էջ 457: Ա. Կունեան, Բառցիրը հայերեն լեզուի, Պէյրութ, 1998, էջ 40:

⁹ Նոր բառցիրը հայկագեան լեզուի (այսուհետև՝ ՆՀԲ), հ. 1, Վենետիկ, 1836, էջ 315: Առձեռն բառարան հայկագեան լեզուի (այսուհետև՝ ԱԲ), Վենետիկ, 1865, էջ 119: Ռ.Ղազարեան, Գրաբարի բառարան (այսուհետև՝ ԳԲ), հ. 1, Ե., 2000, էջ 186: Ռ.Ղազարեան, Գրաբարի դարձվածարանական բառարան (այսուհետև՝ ԳԴԲ), Ե., 2012, էջ 42:

¹⁰ Երկու հոմանիշ բառերի կցումով համանման կազմություն է նաև միայն Զեռ. 775-ում (57ա) վկայված է հոր. վիրապ. վիհ. խորափիտ ՆՇ-ի հենաբառ գործահորը (մյուս ԶԲ-ներում՝ Գուր). այն, թերևս, սխալագրություն է:

հայերենի բառարան»-ը¹¹: Ս.Մերաստացին բառը բացատրում է «բող պահօղ, բողի կտևեն ընկնօղ»¹²: Ըստ բառարանային տվյալների՝ բողարած-ը առկա է հայերենի բարբառներում՝ Արարատյան, Նախիջևանի՝ «բողաբոյժ»¹³, նաև Կարնո՛՝ «պոռնկություն անող, պոռնիկների հետ կենակցող»¹⁴ նշանակություններով: ԱՀԲԲ-ն առանց որևէ նշումի առադրում է՝ «բողերի յետսից ընկած» (ԱՀԲԲ, հ.1, էջ 381): Բողարած-ը հիշատակված իմաստներով վկայում են նաև արդի հայերենի բացատրական բառարանները՝ ԱՀԲԲ-ի՝ «(ԺԴ.) Կնամոլ» հավելմամբ (ԺՀԼԲԲ, հ.1, էջ 333. ԱՀԲԲ, էջ 198): Հատկանշական է, որ բառը արդի հայերենում պահպանվել է ՆՇ-ում առկա հնյունական տարբերակով:

Զեռ. Զեռ. 775 (75ա), 873 (214բ), 3110-ում (108ա)` Արանչելի. իրաշալի. սկիրալի. ափշելի. նորասրանչ. մեծասրանչ. իրաշագան. նորահրաշ. մեծահրաշ. սոսկալի. զարմանալի. զարմանահրաշ ՆՇ-ում, առկա գերակարող բառը¹⁵ չ. Աճառյանի հավաստմամբ «յուն. նույր-» մասնիկին համապատասխան, «յետոսկեդարեան շրջանին» շատ գործածելի գեր- նախամասնիկով¹⁶, կար «ուժ, կարողութիւն» (տե՛ս ՀԱԲ, հ. 2, էջ 542) արմատով և -ող ածանցով բաղադրություն է: Ըստ ԱՀԲԲ-ի՝ գեր-ը «Գործ է ածվում (ոչ ուկեդարեան հեղինակների մօտ) բարդութիւնների սկզբում՝ ցոյց տալու համար ածականների գերադրական աստիճանը» (ԱՀԲԲ, հ. 1, էջ 426): Ուրեմն գերակարող-ը «ամենակարող»-ն է. այն կարելի է դասել հայերենում գործուն գեր(ա) նախածանցով¹⁷ + գոյական նախատիպ հիմքով (կար) ածական բաղադրություններ կազմող

¹¹ Օ.Ղազարյան, Հ.Ավետիսյան, Միջին հայերենի բառարան (այսուհետև՝ ԱՀԲ), հ. 1, Ե., 1987, էջ 122:

¹² Ս.Մերաստացի, Բառցիքը ի զրաբառէ յաշխարհաբառն ուր մեկնին բառը հայցագեան լեզուի սոսկ աշխարհաբառ կամ տաճկական բառիք (այսուհետև՝ ԲԳԱ), Վկեցւիլ, 1769, էջ 80:

¹³ Ս.Ամատունի, Հայոց բառ ու բան (այսուհետև՝ ԱՀԲԲԻԲ), Վաղարշապատ, 1912, էջ 110:

¹⁴ Հայոց լեզվի բարբառային բառարան (այսուհետև՝ ՀԼԲԲ), հ. 1, Ե., 2001, էջ 204:

¹⁵ Զեռ. Զեռ. 3450-ում (72ա), 9992-ում (4ա)` նոյն ՆՇ-ում, գերունակ բառն է:

¹⁶ Հ.Աճառյանի կարծիքով՝ գեր- նախամասնիկով «....ստրկօրէն թարգմանուած են բազմաթիւ բառեր. ինչ.գերակատար=նույրեածօս....(սրանց թիւը Առձեռնում 192 է), բոլորն էլ յետին»: ՀԱԲ, հ. 1, էջ 539:

¹⁷ Ինչպես նշում է Ա.Գալստյանը, «Գերա- տարբերակը հին կազմություններում դրվել է բաղաձայնով սկսվող նախատիպերի վրա». Ս.Գալստյան, Ածանցումը և ածանցները ժամանակակից հայերենում, Ե., 1978, էջ 216:

բառակազմական կադապարին: Ըստ Ս. Գալստյանի՝ այդ բաղադրությունների բառակազմական նշանակությունն է «նախատիպ ածականի արտահայտած հատկանիշի ծայրագույն բարձր, գերադարձական աստիճան»¹⁸:

Եռացուցանել բայն ակնհայտորեն Կցել. առակցել. յարել. յօղել. միաւորել (միայարել) ընդ նմա. կամ միացուցանել. Շաղկապել. շարակցել. շարայարել. պատուաստել. շարահիսել. Մերձեցուցանել. կապակցել. կապել. սոսրնձել (Զեռ. Զեռ. 775, 64ք. 873, 200ք) Նշ է ներառվել «կցել, զօղել» նշանակությամբ: Հ.Աճառյանը «նաև իրար զօղել» նշանակությամբ եռցնել բայց համարում է «նոր բառ»՝ համեմատության համար առաջարկելով Հ. Օձնեցու «Ատենաբանութիւն» երկում առկա «....եռալ «սիրով միանալ, զօղիլ»»-ը (ՀԱԲ, հ. 2, էջ 31): ԲԳԱ-ն նաև ունի «մէկզմէկու հետ հալելով կըպցնել» բացատրությունը (ԲԳԱ, էջ 115): ՄՀԲԲ-ն եռացուցանել-ը հղում է «բարբառային բառ» նշումով յեռել-ին, որի իմաստներից է «կցել, կապակցել, զօղել»-ը (ՄՀԲԲ, հ. 1, էջ 567, հ. 3, էջ 405): Արդի հայերենի բացատրական բառարաններում վկայված եռացնել համանուններից երկրորդը «Մետառյա մասերի իրար շփվող մակերեսները շիկացնելով հալել ու ձուլել միմյանց. զողել» նշանակությամբ է (ՄՀԲԲ, էջ 331. ԺՀԼԲԲ, հ.1, էջ 558): Թերևս կարելի է ենթադրել և հավանական համարել, որ կցել հենաբառով Նշ-ում առկա եռացուցանել-ով նախապատրաստվում է «եռով կցել՝ միացնել. մետաղները շիկացնելով կցել՝ զօղել» նշանակությամբ եռակցել բայի զործածությունը արդի գրական հայերենում:

Զեռ. Զեռ. 566(I) (254ա), 3110 (95ք), 6762-ում (113ա-113ք) եռացուցանել-ի փոխարեն հեռացուցանել բայն է, որի առկայությունը կարելի է բացատրել գրչագիրն ընդօրինակողի՝ եռացուցանել բայի «կցել, միացնել» նշանակության չիմացությամբ. նա պարզապես լրացրել է կցել. մերձեցուցանել. սոսնձել և համանշանակ մյուս բայերին հականիշ հեռացուցանել-ը (նույն ԶԲ-ներում հականիշով է

¹⁸ Ս.Գալստյան, նշվ. աշխ., էջ 217-218:

Ելրափակվում նաև Զբաղիլ. պատաղել. պարապել. դատարկանալ ՆՇ-ն (Ձեռ. Ձեռ. 566(1), 243թ. 6762, 107ա)՝¹⁹:

Միևնույն ՆՇ-ում առանձնանում է նաև **առակցել-ը**: ԲԳԱ-ն մեկնում է «կցցել» (ԲԳԱ, էջ 115): Բայց վկայվում է լատինարան հայերենում՝ **առ-** նախածանցով նորակազմ բառերի շարքում²⁰, Արսէն Դավիրի «Գիրք սահմանաց» երկից (XVIIIդ.): Ս. Գարամաճյանը հավաստում է «բանի մը կըցուած. աւելցած» նշանակությամբ **առկցեալ-ը** (ԳՆԲՀԼ, էջ 169): աստղանիշով, որը նրա հավաստմամբ «կը ցուցընէ նոյն բառերուն նոր շինուած ըլլալը» (ԳՆԲՀԼ, էջ Ը): ՄՀԲԲ-ն **առկցել** տարբերակը նույնպես հիշատակում է աստղանիշով, որն այս դեպքում, սակայն, «հազուադէպ բառ կամ նշանակութիւն» է փաստում (ՄՀԲԲ, հ. 1, էջ 229): Արդի հայերենի բացատրական բառարաններում **առկցել-ը** «կցել, իրար հետ կապակցել՝ միացնել» նշանակությամբ է (ՄՀԲԲ, էջ 107. ԺՀԲԲ, հ. 1, էջ 180): Բառը հիշատակում է նաև «Հայոց լեզվի հոմանիշների բառարան»-ը՝ «Տե՛ս Կապակցել» հղումով²¹:

Գարշապար. ներքան. կրունկ ՆՇ-ում առկա է **թաթուտից** բաղադրությունը (Ձեռ. Ձեռ. 566, 239թ. 775, 56ա. 873, 189թ. 3110, 81ա. 6762, 104ա): ՆՀԲ-ն **թաթը** ուժից-ի բազմաթիվ վկայություններ է բաղում «Աստվածաշունչ» մատյանից (ՆՀԲ, հ. 1, էջ 790): **Թաթուտ** բառն արձանագրած բառարանը Ս. Քաջունունն է²²: «ի գաղղիերէն» *Tarsipéde*» բացատրությամբ, որ նույն «նախագարշապար, ուսնաթարթ»-ն է²³: Նկատի առնելով Հ. Աճառյանի՝ **ուտնաման** «նոր բառ»-ի համար «հնից ունինք ուժից աման....» դիտարկումը՝ կարելի է ենթադրել, որ հենց կից գրությամբ այս **թաթուտից** բաղադրությունից կլի հետագայում Հ. Աճառյանի նշածի նմանությամբ, սակայն շրջուն կառուցով՝ **թաթուտից→ուժից թաթ→ ուտնաթարթ**, կազմվել է արդի հա-

¹⁹Տե՛ս Ն.Հովհաննիսյան, Բարիմաստային փոփոխություններ նույնանիշների՝ XVIII դարից ավանդված ձեռագիր բառարաններում. Զահուկյանական ընթերցումներ, Ե., 2015, էջ 104-105 :

²⁰Վ.Համբարձումյան, Հատինարան հայերենի պատմություն (14-18-րդ դդ.), Ե., 2010, էջ 216-217:

²¹Ս.Սուրեհայան, Հայոց լեզվի հոմանիշների բառարան (այսուհետև՝ ՀՀԲԲ), Ե., 1967, էջ 82:

²²Ս.Քաջունի, Բառզիրք արուեստից եւ գիտութեանց եւ գեղեցիկ դպրութեանց (այսուհետև՝ ՔՄ), հ. III (Համառու հայերեն գաղղիերէն), Վենետիկ, 1893, էջ 75:

²³Կ. Գանիսիա, Փրանցսко-ռուսկի հայոց արտակարգ բառեր, Ե., 1977, ս. 821.

յերենի բացատրական բառարաններում առկա ոտնաթարթ-ը (ԱՀԲԲ, էջ 1144. ԺՀԼԲԲ, հ. 4, էջ 113):²⁴

Միայն Զեռ. 873-ում (215ք)՝ Վնասել. մեղանչել. շարիս հասուցանել. շար ինչ առնել նմա ՆՇ-ում է առկա խոչել բայր՝ ամենայն հավանականությամբ խոչ «Քար կամ փայտ սրածայր՝ արգել և վնասիչ ոտից.... արգելք» արմատից (ՆՀԲ, հ. 1, էջ 966): Եթե ընդունելի է բայի այս արմատից կազմված լինելը, կարելի է ենթադրել, որ ձեռագիրն ընդօրինակողը կազմել է խոչել բառը, և նկատի առնելով խոչ արմատի «արգել և վնասիչ ոտից» վերը նշված իմաստը՝ «վնասել» իմաստով: Թեև կարելի է նաև հավանական համարել և. Աճառյանի՝ «Գիրք վաստակոց»-ից քաղած խոչառ լինել հարադրության («անասունների ոտքը բան մտնելով կամ վնասուելով՝ կաղ ի կաղ քայլելը»). ՀԱԲ, հ.2, էջ 397) կամ ԱՀԲԲ-ում արձանագրված խոչառել բայի («ոտքը մեխի զալ, մեխը ոտքը մտնել (պայտելու ժամանակ)»). ԱՀԲԲ, հ. 2, էջ 285): տառերը հապալելով ոչ ճիշտ ընդօրինակել- արտագրել:

Գլխաւոր. նախապետական. սկզբնական. զլուխ. պէտ. նախապատիւ. նախամեծար. գերապատիւ. գերազոյն. զահազուխ. ծայրագոյն. զահերէց. վեհազոյն²⁵. վերազոյն. բարձրնտիր. գերազանց ՆՇ-ում (Զեռ. Զեռ. 566(1), 270ա. 873, 189ք. 3110, 81ք. 6762, 104ք) առանձնանում է մանաւանդագոյն-ը: Նետաքրքիր բաղադրություն «աւելի, յատկապէ ս» նշանակությամբ, մակրայական կիրառությամբ մանաւանդ արմատով և ածականի գերադրական աստիճան կազմող -(ա)գոյն ածանցով: Ամենայն հավանականությամբ, կազմվել է ՆՇ-ում առկա գերազոյն՝ «Վերազոյն. վեհազոյն. գերազոյն.... գեր բան» (ՆՀԲ, հ. 1, էջ 542), և վերազոյն՝ «Որ ի վեր է և առավելեալ բան զայլս. վերնագոյն. բարձրագոյն. վեհազոյն. գերազոյն. գերազանց. զօրագոյն....» (ՆՀԲ, հ. 2, էջ 803), բառերի նմանությամբ՝ նշելով «առաջնորդ, ղեկավար, զիսավոր»: Մանաւանդ արմատով «նոր վերջածանցավոր բառեր»-ից մանաւանդարար և մանաւանդական

²⁴ Բառը վկայում է նաև Հ. Բարսեղյանը. տէ և Հ. Բարսեղյան, Հայերէն ուղղագրական-ուղղահինոսական, տէրմիննարանական բառարան, Ե., 1973, էջ 746:

²⁵ Ըստզիված վեհազոյնն բառի առնչությամբ հարկ է ներկայացնել Հ. Աճառյանի դիտարկումը, որը հղվում է Ա. Վարդանյանին. ըստ Հ. Աճառյանի «Ուսկեղարեւան հեղինակների մօս պատահած վէճ, վեհազոյն հազվագիտ բառերը պէտք է ուղղել՝ վեր վերագոյն» (ՀԱԲ, հ. 4, էջ 327):

Նորակազմ բառերն է առանձնացնում Վ. Համբարձումյանը «լատինաբան հայերենում՝ համապատասխանաբար Գերգ Միջայիմի «Գիրք վիճարանութեան» (1734թ.) և «Մատթեոս եւՂուկաս» Վանանդեցիների «Բնաբանութիւն իմաստափրական» (1702թ.) աշխատանքներում²⁶:

Բառարաններում չի վկայվում *Բնակարանաց տեսակը* հենաբառով ՆՇ-ից *միայնատուն* բառը (Զեռ. Ձեռ. 775, 55թ. 873, 188թ. 3110, 75թ. 6762, 103թ): Բաղադրված է Հ.Աճառյանի հավաստմամբ մի արմատի՝ «մինակ, առանձին, լոկ» նշանակությամբ «ածանցման մեջ» ներկայացող ձևից և -այն մասնիկից կազմված *միայն-ով* (ՀԱԲ, հ. 3, էջ 316-317) և տուն բառով: Անդրադառնալով *միայն* դից առաջացած *մեն-* ձևին (միայն)՝ *մեյն* մեն, մեն և նշելով, որ «մեն- ձայնափոխութիւնը տեղի էր ունեցել Ուսկեդարից ել առաջ, այնպէս որ Եղարուն գործածում էր իբրև զաւառական ձև»՝ Հ. Աճառյանի կարծիքով՝ «.... իսկապէս արժեն միայնամարտ, միայնաւոր, միայնակեաց ևն, ինչպէս որ իրօք գործածուած են մատենագրութեան մեջ» (ՀԱԲ, հ. 3, էջ 317): Ուրեմն և կարելի է ընդունելի համարել ՆՇ-ում *միայնատուն* բառի առկայությունը, որին համանման ձևերը, ինչպէս հավաստում է Հ.Աճառյանը, «գործածուած են մատենագրութեան մեջ»: *Միայն-ով* կազմված *միայնակոյի* «մենամարտիկ», *միայնատեսակ* բառերն էին հիշատակում Սլո. Սեբաստացին (ԲԳԱ, էջ 263): Իսկ *միայնատուն-ը* վկայում են ՀԼՀԲ-ն «տե՛ս Առանձնատուն» հղումով (ՀԼՀԲ, էջ 457) և Հ. Բարսեղյանի կազմած բառարանը²⁷:

Ներքեակ բառն է առկա Անկողին (և այլք որք այսմ պատկանին) մահիճ. լեհեաց. ծածկարան. բարձ. սաւան. պատառակալ ՆՇ-ում (Զեռ. 566(I), 236ա. 775, 54ա. 873, 186թ. 6762, 101թ -102ա): Այն հիշատակում են Գ. Փեշտըմալճեանը («տե՛ս ի վերոյ Ներքանոյ=դնելի ինչ ի ներքոյ. որպէս բազմական, անկողին (մինտեր)»)²⁸, «հզվ. բառ կամ նշանակութիւն» և «Տ. Ներքանոց, Ներքնակ» նշումներով ՄՀԲԲ-ն (հ. 3, էջ 459), նաև ՀԼՀԲ-ն՝ *Ներքեակ* բառահոդվածում՝

²⁶ Վ. Համբարձումյան, Հատինաբան հայերենի պատմություն, էջ 224: Տե՛ս նաև Վ. Համբարձումյան, Գրաբարի գործառությունը որպէս գրական լեզու ԺՀ-ԺԹ դդ., Ե., 1990, էջ 202-203:

²⁷ Հ. Բարսեղյան, նշվ. բառ., էջ 665:

²⁸ Գ. Փեշտըմալճեան, Բառզիրք հայկագեան լեզուի (այսուհետև՝ ՓԲ), հ. 2, Կ. Պոլիս, 1846, էջ 404:

դարձյալ «հզվ» նշումով (էջ 487): Ներքնակ-ը հիշատակում է նաև ԲԳԱ-ն՝ «տեօշէկ. մինտէր» բացատրությամբ (ԲԳԱ, էջ 294): Արդի հայերենի բացատրական բառարանները ներքնակ բառ չեն արձանագրում: Ներքնակ-ի առնչությամբ, թերևս, հարկ է անդրադառնալ ներքնակ բառին, մանավանդ որ իբրև բառային տարբերակ՝ այն առկա է Զեռ. 3110-ում՝ նույն ՆՇ-ում (76թ): Գրաբարի տպագիր բառարաններում այն բացատրվում է իբրև «Ներքին ազանելի ի ներքոյ պարեգոտի. բաճկոն. Վտաւակ», «տակէն հազնէլիք», «տակի զգեստ» (ՆՀԲ, հ. Բ, էջ 422. ԱԲ, էջ 616. ԳԲ, հ. 2, էջ 282): Նույնն են նշում ԲԳԱ-ն (էջ 294), ԶԲ-ն (էջ 1017), ՓԲ-ն (էջ 405), Կոմիտաս Ուկյանը²⁹: Ա. Խուլգաբաշյանցն արդեն առաջրում է "մատրաչ, տօֆյաք"³⁰: Նույն, սակայն ոչ առաջնային իմաստն է առանձնացնում ՄՀԲԲ-ն՝ «Մեծ տոպրակ, մեջը լցրած բուրդ կամ բամբակ կամ խոտ, տափակեցրած և կարած վերևից ներքն, որ տարածում են քնելիս» (ՄՀԲԲ, հ. 3, էջ 457): Հ. Աճառյանը, արձանագրելով գրաբարյան ներքնակ-ը, «զլո.» նշումով բառերի շարքում իբրև «նոր բառ» կրկին առանձնացնում է ներքնակ-ը, սակայն առանց բացատրության (ՀԱԲ, հ. 3, էջ 443-445)՝ ամենայն հավանականությամբ նկատի առնելով վերմակ-ին հականիշ դոշակ-ը: Ասել է՝ Հ. Աճառյանն արձանագրում է երկու ներքնակ բառ: Թվարկելով իմաստափոխության հիմունքները Է. Աղայանը իմաստափոխությունը հանգեցնում է որևէ առարկայի (երևոյթի, հատկանիշի, գործողության և այլնի) հասկացության անվանումը մի այլ առարկայի հասկացությանը փոխադրելուն և տարածելուն, այսինքն՝ «տվյալ բառը մի այլ առարկայի հաստկացնելուն», ուրեմն և ներքնակ-ի դեպքում կարելի է դիտարկել իմաստների փոխհաջորդում, այսինքն՝ «բառի հին իմաստի կորուստ և նոր իմաստի ձեռքբերում»³¹: Հարկ է նշել, որ արդի հայերենի բացատրական բառարաններում (ԱՀԲԲ, էջ 1070. ԺՀԼԲԲ, հ. 2, էջ 32) ներքնակ-ի նոր իմաստն առաջնային է, մինչ

²⁹ Ոսկեան Կոմիտաս, Առձեռն բառագիրը հայերեն-գաղղիերեն (այսուհետև՝ ԱԲՀԳ), Կ. Պոլիս, 1893, էջ 594:

³⁰ Ա. Խուլգաբաշյանց, Բառարան ի հայկական լեզուի ի ուսուց բարբառ (այսուհետև՝ ԽՀԸՀՕ), հ. 2, Մասնաւություն 1828 թ. 234:

³¹ Է. Աղայան, Ըսդհանուր և հայկական բառագիտություն, էջ 101, 106:

արևմտահայերենի՝ XX դ. հրատարակված բառարանները³² վկայում են ներքնակի գրաբարյան իմաստները, և միայն Պ. Ճիզմէճեանի՝ 1992թ. հրատարակած բառարանը բարի 6-րդ իմաստ է նշում՝ «անկողնի այն մասը՝ որուն վրայ կը պառկինք՝ կը քնանանք (մեր վրայի ծածկոցը՝ վերմակ)»³³:

Կերակրել. ջամբել. դարմանել. սնուցանել. ոռջիկ տալ. կամ տալ նմա ուտել (եթէ պիտոյ իցէ) արքեցուցանել. արրուցանել. տալ նմա բմպել (Ձեռ. Ձեռ. 566(I), 253ա. 775, 64ա. 873, 200ա. 3110, 95ա. 6762, 112թ) և Սնուցանել. բուծանել. դարմանել. կերակրել. տալ նմա ուտել. բուծել. պարուրել. ոռջիկ տալ. ուտեալ տալ (Ձեռ. Ձեռ. 566(I), 270ա. 775, 74ա. 873, 213թ. 3110, 107թ. 6762, 124ա) ՆՇ-ներում առկա են համապատասխանաբար նպար և պարէն արմատներով և բայական -ել վերջավորությամբ բաղադրված նպարել և պարէնել բայերը: Բառարանները վկայում են նպարակել-ը՝ «նպարակօք բոշակել, պաշարօք լոնվ» (ՆՀԲ, հ. 2, էջ 453), «առաս պաշար տալ» (ԱԲ, էջ 626), «նպարեղէնով՝ պարէնով ապահովել, պարէնաւորել» (ԳԲ, հ. 2, էջ 300), և պարէնաւորել-ը՝ «գտանել զպարէն և ձարակել» (ՆՀԲ, հ. 2, էջ 632. ԱԲ, էջ 691), «սընուել» (ԳԲ, հ. 2, էջ 406. տե՛ս նաև ՀԱԲ, հ. 4, էջ 61) նշանակություններով: Նպարել և պարէնել բայերն առկա են ԲԳԱ-ում՝ «ապրուստ տալով պահել. կերցնելով պահել» բացատրություններով (ԲԳԱ, էջ 299, 337), ՍՀԲԲ-ում, երկուսն էլ՝ «տե՛ս ս հղումով՝ «տե՛ս նպարակել» («պարէնաւորել, ձանապարհի համար հարկաւոր ուտելեղէնը մատակարարել» (ՍՀԲԲ, հ. 3, էջ 486)) և «տե՛ս Պարենաւորել» («Պարէն՝ ուտելեղէն մատակարարել, պարէն տալ: Ուտեստի և այլ մթերքներ պատրաստել, պաշար պատրաստել» (ՍՀԲԲ, հ. 4, էջ 81)): Հարկ է նշել, որ պարէնել-ը՝ «սնուցանել պարէնիք. կերակրել» իմաստով հիշատակում է ՓԲ-ն (էջ 573), իսկ նպարել-ը՝ «см. Կերակրել» հղումով՝ ԽՀՌԲ -ն (հ. 2, էջ

³² Խոսքը վերաբերում է ԳՆԲՀ-ին (էջ 1023), Յ.Գայաեանի (Բառարան-զանձարան հայերէն լեզուի (Գահիրէ, 1938, էջ 365), Ա.Տեր Խաչատուրեանի, Հ. Գանգրունու և Փ.Կ. Տօնիկեանի (Հայոց լեզուի նոր բառարան, Պեյրութ, 1968, էջ 610), Գ.Ճերէճեանի, Փ.Կ. Տօնիկեանի և Ա.Տեր Խաչատուրեանի (Աշվ. բառ., հ. 2, էջ 378), Ա. Կոռանեանի (Աշվ. բառ., էջ 336) կազմած բառարաններին:

Դ. ՕՐԵՎԱՆՅԱՆ, ՀՀ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԱՅԱՆԱԿԱՆ ԱՐԴՅՈՒՆՈՒՅՆԱԳՐԻ ԽՈՍՔ, 1997 թ. 2. Խ. 1114:

248): Երկու բայերն էլ ՀՀԲ-ում «հզվի» նշումով են (ՀՀԲ, էջ 493, 543): *Պարենել-ը հիշատակում է նաև Հ. Բարսեղյանը³⁴:*

Տան մատունք հենաբառով ՆՇ-ն (Զեռ. Զեռ. 566(I), 273թ. 775, 76թ. 873, 216ա. 6762, 126թ) եզրափակում է պարտիզակ բառը՝ բաղադրված պարտեղ արմատով և -ակ նվազափաղարշական ածանցով: XVIII դ. ավանդված մյուս ՀԲ-ներում առկա է նվազափաղարշական -իկ ածանցով պարտիզիկ-ը (այն առկա է ՆՀԲ-ում, ԱԲ-ում, ՀԱԲ-ում, ԳԲ-ում և այլն): «Փոքրիկ պարտեղ» իմաստով պարտիզակ-ն ունեն միայն ԱՀԲԲ-ն (հ. 4, էջ 90), ՄՀԲԲ-ն (հ. 4, էջ 90), ԺՀԲԲ-ն (հ. 4, էջ 196), վերջին երկուսը՝ «հզվի» նշումով:

Խոնարհ. նուաստ. զիշեալ. ստորնագոյն. խոնարհագոյն ՆՇ-ում (Զեռ. Զեռ. 566(I), 249թ. 775, 62թ. 873, 198թ. 3110, 92ա. 6762, 111ա) վայրագոյն բառը՝ «խոնարհ, պարկեշտ, համեստ» նշանակությամբ է: Այն բաղադրված ըստ Հ. Աճայյանի «ընդարձակ զարգացում կրած» վայր բառով, որի 4-րդ նշանակությունն է՝ «վարը, ցածը, տակը, ներքն» (ըստ Հ. Աճայյանի՝ այն առաջանում է «հող, գետին իմաստից». ՀԱԲ, հ. 4, էջ 300), և ածականի գերադարձական աստիճան կազմող -(ա)զոյն ածանցով: Այս բառի դեպքում, սակայն, չի արդարացվում Հ. Աճայյանի վայր արմատին առնչվող «նիւթական ցածրութեան զաղափարին հետևում է բարոյական ստորութեան զաղափարը» դիտարկումը (ՀԱԲ, հ.4, էջ 301): պայմանավորված վայրագոյն-ի՝ տվյալ դեպքում նշանակության բնեուացմամբ՝ «պարկեշտ, համեստ»: Հետաքրքիր գուգադիպությամբ վայրագոյն-ը հանդիպում է միայն ՆՀԲ-ում խոնարհագոյն և ստորնագոյն բառերի բացատրության մեջ՝ «առաւել խոնարհ (ըստ ամենայն նշ). ցածագոյն. ստորնագոյն. վայրագոյն....», «կարի ստորին կամ ներքին. վայրագոյն» (ՆՀԲ, հ. 1, էջ 962, հ.2, էջ 751. ընդգծ.՝ Ն.Հ.):

Նորակազմ է նաև օդ, պար արմատներով և բայական -ել վերջավորությամբ բաղադրված օդապարել-ը, որ հանդիպում է Թոշել. վերաթել. սլանալ. ճախրել. բարձրանալ. թռանել ՆՇ-ում (Զեռ. Զեռ. 566(I), 246ա., 60ա. 873, 195ա. 3110, 88թ. 6762, 108թ): Գրաբարի տպագիր բառարանները վկայում են միայն օդապար-ը և օդապարիկ-ը՝ «Որ պարէ ընդ օդս՝ իրօք կամ նմանութեամբ....»

³⁴ Հ.Բարսեղյան, նշվ. բառ., էջ 774:

նշանակությամբ (ՆՀԲ, հ. 2, էջ 1023. ԱԲ, էջ 842. ԳԲ, հ. 2, էջ 648): *Օդապար* բառահողվածի վերջում *օդապարել* բայն է առկա XVIII դ. հետո հրատարակված բառարաններից ԳՆԲՀԼ-ում (էջ 1386), արևմտահայերենի՝ 1992թ. լուս տեսած բառարանում³⁵, նաև ՀՀԲ-ում՝ «Տե՛ս Օդաճախրել» հղումով (ՀՀՀԲ, 2009, էջ 1222), ԱՀԲԲ-ում՝ «բնատ.» նշումով և «օդում պարել՝ պտույտներ գործելով ճախրել» նշանակությամբ (էջ 1585):

Այսպիսով, XVIII դ. ավանդված ԶԲ-ներում արձանագրված նորակերտ բառերի մեծ մասի գոյությունը հավաստվում է XVIII դ. հետո հրատարակված բառարաններով:

Hovhannisyan Nazik- Newly Created Words in XVIII Century Manuscript Dictionaries of Synonyms.- In the XVIII century manuscript dictionaries of synonyms are fixed some words, which were not testified in the printed dictionaries of the Armenian and are created newly.

The words ասպատակութիւն and ասպատակասփոռութիւն (pillage, plunder(ing)), բոզարած (paramour), գերակարող (omnipotent, all-powerful), եռացուցանել (to weld), առակցել (to join, unite, connect), թարռուից (foot), խոչել (to damage), մանաւանդագոյն (main, chief), միայնատուն (mansion; detached house), ներքնակ and ներքնակ (mattress), նպարել and պարէնել (to feed, nourish), պարտիզակ (little garden), վայրազոյն (resigned), օդապարել (to fly) are considered.

Оганесян Назик- Новые слова в рукописных словарях синонимов XVIII века. - В рукописных словарях синонимов XVIII века встречаются новосозданные слова, которые незафиксированы в изданных словарях армянского языка.

Рассмотренны слова ասպատակութիւն и ասպատակասփոռութիւն (грабеж), բոզարած (любовник, любовница), գերակարող (всемогущий), եռացուցանել (сваривать), առակցել (соединять, присоединять), թարռուից (ступня), խոչել (вредить), մանաւանդագոյն (главный), միայնատоւն (особняк), ներքնակ и ներքնակ (матрас, тюфяк), նպարել и պարէնել (кормить, питать), պարտիզаկ (садик), վայրազոյն (покорный), օդապարել (летать).

³⁵ Գ.Ճերէճեան, Փ.Կ.Տօնիկիան, Ա.Տեր Խաչատուրեան, նշվ. բառ., հ. 2, էջ 1131:

ՈՐՈՇՅԱԼ ՀՈԴԵՐԻ ԻՄԱՍՏԱԳՈՐԾԱՌԱԿԱՆ
ԱՌԱՋԱՎԱԾԱՏԿՈՒԹՅՈՒՆՆԵՐԸ

Լեզվի մեջ կան բարիմաստի կոնկրետացման, խոսքիմասային իմաստի, շարահյուսական պաշտոնների տարրերակման բառային ու քերականական տարրեր միջոցներ: Սույն ուսումնասիրության մեջ այդ առումով իբրև քերականական միջոց մեզ հետաքրքրում են որոշիչ հոդերը, որոնք «անմիջականացնող, իրադրությունը որոշող արժեք ունեն (առարկայացուցիչներ, ակտուալիզատորներ): Դրվելով անունների վրա՝ այդ վերջամասնիկները որոշում են անունների հարաբերությունը դեպի հաղորդակցողները և հաղորդակցումը, ցույց տալիս, որ խոսողը որոշում է այդ անունների նշանակած առարկաները (կամ հենց իրենք անունները): Ըստ հաղորդակցողներին ծանոթ լինելու աստիճանի կամ հաղորդակցողների հետ ունեցած առնչության»:¹

Առհասարակ որոշյալ հոդերի բառային, քերականական, ինչպես և ոճական-արտահայտչական արժեքները բազմազան ու բազմապիսի են: Նրանց հիմնական գործառույթն այն է, որ դրվելով գոյականների վրա ցույց են տալիս, որ խոսքը խոսողի և խոսակցի համար որոշակի, խոսքի մեջ արդեն հիշատակված և կոնկրետ իրադրության մեջ դրված ծանոթ, հայտնի առարկայի մասին է: Օրինակ՝ Տղան հոր համար հայրենիքից քերեց մի բուռ հող: Սակայն որոշյալ հոդերով կարող են գործածվել նաև խոսքի մեջ առաջին անգամ հիշատակվող գոյականները: Դա նշանակում է, որ տվյալ գոյականներով արտահայտված առարկաներն արդեն հայտնի, ծանոթ են խոսողին, խոսակցին և որոշակի են ըստ իրադրության: Օրինակ՝ Փողոցն անցանք զգուշությամբ: Հյուրերը ժամանել են: Հրապարակը մարդաշատ էր: Նման դեպքերում որոշիչ հոդը կատարում է մասնավորեցնող դեր: Այս գործառույթից բացի՝ հոդը ունի նաև ընդհանրացնող նշանակություն: Ցույց է տալիս հասկա-

¹Գ. Զահոնկյան, Հայոց լեզվի զարգացումը և կառուցվածքը, Ե., 1969, էջ 139:

ցությունը որպես այդպիսին: Օրինակ՝ Առյուծը կենդանիների թագավորն է, իսկ արծիվը թռչունների արքան:

Որոշյալ հոդերի հիմնական գործառույթներից մեկն էլ այն է, որ նրանք արտահայտում են ծավալային ամբողջություն՝ դրվելով նյութ ցույց տվող գոյականների վրա: Օրինակ՝ Զուրբ թափի ր: Հասկանալի է, որ խոսքը վերաբերում է ամբողջին: Որոշիչ հոդի այս գործառույթը տարածվում է նաև հոգնակի թվով գործածված գոյականների վրա: Օրինակ՝ Ըսկիները անհրաժեշտ եր տարրերակել:

Որոշյալ հոդերը եական տարր են նաև փոխանվանական կաղապարներում: Դրանք ոչ գոյական խոսքի մասերին տալիս են գոյականական նշանակություն: Օրինակ՝ բարին, հինգը, բարձրացողը, նատածը, բռնը և այլն: Որոշ ածականների, ենթակայական և հարակատար դերբայների փոխանվանական կիրառությունը հանգեցրել է խոսքիմասային իմաստի երկփեղկման. նրանց մեջ զարգացել է նաև առարկայական նշանակությունը: Դրանցից են՝ երիտասարդ, աղքատ, զիժ, գերի, հարուստ, հիվանդ, ազգայնական, դպրոցական, զինվորական, համալսարանական, ասմունքող, ծառայող, արդյունաբերող, խորոված և այլն:

Նշված կիրառությունները որոշյալ հոդերի հիմնական գործառույթներն են, որոնք հայ լեզվաբանության մեջ մանրամասն ուսումնասիրված են (Գ. Զահուլյան, «Հայոց լեզվի զարգացումը և կառուցվածքը», Հ. Պետրոսյան, «Ակնարկներ հայերենի պատմական ձևաբանության», Ս. Աբրահամյան, «Ժամանակակից հայերենի քերականություն», Մ. Աստրյան, «Ժամանակակից հայոց լեզվի ձևաբանության հարցեր» և այլք): Իրենց հիմնական գործառույթներին (մասնավորեցնող, ընդհանուրացնող, ծավալային ամբողջություն ցույց տվող, առարկայական նշանակություն հաղորդող) գրւահեռ որոշյալ հոդերը կատարում են նաև իմաստային այլ գործառույթներ, որոնք կամ ուսումնասիրված չեն, կամ ուսումնասիրված են մասնակիորեն՝ լեզվական այլ երևույթների հետ կապված:

Ժամանակակից հայերենում կան իմաստային ամբողջություն ներկայացնող այնպիսի բայական հարադրություններ՝ կայուն կապակցություններ, որոնց անվանական բաղադրիչի հոդով գործածությունը պատճառ է դառնում կայուն հարադրությունների վերածմանը սովորական շարականութական կապակցությունների: Անցումը

պայմանավորված է լինում նաև բաղադրիչների իմաստային առանձնահատկությամբ և նրանց՝ շարահյուսական առանձին պաշտոնների ստանձնումով։ Օրինակ՝ զիսի ընկնել (հասկանալ)՝ զիսին ընկնել, կողքի ընկնել (համառել)՝ կողքին ընկնել, լրայս տեսնել (հրատարակվել)՝ լրայսը տեսնել, դեմ կանգնել (հակադրվել)՝ դեմը կանգնել և այլն։ Բերված օրինակներում առաջին եզրերը կայուն հարադրություններ են։ Մրանց բաղադրիչները թեև ձևականորեն անկախ են, բայց կազմում են մեկ ամբողջություն արտահայտելով փոխարերական իմաստ։ Անվանական բառի հոդով գործածությունը դառնում է հարադրության քայլայման ձևային ցուցիչ։ Կայուն հարադրությունը վերածվում է սովորական շարահյուսական կապակցության, որի բաղադրիչները նախադասության մեջ կատարում են տարրեր պաշտոններ և ազատ կերպով հանդես գալիս շարահյուսական այլեայլ կապակցություններում։² Օր. Լույս տեսավ հեղինակի առաջին ժողովածուն։ - Դուրս գալով նկուղից նա լրայսը տեսավ։ Այս նախադասությունների մեջ ընդգծված արտահայտությունների ձևային տարրերությունը պայմանավորված է միայն հոդով, որն էլ պատճառ է դարձել, որ հարադրված մասերը իմաստային կապով և բառական արժեքով տարրերվեն։ Առաջին նախադասության մեջ գործ ունենք մեկ բարդ բառի, իսկ երկրորդում՝ երկու ինքնուրույն բառերի հետ։ Առաջինում բաղադրիչներն ունեն միասնական ընդհանրացած իմաստ, իսկ երկրորդում դրանք մի ընդհանուր բառի բաղկացուցիչ մասեր չեն, այլ անկախ են և ձևով, և իմաստով, ուստի և նրանց մեջ բացահայտ է շարահյուսական կապը, իբրև առանձին ստորոգյալի և ուղիղ խնդրի կապ։ Առաջին նախադասության ընդգծված միավորը բայական հարադրություն է, տվյալ նախադասության պարզ ստորոգյալը, իսկ երկրորդ նախադասության մեջ ընդգծվածը խնդրառությամբ կապակցված սովորական բառակապակցություն է (լրայսը – ուղիղ խնդրի, տեսավ – պարզ ստորոգյալ)։

Նույն ձևով կան դարձվածքային արժեք ունեցող այնպիսի հարադրություններ, որոնց գոյականական բաղադրիչների՝ որոշիչ հոդ ունենալ-չունենալով պայմանավորվում է նրանց՝ տարրեր

²Տե՛ս Ա.Աբրահամյան, Բայը Ժամանակակից հայերենում, Ե., 1962, էջ 174:

իմաստներին հարելը: Այսպես՝ առաջ գալ-ծագել, սերել, առաջադիմություն ցույց տալ //առաջը գալ-երևալ, պատկերանալ, իրեն վիճակվել, հատուցվել, զլուխ պահել-ծովություն անել //զլուխը պահել-մի կերպ կառավարվել, խելքի գալ-սրափվել, զգաստանալ, համոզվել // խելքին գալ -խենթանալ, մտադրվել, հասկանալ, կյանք տալ- կենդանացնել, աշխուժացնել //կյանքը տալ-կյանքը զոհաբերել, նվիրել, մի բանի համար ֆիզիկական և հոգեկան բոլոր ուժերը նվիրել, հոգի տալ- անսահմանորեն նվիրված լինել մի բանի, նվիրվածութամբ մի բան անել, պատրաստ լինել կյանքը տալու մի բանի, սաստիկ ցանկանալ // հոգին տալ-հոգին ավանդել, մեռնել, հաց ուտել-եկամուտ, շահ ստանալ// հացը ուտել - նման լինել, նոյն բախտին, վիճակին արժանանալ, վատ արդյունք սպասվել, պատժվել, ձեռք առնել- ծաղրի առարկա դարձնել, վրան ծիծաղել, կատակել, մի բան ձեռնարկել, // ձեռքը առնել -ստանձնել, բուռը հավաքել, շունչ տալ- կենդանություն տալ //շունչը տալ-անձը զոհաբերել, հասակ առնել-մեծանալ // հասակն առնել-մեծահասակ դառնալ, սիրտ առնել- քաջալերվել // սիրտն առնել- սիրաշահել, ոսկոր կտրել - նիհարել, հալվել-մաշվել // ոսկորը կտրել- շատ աշխատանք թափել, շարչարվել և այլն.³ Բերված օրինակներից պարզ երևում է, որ անվանական բաղադրիչը, հոդ ընդունելով, ազդում է հարադրության բառական իմաստի վրա, սակայն չի քայլայում հարադրությունը: Օրինակ՝ Հայ գինվորն իր շունչը տվեց (անձը զոհաբերեց) հայրենիքի անվտանգության համար: Նա իր աշխատասիրությամբ շունչ տվեց (կենդանություն տվեց) ծարաված այզիներին: Երկու նախադասություններում էլ ընդգծված միավորները հարադրություն են՝ բարիմաստի տարբերությամբ:

Ժամանակակից հայերենում կան շարահյուսական հիմունքով գոյացած բայրական այնպիսի հարադրություններ ել, որոնց անվանական բաղադրիչի հոդ ընդունելը չի ազդում հարադրական բարի բառական միասնության վրա, հոդը չի փոխում հարադրության իմաստը և չի քայլայում այն, երկու տարբերակներն ել մնում են իմաստային նոյն դաշտում: Օրինակ՝ ականջը/ տանել – ձանձ-

³Ներկայացվող դարձվածքների իմաստները բերված են ըստ Ա. Ս. Սուրիասյանի, Ս. Ա. Գալստյանի «Հայոց լեզվի դարձվածաբանական բառարանի», Ե., 1975:

բացնել, լսողությունը հոգնեցնել, անկողին/՛/ արաւավորել- ամուսնական ուխտին դավաճանել, աչք/՛/ տնկել—հայացքը կենտրոնացնել, ուշադրությամբ մի բանի նայել, մի բանի վրա աչք ունենալ, ապալինել, նախանձով նայել մի բանի, գլուխ/՛/ տաքացնել-որևէ բանի հասնելու համար շատ չարչարվել, մի բանի շատ ձգտել, իրար անցնել, մի բանի մասին շատ մտածել, դժվարությամբ զլսի ընկնել և այլն:

Ժամանակակից հայերենում հոդը երբեմն գործածվում է խոսքիմասային տարարժեքություն ունեցող բառերի կիրառությունները սահմանազելու համար: Այսպես՝ ածականական ծագում ունեցող և ածական-գոյական տարարժեքություն դրսնորող մի շարք բառերի իմաստները նույն նախադասություններում կարող են տարրորշվել հոդի գործածությամբ: Օրինակ՝ Եկողը երիտասարդ է:/ածական/-Եկողը երիտասարդն է:/գոյական/: Մակրայական և այլ ծագում ունեցող մի շարք անխսկական կապեր և կապական բառեր, ինքնին շինելով նախադասության անդամ, ստանալով որոշյալ հոդ, ձեռք են բերում մակրայական-պարագայական գործածություն: Այդպիսի բառերից են՝ առաջ, առջև, դիմաց, դուրս, մեջ, մոտ, շուրջ, վրա, դեմ և այլն: Օրինակ՝ 1.Շենքի առաջ հավաքել էին մարդիկ: /կապ/-Շենքի առաջը հավաքել էին մարդիկ: /մակրայ/ 2.Նրա դեմ ոչինչ անել չես կարող: /կապ/-Բացվել է դեմք աշխարհի հեռուն: /մակրայ/ 3. Նրանց հանեցին հայրենիքից դուրս /կապ/: - Դուրսը հարազատ ոչինչ չկար: /մակրայ/ 4.Դռնից ներս անմիջապես հյուրանոցն էր: /կապ/- Ներսը մուր էր: /մակրայ/: 5.Շուրջ երկու տարի պտտվում էր: (կապ) -Շուրջը երկու տարի պտտվում էր: (տեղի մակրայ:)

Հոդը կարող է առաջ բերել նաև ածական-մակրայ (Սուտ մարդ չկար: /ածական/- Սոտը մարդ չկար: / մակրայ/, գոյական-վերաբերական (Վե՛րջ, ել ոչինչ չես անի: /գոյական/-Վերջը, ել ոչինչ չե՞ս անի: /վերաբերական/, թվական -անորոշ դերանուն (Մեկ նշանակեց: /թվական/-Մեկը նշանակեց: /դերանուն/) խոսքիմասային տարարժեքություն: Այն երբեմն նաև նույնաբաղադրիչ նախադասության մեջ ներխոսքիմասային տարարժեքության տարր է: Օրինակ Առաջ դպրոց էր: (ժամանակի մակրայ) -Առաջը դպրոց էր: (տեղի մակրայ)

Մնալով իմաստային նույն խմբում՝ վեր և վար մակրայներից

ոչ միայն ձեռվ, այլև իմաստով որոշ չափով տարբերվում են վերը և վարը: Եթե անհող ձեւերն ուղղության շատ թույլ իմաստ ունեն, ապա հոդով ձեւերը զուրկ են այդ իմաստից և պարզապես ցույց են տալիս այն տեղը, որտեղ կատարվում է գործողությունը կամ գոտնվում է տվյալ առարկան, հատկանիշը: Օրինակ՝ Նա երբեմն նայում էր վեր: - Վերը՝ կապույտ երկնքում, աստղերն են շողշողում: Թափով իջակ վար: - Վարը տարածվել էր մի նուրբ ու թափանցիկ մշուշ:

Երբեմն բառի խոսքիմասային իմաստը կարող է պայմանավորված լինել լրացյալի հոդով կամ առանց հոդի գործածությամբ: Այսպես «Մի թերթ պոկեցի» նախադասության մեջ մի բառը անհող լրացյալի մոտ ընկալվում է և անորոշ դերանուն, և թվական, իսկ հոդով լրացյալի մոտ միայն թվական «Մի թերթը պոկեցի»:

Ինչպես բառի կապական կամ դերանվանական իմաստի տարբերակման գործում հոդը երբեմն կատարում է կարենոր դեր: Օրինակ՝ «Նա սավառնում է ինչպես արծիվ» նախադասության մեջ ինչպես բառը, լինելով կապ, իր խնդրի հետ կատարում է ձեի պարագայի պաշտոն: Եթր հոլովառու բառը գործածվում է հոդով, ապա վերածվում է ենթակայի, որի կողքին արդեն ինչպես բառը դիտվում է իբրև հարաբերական դերանուն, որով կապակցվում է զեղչած ստորոգյալով ձեի պարագա երկրորդական նախադասությունը գլխավորին: Օր՝ Նա սավառնում է, ինչպես արծիվը:

Որոշյալ հոդերն ունեն նաև նախադասության անդամի շարահյուսական գործառույթը տարբերակելու հատկություն: Այսպես լրացում-լրացյալ հարաբերության մեջ գոտնվող որոշ բառակապակցություններում հոդի գործածությունը փոխում է ինչպես բաղադրիչների շարահյուսական հարաբերության բնույթը, կապակցման եղանակները, այնպես էլ նրանց ունեցած պաշտոնները: Օրինակ՝ կան ուղղական հոլովով դրված զրադմունք, մասնագիտություն, կոչում, ազգակցություն ցույց տվող բառեր, որոնք լրացնում են հատուկ անուն գերազա անդամին (սպարապետ Վազգեն), կամ էլ հատուկ անունն է լրացնում հիշյալ իմաստային խմբերի մեջ մտնող բառերին (Վազգեն սպարապետ): Եթե նման կապակցություններում որոշյախին կիրառություն ունեցող բառերը ստանում են հոդ, ապա որոշիչ-որոշյալ հարաբերությունը (կապակցման եղանակը՝ առդրություն) փոխվում է բացահայտյալ -բացահայտյալ հարաբե-

բության (կապակցման եղանակը՝ համաձայնություն): Օրինակ՝ Վազգեն սպարապետը առանձնանում էր իր մարտական արվեստով: - Վազգենը՝ սպարապետը, առանձնանում էր իր մարտական արվեստով: Առաջին նախադասության որոշիչը երկրորդ նախադասության մեջ դառնում է ենթակա, իսկ ենթական բացահայտիչ:

Ժամանակակից հայերենում կան եղանակիչի արժեք ունեցող բայեր, որոնք պահանջում են անորոշ դերբայ լրացում: Դրանցից արգելել բարեհաճել, մոռանալ, սկսել, շարունակել, գերադասել և մի քանի այլ բայեր, եթե հարադրվում են անհող անորոշ դերբային, կազմում են բաղադրյալ ստորովյալ: Նոյն բայերի կողքին հոդառու անորոշ դերբայը վերածվում է ուղիղ խնդրի: Դա ավելի է ընդգծվում, եթե դերբայը դրվում է դիմավոր բայից առաջ: Օրինակ՝ Ուսուցիչը շարունակում է բացատրել: // Ուսուցիչը շարունակում է բացատրելը: / Ուսուցիչը բացատրելն է շարունակում: Նա գերադասում է լոել: // Նա գերադասում է լոելը: / Նա լրելն է գերադասում: Արգելեց խոսել: // Արգելեց խոսելը: // Խոսելը արգելեց: Սոռացավ հիշեցնել: // Հիշեցնելը մոռացավ:

Ածականից, մակրայից կամ մի այլ խոսքի մասից և բայական հանգույցից կազմված լավ է, վատ է, անհնարին է, հնարավոր է, հաճելի է, տհած է, դժվար է, հեշտ է, ապարդյուն է և նման մի շարք կառույցներ անհող անորոշ դերբայի հետ կազմում են միակազմ անդեմ նախադասության գերադաս անդամ: Նոյն կառույցներում անորոշ դերբայը, ստանալով հոդ, կատարում է ենթակայի պաշտոն: Փոխվում են ինչպես բառերի շարահյուսական գործառույթները, այնպես էլ նախադասությունների կազմույթունը: Միակազմ անդեմ նախադասությունը վերածվում է երկկազմ նախադասության: Օրինակ՝ Հաճելի է նկարել: // Հաճելի է նկարելը: Դժվար է ներկայացնել: // Դժվար է ներկայացնելը:

Նախադասության անդամների շարահյուսական պաշտոնների և նրանց կապակցման եղանակների փոփոխությունը, պայմանավորված հոդի գործածությամբ, կարելի է ցույց տալ համեմատելով «Երգում է Կոմիտաս» և «Երգում է Կոմիտասը» նախադասությունները: Առաջին նախադասությունը գեղված ենթակայոլ նախադասություն է, որի փոխանուն ուղիղ խնդիրը (Կոմիտաս) խնդրառությամբ կապակցված է գերադաս անդամին: Երկրորդ

նախադասության մեջ նույն բառը դարձել է ստորովյալին համաձայնությամբ կապակցված ենթակա:

Հողի գործածությամբ տարրերվում են և բաղադրյալ ստորոգյալից հետո թվարկվող բազմակի ենթականները բացահայտիչներից, օրինակ՝ «Իմ սիրած քաղաքներն են Երևանը, Մոսկվան, Փարիզը» և «Իմ սիրած քաղաքներն են՝ Երևան, Մոսկվա, Փարիզ»:

Որոշ կառույցներում անորոշ դերբայր, պես կապի կողքին դրվելով որոշյալ առումով, կատարում է ժամանակի պարագայի, իսկ անորոշ առումով՝ ձևի պարագայի պաշտոններ: Օրինակ՝ Երգելուն պես սկսեց լացել: // Երգելու պես սկսեց լացել:

Որոշյալ հոդի գործածությունը ձևաբանական և շարահյուսական մակարդակներում որոշակիորեն սահմանափակված է կամ, ընդհակառակը, նրա գործածությունը պարտադիր է տվյալ գործառույթը կատարող լեզվական միավորի համար: Կան բառեր, որոնք ընդհանրապես հոդ չեն ստանում, օրինակ՝ աստված (միայն ուղղականում), կանայք, պարոնայք, մարդիկ, անձինք, -անք, -ենք, -ունք, -ոնք ածանցներով աննեղական գոյականները՝ Արամենք, Վարդանանք, Վեդոնք, մերոնք և այլն: Կան և բառեր, որոնց դեպքում հոդը կատարում է բառայնացման արժեք, օրինակ՝ ընդամենք, ընդհակառակը/ն/, սառը, դառը, խառը, ինքը, ամենքը, ամեն մեկը, ոչ մեկը, վադը և այլն:

Ժամանակակից հայերենում որոշյալ հոդերի գործածությունը կապված է նաև հոդառու բառի վերադրի բնույթից: Որպես այդպիսի դեր կատարող վերադիրներ կարող են հանդես գալ.

1.Այս, այդ, այն, սույն, նույն, միևնույն, մյուս, ո՞ր, ո՞րերորդ, քանի՞երորդ, բռլոր, ողջ, ամբողջ, համայն, այսինչ, այնինչ դերանունների հետ իբրև լրացյալ գործածվող գոյականները կամ գոյականաբար գործածված բառերը: Օրինակ՝ Արդեն ո՞րերորդ մարդը կրկնում էր նույն հարցը: Ողջ մարդկությանը խաղաղություն է անհրաժեշտ: Ողջ, ամբողջ դերանունները, սակայն, զուգակցվելով մի անորոշ դերանվան հետ, պահանջում են անորոշ առումով լրացյալ: Օրինակ՝ մի ամբողջ աշխարհ, մի ողջ երկիր:

2.Ածականի գերադրական աստիճանը՝ Նա իրեն ամենաերջանիկ հայն է համարում:

3.Դասական թվականները՝ Վեցերորդ գիշերը մոլորված մի

պտտահողմ անցավ մեր ժայռերի վրայով:

4. Ուղղական հոլովով դրված գոյական որոշիչները՝ Տիկին Աննան հայրենակիցներին հրաժեշտ տվեց: Սովորաբար որոշյալ լրացյալ է պահանջում և հասուկ անուն որոշիչը՝ Աննա մորոքովը հրաշալի կին է:

5.Հատկացուցիչը՝ Այդ օրը երկնքի աստղերն այնքան շատ էին, որ թվում էր, թէ երկինքը հյուսված էր աստղերից: Երբ տվյալ հոլովածեր զործածվում է հատկանշային իմաստով, լրացյալը սովորաբար դրվում է անորոշ առումով: Օրինակ՝ Պատերազմում թրծված այդ կինը տղամարդու ձայն ունի: Նա կարուտել է մոր գրկի: Ես հավաքել եմ դաշտի ծաղիկներ: Քննարկվող հարցի հեսակետից հետաքրքրական է, որ այդպիսի վերադիրները նույնիսկ երբեմն կարելի է փոխարինել համապատասխան հարաբերական ածականներով՝ տղամարդկային ձայն, մայրական գիրկ, դաշտային ծաղիկներ և այլն:

6.Որոշակի հարաբերությամբ առարկա ցույց տվող ցուցականության իմաստ ունեցող մի շարք բառեր՝ միջին, վերջին, հաջորդ, հետևյալ, նշված, վերոնշյալ և այլն: Օրինակ՝ Վերջին գիրքը նվիրեցի հաջորդ երեխային:⁴

Որոշյալ առումով ուղղականաձև կամ տրականաձև կապվող բառ են պահանջում առ, ի վար, ի վեր, նախքան, չհաշված, առընթեր, զուգընթաց, ընդառաջ, կից, հակառակ, համաձայն, համապատասխան, հավասար, նայած, չնայած, չնայելով, իսկ անորոշ առումով՝ զերդ, ի, չանցած, առանց, առթիվ, առջև, դեմ, դիմաց, երեսից, ընդդեմ, ընթացքում, ըստ, ժամանակ, ի դեմս, ի թիվս, ի հեճուկս, ի տարրերություն, ի փառս, հանձին, հանուն, կողմից, համար, հասցեին, հետ, հետևանքով, հիման վրա, հօգուտ, համեմատ, հանդեպ, ձեռքից, մասին, մեջ, միջև, միջոցով, մոտ, ներքո, նկատմամբ, նպատակով, շնորհիվ, շուրջ /ը/, չափ, պատճառով, պես, վերաբերմամաբ, վերաբերյալ, տեղ, փոխարեն, փոխանակ կապերն ու կապական բառերը:

Որքան, ինչքան, քանի, ինչպիսի, որպիսի, ամեն մի, ինչ-ոք,

⁴Տե՛ս Հ. Պետրոսյան, Ակնարկներ հայերենի պատմական ձևաբանության, Ե., 1976, էջ 173-179:

ինչ-ինչ, ոմն, մի, ուրիշ, այլ, որոշ, որեւէ, որևիցէ, մի քանի, մի երկու, ոչ մի դերանունները ևս գործածվում են անորոշ առումով լրացյալի հետ:

Կան հոլովածեր՝ բացառական, գործիական, ներգոյական, որոնք միշտ գործածվում են առանց որոշյալ հողերի, և քանի որ հողը ուղղակիորեն կապվում է հոլովի գործառության հետ, բնականաբար նախադասության այն անդամները, որոնք արտահայտվում են նշված հոլովներով, գործածվում են առանց որոշիչ հողի:

Կան և հոլովածեր (ուղղական, տրական), որոնց հողով կամ առանց հողի գործածությունը բխում է տվյալ նախադասության մեջ նրանց արտահայտած քերականական իմաստից: Այսպես՝ հողառու չեն գոյականի ուղղական հոլովով արտահայտված որոշիչը ուսուցիչ Գրիգորյան, վարպետ Մինաս, բանաստեղծ Թումանյան, նկարիչ Սարյան, տեղի, ժամանակի, նյութի և այլ իմաստ արտահայտող գոյականների տրական հոլովածեռով արտահայտված որոշիչը սարի ծաղիկ, դաշտի շուշան, անտառի սունկ, թեյի բաժակ, զինու թաս և այլն, հատկացնոցիչը կյանքի զինը, քաղաքի համայնապատկերը, բուն բացահայտիչը, եթե բացահայտյալը արտահայտված է հատկացական տրականով՝ «Նրա դստեր՝ Անահիտի աղջկա հետ բաղուց եմ ծանոթ», մասնական բացահայտիչը՝ «Նա իբրև հայրենակից, ինձ շատ հարազատ է», «Նրան՝ իբրև հայրենակցի, հարգում են բոլորը», նպատակի տրականը՝ «Գնաց աղբյուրը՝ ջրի», տրական կողմնակի ենթական՝ «Դուն բացվելուն պես եկավ», անվանական անդեմ նախադասության գերադաս անդամը, որի կողքին դրված չեն ահա վերաբերականը և այլ անդամներ՝ «Հայրենիք», «Սուրբ կոթողներ» բայց «Ահա մեր հայրենիքը», «Ահա մեր սուրբ կոթողները» և այլն:

Որպես հանգույց գործածվող դառնալ, թվալ, համարվել, հանդիսանալ, երեալ, կոչվել, հոչակվել, ճանաչվել, ձևանալ, մնալ, անվանել, նշանակվել, առաջադրվել և այլ վերացական բառերի կողքին վերադիրը հիմնականում դրվում է անորոշ առումով, մանավանդ երբ այն վերացական բայից հետո է՝ դարձալ ուսուցիչ, համարվեց եերու, ձևացակ դերասան, առաջադրվեց պատգամավոր և այլն:

Մրանց հակառակ՝ ժամանակի տրականը գործածվում է

հողով՝ լրասարացին, ծեզին, մայրամուտին, հունվարին, ամռանը, գարնանը և այլն: Սրանց հողառությունը պայմանավորված է գերազանցապես նրանով, որ նրանց արտահայտած հասկացությունները գործողությունը առնում են որոշակի ժամանակային հաջորդականությամբ, ներկայացնում են <<որոշյալ>> ժամանակակետ՝ Մայրամուտին արևը բորբ է լինում:

Մաս և կես բառերը ենթակայի կամ խնդրի պաշտոնում գերազանցապես հողառու են, հաճախ նաև հոդ չպահանջող վերադրի առկայությամբ: Օրինակ՝ Ժառանգության մի որոշ մասը պիտի ստանա կինը: Մեծ մասը բաժին կհասնի երեխաներին:

Այսպիսով՝ ժամանակակից հայերենում որոշիչ հողերի բառային, քերականական և ոճապրտահայտչական արժեքները բազմազան են, նրանք կարող են լինել ինչպես բառիմաստի կոնկրետացման, մասնավորման, այնպես էլ խոսրիմասային իմաստի, շարահյուսական պաշտոնների տարրերակման միջոց:

Ghazaryan Hasmik -Semantic and Functional Features of the Definite Article.- Semantic and functional features of the definite article Lexical, grammatical, as well as stylistic and expressive value of Armenia definite article is diverse and versatile. In Standard Modern Armenian definite article together with its main functions (specification, generalization, reflecting volume integrity and communicating substantial meaning) performs other functions. As an element of lexical and grammatical conversion it exhibits the feature of differentiation of the function of members of the sentence.

Газаря Асмик- Семантико-функциональные особенности определенного артикля. - Семантико-функциональные особенности определенного артикла разнообразны и многообразны. В современном армянском литературном языке определенный артикль, кроме присущих ему основной функции (конкретизирующей, обобщающей, обозначающей объемное единство, предающее предметное значение) выполняет иные семантические функции, являясь элементом лексической или грамматической конверсии и в этой связи обнаруживая также особенность разграничения функции члена предложения.

ՀՆԴԵՎՐՈՊԱԿԱՆ ԱՐՄԱՏԵՐԸ ԱՐՑԱԽԻ ՏԵՂԱՆՎԱՆԱԿԱՆ ՀԱՍԱԿԱՐԳՈՒՄ

Արցախի տեղանվանական համակարգում հնդեվրոպական ծագման հիմքերով կազմված անունները մեծ թիվ են կազմում։ Հայկական բարձրավանդակի՝ համապատասխան հիմքերով կազմված տեղանունների բավականաշատ մեծ թվի առկայության փաստը Զահուկյանը բացատրում է նրանով, որ հայերը, հիմնականում չփոխելով գործածության մեջ եղած տեղանունները, ամեն մի նոր հիմնադրած վայր անվանակոչում էին կամ հայտնի տեղանունների՝ լեռնան, գետի անուններով, կամ անձնանուններով, կամ էլ հայկական համապատասխան լեզվամիջոցներով¹։ Եվ Արցախի տեղանվանական համակարգում բոլոր պատմաշրջաններում էլ թե՛ նոր անվանումների և թե՛ վերանվանումների դեպքում այդ երևույթն օրինաշափորեն գործում էր։

Թերևս այն իրողությունը, որ Հայկական բարձրավանդակի տեղանուններում վկայված հնդեվրոպական ծագման բառերի զգալի մասը աշխարհագրական օբյեկտների անվանում է՝ տեղանիշ անուն, բնորոշ է նաև Արցախի տեղանվանական համակարգին։ Այդ միավորներն իրենց կիրառական ակտիվությամբ ցայսօր էլ առաջնային են։ Դրանք են Ճոր/Ճօր/20/, Քաղ/8/, Քար/11/, Սար/7/, Գոմ/Կոմ/4/, Խող/5/, Չուր/Ճուր/7/ աղբյուր/ախպուր/4/, Գետ/Կէտ/4/, Մեղ/Մըհ/4/, Խող/Ճուր/7/ աղբյուր/ախպուր/4/, Գետ/Կէտ/4/, Մեղ/Մըհ/ հիմնական ձևույթները, որոնցով բաղադրված բնականունների թիվն անցնում է 7 տասնյակից²։ Այսպէս Ճոր աշխարհագրական անվամբ բաղադրված է թվով 20 հին ու նոր բնականուն, Քար բաղադրիչով՝ թվով 11 բնականուն, Քաղ եզրով՝ 9 բնականուն, Սար եզրով՝ 7, Չուր եզրով՝ 7 բնականուն, աղբյուր՝ 4, Գետ/Կէտ՝ 3,

¹ Զահուկյան Գ., Հայոց լեզվի պատմություն. նախագրային շրջան, Հայկ. ՍՍՀ ԳԱ հրատ., Ե., 1987, էջ 412։

² «ԼՂՀ վարչատարածքային բաժանման մասին» ԼՂՀ 1998թ. հունիսի 26-ի ՀՕ-15 օրենքի/2011թ. ապրիլի 1-ի ՀՕ-Ն օրենքների լրացումներով ու փոփոխություններով/ հավելված թիվ 2։

հող եզրով՝ 6 բնականուն, գոմ եզրով՝ 6:

Ընդ որում տեղանիշ այդ միավորները հաճախական կիրառություն ունենին ինչպես հին բնականունների կազմություններում, այնպես էլ շարունակում են մնալ ամենակենսունակ եզրերը նոր բնակավայրերի անվանակոչումներում: Եվ սա փաստում է այն իրողությունը, որ բնականունները անվանակոչելիս կարևոր կողմնորոշիչ է մնում տարածքի աշխարհագրական բնութագիրը: Անշուշտ, արդի տեղնավանագիտությունն ավելի հարուստ է և բազմանշանակ, բայց և հին ժամանակներից գործող օրինաչափություն է, որ անվանումը տրվում էր տվյալ տարածքի աշխարհագրական բնութագիրը հիմք ընդունելով:

Այսպես՝ Հաղորդի շրջանի բնականուններում ձռք եզրով բաղադրված բնականունները թվով 6-ն էն/Զորացյուղ, Բանաձոր, Խանձաձոր, Ծամձոր, Մարիամաձոր, Ուխտաձոր/, իսկ Քաշաթաղի շրջանում՝ 9-ը/Բերձոր, Աղաձոր, Սեղվաձոր, Դրախտաձոր, Ուխտաձոր, Խշանաձոր, Ծորաձոր, Զորափ, Աղբբաձոր/, ընդ որում վերջիններս /բացի Բերձորից/ նոր բնականուններ են վերանվանումներ: Երկու դեպքում էլ բնականվանումների հիմք են դարձել այդ շրջանների աշխարհագրական նկարագրի իրողությունները: Այդպես նաև Մարտակերտի շրջանի բնականուններում թվական նկատելի կշիռ ունեն անտառային նկարագիր տվյալ անվանումները Ծմակահող, Թրլդու, Կիշան, Քօլատակ/քոլ-անտառ/, Կոճողոտ: Հայտնի է, որ Մարտակերտի շրջանն իր անտառային ֆոնդով Արցախի Հանապետության անտառային ծածկի մեծ մասն է գրադարձնում³:

Նշված տեղանիշ միավորներից գոմ եզրն է, որի տեղանվանակերտության գործառույթն այսօր գրեթե մարած է. այդ եզրով փաստաթղթային-իրավաբանական ձանապարհով տեղանուն կերտելու հնարավորությունը խիստ սահմանափակ է, քույլ է նաև բնական ձանապարհով առաջանալու հնարինությունը պայմանավորված հասարակատնտեսական նոր հարաբերություններով: Սա նշանակում է նաև, որ տեղանիշ յուրաքանչյուր եզր տեղանվանա-

³ Մելքոնյան Ս., Հեռնային Ղարաբաղի Հանրապետության աշխարհագրություն, «Լուս», Երևան, 1998, էջ 51:

կերտության կենսունակություն ունի, եթե նրա արտահայտած բառական իմաստը և դրանով նշվող իրողությունը ժամանակային որևէ պարագծով չեն սահմանափակվում:

Անշուշտ, տեղանունը հասցե է, այն մատնանշում է կոնկրետ օբյեկտ. սա նրա հիմնական իմաստն է: Բայց և յուրաքանչյուր միավոր դառնում է տեղանվանահիմք՝ իր նյութական նշանակությամբ: Հետո միայն իբրև տեղանուն, ինչպես նշում է Վ. Նիկոնովը, իմաստով կտրվում է տեղանվանահիմք միավորի բարիմաստից, և առաջնային իմաստն է դառնում հասցեականությունը⁴:

Արցախի տեղանվանական համակարգում հաճախական կիրառությամբ հանդես են զալիս նաև բնակավայրի տեղագրական առանձնահատկությունը նկարագրող հնդեվրոպական ծագման բառամիավորներ. ինչպիսիք են՝ *մեծ, եկն, նոր, վերին/յերեւ, ներքին/ներէրքեւ, մյուս և այլն:*

Այսպես՝ պատմական Արցախի 12 նահանգներից երեքը՝ *Մեծ Առանքը, Մեծ Կուենքը և Մյուս Հարանդը* այդպիսի բաղադրություններ են: Ընդ որում, այս բոլոր բնութագրից եզրերը մեծ, մյուս և այլն, նաև պատմական կարևոր տեղեկանք են տալիս այդ զավառանունների մասին. մեծ որոշիչով կարող է տարբերվել մի տեղանունը արդեն իսկ գոյություն ունեցող նույնանուն մեկ այլ տեղանունից, որն ավելի հին է, քան որոշիչով տարբերակվողը: Եվ այս դեպքում նշանակություն չունի մեծը տեղանվան տարածական բնութագիրն է տալիս, թե մեկ այլ հատկանշային առանձնահատկություն է նշում: Նույնը հավաստում է պատմական աղբյուրը: Բ. Ուլուբարյանը նշում է, որ *Մեծառանքը կազմված է Առան տեղանունից, սա է, ըստ ավանդության, Առան Սիսակյան այն առաջին իշխանի անունից է, որ Վաղարշակ քազավորի կողմից կուսակալ էր կարգված Հայաստանի կյուսարևելյան զավառների վրա⁵: Ակզբնապես Առան է կոչվել Խաչենագետի և Թարթառի ստորին ավագաններն ընդգրկող տարածքը: Հետագայում պարսիկ և արար մատենագիրները Առան անունով էին կոչում նաև Կուրի ձախագինյակը⁶:*

⁴ Никонов А. В., *Введение в топонимику*, “Наука”, Москва, 1965, стр 58.

⁵ Ուլուբարյան Բ., Խաչենի իշխանությունը X-XVI դդ., Հայկ. ՍՍՀ ԳԱ իրատ, Ե., 1975, էջ 31:

⁶ Նույնը, էջ 40:

Այդպես նաև Մյուս եզրը կցվել է Հարանդին՝ Սյունիքի նույնանուն գավառանունից արցախյանը տարբերելու համար: Նույնը հաստատում է պատմական տեղեկանքը. «Ասկէ կը հետեւի, որ Արցախի Հարանդ գաւառը, զոր Խոր. աշխարհազրութիւնը միւս Հարանդ կանուանէ՝ Միւնեաց Հարանդ գաւառէն գանազանելով, Սովոչէն և անկէ քաղող մատէնազիրներէն՝ Փոքր Միւնիք անուանուած է»/⁷ ընդգծումը մերն հ?՝

Ներքին և վերին տեղագրական բնութագրերը հիմնականում միևնույն բնակավայրի երկու մասերն են առանձնացնում: Գրեթե բոլոր բնակավայրերում բնական ճանապարհով առաջացած այսպիսի տարբերակում առկա է, բայց այն փաստաթղթային վավերացում չի ստանում և մանրատեղանվան կաղապարում է գիտակցելի: Իբրև բնականուն՝ փաստաթղթային-իրավաբանական վավերացում ունեն Վերին Սղներ-Ներքին Սղներ, Վերին Հռոարադ-Ներքին Հռոարադ բնականունները:

Այսօր Արցախի բնականուններում տեղագրական առանձնահատկություններ նշող այդ եզրերով կազմությունների թիվը հասնում է 29-ի, որից նոր բառային միավորով կազմված 14 բնականուններ պատմական հին բնականունների նույնականությամբ են ստեղծվել: ինչպես՝ Նոր Կարմիրավան, Նոր Հայկաջուր, Նոր Բրաջուր, Նոր Մարադա, Նոր Ղազանչի և այլն: Այս դեպքում նոր-ով վերանվանումները համապատասխան բնակավայրերից տարհանված բնակչությանը հղվող վերաբնակեցման յուրօրինակ կանչ են դառնում:

Վերանվանված այդ բնակավայրերից մեկում զուգակից առկա են նոր ու վերին բնութագրիչ եզրերը. Նոր Վերինշեն (*Շահումյանի շրջանում* կար Վերին շեն ավան, որը ժամանակավորապես գտնվում է հակառակորդի հսկողության տակ: Այսօրվա Շահումյանի (նախկին Քարվաճառի) շրջանում հիմնադրվել է նոր բնակավայր Նոր Վերինշեն գյուղը): Ակնհայտ է, որ այս դեպքում համարական կազմության մեջ ինքնարեր լուծվել են բաղադրիչների իմաստները, և վերին բաղադրիչն այլևս գիտակցելի չէ իր բնութա-

⁷ Հիւշման Հ., Հին հայոց տեղոյ անունները: Հայոց աշխարհին պատմական տեղեկագրութեան մասին ուսումնափրութիւններով /Թարգմ./ Հ. Բ. Պիլզիկյան: Վիեննա: Միհրարեան տպարան, 1907, էջ 100-101:

գրող, որոշարկող նշանակությամբ, այլ դարձել է տեղանվան բաղադրիչ: Նոր եզրն է այս դեպքում բնութագրիչը:

Բոլոր այս կազմություններում նոր-ի մինչտեղանվանական՝ բառական իմաստը որոշակի է, մինչդեռ համադրական բարդություններում՝ Նորշեն, Նորաշենիկ, Նորազյուղ, Նոր միավորը կորցրել է իր բառական նշանակությունն ու դարձել տեղանվան բաղադրիչ և իբրև այդպիսին՝ դադարել հասարակ անվան ընդհանրական իմաստ ունենալուց: Ինչպես Յու. Ա. Կարպենկոն է նշում. «Տեղանվանը բնորոշ չէ իմաստաբանական ընդհանրացումը, որը հատուկ է հասարակ անուններին: Կարևոր է տեղանվանական և ոչ տեղանվանական ստուգաբանական մեկնության տարբերությունը հատկանշել. ստուգաբաններով հասարակ անունը՝ մենք տախի ենք այդ անունը կրող բոլոր առարկաների, երևույթների ծագումը, մինչդեռ մեկնելով տեղանունը՝ մենք բացահայտում ենք միայն մեկ օբյեկտի՝ տվյալ օբյեկտի անվան ստուգաբանությունը»⁸: Սա բնութագրում է տեղանվանը բնորոշ մի կարևոր առանձնահատկություն ևս. այն, որ նույն հիմքով կազմված տեղանուններից յուրաքանչյուրում տվյալ եզրն անկրկնելի է, ոչ նույնական երկրորդին, և բնութագրում է միայն անվանակիր տվյալ օբյեկտը կամ վայրը. Ինչպես՝ *Մեծ շեն* և *Մեծ Թաղեր* տեղանուններում մեծ բաղադրիչը նույնիմաստ չէ. Առաջին դեպքում մեծ-ով է բնութագրվել այդ բնակավայրը, որովհետև դեռ 12-13րդ դդ. այդ գյուղն ունեցել է մի քանի 1000 ծուխ:⁹ Իսկ երկրորդին մեծ բնութագրիչը տրվել է առանձին «թաղերի» հետագա միավորումից հետո¹⁰. այս դեպքում մեծ-ն ամբողջացնող բնութագիրն ունի:

Արցախի տեղանվանական համակարգում մեծ թիվ են կազմում նաև անձնանվանակիմք տեղանունները/մոռ երկու տասնյակ/. ինչպիսիք են՝ Մադարշեն(եղել է գեներալ, ոռոսական բանակի փառաբանված զորավար Վալերիան Մադարովին պատկանող անասնագումերի տեղը. այստեղից էլ առաջացել է այժմյան անվանումը)¹¹, Մխիթարաշեն(անվանումը կապված է Մխիթար Սպարա-

⁸ Կարուեն Յ.Ա., *Лингвистика-география-история.-* Сов. славяновед., 1970, N 4, с. 66.

⁹ Մելքոնյան Ս. Ա., *Հեռնային Ղարաբաղ*, Ե., 1990, էջ 173:

¹⁰ Մելքոնյան Ս. Ա., նշված աշխատությունը, էջ 252-253:

¹¹ Նույնը, էջ 138:

պետի հետ. այս գյուղի մոտակայքում Մին. Սպարապետի գիսավորած զորքը ջախջախել է պարսիկների մեծաքանակ զորքին: Մի ժամանակ կոչվել է նաև Ծրկըթալի¹²: Արկաթալուշեն- անվանումն առաջացել է Երկաթալի ձոր անունից/ըստ Մատենադարան, ձեռ. 2734) ¹³, Մելիշեն, Մարգուշեան(մինչև 1952թ. գյուղը կոչվել էր Մարգուշեան: Հիմնադրվել էր 1906թ. և կոչվել տեղի հողատեր Ավան Յուզբաշովի դատեր՝ Մարգուշայի անունով. ապա վերանվանվել էր Լենինավան) ¹⁴, Հարությունագումեր(բնակիչները Վանք գյուղից են տեղափոխվել և ի պատիվ նրանցից ամենահեղինակավորի՝ Հարությունի, այն կոչվել է Հարությունագումեր կամ Հարությունաշեն)¹⁵, Մարտունի(Ալ. Մյասնիկյանի մականունն էր) և այլն:

Անձնանվանահիմք այս տեղանունների մի մասը անվանակոչվել է հիմնադրների անունով, մի մասը վերանվանում է՝ ի պատիվ նշանավոր անձանց, դեմքերի: Տատկանշելի է այն փատր, որ Արցախի տարածքում չկան անձնանվանահիմք հին բնականուններ, որոնց հիմնադրը օտարազգի լիներ, և տեղանունը այդ օտար տարրի երբեմնի տեղաբնակ լինելու կասկածը կամ մտածումը հարուցեր:

Ուսումնասիրելով հնդեվրոպական արմատների կենտրոնակությունը Արցախի տեղանվանական համակարգում բացահայտվում է այն իրողությունը, որ հնդեվրոպական ձևույթներով բաղադրված անունները բոլոր ժամանակներում կազմել են այդ համակարգի հիմնական շերտը:

Անշուշտ, Արցախի տեղանվանական համակարգը հայկական տեղանվանական ընդհանուր շերտի մի հատվածն է, որի նկարագրով հնարավոր է ճանաչել ու բացահայտել ինչպես հայկական տեղանվանական համակարգին բնորոշ իրողություններ, այնպես էլ տեղային յուրահատուկ դրսերումներ: Թերևս առանձնահատկություններից հատկանշելի է այն, որ Արցախի տեղանվանական համակարգի շերտագրությունն անխարն չէ. բնականաբար, հիմնական ֆոնը բնիկն է՝ հայկականը, բայց և եղել են տարբեր շերտեր,

¹² Նույնը, էջ 141:

¹³ Սարգսյան Ալ, Արցախ. պատմաշխարհագրական ճշգրտումներ, «Հայ Էղիք», Ե., 1996, էջ 66:

¹⁴ Սելբումյան Ս. Ա., նշված աշխատությունը, էջ 160:

¹⁵ Նույնը, էջ 187:

որոնք եկամուտ ստվերներ են մնացել հիմնական ֆոնին: Հատկապես ջրանունների կենսագրության մեջ այդ շերտերը նկատելի են: Այսպէս՝ Արցախի հիմնական գետերն են՝ *Տրտուն / ներկայիս Թարթառը/, Խաչենը, Կարկառը, Մեղրագետը, Իշխանագետը, Ամարասը, Խոնաշենը, Վարանդան* և այլն:

Յուրաքանչյուրի պատմակզմական կենսագրությանը կանդրադառնանք արանձին հոդվածներով: Ընդհանրական բնութագրից փաստվում է այն իրողությունը, որ արմատական տեղանվանական համակարգին ժամանակի ընթացքում պատվաստվել է եկամուտը. գրեթե բոլոր ջրանունները վերանվանվել են պատմական տարրեր շրջաններում. վերանվանման հիմնական ձևերն են թարգմանությունը, հնյունական նմանողությունը. ինչպէս՝ Տրտուն՝ Թարթառ (հնյունական նմանողությամբ), Կարկառ՝ Գարգար, Մեղրագետը՝ Բալուշա /Բալուշայ/ (թարգմանությամբ), Իշխանագետը՝ Կուրու չայ (թարգմանությամբ), Բարակը՝ Խնջա, Ամարասը՝ Աղ-օղլուն (Սուրբ Գրիգորիսի՝ Ամարասում թաղված աճյունի համար): Օտարաստեղծ այս տարրերակները ժամանակի ընթացքում գրանցվել ու պաշտոնական կարգավիճակ են ստացել: Ու պատմության անվի ընթացքին համարայլ նորից վերանվանվել են: Այս փոփոխություններով հանդերձ՝ ջրանուններն այսօր ել իրենց սկզբնային վիճակի մասին կարևոր տեղեկանք են հաղորդում՝ թե վկայված պատմական փաստագրություններով, թե լեզվական հնագույն տարրերի պահպանումով: Բացի այդ, գրեթե բոլոր գետանունները հիմք են դարձել նաև համանուն բնականունների, ինչպիսիք են՝ Խոնաշենը, Վարանդան, Խաչենը, Ամարասը, Կարկառը: Այս բնականուններից Վարանդան ու Խաչենն են մնացել այսօրվա պաշտոնական բնականվանացանկում, ընդ որում Վարանդա պատմական անվամբ վերանվանվել է հիմնադրված նոր բնակավայր, Խաչեն է վերանվանվել Սեյդիշենը (Սեյտին /Սեյտի թեկ/ Հասան Զալալի իշխանի տոհմի շառավիղներից է¹⁶: Սրա անունից եր Ասկերանի շրջանի Սեյդիշեն գյուղի անվանումը):¹⁷ Խոնաշենը ներկայիս Մարտունին է,

¹⁶ Ուղուբաբյան Բ., նշված աշխատությունը, էջ 351-354:

¹⁷ Սարգսյան Ալ., նշված աշխատությունը, էջ 67:

իսկ Ամարասն ու Կարկառը իբրև հնագույն բնակատեղիներ են նշվում:

Նաև այսպէս՝ բնականունը ջրանվամբ, ջրանունը՝ բնական-վամբ պահպանել են պատմական իրողությունները, որոնք լեզվական իրողությունները բացահայտելու լուրջ կրվաններ են դառնում:

Այսպիսով՝ Արցախի տեղանվանական համակարգում հնդեվրոպական արմատների առկայությունն ու դրանց մեծ չափով տարածվածությունը փաստում են, որ Արցախի տեղանվանական համակարգի բնութագիրը կիմնավորապէս համընկնում է հայկական ընդհանուր տեղանվանական համակարգի բնութագրին, և լեզվական բոլոր օրինաչափություններով էլ տեղանվանական ընդհանուր տիպն ու շերտագրումն են առկա: Սա ևս հերթական լիարժեք հավաստիքն է նրա, որ Արցախը հայալեզու տարածք էր, հայկական մեկ միասնական ընդհանուր տարածքի մաս:

Լусинэ Маркарян - Индоевропейские корни в топонимической системе Арцаха.- При изучении индоевропейских корней в топонимической системе Арцаха выявляется следующий факт: имена, в состав которых входят индоевропейские морфемы, во все времена составляли основной слой топонимической системы Арцаха.

Наличие этих корней и их широкая распространенность свидетельствуют о том, что характеристика топонимической системы Арцаха, в основном, совпадает с характеристикой общей армянской топонимической системы. Кроме этого, по всем лингвистическим закономерностям в ней присутствуют общий топонимический тип и стратиграфия.

Lusine Margaryan - Indo-European roots in the Artsakh toponymic system. -

While studying the Indo-European Roots in the Artsakh Toponymic System the following fact is revealed: names, which include the Indo-European morpheme, at all times constituted the core layer of Artsakh toponymic system.

The presence of these roots and their wide prevalence indicate that the characteristic of the Artsakh toponymic system mainly coincides with the general characteristic of the Armenian toponymic system. In addition, according to all the linguistic regularities, it contains general toponymic type and structure.

Մինասյան Շողեր (ԼՂՀ,
Արցախի պետական համալսարան)

ՏԱՐԱՐԺԵՔ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆՆԵՐԸ ԺԱՄԱՆԱԿԱԿԻՑ ՀԱՅԵՐԵՆՈՒՄ

Լեզվական միավորի համանունությունը նրա ձևախմբատային փոխհարաբերությունների արդյունք է, որը կարող է դրսնորվել լեզվի բարային, ձևաբանական և շարահյուսական մակարդակներում: Վերջին երկու մակարդակներում դրսնորվող համանությունը ունի քերականական համանունություն անվանումը:

Բառային համանունությունը լեզվաբանական գրականության մեջ ավելի լավ է ուսումնասիրված, քան քերականականը:

Հայ լեզվաբանության մեջ քերականական համանուններից առավել ուշադրության են արժանացել ձևաբանական համանունները: Զեաբանական համանունությանը հայ լեզվաբաններից անդրադարձել են Գ. Սևակը, Ա. Աբրահամյանը, Էդ. Աղայանը, Գ. Գարեգինյանը, Գ. Զահոռլյանը, Ա. Ասատրյանը, Ս. Աբրահամյանը, Լ. Խաչատրյանը, Ն. Պառնասյանը¹ և այլք:

Համանունություն երևույթը, լեզվական որ մակարդակում է որ քննվի, անմիջականորեն կապվում է բազմիմաստության հետ:

Բառային բազմիմաստության և համանունության սահմանագործումը միշտ համարվել է համանունության հետ կապված ամենադժվար հարցը և եղել իմաստաբանության հարցերով զբաղվող լեզվաբանների ուշադրության կենտրոնում: Բառային բազմի-

¹ Սևակ Գ., Ժամանակակից հայոց լեզվի դասընթաց, Աբրահամյան Ա., Հայերենի դերայները և նրանց ձևաբանական նշանակությունը, Աղայան Էդ., Ժամանակակից հայերենի հոլովումը և խոնարհումը, Գարեգինյան Գ., Շաղկապները ժամանակակից հայերենում, Զահոռլյան Գ., Ժամանակակից հայերենի տեսության հիմունքներ, Ասատրյան Ս., Ժամանակակից հայոց լեզվի ձևաբանության հարցեր, Աբրահամյան Ս., Զերեգող խոսքի մասերը և նրանց բառական ու քերականական հատկանիշների փոխհարաբերությունը ժամանակակից հայերենում, Խաչատրյան Լ., Խոսքիմասային տարարժեքությունն արդի հայերենի կայուն կապակցություններում, Պառնասյան Ն., Քերականական համանունները ժամանակակից հայերենում:

մաստությունը համանունությունից տարբերելու համար կիրառվում են հետևյալ չափանիշները.

1. ստուգաքանական, որի ժամանակ հիմք է ընդունվում բառերի ծագումնաբանական կապը,

2. ձևաբանական, որը հիմնված է ձևակազմական ու բառակազմական կաղապարների և իմաստների բառաշարահյուսական կապերի հաշվառման վրա,

3. իմաստաբանական, որը հաշվի է առնում իմաստների հարաբերակցությունը, բառի իմաստային կառուցվածքը²:

Քերականական բազմիմաստության և համանունության տարբերակման հիմքում պետք է դրվի բառի, բառաձեի կամ լեզվական կառուցյի քերականական իմաստը: Խոսելով քերականական բազմիմաստության և համանունության տարբերակման մասին՝ Գ. Զահուկյանը նշում է. «Առաջինը կապված է հարացուցային, երկրորդը՝ շարակարգային հարաբերության հետ: Եթե տվյալ միավորը կարելի է դիտել որպես տարբեր հարացուցների անդամ, ապա մենք գործ ունենք համանունության հետ: Եթե տվյալ միավորի իմաստային տարբերությունները կախված են տարբեր կոնստրուկցիաներից, ապա մենք գործ ունենք բազմիմաստության հետ»:³ Գ. Զահուկյանը համանուն է համարում այն բոլոր քերականական ձևերը, որոնք միաժամանակ արտահայտում են մեկից ավելի քերականական իմաստ:

Քերականական համանունությանը անդրադարձել են նաև Ս. Ասատրյանը,⁵ Ա. Աբրահամյանը,⁶ որոնք ևս քննել են ձևաբանական մակարդակի միավորները:

Շարահյուսական համանունություն երևույթը հանգամանալից քննել է Ն. Պառնապյանը:⁷ Պառնապյանը մանրամասն քննում է քե-

² Պառնապյան Ն., Քերականական համանունները ժամանակակից հայերենում, Ե., 1979, էջ 21:

³ Զահուկյան Գ., Հայոց լեզվի զարգացումը և կառուցվածքը, Ե., 1969, էջ 104:

⁴ Զահուկյան Գ., Ժամանակակից հայերենի տեսության հիմունքներ, Ե., 1974, էջ 203-204:

⁵ Ասատրյան Ս., Ժամանակակից հայոց լեզվի ձևաբանության հարցեր, հ.Բ, Ե., 1973:

⁶ Աբրահամյան Ա., Հայերենի քերականական համանունության շուրջ, ՊԲՀ, հ. 1, 1974:

բականական բազմիւմաստության և համանունության տարբերակման հարցը՝ անդրադառնալով այս հարցի վերաբերյալ թէ ոռու, թէ հայ լեզվաբանության մեջ եղած կարծիքներին:⁸ Այս հարցում համամիտ լինելով Գ. Զահուլյանի կարծիքին Պատնասյանը գրում է. «Եթե տվյալ ձևույթը, արտահայտելով տարբեր քերականական իմաստներ, գտնվում է հարացուցային նույն տեղում, ապա առկա է բազմիւմաստության երևույթը, իսկ եթե նույն հնչյունակազմն ունեցող ձևույթը երևան է գալիս տարբեր հարացուցներում՝ միաժամանակ արտահայտելով քերականական տարբեր իմաստներ, առկա է համանունության երևույթը»:⁹

Այսպիսով՝ Պատնասյանը սահմանում է քերականական համանունությունը հետևյալ կերպ. «Քերականական համանուններ ասելով հասկանում ենք այն քերականական ձևույթները, բառաձևերը և շարահյուսական կառուցները, որոնք, լինելով նույն արտահայտության պլանում, տարբերվում են բովանդակության պլանում, այսինքն՝ տարբեր են իրենց իմաստով և ունեն գործառության ու գործորդելիության տարբեր ոլորտներ»:¹⁰

Քննելով շարահյուսական համանունությունը՝ Պատնասյանը մի կողմից ներկայացնում է կառուցվածքով, բառային կազմով և հնչերանգով լրիկ նույնական նախադասություններ, որոնք, կապված հաղորդակցական տարբեր դեր կատարելու հետ, առաջացնում են շարահյուսական համանունություն, մյուս կողմից վերլուծում է շարահյուսական նվազագույն միավորների՝ բառաձևերի ու կապական կառուցների տարբեր շարահյուսական հարաբերություններ ցույց տալու և նախադասության մեջ տարբեր պաշտոններ կատարելու երևույթը, որը ևս առաջացնում է շարահյուսական համանունություն:¹¹ Առաջին դեպքում շարահյուսական համանունություն առաջացնում է նախադասությունը, երկրորդ դեպքում՝ նախադա-

⁷Պատնասյան Ն., Շարահյուսական համանշները Ժամանակակից հայերենում, Ե., 1970 և Քերականական համանունները Ժամանակակից հայերենում, Ե., 1979:

⁸Պատնասյան Ն., Քերականական համանունները Ժամանակակից հայերենում. Երևան, 1979, էջ 15-33:

⁹Տէ՛ ս նույնը. Էջ 23:

¹⁰Տէ՛ ս նույնը, էջ 21:

¹¹Տէ՛ ս նույնը:

սուրյան անդամը: Պառնասյանը քննում է նաև երկրորդական նախադասությունների համանունության երևույթը, բայց այնպիսի երկրորդական նախադասությունների, որոնք լրացնում են տարբեր զլսավոր նախադասությունների:¹²

Բոլոր դեպքերում կ խոսքային միջավայրը հանդես է գալիս որպես քերականական համանուն իմաստների տարբերակման միջոց: Սակայն քերականական համանունություն կարող է առաջանալ նաև խոսքային միևնույն միջավայրում, և այս դեպքում լեզվական միավորի քերականական իմաստի ըմբռնումն ու տարբերակումը լեզվական որևէ գործոնով պայմանավորված չէ: Նշանակում է առաջանում է բացարձակ համանունություն:

Դետք է նշել, որ քերականական համանունության քննությունը գերազանցապես կատարվում է լեզվական մակարդակում, այսինքն խոսքային տարբեր միջավայրներում:

Սույն աշխատանքում քննում ենք բարդ ստորադասական նախադասության կազմի մեջ մտնող երկրորդական նախադասության համանունությունը նույն գերադասի առկայությամբ փորձելով տալ նաև նման երկրորդականների առաջացման պատճառները:

Երկրորդական նախադասությունների համանունության առաջցումը հիմնականում պայմանավորված է կապակցող շաղկապների բազմիմաստության, զլսավոր նախադասության մեջ հարաբերյալի բացակայության, երկրորդական նախադասության զլսավորի տարբեր անդամների միաժամանակ վերաբերելու հնարավորության, նախադասության շարահարական կապակցության և այլ հանգամանքների հետ:

Մի շարք երկրորդական նախադասությունների համանունության երևույթը քննվել է մասնագիտական գրականության մեջ:¹³ Բավական տարածված են այն երկրորդական նախադասությունները, որոնք կարող են համատեղել հետևյալ հարաբերությունները՝ ենթակա-վերաբերության խնդիր, ուղիղ խնդիր-վերաբերության

¹² Տե՛ս նույնը, էջ 118- 121:

¹³ Արքահամբան Ս., Պառնասյան Ն., Օհանյան Հ., Բաղիկյան, Ժամանակակից հայոց լեզու, հ.3, Ե., 1976, Արքահամբան Ս., Հայոց լեզու. Շարահյուսություն, Ե., 2004, Պապրյան Ա., Բաղիկյան Խ., Ժամանակակից հայոց լեզվի շարահյուսություն, Ե., 2003, Զարյան Հ., Ավետիսյան Յու., Հայոց լեզու. Շարահյուսություն, Ե., 2009:

խնդիր, որոշիչ-հատկացուցիչ, ժամանակի պարագա-պայմանի պարագա, պատճառի պարագա-հիմունքի պարագա, որոշիչ-բացահայտիչ, անջատման խնդիր-պատճառի պարագա: Ենթակա-վերաբերության անուղղակի խնդիր հարաբերությունների համատեղումը պայմանվորված է գերադաս նախադասության մեջ ասացական-մտածական բայի առկայությամբ, որը կրավորական սեղի է, նաև հարաբերյալ բացակայությամբ¹⁴, կապակցող շաղկապի բազմագործառության արժեքով:

Բերենք օրինակներ:

Հաղորդվեց (ինչ/ինչի մասին), որ տեղումներ են սպասվում:

Հայտարարվեց (ինչ/ ինչի մասին), որ բոլորի ներկայությունը պարտադիր է:

Եթե գերադաս նախադասության մեջ գործածվում է ներգործական սեղի ասացական-մտածական բայ, և բացակայում է հարաբերյալը, սոորադաս բաղադրիչը կարող է ընկալվել և որպես սեղի, և որպես բայիմաստի խնդիր արտահայտելով ոտղի և վերաբերության խնդիրների իմաստներ:¹⁵ Օրինակ՝

Էմման սկսեց մտածել, թե ինչ կապ կարող է լինել զինվորականի ու

Զագունյանի միջև:

Աղամը խորհում էր, թե որտեղից դա գիտեր Լիլիթը:

Իսկ ես երազել անզամ չեմ կարող, որ թեզ երբսիցէ կարող եմ այստեղ պատահել:

Որոշիչ-հատկացուցիչ, անջատման խնդիր-պատճառի պարագա, հանգիւան խնդիր-նպատակի պարագա համանուն երկրորդական նախադասությունների առաջացումը պայմանավորված է պարզ նախադասության կազմում նշված հարաբերությունները համատեղող համանուն անդամների գոյության հնարավորությամբ: Պարզ նախադասության մեջ անորոշ դերբայի սեղական տրական հոլովածներ կարող է համատեղել որոշիչ և հատկացուցչի իմաստներ

¹⁴ Պապյան Ա., Բաղիկյան Խ., Ժամանակակից հայոց լեզվի շարահյուսություն, Ե., 2003, էջ 328:

¹⁵ Տե՛ս նոյն տեղում և Զաքարյան Հ., Ավետիսյան Յու., Հայոց լեզու. Շարահյուսություն, Ե., 2009, էջ 156:

(մեկնելու մտադրություն), իսկ մի շաբք բայերի (բողոքել, տրտնջալ, դժգոհել և այլն) բայիմաստով պայմանավորված բացառական հոլվով անդամը ունի թե անջատման խնդրի, թե պատճառի պարագայի իմաստ (բողոքել կատ ընդունելությունից): Նախ քննենք որոշիչ-հատկացուցիչ համանունությունը:

Հայտնի է, որ հատկացուցիչ երկրորդական նախադասությունները արտահայտում են ոչ միայն պատկանելության, ծագման ու սերման, այլև վերաբերության հարաբերություն: Վերաբերության հարաբերություն արտահայտող երկրորդական նախադասություն ունեցող զիսավոր նախադասության մեջ լրացյալի դերում հանդես են գալիս ապացուց, խորհուրդ, հույս, տպավորություն, առիթ և այլ գոյականներ: Հարաբերյալի բացակայության դեպքում այս տիպի նախադասությունները կարող են համարվել թե հատկացուցիչ, թե որոշիչ երկրորդական նախադասություններ: ¹⁶ Բերենք օրինակներ:

Սիավասիկ քեզ մի ապացուց, որ ես ընկել եմ մեռեների աշխարհը:

Ես իմ հիվանդներին խորհուրդ չեմ տալիս, որ Ճաշից հետո պառկեն քնելու:

Եվ ահա զարթնեց հույսը, թե Չուտով նորից կառնեն մանգան ու գերանդին:

Տպավորություն ստեղծվեց, թե ամեն ինչ բարեհաջող է:

Որոշիչ-հատկացուցիչ համանուն երկրորդական նախադասությունների գոյությունը պայմանավորված է նրանով, որ փոխակերպման ժամանակ երկրորդական նախադասությունների բայստորգյալը վերածվում է սեռական տրական հոլովով անորոշ դերբայի, որը կարող է դիտվել թե որպես որոշիչ, թե որպես հատկացուցիչ:

Ինչպես ժամանակի պարագա երկրորդական նախադասությունների համար սովորական է պայմանի իմաստային երանգ արտահայտելը, այնպես էլ պայմանի պարագա երկրորդականների համար տարածված է ժամանակի իմաստ արտահայտելը: ¹⁷ Սակայն

¹⁶ Պապոյան Ա., Բարիկյան Խ., նշվ.աշխ., էջ 310-311:

¹⁷ Տե՛ս Աբրահամյան և այլք, նշվ. աշխ., էջ 740, Աբրահամյան Ա., նշվ. աշխ., էջ 180, Պապոյան Ա., Բարիկյան Խ., նշվ. աշխ., էջ 336:

երբեմն պայմանի և ժամանակի հարաբերությունները այնքան միաձուլված են լինում միևնույն երկրորդականի մեջ, որ դժվար է լինում բնույթը որոշել: Ժամանակի-պայմանի պարագա համանուն երկրորդականը զիսավորին կարող է կապակցվել եթե հարաբերականով, որ շաղկապով, երբեմն էլ՝ շարահարությամբ: Բերենք օրինակներ:

Որ տեսնում ես՝ուժերդ տկար են, պեսք է հպատակվես բարձր, անխմանալի օրենքներին:

Երբ իմանաս, կհանգստանաս:

Դժվար է քայլել, երբ խավար է:

Աչք թերեցիր բանիդ տերը չես:

Վերջին նախադասության մեջ թերեցիր բայաձեր գործածված է ապառնու նշանակությամբ (թերես):

Այն, որ ընդգծված նախադասությունները թե՛ ժամանակի, թե՛ պայմանի հարաբերություն են արտահայտում, հաստատվում է դրանք փոխակերպելու դեպքում և պայմանի, և ժամանակի պարագայի հարաբերություն արտահայտող անդամ ստանալով: Այսպես՝ տեսնելով կամ տեսնելու դեպքում, իմանալով կամ իմանալու դեպքում և այլն:

Եթե երկրորդական նախադասությունը լրացնում է ներքին ապրումներ, հոգեվիճակ ցույց տվող այնպիսի բայերի, ինչպիսիք են զգուշանալ, նեղանալ, երկյուղել, գող լինել, գանգատվել, խուսափել, վախենալ, ձանձրանալ, քաշվել, ապշել և այլն, կարող է արտահայտել թե՛ անջատման խնդրի, թե՛ պատճառի պարագայի իմաստ: Որոշ լեզվաբաններ նման բայերի լրացում երկրորդականները համարում են միայն անջատման խնդրի,¹⁸ կան նաև նման բայերի լրացում երկրորդականների համանունությունը ընդունող լեզվաբաններ:¹⁹

Կարծում ենք՝ այդ դեպքում ևս համանունության մասին կարելի է խոսել միայն այն դեպքում, եթե զիսավորի մեջ բացակայում է հարաբերյալը: Համեմատենք

¹⁸ Տե՛ս Պապոյան Ա., Բաղիկյան Խ., նշվ. աշխ., էջ 324:

¹⁹ Տե՛ս Աբրահամյան Ա. և այլք. նշվ. աշխ., էջ 668, 723. Զաքարյան Հ., Ավետիսյան Յու., նշվ., աշխ., էջ 158, 170:

- Վախենում էի նրանից, որ հիասքափում է:
- Վախենում էի այն պատճառով, որ հիասքափում է:
- Վախենում էի, որ հիասքափում է:

Հասկանալի է, որ առաջին նախադասության մեջ ունենք անգատման խնդիր երկրորդական, իսկ երկրորդում՝ պատճառի պարագա երկրորդական, մինչդեռ երրորդ նախադասության երկրորդականը համանուն է՝ նշված երկու հարաբերությունների իմաստներով:

Եթե երկրորդական նախադասությունը վերաբերում է անձի, ապա այն միանշանակ անցատման անուղղակի խնդիր է, այս դեպքում հարաբերյալի առկայությունը պարտադիր է:

Այսպիսով՝ անցատման խնդիր-պատճառի պարագա համանություն առաջանում է քննվող բայերի իմաստի պահանջով, հարաբերյալի բացակայության և զիսավոր նախադասության մեջ իրի առում լրացյալ ունենալու պայմաններում: Բերենք օրինակներ:

Ես սաստիկ վախենում եմ, որ նրա հիվանդությունը թորախտ լինի:

Նա գոհ է, որ արտահայտում է իր մտքերը:

Անշուշտ, հասկանում ես ինձ և չես նեղանա, որ այդ փողերը չեմ ընդունում:

Աղջիկը ձանձրանում է, որ իրեն այդ գործընթացին մասնակից չեն դարձնում:

Հետո սկսում է գանգատվել, որ մրսում է:

Զգուշանում էր, որ հանկարծ որևէ մեկին չնեղացնի:

Անորոշ դերբայի տրականով արտահայտված անդամը որոշակի իմաստով բայերի մոտ (պատրաստվել, նախապատրաստվել, տրամադրվել) արտահայտում է թե՛ հանգման խնդրի, թե՛ նպատակի պարագայի իմաստ (նախապատրաստվել մեկնելու): Նոյնպիսի համանություն առաջանում է, եթե այդ անդամը փոխակերպվում է երկրորդական նախադասության ստորոգյալի: Օրինակ՝

Շորերս հավաքեցի և նախապատրաստվեցի, որ մեկնեմ:

Տեղեկություններ հավաքեցի և տրամադրվեցի, որ աշխատանքի անցնեմ:

Պատճառի և հիմունքի պարագա երկրորդական նախադասությունների առնչությունը հաստատում են հարցը քննող լեզվաբա-

նաև բոլոր աշխատությունները, նույնիսկ երբեմն դրանք համարվում են միևնույն բնույթի երկրորդական նախադասությունների ենթատեսակներ:՝²⁰ Այս երկու բնույթի երկրորդականները ունեն կապակցող ընդհանուր շարկապներ, զիսավոր նախադասության հանդես եկող ընդհանուր հարաբերակներ, պատճառականության ընդհանուր իմաստ, սակայն պատճառի պարագա երկրորդականները արտահայտում են իրական կամ բնական պատճառը, իսկ հիմունքի երկրորդականը անհատական-կամային կամ տրամաբանական հիմունքը:²¹ Սակայն միշտ չէ, որ պատճառն ու հիմունքը հստակորեն սահմանզատվում են. մի շաքր կառուցներում պատճառն ու հիմունքը համատեղում են:՝²² Օրինակ՝

Թեման լավ ներկայացրեց, քանի որ լավ էր նախապատրաստվել:

Արագ կարողացավ կողմնորոշվել, քանի որ ծանոթ էր տեղանքին:

Բացահայտիչ երկրորդական նախադասությունները սովորաբար ներկայացվում են որոշիչ երկրորդական նախադասությունների հետ հակադրության միջոցով:՝²³ Որոշիչ երկրորդական նախադասությունները նկարագրում են առարկայի կամ երևույթի այնպիսի հատկանիշը, որը նրան հատուկ կարող է լինել միայն տվյալ պահին և շհանդիսանալ նրա էական հատկանիշը կամ խոսողի կողմից շհամարվել այդպիսին, իսկ բացահայտիչ երկրորդական նախադասությունները ցույց են տալիս առարկայի այնպիսի հատկանիշ, որ մշտական, էական է կամ խոսողի կողմից դիտվում է իբրև այդպիսին:՝²⁴ Եթե պարզ նախադասության անդամ բացահայտիչն իր շարադասական-շարահյուսական հատկանիշներով որոշակիորեն տարբերակված է որոշից, բարդ նախադասության կառուցվածքում բացահայտիչ ու որոշիչ ստորադաս նախադասությունները այդ-

²⁰ Տե՛ս Աբրահամյան և այլք, նշվ. աշխ., էջ 719, Պապոյան Ա., Բաղիկյան Խ., նշվ. աշխ., էջ 338:

²¹ Պապոյան Ա., Բաղիկյան Խ., նշվ. աշխ., էջ 339:

²² Տե՛ս նույն տեղում:

²³ Տե՛ս Աբրահամյան Ա. և այլք, նշվ. աշխ., էջ 645, Պապոյան Ա., Բաղիկյան Խ., նշվ. աշխ., էջ 304:

²⁴ Աբրահամյան Ա. և այլք, նշվ. աշխ., էջ 645:

պիսի որոշակիությամբ սահմանազատված չեն:²⁵

Գլխավոր նախադասության մեջ առաջին կամ երկրորդ դեմքի անձնական դերանուն լրացյալ ունեցող երկրորդական նախադասությունը բացահայտիչ է, իսկ գոյական(հասարակ կամ հատուկ) լրացյալ ունեցող երկրորդականը կարող է արտահայտել թե որոշչային, թե բացահայտչային հարաբերություններ: Այսպիսով՝ առանում են որոշիչ-բացահայտիչ համանուն երկրորդականներ:

Բերենք օրինակներ:

Մենք պաշտպանում ենք այս երկիրը, որ անհիշելի ժամանակներից հայ ազգի բնօրրանն է:

Նրան կպած քայլում էր կինը՝ Զահանիրանը, որը Պարթևաց աշխարհի արքա Հրահատ Արշարունու դուստրն է:

Նետոն, որ իմ մանկության ընկերն էր, կարող էր ինձնից մեծ բանաստեղծ դարնալ:

Այն հանգամանքը, որ երկրորդական նախադասությունը իմաստային ու քերականական տեսանկյունից կարող է միաժամանակ վերաբերել զլիավոր նախադասության գոյականով ու բայով արտահայտված անդամի, առաջացնում է երկրորդական նախադասության համանունություն գոյականական անդամի և բայական անդամի լրացումների միջև: Այդ կերպ առաջացել են հետևյալ համանուն երկրորդականները.

1.Որոշիչ-վերաբերության անուղղակի խնդիր.

Իրիկնադեմին հետախույզները լուր բերին, որ Ռշտունյաց օլկատը Ճանապարհ է ընկել:

Միաժամանակ լսեց լուրեր, որ պարսիկ գորազնդերը գրավել են ամրոցները:

Նա դիմում է գրել, թե իբր իր հետ վարվում են անարդարացի:

Ընդգծված երկրորդական նախադասությունները լուր և դիմում գոյականներին լրացնելու դեպքում ունեն որոշչային, իսկ սոռորգյալին լրացնելու դեպքում՝ վերաբերության խնդրի իմաստ: Հա-

²⁵ Աբրահամյան Ս., նշվ. աշխ., էջ 158:

մանունությանը նպաստել է նաև որ և թե շարկապների բազմագործառույթային լինելը:

2.Որոշիչ-նպատակի պարագա.

Տվեց նրան հանձնարարություն, որ գորքերը միավորեն:

Ինձնից հրաման տար պարսից գորահրամանատարին, որ գինվորներին բաշի բաղադրից:

Սպասում է մի հարմար պահի, որ կարողանա գնալ իշխանությունը: Դուք այստեղ հացի կտոր անգամ չեք գտնի, որ ուտեք:

3.Որոշիչ-պատճառի պարագա.

Նա անհանգստանում է սիրելի ընկերուիիների համար,որ այդքան կուրորեն անձնատուր են եղել այդ սիրուն:

Ուստի նա անհուն երախտագիտություն է զգում դեպի աղջիկները, որ իրենց այցելություններով ազատեցին իրեն հուսահատությունից:

Գուցե մեղավորը Զազունյանն էր, որ խորշում էր այդ զինվորականից:

Ընդգծված երկրորդական նախադասությունների համանունությունը հաստատվում է նրանով, որ նրանց փոխակերպած տարբերակները կարող են լինել որոշչի և պատճառի պարագայի պաշտոն կատարող դերբայական դարձվածներ: Օրինակ՝ «Նա անհանգստանում էր այդ սիրուն այդքան կուրորեն անձնատուր եղած սիրելի ընկերուիիների համար» և «Նա սիրելի ընկերուիիների համար անհանգստանում էր այդ սիրուն այդքան կուրորեն անձնատուր լինելու պատճառով»:

Գլխավոր նախադասության մեջ հարաբերյալի դերով հանդես են գալիս երրորդ դեմքի անձնական դերանունները և ցուցական դերանուններից նրանք, որոնց արմատի կազմության մեջ կա ն հնչյունը, ինչպես՝ այն, այնպես, այնքան և այլն: Հատ U. Աբրահամյանի՝ հարաբերյալի արժեք ունեն նաև որոշյալ դերանունները

բոլորը, այն ամենը, ասեն բան, այն բոլորը²⁶, որոնց առկայության դեպքում ուղիղ խնդիր երկրորդական նախադասությունները կարող են գիտակցվել նաև որպես որոշիչ: Օրինակ՝ Մենք տեսանք բոլորին, ովքեր վերադարձել էին:

Գլխավոր նախադասության բայով արտահայտված լրացյալը կարող է ունենալ սեռով ու բայիմաստով պայմանավորված լրացում երկրորդականներ: Հնարավոր է, որ երկրորդական նախադասությունը տրամաբանորեն համատեղի երկու խմաստները և ընդունի համապատասխան հարցերը: Այս դեպքում ևս առաջանում է համանունություն, ընդ որում հարաբերյալի բացակայությունը և բազմագործառույթ շաղկապի առկայությունը դարձյալ պարտադիր պայմաններ են: Բավականին տարածված են ուղիղ խնդիր-նպատակի պարագա համանունությունը: Բերենք օրինակներ:

Շատ խնդրեցի, որ նա կլ մասնակցի:

Հատուկ իմ կողմից կպատվիրեր, որ իրենց զորագները շարժեն դեպի Մուշ:

Նա բոլորի ներկայությամբ հայտարարեց, որ իրեն աշխատանքի ընդունեն:

Մենք նույնպես սկսում ենք հորդորել, համոզել, խնդրել, որ նրանք թողնեն իրենց վատ սովորությունները:

Նա բացահայտորեն ասաց, որ իրեն ճիշտ հասկանան:

Ինչպես նշել ենք, համանուն երկրորդական նախադասությունները պարտադիր կապակցվում են բազմագործառույթ շաղկապներով: Որոշ երկրորդական նախադասությունների համանունության առաջացման պատճառը պայմանավորված է միայն շաղկապով: Այսպես մինչև շաղկապը կարող է արտահայտել և ժամանակի, և շափի հարաբերություն: Այս շաղկապով երբեմն կապակցվում են այնպիսի երկրորդականներ, որոնցում շափի և ժամանակի հարաբերությունները հավասարապես առկա են:²⁷ Բերենք օրինակներ:

Լիլիթը խաղում է զոհարներով, մինչև լիալուսինը բարձրացավ ծառերի հետևից:

²⁶ Տե՛ս նոյնը, էջ 163:

²⁷ Տե՛ս Զարարյան Հ., Ավետիսյան Յու., նշվ. աշխ., էջ 168:

Ես կիասնեմ շուկա, մինչև դուք ձեր գործ ավարտեք:
Դուք ամեն ինչ նախապատրաստեք, մինչև ես տուն հասնեմ:

Գուցե ձգձենք, մինչև տեսնենք ինչ կլինի:
Վերջին օրինակում ընդգծված երկրորդականը, բայց ժամանակի և չափի հարաբերությունից, ունի նաև նպատակի իմաստ:

Բազմազործառույթ է նաև եքք շաղկապական բառը: Այն կարող է կապացել ենթակա և ստորոգելի, գոյականական և բայական անդամի լրացում երկրորդական նախադասություններ: Եվ քանի որ նրա արտահայտած հիմնական իմաստը ժամանակային է, ուստի յուրաքանչյուր դեպքում այս կամ այն բնույթի երկրորդական նախադասությանը հաղորդում է ժամանակային հարաբերության իմաստ: Երբեմն ժամանակային հարաբերությունը այնքան ընդգծված է լինում, որ հավասարվում է մյուս հարաբերություններին: Այսպես առաջանում են հետևյալ համանուն երկրորդականները.

1.Պատճառի պարագա-ժամանակի պարագա.

Եքք տեսավ Վասակի խայտառակությունը, Վարդանը որոշեց միջամտել:

Շատ եմ զղայնանում, եքք ինձ անհանգստացնում են:

Ամբողջ մարմնով դողում էին, եքք նա հաշիվ է պահանջում իրենց հանձնված գործերի մասին:

Կատաղության պես մի քան շարժվեց նրա սրտում, եքք Պետրովին իշխանութու մոտ գտավ

2.Պատճառի պարագա-ժամանակի պարագա-անջատման խնդիր.

Ես սարսափում եմ, եքք լսում եմ նրա խուլ հազի ձայնը:

Նա շատ էր քաշվում, եքք տեսնում էր իշխանութու կիտած հոնքերը:

Խենթանում եմ, եքք երևակայում եմ այդ ամենը:

Որ շաղկապի բազմագործառույթ լինելը առաջացնում է պայմանի պարագա-պատճառի պարագա համանուն երկրորդականներ: Բերենք օրինակներ:

Որ (Եթե/Քանի որ) արևը ծակոտում է, անձրև է զալու:

Որ լույսը վառել է, նշանակում է եկել է:

Համանունությանը նպաստում է այն հանգամանքը, որ թե պայմանի, թե պատճառի պարագա երկրորդական նախադասությունների գործողությունները նախորդում են զիսավոր նախադասության գործողությունը, բացի այդ զիսավոր նախադասության գործողությունը երկուսի համար էլ հանդես է զալիս որպես հետևանք:

Տետարքիր է այն, որ տվյալ դեպքում համանուն երկրորդական նախադասության ստորոգյալը հիմնականում արտահայտվում է ներկա ժամանակով, երբեմն՝ անցյալ: Ապառնի ժամանակով արտահայտվելու դեպքում ունենք միայն պայմանի պարագայի իմաստ:

Պայմանի պարագա-պատճառի պարագա համանուն երկրորդական նախադասությունները կարող են կապակցվել նաև շարահարությամբ, ընդ որում թե շաղկապով, թե անշաղկապ կապակցության դեպքում հնչերանգը, բացարձակապես նույնը լինելով, նպաստում է նշված համանունության առաջացմանը: Բերենք շարահարական կապակցությամբ օրինակներ:

Սպարապետ ես՝ Ճարդ գտիր:

Կարող ես՝ օգնիր:

Զեր երկրում եք՝ հայ կմնաք:

Մահ եր հրամաքե՝ մահ կտանք թշնամիներին:

Գոյական+անորոշ դերբայ կաղապար ունեցող մի շարք հարադիր բայեր, հանդես գալով լրացյալի դերում, կարող են ունենալ համանուն երկրորդական նախադասություն լրացումներ: Համանունություննը պայմանավորված է նրանով, որ երկրորդական նախադասությունները կարող են ընկալվել թե հարադիր բայի գոյական բաղադրիչի լրացում, թե ամբողջ հարադրության: Ստացվում է զյուկանական անդամի լրացում- բայական անդամի լրացում համա-

Նունություն: Այդպիսի հարադիր բայերից են հույս ունեմ, կասկած ունեմ, հույս տալ, խորհուրդ տալ և այլն: Մի կողմից՝ անվանական բաղադրիչը (հույս, խորհուրդ և այլն) որպես գոյական ստանում է որոշիչ ու հատկացուցիչ երկրորդական հախադասություն լրացուներ, մյուս կողմից՝ ամբողջ կառուցք, ունենալով հարադիր բայի արձեք, ստանում է խնդիր կամ պարագա երկրորդական նախադասություն լրացում: Բերենք օրինակներ:

Ամենը հույս ունեն, որ Սեծ տիկինը կմոռանար իր վիշտը (որոշիչ- հատկացուցիչ-ուղիղ խնդիր):

Հույս ունեմ, որ զանազան զգացմունքներով դա ինձ կհաջողվի (որոշիչ-հատկացուցիչ-ուղիղ խնդիր):

Սակայն նա կասկած ուներ, որ Սիհրներսէիր բանակ է կազմում Հայաստան ուղարկելու մտրով (որոշիչ- հանգման խնդիր):

Խորհուրդ է տալիս, որ շատ չհուզվեմ (որոշիչ- նպատակի պարագա):

Այսպիսով՝

1. Քերականական համանունությունը կարող է դրսնորվել թե լեզվական, թե խոսքային մակարդակներում:

2. Երկրորդական նախադասությունների համանունությունը, որը շարակիուսական համանունության դրսնորումներից է, կարող է արտահայտվել նաև նույն գերադասի առկայությամբ:

3. Երկրորդական նախադասությունների համանունություն կարող է առաջանալ զիսավոր անդամ և լրացում (ենթակա-վերաբերության խնդիր), գոյականական անդամի լրացում (որոշիչ-բացահայտիչ, որոշիչ-հատկացուցիչ), բայական անդամի լրացում (խնդիր-խնդիր, խնդիր-պարագա, պարագա-պարագա), գոյականական անդամի լրացում-բայական անդամի լրացում (որոշիչ-խնդիր, որոշիչ- պարագա) երկրորդականների միջև:

4. Երկրորդական նախադասության համանունության առաջացումը պայմանավորող գործոններից են կապակցող շաղկապի բազմագործառույթայնությունը, հարաբերյալի բացակայությունը, երկրորդական նախադասության՝ զիսավորի տարրեր անդամների միաժամանակ վերաբերելու հնարավորությունը, նախադասու-

թյունների շարահարական կապակցությունը, լեզվական որոշ կառույցների տարարժեք ընկալումը և այլն:

Minasyan Shogher - Homonymity of Subordinate Clauses on the Verbal Level. - The article reviews homonymous subordinate clauses of Modern Armenian in the verbal speech context. Homonymous subordinate clauses are analysed according to their subtypes and the reasons of their origination.

Минасян Шогер - Омонимичные по типу придаточные предложения на речевом уровне. - В статье рассматриваются омонимичные по типу придаточные предложения в идентичном речевом контексте. Анализируются подтипы омонимичных по типу придаточных предложений и приводятся причины их возникновения.

Միքումյան Մարգուշ (Հայաստան,
Խ.Աբովյանի անվ. ՀՊԱՀ)

ՀԱՎԵԼԱԿԱՆ ԲԱՂԱԴԻՇՈՎ ՀԱՐԱԴՐԱԿԱՆ ԲԱՅԵՐԻ
ԿԱՌՈՒՑԱՏԻՊԵՐԸ ՀՈՎՀ. ԹՈՒՍԱՅԱՏԻ ՀԵՖԻԱԹՆԵՐՈՒՔ

Բայական կառուցատիպերի մեջ ուրույն խումբ են կազմում հարադրական բայերը, որոնց քննությունը ցույց է տալիս, որ դրանց դարձվածային-ոճական արժեքը հաճախ պայմանավորված է լինում հավելական բաղադրիչների առկայությամբ։ Հավելական բաղադրիչներով հարադրությունները յուրահատուկ կառուցատիպեր են բայական համակարգում։

Նշված կառուցատիպերը հատուկ են ժողովրդախոսակցական լեզվին, ուստի դրանք բնորոշ են այդ ոճով ստեղծագործող հեղինակների երկերին։

Հարադրական բայերը, որպես ելակետային միավորներ, իմաստա-ոճաբանական առումով այլ հատկանիշներ ունեն, քան հավելական բաղադրիչներով իրենց տարբերակները։ Այժմ փորձենք վեր հանել հավելական բաղադրիչով բայական հարադրությունների հնարավոր կառուցատիպերի միավորների ոճական-գործառական արժեքը Հ.Թումանյանի հերիաթներում։ Ընդ որում նման կապակցությունների ոճական դերը բնութագրելիս կարելի է քննությունը կատարել երկու կտրվածքով՝ նկատի առնելով այդօրինակ հարադրությունների երկու հնարավոր խմբեր՝ ուղիղ բայիմաստով (սովորական) կապակցություններ և փոխաբերական (դարձվածային) իմաստով կառուցյներ։

Ա. Ուղիղ իմաստով հարադրական բայերի ոճական արժեքը։

Եթե համեմատելու լինենք բուն հարադրական բայերի հավելական բաղադրիչով կազմությունների իմաստները, կարող ենք ասել, որ երկրորդ շարքի կազմություններն ավելի լայն նշանակություններ են արտահայտում և իմաստային-իմաստաբանական ու ոճական-ոճաբանական առումներով կարևոր դեր են խաղում խոսքաշարում։ Դրանք, ի տարբերություն ելակետային կառուցյների, խոսքին հաղորդում են իմաստային նոր նրբերանգներ, ժո-

դովրդական շունչ ու մտածողություն՝ նպաստելով պատկերային որոշակի դրվագի ամբողջացմանը:

Անշուշտ, հավելական բաղադրիչներով ուղիղ իմաստ արտահայտող հարադրական բայերի գործառական-ոճական արժեքը, ըստ Լության, պայմանավորված է հարադրական բայերի իմաստային գործունությամբ: Հավելական բաղադրիչները իմաստային լրացուցիչ երանգ են հաղորդում բուն կապակցությանը: Այդ երանգները կարող են լինել տարբեր հոլովներով արտահայտված քերականական զանազան իմաստներ ու շարահյուսական տարաբնույթ հարաբերություններ:

Այսպես, բաց անել հարադրական բայը «բացել» նշանակությամբ արտահայտում է անցողական սեռի իմաստ և գործածական է ժողովրդախոսակցական լեզվում: Հավելական բաղադրիչն ստանալով կապակցությունն ընդարձակում է գծային պլանը միաժամանակ արտահայտելով ավելի մասնավոր նշանակություն. մյուս կողմից նման կապակցությունները, կորցնելով անցողական բայերի սեռային նշանակությունը, անցնում են չեզոք սեռի:

Նմեմո. բաց անել - աչքերը բաց անել - «արքնանալ», հմմտ. Երիտասարդը հանկարծ բաց է անում աչքերն ու վեր կենում կանգնում, ինչպես էն դրախտում բուսած սոսիներից մինը (Հ.Թ., 3, 214):

Վեր քաշել հարադրությունը «վեր տանել՝ բարձրացնել» իմաստով ներգործական սեռի է, հավելական բաղադրիչով՝ զլուխը վեր քաշել, ձեռք է բերել «հպարտանալ, գոռոզանալ» փոխարքերական նշանակություն՝ անցնելով չեզոք սեռի քերականական իմաստի: Նմեմո.

- Հը^o, չինի^o թե բարկանում ես, - զլուխը վեր է քաշում ծառան (3, 175):

Ինչպես զիտենք, հավելական բաղադրիչները մասնավորեցնում են հարադրական բայերի բազմիմաստ նշանակությունները. իմաստային այս մասնավորեցումը պայմանավորված է հավելական բաղադրիչի հաղորդած փոխարքերական բարիմաստով և ստեղծած շարահյուսական հարաբերությունների բնույթով: Այլ կերպ ասած՝ հավելական բաղադրիչի առկայության դեպքում հարադրական բայն ապրում է բազմիմաստության չեզոքացման գործընթաց:

Այսպես, շուր տալ հարադրությունը, որպես բառարանային միավոր, ունի հետևյալ իմաստները՝ 1. շրջել, մյուս երեսի վրա դարձնել, 2. պտտեցնել, տեղում պտույտ տալ, 3. մի կողմի վրա դարձնել թեքել, 4. տապալել, գորել 5. փոխել, 6. ման գալ, շրջել և այլն:

Հավելական բաղադրիչով երես շուր տալ հարադրությունն արտահայտում է «նահանշել, ընկրկել, փախչել» փոխարերական իմաստներ: Հմմտ.

Թշնամու գորբերը, որ առաջուց համբավը լսել էին ու ահը սրտներում էր, ես էլ որ իրենց աշքով տեսնում են, երես են շուր տալիս, - փախի, որ փախի. Քաջ Նազարը ծառերն արմատահան անելով գալիս է (3, 225):

Որոշ հարադրական բայեր, որոնք «տեղափոխվել, շարժվել» բայիմաստով և չեզոք սեռի նշանակությամբ են բնորոշվում, ժամանականից հավելական բաղադրիչով արտահայտում են ժամանակային չափի գաղափար պայմանավորված հավելական բաղադրիչի բառային որոշակի իմաստով:

Այսպես անց կենալ հարադրական բայը չեզոք սեռի նշանակությամբ էղ. Աղայանի «Արդի հայերենի բացատրական բառարանում» տրված է 31 իմաստով: Ինչպես 1. շարժվել գնալ մի տեղից մի այլ տեղ, 2. գնալ որոշ ուղղությամբ, 3. հեռանալ, հեռու գնալ, 4. զբունել ոտքով ման գալ, 5. անցյալ դառնալ, 6. հնանալ և այլն:

Հմմտ. -Ես ո՞ւմն է, - հարցնում են ձիավորները:

- Չախչախ թագավորինը, - պատասխանում են հովիվները:

Անց են կենում, հասնում են ընդարձակ արտերի (3, 167):

Այս կիրառությամբ անց կենալ հարադրությունն ունի «առաջ շարժվել, առաջ անցնել» իմաստը:

Ժամանականից հավելական բաղադրիչով անց կենալ հարադրությունն ստանում է ամիսներ անց կենալ մի քանի օր անց կենալ կառուցվածքը «ժամանակը սահել անցնել» իմաստով:

Անց է կենում մի քանի օր, աղվեսը գալիս է թագավորի մոտ խնամախոս թե Չախչախ թագավորը պետք է ամուսնանա, քո աղջկան է ուզում (3, 164):

Այստեղ իշխում է ժամանակային ընթացքի (ընթացայնության) իմաստը:

Հարադիր բայերի հավելական բաղադրիչ կարող են դառնալ տեղանիշ մակրայները մասնավորեցնելով հարադրության բայի-մաստը որոշակի ուղղության շրջանակներում:

Այսպես են կազմված առաջը դրւու գալ եւ մտիկ անել հարադրական բայերը, որոնք բնութագգրական են ոչ միայն Հ. Թումանյանի լեզվամտածողությանը, այլև ժողովրդախոսակցական ոճին ընդհանրապես:

Այդ կազմակցությունները խոսքին հաղորդում են ոչ միայն ժողովրդական մտածողության երանգ, այլև ստեղծում են համապատասխան խոսքային միջավայր, որն իր հերթին ապահովում է հերոսների (կերպարների) անհատականացումը և հասարակական (սոցիալական) ծագումը:

Հմմտ. Ճանապարհին բարեկենդանը եւ է մտիկ անում, տեսնում է՝ մի ձիավոր քշած գալիս է (3. 197):

Ինչպես նկատելի է հավելական բաղադրիչներով վերոբերյալ կազմակցությունները հանդես են եկել բայական ուղի իմաստներով. դրանք ելակետային հարադրական բայերից տարբերվում են մենիմաստային հատկանիշով այն դեպքում, երբ ելակետային կառույցները բնութագրվում են բազմիմաստ նշանակություններով: Հավելական բաղադրիչը, ինչպես նշել ենք, հարադրական բայի իմաստները կարող է մասնավորեցնել որոշակի հատկանիշի շրջանակներում: Այսօրինակ կառույցները ժողովրդական մտածողությանը հատուկ արտահայտություններ են, որոնք խոսքային միջավայրում ունեն որոշակի նպատակադրում և հանդես են գալիս ոճական-գործառական որոշակի դերով: Եվ ինչպես ցույց են տալիս ժողովրդական հերիաքների թումանյանական մշակումները, հեղինակը վարպետորեն է գործածել ժողովրդական բառ ու բանը՝ հարազատ մնալով ժողովրդական մտածողության յուրահատուկ երանգներին:

Բ. Փոխարերական (դարձվածային) իմաստով հարադրական բայերի ոճական արժեքը:

Հարադրական բայերի որոշակի խումբ, պայմանավորված բաղադրիչների փոխարերական իմաստներով, հանդես է գալիս դարձվածաբանական մակարդակում՝ համալրելով լեզվի դարձ-

վածքների շարքը¹: Հարադրավոր բայերն «իրենց սովորական նշանակություններից բացի գործ են ածվում այնպիսի փոխաբերական նշանակությամբ, որ նրանց տալիս է դարձվածային բնույթ»²:

Այդ իրողությունը լեզվում արձանագրվում է երկու ուղիղվ, որ պայմանավորված է կապակցության բաղադրիչների փոխաբերական նշանակություններով և հավելական բաղադրիչների դարձվածային իմաստներով:

Ստորև մենք ցույց կտանք Թումանյանի հեքիաթներում գործածված այն դարձվածային բայական հարադրությունները, որոնց դարձվածային իմաստ(ներ)ը պայմանավորված են հավելական բաղադրիչների բովանդակային գործոնով: Ընդ որում, այս կարգի միավորները կարելի է դիտարկել հավելական բաղադրիչների իմաստա-կառուցվածքային գործոններով: Նկատի ունենք մի դեպքում՝ հավելական բաղադրիչների հոլովական արտահայտությունը, մյուս դեպքում՝ նրանց իմաստային (սաստկական և եղանակավորող) երանագները:

1) Հավելական բաղադրիչները հանդես են գալիս ուղիղ և թեր հոլովներով:

Այսպես, հետևյալ դարձվածքներում՝ սիրտը փուլ գալ, սիրտը ահ ընկնել, ձենն ականջն ընկնել, գործը ձախ գնալ հավելական բաղադրիչներն արտահայտված են ուղղական հոլովով:

Դիտարկենք այդ դարձվածքների ելակետային հարադրությունների իմաստները և ցույց տանք դրանց վերահմաստավորման գործոնները: Այսպիսի վերլուծությունը չի հետապնդում միայն իմաստակառուցվածքային քննություն, այն նպատակ ունի ցույց տալու նման կառուցների գործառական-ոճական արժեքը հեղինակի խոսքում:

Այսպես, փուլ գալ³ (փլվել, քանդվել), ահ ընկնել (վախ տարածվել) հարադրական բայերը հատկանշվում են ուղղակի իմաստներով և դարձվածային (փոխաբերական) արժեքը չունեն առանց

¹Տե՛ս Ս.Աբեղյան, Հայոց լեզվի տեսություն, էջ 173:

²Ալ. Մարգարյան, Հայերենի հարադիր բայերը, էջ 237:

³Փուլ գալ հարադրական բայը փոխաբերական իմաստով նշանակում է նաև «հուգ-մունքից լաց զսպել չկարողանալ». հավելական է, հավելական բաղադրիչով դարձվածային իմաստի հիմքում ընկած է հենց այս փոխաբերական նշանակությունը:

հավելական բաղադրիչների: Հավելական բաղադրիչներով, սակայն, դրանք վերածվում են դարձվածային կապակցությունների՝ փոխարերական իմաստներով:

Հմմտ. սիրտը փուլ գալ - «սաստիկ հուզմունքից փղձկալ, լացը զսպել չկարողանալ». տեսնում է թե չէ, սիրտը փուլ է գալի, ել չի դիմանում. լաց է լինում ու կրանում է համբուրում (3, 214):

Սիրտն ահ ընկնել -«սաստիկ երկյուղ ապրել». զնում է, զնում, մին ել ետ է նայում, տեսնում է գյուղից հեռացել է. էստեղ սիրտն ահ է ընկնում (3, 218):

Ուղղական հոլովով հավելական բաղադրիչը կարող է կապակցություն կազմել այնպիսի հարադիր բայերի հետ, որոնք, առանձին վերցրած, ունեն դարձվածային փոխաբերական նշանակություն: Հմմտ. ականջն ընկնել և ձենն ականջն ընկնել, ձախ զնալ և գործը ձախ զնալ կապակցությունների իմաստները:

Այսպես, ձախ զնալ հարադրական բայը դարձվածային արժեքով նշանակում է՝ «ձախողվել, գլուխ չգալ, չհաջողվել». որից գործը ձախ զնալ կապակցությունը «անհաջողության մատնվել ձեռնարկած գործը գլուխ չգալ» դարձվածային իմաստով: Հմմտ.

Ինքը մի բարի մարդ է լինում, բայց ինչ գործ, որ բռնում է, ձախ է զնում: Դրա համար ել անունը դնում են Զախորդ Փանու (3, 231):

Հարադրական դարձվածային բայերի հավելական բաղադրիչները հերիաքնեում հանդիպում են նաև թեք՝ գործիական և ներգոյական հոլովներով, ինչպես՝ հավասար աշքով մտիկ անել, փորում սիրտ չմնալ և այլն:

Մտիկ անել հարադրական բայը փոխաբերական իմաստով նշանակում է «հոգ տանել, ուշադրություն դարձնել». նրանից սերած հավասար աշքով մտիկ անել դարձվածը՝ «արդար դատել, անաշառ լինել»: Հմմտ.

- Են եմ ուզում, որ ամեն մարդի ել հավասար աշքով մտիկ անես, մեկին ավար չանես, մյուսին՝ խավար (3, 148):

Մյուս հարադրական բայը՝ սիրտ չմնալ տարբերակով, ունի հետևյալ իմաստները՝ «տրամադրություն ցանկություն լինել», հավելական բաղադրիչով՝ փորում սիրտ չմնալ դարձվածային իմաստով նշանակում է «շատ վախենալ, սարսափահար լինել»: Հմմտ.

Նազարն ... աշքերը բաց է անում, տեսնում զլյավերելը քա-

ռասուն լրանց գուրգերն ուսներին օխտն ահոելի հսկաներ կանգնած էնթադ. Փորում սիրտ չի մնում (3, 221):

Ընդհանրապես հավելական բաղադրիչները հոլովական այլ արտահայտություններ ևս ունեն, սակայն մեր ընտրանքում հանդիպում են միայն վերոբերյալ հոլովաձևային դրսերումները (ուղղական, գործիական և ներգոյական):

2) Հավելական բաղադրիչներն ունեն աստիճանավորման (սաստկականության) երանգ:

Դարձվածային արժեք ունեցող որոշ հարադրություններ կարող են ստանալ հավելական բաղադրիչներ, որոնք սաստկացնում են կապակցության դարձվածային իմաստը՝ ստեղծելով աստիճանավորման յուրահատուկ արտահայտության ձև: Այդ կարգի կապակցությունները, առավելաբար բնորոշ լինելով ժողովրդախոսակցական լեզվին, անմասն չեն մնացել Հ. Թումանյանի ստեղծագործությունների լեզվական ատաղձից:

Ելակետային հարադրական բայերի և հավելավոր բաղադրիչների կապակցությունների տարրերությունը ոչ միայն իմաստային-իմաստաբանական բնույթի է, այլև ձևաբանական-կառուցվածքային:

Այսպես, սուգ կապել հարադրական բայը «սուգ մտնել՝ տիխրություն՝ վիշտ ապրել. սզավոր մնալ. սուգ պահել» փոխաբերական իմաստներով դարձվածային միավոր է: Այս կապակցությունը կարող է ստանալ սև հավելական բաղադրիչը, հանդես գալ արտահայտության այլ պլանով և իմաստային նոր բեռնվածությամբ: Սև գունանուն բաղադրիչը ընդհանրապես կայուն կապակցություններում հանդես է գալիս փոխաբերական նշանակություններով, ընդ որում՝ բացասական իմաստով, ինչպես «ամոքալի» (երախը սև), «չար, դժբախտ» (սև օր (եր)՝ վիճակ), «զաղտնի» (սև ցուցակ), «բացադիկ» (սև աղմես), «խավարամոլ» (սև ուժեր), «վիրավոր, սզավոր» (սև սիրտ) և այլն⁴:

Ահա սև գունանուն բաղադրիչը սուգ կապել հարադրական բայի հետ կազմում է դարձվածային կապակցություն՝ սաստկաց-

⁴ Գունանուն բաղադրիչների դարձվածակազմիչ դերի մասին տէ՛ս Լ. Խաչատրյան, Խոսրվածքային տարարժեքությունն արդի հայերենի կայուն կապակցություններում, Ե., 1996, էջ 98-106:

նելով նրա նախնական իմաստը և հաղորդելով «սաստիկ՝ անդարմանելի վիշտ ապրել. ծանր կորուստ ունենալ» և այլն (3. 213):

Հարադրական բայի դարձվածային իմաստը կարող է սաստկացնել հավելական այնպիսի բաղադրիչ, որ հոմանշային հարաբերություն ունի հարադրության անվանական բաղադրիչի հետ:

Այդպես նաև պաղատանք անել հարադրական բայը, թեև առաջին հայացքից կարող է ընկալվել բաղադրիչների ուղղակի իմաստով, ինչպես «պաղատել», սակայն տվյալ կապակցության բայիմաստն ավելին է, քան «խնդրել» իմաստը. այն նշանակում է «սաստիկ խնդրել զերմեռանդրեն աղերսել»:

Պաղատանք անվանական բաղադրիչի հետ հոմանշային զոյլ է կազմում աղաշանք գոյականը: Վերջինս, հանդես գալով հարադրական բայի կառուցվածքում, կարող է նոր երանգավորում հաղորդել հարադրության նախնական իմաստին, ինչպես աղաշանք-պաղատանք անել. «սաստիկ աղերսել՝ խնդրել մեկին (մի բան ստունալու համար): Նմնու.

Աղվեսը աղաշանք-պաղատանք է անում.- Ինձ մի՛ սպանի,- ասում է,- մի կտոր պանիրն ինչ է, որ դրա համար ինձ սպանում ես (3, 163):

Նմանատիպ կառուցներում որոշակի երանգ են ստեղծում իրադրական հոմանիշները, որոնց «մերձավոր» նշանակությունները դրսենորփում են շարականական միջավայրում. տվյալ բնագրից դուրս դրանք իբրև հոմանիշներ չեն ընկալվում, ինչպիսին են ձեռք ու ոտք, արյուն և մահ, կյանք և ազատություն և այլ բառազույցերը:

Այսպես, ոտքերը թուլանալ հարադրական բայը «վախենալ, երկյուղել» իմաստ(ներ)ով դարձվածային միավոր է, իսկ ձեռն ու ոտք թուլանալ կապակցությունն արդեն սաստկացնում է ելակետային հարադրության նախնական իմաստը՝ նշանակելով «սաստիկ վախից մարել, սարսափահար լինել»: Նմնու.

Նազարը որ վազրին չի տեսնում - լեղին ջուր է կտրում, աչքերը սևանում են, ձեռն ու ոտք թուլանում են ու, թըրմի, ծառից ընկնում է զազանի վրա (3, 222):

Հովհ. Թումանյանի ոճին յուրահատուկ շեշտեր են վեր հանում այս կարգի շարականական միավորները. խոսքը ոչ միայն դիտարկվող դարձվածքների իմաստներին է վերաբերում, այլև ժո-

դովրդական մտածողությանը բնորոշ դարձվածքների համատեղ գործածությանը, ինչպես լեղին ջուր կտրել – աչքերը սևանալ – ձեռն ու ոտք թուլանալ, որոնք գծային պլանում ստեղծում են աստիճանավորում (զրադացիա):

Դարձվածային միավորները այլ կողմից են բացահայտում Հովի. Թումանյանի լեզվամտածողության առանձնահատկությունները. հարադրական բայերի դարձվածային իմաստներն ու նշանակությունները առավել շեշտելու նպատակով հեղինակը դրանք գործածում է հավելական բաղադրիչներով՝ դրանով իսկ ընդգծելով այդ դարձվածքների ժողովրդական ակունքները: Դարձվածքներ, որոնք կազմում են ժողովրդական բառ ու բանի անքակտելի մասը:

3) Հավելական բաղադրիչներն ունեն եղանակավորող (երանգավորող) նշանակություն:

Որոշ հարադրական բայերի իմաստային կառուցվածքում հավելական բաղադրիչները կարող են արտահայտել եղանակավորող երանգներ: Այդպիսի կապակցություններում հավելական բաղադրիչների շարահյուսական կապերը համեմատաբար թույլ են լինում. դա թերևս պայմանավորված է այն հանգամանքով, որ եղանակավորող գործառույթ ունեցող բառերը նախադասության անդամ չեն դառնում: Հովի. Թումանյանի հերիաքներում հանդիպում են այդ կարգի հարադրական բայեր, որոնց հավելական բաղադրիչներն ունեն եղանակավորող գործառույթ:

Այսպես, խեղճ զալ հարադրական բայն ունի «խղճալ, խղճահարվել, մեղքը զալ» իմաստներ. եկ հավելական բաղադրիչով կազմվել է եկ խեղճ արի եռանդամ կապակցությունը, որտեղ եկ բաղադրիչը չունի բայական ուղիղ իմաստ ու ստորոգումային գործառույթ⁵: Վերոբերյալ կապակցության մեջ եկ բաղադրիչն արտահայտում է «խնդրում եմ, համաձայնիք» եղանակավորող իմաստ հանդես զալով եղանակիք բայի դերում: Հմմտ.

– Լսի՞ք, ասում է, մա թղ ախպեր... եկ խեղճ արի, ազատ արա ինձ, բա ց թող, բա ց թող գնամ (3, 180):

Հավելական բաղադրիչների դերով հանդիպում են դերանուններն ու որոշակի արտահայտություններ՝ հարցական երանգով,

⁵ Հմմտ. – Դէ, ե՞կ, վարդապէ՛տ, ու մի՛ խերանա (ՊՍ):

ինչպես՝ ի՞նչ, ի՞նչ պակաս (Է) և այլն:

Այսպես, լրւյս տալ հարադրական բայն ունի «լրւավորել չորս կողմը լրւյս սփռել, լրւյս ճառագել» իմաստներ: Նրա հետ կապակցություն է կազմում ի՞նչ պակաս (Է) հարցական երանգի արտահայտությունը՝ կազմելով ի՞նչ պակաս է լրւյս տալիս քառանդամ արտահայտությունը «արեգակին կամ լրւաստուին ոչնչով չզիջել» փոխաբերական իմաստներով: Հմմտ.

Արեք մեր մտավ, բայց տես նրա ախափեր լրւանյակը դուրս եկավ. սա ի՞նչ պակաս է լրւյս տալի ... (3,173):

Նմանապես՝ միտք անել հարադրությունը «մտածել, խորհել» իմաստով լայն գործածություն ունի ժողովրդական լեզվում. Հավելական՝ ի՞նչ բաղադրիչով կազմում է եռանդամ կապակցություն ի՞նչ ես միտք անում, որ նշանակում է «իզուր ես չարչարվում, զուրմի տանջվիր»: Այս կառուցատիվը բնորոշ է հատկապես ժողովրդախոսակցական լեզվին: Հմմտ.

- Բարի օր, ախափերացու, եղ ի՞նչ ես մոլորվել, ի՞նչ ես միտք անում,- հարցնում է Հրեշը (3, 181):

Եղանակավորող դերով հավելական բաղադրիչներն այլ դրսենորումներ ել ունեն ժողովրդախոսակցական լեզվում, սակայն Հովի. Թումանյանի հերիաքներում հանդիպում են դիտարկված դեպքերը միայն:

1. Հարադրական բայերը հերիաքներում հանդես են զալիս ուղիղ և դարձվածային (փոխաբերական) իմաստներով:

2. Հարադրական բայերը, անկախ իմաստային դրսենորումներից, կարող են հանդես զալ հավելական բաղադրիչներով և ընդարձակել կապակցության թե՛ գծային և թե՛ բովանդակային կողմերը:

3. Հավելական բաղադրիչները կարող են ավելանալ

ա) ուղիղ իմաստով հարադրական բայերին,

բ) դարձվածային (փոխաբերական) իմաստով հարադրություններին:

4. Հարադրական բայերը ժողովրդական լեզվամտածողության դրսենորումներ են և առավելաբար գործածվում են այդ ոճով ստեղծագործող հեղինակների երկերում, մասնավորապես դրանք տարաբնույթ արտահայտություն ունեն Հովի. Թումանյանի հերիաքներում:

Миумян М. - Структурные типы сопостовительных глаголов с избыточным компонентом в сказках Ог. Туманяна. - Сопоставления с избыточными компонентами свойственны народно-разговорному языку и характерны для сказок О. Туманяна. Стилистическая роль таких соположений характеризуется двумя срезами, с учетом двух возможных групп таких соположений.

1. прямым значением глагола (обычный) (как: բաց անել – աչքերը բաց անել, վեր կենալ – փոթորիկ վեր կենալ),

2. с метафоричным (фразеологическим) значением (как: փուլ գալ – սիրտը փուլ գալ, ահ ընկնել – սիրտը ահ ընկնել, ձախ գնալ – գործը ձախ գնալ).

Сопостовительные глаголы с избыточным компонентом, с разнообразием типов строения и с разными проявлениями значения становятся особыми стилистическими средствами в сказках О. Туманяна.

.Mirumyan M. - Structural Types Comparison Verbs With Redundant Components in Fairy Tales by Hov. Tumanyan. - Juxtaposition with redundant components is peculiar to folk-spoken language and are typical of fairy tales by H. Tumanyan. Stylistic role of juxtaposition is characterized by two slices, taking into account the two possible groups such juxtaposition:

1 direct meaning of the verb (normal) (as բաց անել – աչքերը բաց անել, վեր կենալ – փոթորիկ վեր կենալ),

2 with metaphorical (a phrase) value (as, փուլ գալ – սիրտը փուլ գալ, ահ ընկնել – սիրտը ահ ընկնել, ձախ գնալ – գործը ձախ գնալ) and so on.

Coordinative verbs with redundant components, with a variety of building types and with different manifestations of the values are the special stylistic means in the tales of Hovhannes Tumanyan.

ՄԱՆՐՈՒՄՄԱՆ ԵՂԱՆԱԿՆԵՐԻ ԱՆՎԱՆՈՒՄՆԵՐԸ

Մանրուսումը կամ Մանրուսմունքը հայ միջնադարյան հոգևոր երգարվեստին և խազագիտության ուսուցմանն առնչվող երաժշտածիսական մատյան է: Տերմինը Նոր հայկագյան բառարանում տրված է «Մանր» բառահոդվածի ներքո՝ «Մանր ուսմունք» անջատ գրությամբ, և բացատրվում է. «Երգը ժամագրոց, որպէս բազաւորք, ալիուք, մեսեղիք, ժամամուտք, կացուրդք, փառեր, հարցնափառեր, յառանձին գրքով ամփոփեալ ի նախնեաց»՝ նկատի ունենալով գրեթե ողջ խազգիրքը¹: «Միջին հայերենի բառարան»-ում մանրուսմունք-ը տրվում է եկեղեցական նշումով և բացատրվում որպէս «Ժամագրքի երգերը պարունակող գիրք»²:

Երաժշտածիսական այս մատյանը ձևավորվել է XI դարի վերջում Կիլիկիայում և արտացոլում է իր ժամանակի հոգևոր երգարվեստում տեղ գտած նոր միտումներն ու իրողությունները: Կոմիտասի բնութագրումով՝ «Հին երաժիշտները Մանրուսում ասելով հասկանում էին՝ ուսումն եկեղեցական երգերի, եղանակների և խազերի մասին»³: Այսինքն՝ մեր միջնադարյան երաժիշտները հասկացել են խազգրքերի մեջ մտնող հարյուրավոր երգերի ամբողջությունը: Շուրջ մեկ դար հետո՝ XII հարյուրամյակի երկրորդ կեսին, մանրուսման արվեստը այնպիսի ծավալ է ստանում, որ Ն. Շնորհալին իր «Թուղթ ընդհանրական»-ում քահանայական ձեռնադրության պարտադիր և զիսավոր պայմաններից մեկը համարում է «Զեկեղեցական գիրս ուղիղ ընթեռնով, եւ զմանը ուսմունս ձայնաւորացն պաշտել յեկեղեցիս, եւ ապա զալ ի ձեռնադրութեան»⁴:

«Մանրուսում» բառը երկիմաստ է: Մի դեպքում նշանակում է

¹ Գ. Աւետիքեան, Խ. Միրմելեան, Մ. Աւգերեան, Նոր բառգիրք հայկագեան լեզուի, (այսուհետև՝ ՆՀԲ), հ. 2, Վենետիկ, 1837, էջ 207:

² Ռ. Ղազարյան, Հ. Ավետիքյան, Միջին հայերենի բառարան, Ե., 2009, էջ 494:

³ Կոմիտաս, Ուսումնասիրութիւններ եւ յօդուածներ, Գիրք Ա, Ե., 2005, էջ 62:

⁴ Ն. Շնորհալի, Թուղթ ընդհանրական, Էջմիածին, 1865, էջ 79:

նուրք և արվեստավոր երգեցողության ուսմունք, մյուս դեպքում՝ ձնի խազագրված մատյան՝ խազգիրը, որ ամփոփում է բարդ մելիզմային բնույթի երգերը: Կարելի է ենթադրել, որ «մանրուսմունք» կամ «մանրուսում» նշանակում է նուրք կամ նրբառ իրողություններին վերաբերող ուսմունք, ինչպես որ միջնադարում գործածվել է «նուրք գրեանք» հասկացությունը՝ փիլիսոփայական երկերի իմաստով⁵: Պատահական չէ, որ միջնադարյան հեղինակները, սկսած Շնորհալուց, գործածում են «մանրուսման արուեստ» հասկացությունը:

Դեռք է նշել, որ առ այսօր Մանրուսման գրքերը թե՝ բանասիրական, թե՝ բնագրագիտական առումով դեռևս բավարար ուսումնասիրված չեն: Ինչպես գրում է Կոմիտասը. «Մանրուսումն լիակատար իմացողներ թերեւս թուով շատ քիչ են եղել, որոնք եւ թագատի են պահել իրենց գիտութիւնը...Եթէ երաժիշտները, որոնք փիլիսոփայ կամ իմաստուն են կոչում այն ժամանակի լեզուով, չթագցնէին...մեր ձեռքը հասած կլիներ գոնէ մի քանի օրինակ եւս ձեռնարկ իին խազերի եւ եղանակների մասին, որոնք Մանք ուսման նիւթ են: Մեր այս կարծիքը հաստատում է մի յիշատակարան...Զոր (զարուեստ Մանրուսման) ի մանկանց եկեղեցւոյ սակաւը զնոյն գիտեն»⁶: Այսինքն՝ հայկական վանքերում մանրուսման արվեստը գաղտնի փոխանցվող գիտելիք է եղել:

Սովորաբար մանրուսման եղանակներն ամփոփվում են խազգրքերի վերջում «Ուղիցիք միահամուռ» խորագրի ներքո և աշքի են զարնում անսովոր, առաջին հայացքից խորիրդավոր անվանումներով: Առաջինը դրանց անդրադարձել է Ղ. Ալիշանը⁷, հետո՝ Կոմիտասը⁸, այնուհետև՝ Ռ. Աքայանը⁹, Ն. Թահմիզյանը¹⁰, Ա. Արևշատյանը¹¹: Հետազոտելով բազմաթիվ խազգրքեր՝ Ղ. Ալիշանը

⁵ Հմմտ. Յ. Անասեան, Հայկական մատենագիտութիւն, հ. Ա, Ներածութիւն, Ե., 1959:

⁶ Կոմիտաս, նշվ. աշխ, էջ 63:

⁷ Ղ. Ալիշան, Միսուտան եւ Լեւոն Մեծագործ, Վենետիկ, 1885, էջ 254:

⁸ Նշվ.աշխ., էջ 55-75:

⁹ Ռ. Աքայան, Հայկական խազային նոտագրությունը, Ե., 1959, էջ 82-83, 89-92:

¹⁰ Ն. Թահմիզյան, Կոմիտասը և հայ հոգևոր երգարվեստի հարցերը, Կոմիտասական, հ. Ա, Ե., 1969, էջ 159-217:

¹¹ Ա. Արևշատյան, Հայ միջնադարյան «Ճայնից» մեկնություններ, Ե., 2003, էջ 23-29:

առանձնացրել է ավելի քան 70 եղանակի անուններ և կազմել դրանց այբբենական ցանկը «ի գրօսանս քանասիրաց»: Ալիշանից հետո Կոմիտասը, ի մի բերելով բոլոր անունները, կազմում է դրանց այբբենական լրացված ցանկը վերնագրելով «Ութ ձայնի նրբութիւնները», և մանրուսման եղանակների թիվը համարում 152¹²: Կոմիտասից հետո մանրուսման եղանակների ուսումնասիրությամբ զբաղվում է հատկապես Ն. Թահիմզյանը: Քննելով այդ ձայնեղանակները՝ նա առանձնացնում է դրանք ըստ կիրառական, ծիսական բնույթի և ուսումնասիրում՝ համադրելով տարբեր խազզրքեր և ուշադրություն դարձնելով հատկապես եղանակների թվին¹³: Եզրակացությունները, անշուշտ, հետաքրքիր են, քանի որ երբեմն միևնույն եղանակը կարող է ունենալ երկու տարբեր անվանում և հակառակ՝ մեկ անվանումը կարող է նշել տարբեր եղանակներ տարբեր ձայներում: Մանրուսման եղանակներին անդրադարձել է նաև Ա. Արեշատյանը՝ քննելով «հայ միջնադարյան մատենագրության մեջ պահպանված եկեղային հարաւորյունը, միջնադարյան հոգևոր երգաստեղծության մեջ ձևավորված բազմապիսի բնորոշ մեղեդիական դարձվածքների ամբողջությունը»¹⁴: Ակնհայտ է, որ բոլոր հետազոտողներին հետաքրքրում էր հատկապես ձայնեղանակների թիվը, որը տարբեր հաշվարկներով տատանվում է 120-ից մինչև 152: Թվում է, թե այդ քանակը չի համապատասխանում հայկական ուրացյանի համակարգին, սակայն Կոմիտասը պարզաբանում է, որ «Եղանակների տեսակների զատ զատ անուանակոչութիւնը շատ վաղ ժամանակներից է յայտնի. մի սովորութիւն, որ յատուկ է եղել միշտ արեւելեան ազգերին՝ Հայերին, Պարսիկներին, Քրդերին, Արաբներին, Տաճիկներին և այլն, որոնք մինչեւ այժմ եւս գործածում են քացի Հայերից. մեր եղանակների լոկ անուններն ու անյայտ խաղերն են մնացել ձեռագրերի մեջ»¹⁵:

Սույն հոդվածում փորձել ենք քննել մանրուսման եղանակների անվանումները՝ դրանք դասակարգելով ըստ իմաստային կամ թեմատիկ խմբերի: Ըստ այդմ առանձնացրել ենք՝

¹² Կոմիտաս, նշվ. աշխ., էջ 68:

¹³ Ն. Թահիմզյան, նշվ. աշխ., էջ 186-187:

¹⁴ Ա. Արեշատյան, նշվ. աշխ., էջ 5:

¹⁵ Կոմիտաս, նշվ. աշխ., էջ 64:

ա) Անվանումներ, որոնք պայմանավորված են համապատասխան հոգևոր տոններին կատարվելու հանգամանքով: Այդպիսին են Առաւոտերգ, Վիրակամտի, Եկեղեցոյ, Խաչի, Գալստեան մանրուսաման եղանակների անունները¹⁶:

բ) Անվանումներ, որոնք որոշակի երգերի սկզբնաբառեր են կամ երգերին առավել բնորոշ բառեր: Օրինակ՝ Այսօր մտանէ անունը Ծաղկազարդի երգեց մեկի սկզբնաբառերն են, կամ «Գարբիկն աւետեօր», «Թագաւոր փառաց» կամ «Թագաւոր յաւիտեան», «Սայլն այն իջանէր» երգերի սկզբնաբառերից մանրուսաման եղանակների անվանումներ են Գաբրիկ-ը, Շնորհազարդ-ը, Թագաւորը, Սայլ-ը¹⁷:

գ) Անվանումները, որոնք պայմանավորված են կիլիկյան վանքերում ձևավորված լինելու հանգամանքով: Դրանք են՝ Կարմիր վանեցի կամ Կարմիր վանքեցի, Սուրբ Նշանեցի կամ Սուրբ Նշան:

դ) Անվանումներ, որոնք հատկանշվում են երգեցողների անուններով՝ Վիրակոս երեց, Մամկոն, Մարկարազ, Սովուս, Յովանիսուկ, Միքայէլ, Շահեան, Շաւառն, Տարոնեցի, Արեւելցի:

Մանրուսաման եղանակների այս շարքը կարելի է համալրել՝ հետազոտողների կողմից արդեն իսկ արձանագրված անվանումներին ավելացնելով միջնադարյան գրիչների կողմից հիշատակված խազգրքերի խմբագիրների անունները Առաքելցի¹⁸, Կարապէտցի¹⁹, Կոստանդ²⁰: Վերջիններս գրիչների կողմից հիշատակված են որպես մանրուսաման եղանակների հմուտ գիտակներ, որոնց կազմած խազգրքերը ճանաչվել են իբրև չափանմուշ:

ե) Սուանձին մանրեղանակների բնույթն արտահայտող անվանումներ: Դրանք հիմնականում նվազական, փաղաքշական բառեր են՝ Քնքշակ, Լալկան, Գոյնիկ, Գունիկ, Յեղմուկ:

զ) Զայնեղանակներ՝ կազմված նվազարանների անուններից՝ Սրինկ, Փող, Ծնծղայն, Գոճնակ:

է) Զայնեղանակներ՝ կենդանիների անուններից՝ Առեւծ, Արջ,

¹⁶ Հմմտ. Ն. Թահմիզյան, նշվ. աշխ., էջ 198-201:

¹⁷ Հմմտ. Ա. Արևշառյան, նշվ. աշխ., էջ 38-39:

¹⁸ ԺԵ դարերի ձեռագրերի հիշատակարաններ, Մասն I (1401-1450), Ե., 1955, էջ 390:

¹⁹ Նշվ. աշխ., էջ 130:

²⁰ ԺԵ դարերի ձեռագրերի հիշատակարաններ, Ե., 1950, էջ 88:

Գայլ, Եզնակ, Զի, Կասու, Զորի, Ոչխար, Ուղտն:

ը) Զայնեղանակներ՝ թոշունների անուններից՝ Արծիւ, Աղաւնեկ, Բագէ, Ծիծեռն, Կարաւն, Վարուժնակ, Ցինայ:

թ) Զայնեղանակներ՝ միջատների անուններից՝ Բոռ, Կրետ, Մեղու, Մարեղ, Պիծակ:

Եթե դրանց հավելենք Դարբին, Գետ, Երկաթ, Շուլ, Զաղաց, Զուլիսկ անվանումները, ապա կարելի է որոշ աղերսներ փնտրել դեռևս հեթանոսական շրջանում ձայնի մասին կազմավորված պատկերացումներում: Հայկական երաժշտության ձայնների կարգավորումը վերագրելով Ս. Պարթևին՝ Ն. Ալիշանը գրում է. «Ըստ թույլ տասն արարածոց ի չորից ձայնից Ժ բարդեցաւ. եւ չորս ձայնը ի չորս տարերցու ունին զգոյս. որպէս եւ Ա. ձայն ի հողոյն, եւ Բ.-ն ի ջրոյն, Գ.-ն ի յօդոյն, Դ.-ն ի հրոյն. եւ ի չորս ձայնիցն բաժանեաց չորս կրողմ. վառ եւ վերջ երկու ստեղին: Որք ունին եւ այլ յատկութիւնս. զի Ա. ձայնն ի հիւնականնէն է, Բ.-ն ի դարբնէն, Գ.-ն ի գետոց, Դ.-ն յաղթերաց, Ե յերկաթոյ, Զ՝ ի ծովու ծփանաց, Է՝ յանասնոց, Ը՝ ի զազանաց, Թ եւ Ժ՝ ի հաւուց»²¹: Խնչպէս նկատում է Ս. Արևշատյանը, հայկական ձայնեղանակների համակարգը «հիմքում ունենալով հեթանոսական շրջանում կազմավորված պատկերացումները, որոնք ձայնեղանակները կապում էին երկնային լրսատուների, չորս տարերքների, բնուրյան զանազան երևույթների, կենդանական աշխարհի, արիեստների, մարզարեների կամ հոյսն դիցաբանությունից և պատմությունից հայտնի երաժիշտների ու գիտնականների անունների հետ, վերափակացաւավորվում է հետագա դարերում ըստ քրիստոնեական նոր զաղափարախոսության և գեղագիտական նոր պահանջների»²²: Անցյալի արմատներն այնքան խորն են և կենսունակ, որ շարունակում են զոյատեել ողջ միջնադարի ժամանակաշրջանում և բափանցել նույնիսկ եկեղեցական միջավայրում ստեղծվող մեկնությունների և գործնական ձեռնարկների մեջ:

Մանրուսման եղանակների ցանկում կան նաև անհասկանալի բառեր, անուններ, որոնք դժվար է ընդգրկել իմաստային որևէ խմբում:

²¹ Ղ. Ալիշան, Շնորհայի եւ պարագայ իւր, Վենետիկ, 1873, էջ 88:

²² Ս. Արևշատյան, նշվ. աշխ., էջ 11:

Չոր, Չորուկ անվանումը հնարավոր է՝ առնչվի «պահը» հասկացությանը: ՆՀԲ-ը վկայում է.«...Պահոց եւ աղօթից հետեւելով, չոր ճաշակելով», որտեղից էլ գործածվում են չորակեաց, չորաճաշակ, չորակեր լինել բառերը. «Չոր ուտելեօք կամ հացի եւեթ ապրի. Հրաժարի ի պարարտ կերակրոց. Ոչ է պարտ զքառանորդն մեծի Հինգաշաբաթին լուծանել, այլ չորակեր լինել»²³: Անդրադառնալով Մանրուսման երգերի «աղաչական-զջական բնավորութեանը»՝ Ն. Թահմիզյանը նշում է, որ «սրանը եւս, մի շարք խազզրքերում դուրս մնալով «Ուղիցիների» կարգից, անցել են «Մեսեղիք ապաշխարութեան» բաժինը, դարձեալ նոյն անուններով եւ նոյն խազերով...ըստ բոլոր տուեալների, կիրառական երգերի շարքին պէտք է դասել նաև «Չորը» կամ «Չորուկը»²⁴: Չի բացառվում, որ Չոր-ը (իտ. secco)՝ որպէս տերմին՝ չ համառոտ նշումով վերաբերի նաև ձայնի հնչողության երանգներին²⁵:

Մեռելքաշ անվանման քաշ բաղադրիչը՝ որպէս խազանուն, ըստ գործառույթի՝ գրեթե նույնանում է երկար-ին: Հոգևոր երգարվեստում երկար-ը ցույց է տալիս երկարացման միջոցով ընդգծվող «մեծ» վանկը.«Հայկական խազագրութիւններում,- գրում է Թահմիզյանը, - «երկար» խազով նշանակում է մետրական երկու միավորի արժեքով վանկը, որը կարող է հնչինավորել հենց մեկ երկար ձայնով»²⁶: Հետաքրքիր է, որ բարդ խազավորումները քննելիս Թահմիզյանն առանձնացնում է «ծանրատրոպ» կոչվող անվանումը և բացատրում որպէս «ծանր, քաշ, դանդաղ կատարվող «տրոպ», իսկ տրոպ-ը հուն. և լատ trope, tropus բառից է, որ նշանակում է «եղանակ», «մեղեղի»²⁷: Հնարավոր է, որ մեռելքաշ-ը մանրեղանակ է՝ նախատեսված հոգեհանգստյան կարգի ժամանակ մի պահ միայն կատարելու համար:

Միջին հայերենում գործածվում են գոյականի հոգնակի թվի, հոլովների կազմության այնպիսի տիպեր, որոնք իրենց տեսակով

²³ ՆՀԲ, հ. 2, էջ 577:

²⁴ Ն. Թահմիզեան, Կոմիտասը եւ հայ ժողովրդի երաժշտական ժառանգութիւնը, Փաստենա, 1994, էջ 184:

²⁵ Ն. Թահմիզեան, Արդի խազաբանութիւն, Փաստենա, 2003, էջ 118:

²⁶ Ն. Թահմիզեան, Արդի խազաբանութիւն, էջ 131:

²⁷ Ն. Թահմիզյան, նշվ. աշխ., էջ 258-259:

բացառիկ են կամ եզակի: Այդ առումով հետաքրքիր է Մանրուսման եղանակներում վկայված Տիրոցի ձագ անվանումը: Տիրոցի բառաձեր վկայում է հոգնակերտ ձևույթների հնարավոր տարբերակների անցումների մասին: Միջին հայերենում հոգնակերտ ձևույթները գործածության ոլորտով սահմանազատված չեն, դրսեորվում են որպես միևնույն քերականական իմաստն արտահայտող ձևույթի ազատ տարբերակներ: Օրինակ՝ **աչք-աչք-աշունք-աչքի-աչքեր-աչքներ-աչքնի²⁸**: Մեզ հետաքրքրողը տվյալ դեպքում **ք-ոք-ոնք** հոգնակերտ ձևույթների հնարավոր անցումներն են, որոնք դրսեորվում են **շատք-շատոք-շատոնք** բառաձեւում²⁹ և հոլովվում են սեռականում **շատոց** ձևով: Նկատի ունենալով միջին հայերենում հոգնակի կազմության անմիջինակությունը՝ չենք բացառում նաև Տեր բարի գրաբարյան հոգնակի տեսք-ի փոխարեն տիրոք ձևի գործածությունը, մանավանդ՝ միջին հայերենի մատենագրության մեջ հիշատակվում են **շատոց**, **մարդոց**, **տիրոչոց** ձևերը³⁰: Ընդ որում վերջինս ունի սեռ.-տր. հոլովի արտահայտման կրկնակի դրսեորում՝ եզակի (ոչ) և հոգնակի (ոչ): Ս. Աբեղյանը ևս նշում է հայրեններում գործածվող **շատոք**, **շատոց** բառերը և օրինակը բերում է հայրեններից. «Աւիրենք շատոց տուն ու տեղ»³¹: Հակված ենք Տիրոցի ձագ մանրեղանակի անվանումը բխեցնել տեր բարից:

Մանրուսման եղանակների անվանումներից է նաև **բրատր-ը**: Միջին հայերենի բառարանում այն վկայված չէ: ՆՀԲ-ը մեկնում է. «Մահակ. ստուար զաւազան», համարժեք է հուն. ράβδος, ξύλον և լատ. *lingum, fustis* բառերին³²: Բիր-ը գործածվում է V դարի մատենագրության մեջ, Աստվածաշնչում. «Ամրոխ բազում՝ սրովք եւ բրաւք» (Մտթ. ԻՉ, 47): Առանձնացնելով երկրագործությանն առնչվող բնիկ հ.-ե. անվանումները՝ Գ. Զահուկյանը բիր-ը ներառում է բարբառային, գործառական և բառային տարբերակներում՝ որպես

²⁸ Ակնարկներ միջին գրական հայերենի պատմության, Բ, Ե., 1975, էջ 61-62:

²⁹ Նշվ. աշխ., էջ 62:

³⁰ Նշվ. աշխ., էջ 70:

³¹ Ս. Աբեղյան, Երկեր, Բ, Ե., 1967, էջ 56-57:

³² ՆՀԲ, հ. 1, Վենետիկ, 1836, էջ 490:

հոմանիշներ (բիր-ձաղկ-ջին-զաւագան-մահակ-ջալոտ(ի))³³: «Բիր-ը համարվում է բնիկ հայերեն բառ՝ *bhi-ro-՝ bhel-«խսկել» արմատից, գրում է Զահուկյանը, - բայց հավասար իրավունքով կարող է համարվել իրանական փոխառություն, մանավանդ եթե կապված է բահ-ի հետ (*bher-«ծակել, կտրել, ճեղքել», եթե ոչ *bhdeh-ից «փորել»³⁴: Հ.Աճառյանը առնչություններ է նկատում բահ բառի հետ³⁵:

Բիր-ը՝ որպես ածական, ունի նաև «կոշտ, կոպիտ, բիրտ» նշանակությունները: Ստ. Մալխասյանցը վկայում է նաև Գ.Արվանձոյանցի «Գրոց ու բրոց»-ը բացատրելով որպես «Գրական և ժողովրդական, գեղջկական»³⁶: Եթե հիմք ունենանք նաև այն դրույթը, որ մանրուսման «մեղեղիական բանաձեռք շատ անգամ քաղվում էին նաև աշխարհիկ տարածված երգերից»³⁷, ապա կարելի է ենթադրել, որ անվանումը աղերսներ ունենա ժողովրդական կամ գեղջկական մեղեղիների հետ կամ ել լինի ժողովրդական մեղեղիներին բնորոշ մանրեղանակ:

Այսպիսով, Մանրուսման մատյաններում վկայված յուրօրինակ, ինքնատիպ, մասամբ նաև խորհրդավոր անվանումների մեկնությունը հնարավորություն է ընձեռում հետազոտելու հին և միջին շրջանի հայերենի գործառական ոլորտները՝ ելնելով ամենից առաջ լեզվական շափանիշներից:

Gayane Mkhitarian - The Names of "Manrusum" Modes.- The "Manrusum" is a musical and sacral book and is formed at the end of XI century in Kilikia. The term "Manrusum" has two meanings: first is a doctrine of sacred chanting art and second is a luxurious drawnd neumes-book. The original and unique names of "Manrusum" Modes had been in the center of attention of various researchers. Some of the names are

³³ Գ. Զահուկյան, Հայոց լեզվի պատմություն: Նախազրային ժամանակաշրջան, Ե., 1987, էջ 393:

³⁴ Նշվ. աշխ., էջ 551:

³⁵ Հմմտ. Հ. Աճառեան, Հայերէն արմատական բառարան, հ. 1, Ե., 1926, էջ 452:

³⁶ Ս. Մալխասեանց, Հայերէն բացատրական բառարան, հ. 1, Ե., 1944, էջ 371:

³⁷ Ս. Արեշշատյան, Կոմիտասի անդրանիկ երաժշտագիտական հոդվածը և նրա նշանակությունը.- Էջմիածին.- Ը-Թ, 1996, էջ 147:

examined in this article as it allows to explore functional fields of Old and Middle Armenian based on linguistic criterias.

Мхитарян Гаяне - Названия ладов "Манрусум".- "Манрусум" -это музыкально-ритуальная книга, которая сформировалась в Киликии в конце XI века. Термин "Манрусум" имеет два значения: во первых - это доктрина священного искусственного песнопения и во вторых - это роскошно нарисованная невменная нотация. Оригинальные и уникальные имена ладов "Манрусум" были в центре внимания различных исследователей. В этой статье осматриваются некоторые имена, поскольку это позволяет исследовать функциональные сферы старого и среднего армянского языка основанных на лингвистических критериях.

ԳՐԻԳՈՐ ՄԱԳԻՍՏՐՈՍԻ ԼԵԶՈՒՆ

Գրիգոր Մագիստրոսի (11-րդ դ.) նամակների և բանա-ստեղծությունների¹ լեզուն դասական գրաբար է, բայց և հայտնի է որպես մութ ու խճողված: Մարկվարտը բնորոշել է այդ հեղինակին որպէս «հայկական Լիկոփրոն»² (Լիկոփրոնը մ.թ.ա. երրորդ դարում Ալեքսանդրիայի գրադարանում աշխատած հովն բանաստեղծ էր, որի «Ալեքսանդրա» պոեմն աչքի էր ընկնում ծայրահետ խրթնաբանությամբ): Դրանք դժուարհասկանալի են ինչպէս լեզվական, այնպէս էլ բովանդակային առումով, քանի որ լի են այլաբանություններով, ակնարկներով, մթին հատվածներով, հայտնի և անհայտ աղբյուրներից մեջբերումներով ու վերապատումներով, ինչը երբեմն սաստկացվում է բառախաղերով և բաղաձայնույթի (ավելացածայի) չարաշահումով:

Մագիստրոսի երեք՝ «Գամազտական» (Մագ. 6(2Ե)), «Մրգուց փանար» (Մագ. 39ա(2Զ)) և «Գանգին բախիւն» (Մագ. 39բ(2Ե)) սկսվածքներով բանաստեղծությունների գրեթե բոլոր բառերն են անհասկանալի. այդպիսիք են նաև 44(ԾԹ) նամակի բանաստեղծական հատվածները: Դրանք հանելուկներ են, չ. Աձառյանի բնորոշմամբ՝ «եզիպտական մեհենազիք գրութեանց նման անխմանալի բաներ»: Բառերի մեծ մասն անծանոթ է, և գրիչները, չհասկանալով, խիստ աղավաղել են բնագրերը, դարձնելով էլ ավելի անհասկա-

¹ Տե՛ս Գրիգոր Մագիստրոս, Թուլլը և չափաքերականը, աշխատասիրութեամբ Գ. Մուրադեանի, Մատենագիրը հայոց, ԺԱ. դար, ԺԶ հատոր, Երևան, 2012, էջ 85-385. այսուհետ՝ Մագ., նամակի համարը՝ արաբական թվանշանով (փակագծելում տառերով թերվում է նույն միավորի համարն ըստ հին հրատարակության՝ Գրիգոր Մագիստրոսի թղթերը, բնագիրն առաջարանով և ծանօթագրութիւններով առաջին անգամ ի լոյս ընծայեց Կ. Կոստանեանց, Ալեքսանդրապոլ. 1910, բայց Մագ. 1-ից և Մագ. 2-ից, որոնք այս հրատարակության մեջ չկան) և նախադասության թիվը:

² Տե՛ս Hippolytus, Werke, 4-ter Band, Die Chronik, hergestellt von. A. Bauer, nebst einem Beitrag von J. Markwart, Leipzig, 1929, S. 426:

նալի: Հ. Աճառյանը վերծանել է «Մրգուզ փանաք»-ը³: «Գամազտական»-ը փորձել են վերծանել երկու այլ հմուտ բանասէր՝ Նորայր Բյուզանդացին⁴ և Սենեկիշյանը⁵: Ավելացնենք, որ ՆՔՀՀ-ի հեղինակները «զանց են առել» այդ «անխմանալի» բառերը: Դրանցից շատերը բնականաբար չկան նաև Լ. Հովհաննիսյանի կազմած ՆՔՀՀ-ի լրացման⁶ մեջ:

Նամակներում ևս Գրիգոր Մագիստրոսն օգտագործել է բացառիկ բառեր, որոնք այլ հեղինակների մոտ ավանդված չեն: Երբեմն դրանց իմաստը հստակ չէ. այն վերականգնվում է ընդհանուր կոնսերստից: Նշենք մի քանիսը. «կեղերջական» (Մագ. 8(ՀԲ), 21(Բ).34, 22(ԿԱ).18, 84 (ԼԶ).24՝ «զանգատական, ցաւազին»), «յածաշու» ((Մագ. 21(Բ).33, 60(ԽԸ).16, 61(ԻԲ).14, 70(Զ).1՝ «թափառական»), «տորբանեմ» (Մագ. 6(ԶԷ).1), «տորբանական» (Մագ. 21(Բ).3, 44(ԾԹ).15), «քարգոնոսական» (Մագ. 6(ԶԷ).19, 2(Բ).45, 40(Խ).9) և «քարգոնական» (Մագ. 48(ԽԴ).1, 54(ԼԴ).4՝ «արքայական»), «դովար» (Մագ. 52(ԼԳ).2), «սոռոական» (Մագ. 31(ԾԲ).3, 6, 9՝ Արտեմիս դիցուիու մակղիրն է, «տավրոսյան»). խոսքը Դրիմի Տավրոսյան լեռներում գտնվող Արտեմիսի մեհյանի մասին է, որի հետ կապված առասպելների ակնարկներ կան թղթերում):

Հետևյալ բառերը նորակազմ բարդություններ են, որոնց կառուցվածքը պարզ է, իմաստը՝ ոչ այնքան. «Ճանջաճերմակ» (Մագ. 30(ԾԱ).3, 54(ԼԴ).4՝ երիվարի մակղիր), «կոսպող» (Մագ. 54(ԼԴ).4՝ նոխազի մակղիր), «վլնջապապջակ» (Մագ. 30(ԾԱ).3), «սալասմբակ» (Մագ. 30(ԾԱ).3, 53(Լ.Բ).15):

Բացի նշվածներից, «Թղթերում» Գրիգոր Մագիստրոսն օգտագործել է մի շարք հունարէն բառեր՝ հայերէն տառադարձմամբ, ինչը բացառիկ երևույթ է հայ միջնադարյան մատենագրության մեջ:

³ Հ. Աճառյան, «Գրիգոր Մագիստրոսի Մրգուզ փանաքի լուծումը», Հանդէս Ամսորեայ, 37 (1923), էջ 241-256:

⁴ Ն. Բյուզանդացի, «Գրիգոր Մագիստրոսի «Գամազտական» թղթին մեկնութիւն ի նմին իսկ Մագիստրոսէ», Բանասէր, 2 (1900), էջ 119-140:

⁵ Սենեկիշեան, Գրիգոր Մագիստրոսի «Գամազտականի» ամրոջական լուծում, Վիեննա, 1912:

⁶ Գրաբարի բառարան, Նոր Հայկացյան բառարանում չվկայված բառեր, Երևան, 2010:

Դրանց մեծ մասը վկայված չէ ոչ Նոր հայկացյան, ոչ էլ Առձեռն բառարաններում: Օրինակ՝ «աստուանումի» (Մազ. 9(Հ).15՝ «աստղաբաշխական աղիսակ», հմմտ. առտրօնոմիա), «մանդալ» (Մազ. 15(ՀԶ).16 – մանճալոց «կաղին»), «մանկական» (Մազ. 21(Բ).19, հմմտ. մանիկոս, մանածոց «խելագար»), «միւստիւիիոն» (Մազ. 46 (Է).10 – մաստիրուն «խորհուրդ, գաղտնիք»), «սիմեռիկոն» (Մազ. 26(ՀԱ).30, հմմտ. տուբերինոց «այսօրլվա»): Դրանց մեջ կան անզամ բայեր՝ «եպիլեմեալ» (Մազ. 39Բ(ՁԵ).5 – էպիդηմէա «բնակվել, մնալ»), «ետեկնիմ» (Մազ. 6(ՁԷ).3 – տիտո «ծնել» բայից):

Բառարաններում կարելի է գտնել Մագիստրոսի օգտագործած կարենից փոխառված բառերից մի քանիսը «բրաբիոն» (Մազ. 51(ԿԴ).5, 61(ԻԲ).1), 63(ԽԲ).6), 65 (ԻԴ).13), 68(Լ).12՝ «մրցանակ», բայց բառն օգտագործված է «շնորհ» կամ նման իմաստով), «մառուլ» (Մազ. 88(ԼԹ).18 – մարօնլուն «հազար, լատուկ»), «նումիկոս» (Մազ. 1.ՉԼԳ – ուսումնական «օրէնսգէտ»), «նումիզմատայ» (Մազ. 26(ՀԱ).8 – ուսումնական «օրէնսգէտ»), «նումիզմելի» (Մազ. 16(ՀԴ).5 – ծննդամել «քացախի ու մեղրի խառնուրդ»), «պոաստոնց» (Մազ. 4(ԿԵ).67 – պրօաստեուն «արվարձան»), «տիտղոս» (Մազ. 15(ՀԶ).1 – տիտուս «մակազրութիւն»), «տոփիտոն» (Մազ. 83(Կ).8 – (πυρετός) տրիտոս «ենորեայ տենդ»), «փազրոս» (Մազ. 14(ՀԵ).12, 16(ՀԴ).2 – փայրօս «Նեղոսում ապրող մեծ ձուկ»), «քանոնիկոն» (Մազ. 26(ՀԱ).21 – կառուկոս «կանոնաւր»):

Որոշ բառեր աղավաղված են կամ անհասկանալի, և բանասերների կոսհումներն օգնել են գտնել դրանց հունարեն նախատիպը: Վերը նշված «միւստիւիիոն» բառի իմաստը մեզ հաջողվել է հասկանալ բնագիրը հրատարակության պատրաստելիս, այն ինչ Կոստանդնուպոլիսի հրատարակության մեջ (էջ 25) կարդում ենք «միւս Տիւիիոնին», երկրորդ բառը որպես անուն:

Կան բառեր, որոնց հունարեն ծագումը ենթադրելի է, սակայն դա չի օգնում իմաստը հստակեցնելուն, օրինակ՝ «տիմին» (Մազ. 9(Հ).20, 25(Ե).46, 26(ՀԱ).16, 60(ԽԸ).15), «տիմիական» (Մազ. 32(ԾԳ).1՝ հավանաբար հունարեն տիմոս «պատվավոր» բառից, չնայած իմաստը մուրթ է), «պրաբիս» (Մազ. 78(ՊԳ).4 – պրաբիս «զործ», սակայն բյուզանդացի զորավար Նիկոլայոսի անարգական բնորոշումների թվում անհասկանալի է):

Հույներին Մագիստրոսը անվանում է «արզիացի» (Մագ. 20(Դ).19, 31(ԾԲ).1, 6, 32(ԾԳ).5, 7), ինչը հիշեցնում է հունարեն Արցեօս «Արգոս քաղաքի բնակիչ» բառը: Հոմերոսի մոտ այն նշանակել է պարզապես «հույն». հետևաբար Գրիգորը փորձել է, այսպես ասած, «խոսել հոմերոսյան բառապաշտով»: Իսկ «դուրսցի» (Մագ. 26(ՀԱ).18, 29(Ծ).2, 52(ԼԳ).2, 54(ԼԴ).8) բառի կիրառությունը հասկանալի չէ. այն հիշեցնում է Ճարտակոս «դորիական՝ հունական ցեղերից և բարբառներից մեկի անվանումը: Միայն «Մեկնութիւն քերականին»⁷ երկի մի նախադասության մեջ է իմաստը միանշանակ. «Ի հոռոմին Դովրացի ուն անուանեալ լեզու» (Քեր. ԺԳ.75):

Մագիստրոսի օգտագործած հունարեն բառերի թվում կան բյուզանդական պաշտոնների անվանումներ. «անթիպատ պատրկութիւն», «անթիպատութիւն», «դուկ»/«տուկ», «կիտանտ», «մագիստրոս». «պատրիկ», «պուատևսպատրիկ», «պուտաւսպաթար», «ուբատաւո», «սինկլիտոս», «վեստ», «տէլէտիս»⁸:

Մագիստրոսի լեզվում նաև բավական շատ հունարանություններ կան. Գ. Զահուկեանն այն բնորոշել է որպէս «հասու խրնաբան հունաբան արաբաբան լեզու»⁹: Հունարանությունն ակնհայտ է, իսկ արաբաբանության մասին թեզը թերևս վերանայման կարիք ունի:

Հունարանություններն ընդգրկում են հունաբան թարգմանություններից փոխառված և դրանց նմանութեամբ հորինված 163 նախածանցաւոր բառ («վերծանել»՝ Մագ. 4(ԿԵ).1, 10(ԿԳ).1, 11(ԽԵ).13, 18(ԺԱ).11, 21(Բ).44, 26(ՀԱ).15, 40(Խ).1, 42(ԶԲ).4, 43(Ժ).1, 44(ԾԹ).8, 57(ԺԳ).1, 58(Ը).1, 62(ԽԱ).8, 69(ԻԵ).1, «տրամակայել»՝ Մագ. 1.85, 9(Հ).32, 16(ՀԴ).4, «ներմակամտածական»՝ Մագ. 58(Ը).1), նախածանցավոր բառերի «կիսապատճենում»-ների երկու տեսակ՝

⁷ Գրիգոր Մագիստրոս, *Մեկնութիւն քերականին*, աշխատախրութեամբ Գ. Մուրադեանի, *Մատենագիրը հայոց*, ԺԱ դար, ԺԶ հատոր, էջ 386-471 (այսուհետ՝ Քեր., զիմի և նախադասության համարը):

⁸ Ավելի մանրամասն, բնագրային վկայակրչումներով հանդերձ, տե՛ս մեր առաջարանում՝ *Մատենագիրը հայոց*, ԺԱ դար, ԺԶ հատոր, էջ 118-119:

⁹ Գ. Զահուկեան, *Քերականական եւ ուղղագրական աշխատությունները հին եւ միջնադարյան Հայաստանում*, Երևան, 1954, էջ 217:

բարդ բառեր՝ երբ հունարեն նախածանցի դիմաց բառարմատ է («անդրադարձիմ»՝ Մազ. 1.62, 82, 47(ԽԹ).12, 88 (ԼԹ).6, Քեր. ԺԳ.76, «դժոխադատ»՝ Մազ. 10(ԿԳ).2, Քեր. ԺԳ.68, «դժուարագիծ» Մազ. 26(ՀԱ).16, «ընդդիմահար»՝ 4(ԿԷ).18, 18(ԺԱ).5 «շրջաբերութիւն»՝ 13(ԾԶ).8, 45(ՀԸ).13), 66(ԾԵ).1) և բառակապակցություններ՝ նախածանցին համապատասխանող մակրայով («ի բաց բառնալ»՝ Մազ. 39թ ԶԵ).9, 47(ԽԹ).18, Քեր. ԻԲ.20, «ընդդիմ եղեալ»՝ Մազ. 55(ՀԳ).28, «արտարս հանել»՝ 60(ԽԸ).44): Կան նաև հունարենից պատճենված բարդ բառեր («քաջողջական»՝ Մազ. 11(ԽԵ).4, «ձիածին»՝ 52(ԼԳ).1, «պարսպամարտ»՝ 53(ԼԲ).2, «անապատասէր»՝ 18(ԺԱ).20, 53(ԼԲ).13, «բարերջանիկ»՝ 19(Գ).26, 69(ԲԵ).1, «եռուունի»՝ 34(ՀԹ).2, 81(ԼԵ).2) և այլ տեսակի բառային հունարանություններ:

«Մեկնութիւն քերականին» երկում քնականաբար շատ եզրեր կան Դիոնիսիոս Թրակացու «Քերականութիւնից», որի մեկնությունն է այդ երկը: Նամակներում առատորեն ներկայացված է Դավիթ Անհաղթի տրամաբանական բառապաշարը. «սեռ» (Մազ. 1.ԻԳ, 70 (Զ).8, 87(ԿԶ).10), «յատուկ» (Մազ. 21(Բ). 16, 32(ԾԳ).2, 4), «պատահումն» (Մազ. 21(Բ).3, 61(ԻԲ).15) (այս երեքը տերմինարանական արժեք են ստացել իմաստային պատճենման եղանակով), «տեսակ» (Մազ. 1.ԻԳ, 21(Բ).16, 32(ԾԳ).2, 4, 70(Զ).8, 87(ԿԶ).10), «մակեղուտ անանջատ» (Մազ. 21(Բ).3, 61(ԻԲ).15), «եղուտ» (Մազ. 26(ՀԱ).26), «բոյսք եւ կենդանաբոյսք կամ կենդանիք յատուկ եւ սեռաբար» (Մազ. 55(ՀԳ).3), «կենդանաբոյս» (Մազ. 2.83, 15(ՀԶ).2, 47(ԽԹ).8) և այլն: Հետաքրքրական են Դիոնիսիոս Արենպագացու թարգմանություններից փոխառյալ հետևյալ բառերը. «աստուածպետական» (Մազ. 4(ԿԷ).1, 8(ՀԸ).16, 9(Հ).34, 18(ԺԱ).1, 21(Բ).7, 22(ԿՍ).1, 43(Ժ).4, 44(ԾԹ).11, 46(Է).15, 51(ԿԴ)., 59(ԽԶ).2, 67(ԾԵ).6, 80(ԻԹ).8), «զերաբնապէս» (Մազ. 79(ԻԸ).3), «այրական» (Մազ. 4(ԿԷ).32, 20(Դ).3, 24(ԺԹ).29, 46(Է).10, 57 (ԺԳ).4, 58(Ը).37, 67(ԾԷ).1, 79(ԻԸ).5, 87(ԿԶ).2), «սերուութիւն» (Մազ. 4(ԿԷ).32, 20 (Դ).3, 21(Բ).24, 46(Է).10, 57(ԺԳ).4, 61(ԻԲ).14, 63(ԽԲ).3, 69(ԻԵ).11, 79(ԻԸ).5, 87 (ԿԶ).2):

Հետևյալ ոճը յունարանություն է. «երկուս արարիչս հաւանին՝ զմիւսն բարւոյ և զմիւսն չարի» (Մազ. 9(Հ).79). «միւսն... միւսն» նշանակում է «մեկը... միւսը»: Այդպէս է հունարենում (ալլօչ... ալլօչ).

մեր ընթերցած հունաբան թարգմանություններում այդպիսի կիրառության չենք հանդիպել, սակայն այն տեսականորեն հնարավոր է:

Գրիգոր Մագիստրոսը կիրառել է նաև քերականական հունաբանություններ, որոնք բոլորն ել թարգմանություններից են՝ «մի»-ին հոմանիշ «եզ» թվականը՝ «եզաբար» մակրայի կազմում, արհեստական «երկաքանչիւր» դերանունը, տրական հոլովի «ում» վերջաւորությունն ընդլայնված կիրառությամբ «ի նախնում», «ըստ տեսակում», և այլն, «յաստուածուստ», «յերկնուստ» մակրայները բացառական հոլովի փոխարեն, առանց հոլովիչի՝ «ց» վերջավորությամբ հոգնակի սեռական՝ «արեգակնայինցն», չհոլովվող «իւրաքանչիւր» դերանունը՝ հոլովված՝ «իւրաքանչիւրոցն», կրավորական անորոշ դերբայ «իլ» վերջածանցով՝ «ապականիլ», «դատիլ» և այլն, «եմ» օժանդակ բայի արհեստական անորոշ դերբայը «ել», «ելրյ», կրավորական անցեալ անկատարի եզակի թվի երրորդ դեմքի արհեստական -իւր վերջավորությունը՝ «ապտակիւր», «առաքիւր», «յորջորջիւր», «վերաբերիւր» և այլն, «ա» լծորդության բայերի արհեստական կրավորական ձևեր՝ ի խոնարիխչով. «բառնի» «բառնամ»-ից, «ամբառնի»՝ «ամբառնամ»-ից, «իմանի» «իմանամ»-ից, արհեստական բայական հիմքեր՝ «եղանիմ» («ինիմ» բայի անցյալ կատարյալի «եղ»-ը հիմքից կազմված ներկա), «ընկալով» («ընդունիմ» բայի անցյալ կատարյալի «ընկալ») («առնում» բայի անցյալի հիմքն է «առ-», և ոչ թե «առեց-»), արհեստական նախդիր՝ «մակ ոսկոյ», «մակ յերկին», «մակ կառափին», «մակ երկնի», «մակ տառիդ»¹⁰:

Մագիստրոսը կիրառել է նաև շարահյուսական հունաբանություններ. բոլորն ել թարգմանութիւններից են՝ բացականչության սեռական՝ «ո հ մեծի ապշութեան և յամառութեան», «ո երանելի ողջախոհութեան», «ո վ ամենիմաստ արուեստաւորիս», մասնական սեռական՝ «գերակատարդ իմաստից», ենթակայական դերբայի հետ ուղիղ խնդիր (սեռական հոլովի փոխարեն)՝ «վաճառողացն զեզ», գործող անձի անուն գոյականի հետ ուղիղ խնդիր, որն ավելի կոպիտ և համեմատաբար հազվագյուտ հունաբանություն է՝ «Ստեղծ-

¹⁰ Ավելի մանրամասն, բնագրային վկայակոչումներով հանդերձ տե՛ս մեր առաջանում՝ Մատենագիրը հայոց, ԺԱ դար, ԺԶ հատոր, էջ 121-122:

չին զս», գոյականացված անորոշ դերբայներ՝ «զյաղթելն... զծայրանալն», անցեալ դերբայ «զփակեալն նախահօրն Ադամայ բանայր», ապառնի դերբայ «զլինելոցն», նախդիրների կուտակում՝ «զ’ընդ քոյդ հովանեաւ սաղարթանալն», Դավիթ Անհաղթի թարգմանություններից փոխառած հորդորական «քե՛ թ» ձեզ, որ հունարեն ֆέռե-ի բառացի թարգմանությունն է. «քե՛ թ և յայսոսիկ յարամանեալ ցուցից քեզ», «քե՛ թ այսուհետև... արասցուք զս» և այլն¹¹:

Այսպիսով, Գրիգոր Մագիստրոսը լայնորեն կիրառել է հունարան թարգմանություններում կերտված բառային, ձևաբանական և շարակիուսական հունարանությունների տեսակներից շատերը: Հատկապես հաճախակի են նախածանցավոր բառերը, որոնք միշտ չեն, որ հանդես են զալիս իրենց նախնական իմաստով:

Մագիստրոսը բառախաղերով և բաղաձայնույթով ճոխացրել ու մթնեցրել է իր շարադրանքը: Այսպես, պատմում է արտուսի մասին մի առակ. զգուշանալով, որ երկինքը չընկնի, արտուսի մեջքի վրա պառկած ոտքը տնկել էր երկնքին՝ այն պահելու համար: Նրան պարսավում էին, թէ՝ «որո՞վ ծոկ ծնգաւք ծառանաս, ծսի՞կ, քո ծովդ խելաւք» (Մագ. 19(Գ).28): Այսուեղ «ծ»-ով սկսվող բառերի կուտակում է, ընդ որում «ծղէ»-ն կամ գոյություն չունեցող բառ է, կամ «ծղի, ծղոյ» բառի աղավաղված տարբերակ. նպատակը «ծ»-ով սկսվող ևս մեկ բառ օգտագործելն է:

Բաղաձայնույթի շատ օրինակներ կան. «Ճուաղանց է ձարակ ճոռուղել» (Մագ. 20(Դ).17), «զինուն խցակեալ և խաւարեալ և ի խորս բնակեալ» (Մագ. 5(ԿԸ).4), «վարդապետն քո ծայրագոյն, ի Ծար ծարաւի ծորեալ, ի քեն ջերմուկն ջայիր ջոկ կապեալ ջնարոհարացդ, ջատագով քաջին ջեռուցանէն» (Մագ. 8(ՀԲ).21), «կասկածանս կարծեաց կարկատեն կաշկանդել, կոհակս կեղծեաց կոփել» (Մագ. 8(ՀԲ).23), «վարդապետն ի Վարդիկն վահանաւրեալ վաղվաղեաց» (Մագ. 8(ՀԲ).31), «կոճեաց կեռաւքն կոփել, կոկորդակոփ կասեաց» (Մագ. 8(ՀԲ).31), և այլն: Փաստորեն Գրիգորը բառեր է հորինել՝ այս շարբերը լրացնելու համար:

Անդրադառնանք Մագիստրոսի այլ լեզուների իմացությանը:

¹¹ Ավելի մանրամասն, բնագրային վկայակոչումներով հանդերձ տե՛ս մեր առաջարանում՝ Մատենագիրը հայոց, ԺԱ դար, ԺԶ հատոր, էջ 122-123:

Լ. Խաչերյանի կարծիքով՝ բացի հայերենից նա զիտեր վեց օտար լեզու՝ երրայերեն, հունարեն, լատիներեն, պարսկերեն, արաբերեն, վրացերեն¹²: Ճիշտ է, հունարենի լավ իմացությունը նշելուց հետո ավելացնում է. «Նոյնը կարելի է ասել, թեև նուազ ընդգրկումով, արաբերենի իմացության մասին»¹³: Այս կարծիքը թերևս որոշ շափով շախազանցված է: Դիցուք, երրայերենի իմացության ոչ մի նշույլ չենք գտնում, իսկ լատիներենին վերաբերող՝ միայն մեկ սխալ տեղեկություն: Ղ. Ալիշանը նկատել էր Գրիգորի «բաւական հմտութիւն»-ը հունարեն, ասորերեն, արաբերեն և պարսկերեն լեզուներում¹⁴: Գ. Զահոռելյանի կարծիքով, նա իմացել է հունարեն, արաբերեն, պարսկերեն¹⁵:

Հունարենի իմացություն ակնհայտ է՝ հունարեն բառեր, քերականական հունարանություններ, նաև մեզ հաջողվել է հայոնարերել հունարեն աղբյուրներից ճշգրիտ թարգմանված հատվածներ:

Բացի այդ Գրիգորն անդրադարձել է առանձին հունարեն բառերի բացատրությանը. «զհազարդ խաւարտ, յունարէն ասի մառուլ» (Մազ. 88(Լթ).18), «փակեղն, որ է յունարէն» (Քեր. Ա.125), «կաղամար, որ է կալամառ, այսինքն աման զրչի»: Դավիթ քերականից մեջքերված մի հատվածում ասում է. «ողբերգութիւն նոխազերգութիւն ասի ըստ յունականին» (Քեր. Բ.18). և իրոք, բռագած բառացի նշանակում է «այծերգություն», ինչը բացատրվում է թատերական ներկայացմանը ծնունդ տված դիտնիսույան ծեսերի մեջ այդ կենդանու ներկայությամբ: Հայտնում է, որ ջուլհակությունը հույներն անվանում են «մեսխիլա» (մինչ հայերը՝ վրացերենի հետևությամբ «մեսխուր») (Քեր. Ա.128): Բառարաններում մեզ շահցողվեց գտնել այդ բառը. մի գուցե դա 11-րդ դարի խոսակցական հունարենի վկայություն է:

«Մեկնութիւն քերականի»-ում Մագիստրոսը մեկնաբանել է հունարենի քերականական առանձնահատկություններ. դիցուք

¹² Լ. Խաչերյան, Գրիգոր Պահաւունի Մագիստրոս, կեանքն ու զործունեութիւնը, Լու Անձելս, 1987, էջ 51:

¹³ Անդ, էջ 52:

¹⁴ Ղ. Ալիշան, Շնորհալի և պարագայ իւր, Վենետիկ, 1873, էջ 25:

¹⁵ Գ. Զահոռելյան, նշվ. աշխ., էջ 206:

քերականական սեռը, ասելով, որ հայերենում չկա արական, իգական և չեղոք, ինչպես հունարենում (Քեր. ԺԳ.8), նշելով նաև «մակաւասար» բառերը, որոնք միևնույն ձևուն ունեն արականի և իգականի համար, իսկ քերականական սեռը որոշվում է բնական սեռով: Այս առիթով մեկնության մեջ մեր ուշադրությունը զրավեց մի ուշագրավ փաստ: Գրիգորը նկատել է, որ Թրակացու հունարեն բնագրում որպես մակավասար բառերի օրինակ քերված են «ծիծենակ, արծիվ» (ἐπίκοινον δὲ οίον χελιδών, ἀετός) բառերը, իսկ հայերենում՝ «ծիծեառն, արիս»¹⁶ (Քեր. ԺԳ.54): Այսինքն, Թրակացու հայերեն թարգմանության մեկնությունը զրելիս, նա ձեռքի տակ է ունեցել նաև հունարեն սկզբնագիրը և այս դեպքում՝ համեմատություն արել:

Բնորոշել է հոդը, ասելով, որ հունարենում այն «նախադասեալ» է և հոլովվում է՝ քերելով երեք սեռի հոդով գոյականների օրինակներ. «ով այիս ապաստավոս (ό ἄγιος ἀπόστολος), այսինքն սուրբ առաքեալ(ρ), և է արական», «ի այէ այէ աւդակաւս, որ է անուն իգական», «տաւ քսաւլա»՝ չեղոք (Քեր. ԺԳ.9-10): Աղոնցը քերականական մեկնությունների իր հրատարակության մեջ ենթադրել է, որ աղավաղված «ի այէ այէ աւդակաւս» հունարեն հայա Ենծոկաւն է, իսկ «տաւ քսաւլա»՝ ուժունությունը՝ ի՞նչ է այլ տեղ Գրիգորն անդրադարձել է հունարենի հնչյունական առանձնահատկություններին. «ի յունականին ոչ է է-ն երկայն ըստ մերումս, այլ ի-ն» (Քեր. Զ.108)¹⁷, նաև «յունաց երկուս ունելով ո՛ փոքք եւ ապա յերկուց ոյից կացուցանեն ո(վ) մեծ» (Քեր. Զ.105):

Ստեփանոս Սյունեցուց մեջքերման մեջ Մազհասրոսը գրում է, որ «հունական և հոռմայական լեզուն» ունեն երեք թիվ՝ «միաւրական», «երկաւրական», «քազմաւրական, որպես թէ Պետրոս, Պետրոս, Պետրոս» (Քեր. ԺԳ. 207): Հունարենում իրոք երկակի թիվ եղել է¹⁸: Իսկ «հոռմայական լեզուն» այստեղ լատիներենն է, սակայն տեղեկությունը սխալ է, քանի որ լատիներենում երկակի թիվ չկա:

¹⁶ Ն. Աղոնց, Երկեր, հինգ հատորով, հ. Գ՝ Հայերենագիտական ուսումնասիրություններ, Երևան, 2008, էջ 13:

¹⁷ Ն. Աղոնց, Խշվ. աշխ., էջ 238-239, տողատակ:

¹⁸ Սա ակնարկ է դասական երկար է-ի η-ի, հնչյունափոխված լինելուն (որպես ո):

¹⁹ Դիոնիսիոս Թրակացու թարգմանությունից արդեն տեղեկանում ենք «երկուրա-

Հետևյալ հատվածում Մագիստրոսը խոսում է հայերենից հունարենին անցած երկու բարի մասին. «զի ոչ էր սովորութիւն յունաց իւղ գործել և կիթ. և ուսեալ ի մէնց զմածուն և նովին անուամբ կոչեն զնա, ոչ զիտելով զսուզաքանութիւն՝ եթե մածուն, քանզի մածեալ է, սոյնպէս և անուանի: Եւ ոչ ունելով նոցա սովորութիւն զգենով կապա, ի մէնց առեալ ոչ ուղղախաւաւեն, այլ անուանեն զնա կովա» (Քեր. Ա.127): Զահուկյանը նշում է այդ բարի արաբական ծագումը ինչպէս հայերենում, այնպէս էլ հունարենում՝ կաթածիոն ձևով²⁰:

Գրիգորը գրում է, որ քանի որ հունարենում «Ճ» հնչյունը չկա, ապա թռչունների մասին խոսելիս «յորջորջեն զճուտակն ծուտակ», «ամարն» ջրային թռչունն անվանում են «ամառ», «տուտէճ» զազանի անունն արտասանում են «դուտէճ», իսկ «տահոււճ»-ինը՝ «տահոււճ»: Ավելացնում է, որ այծյամին կոչում են արաբերենից փոխառյալ «խազալթան» բառով (Քեր. Ա.129-130):

Մագիստրոսը մի քանի անդրադարձ ունի պարսկերեն բառերի իմաստին կամ հնչեղությանը. «Զրադաշտ մոզ պարսից, զոր Զարդահիշտն կոչեն», նուան մասին խոսելիս՝ «Եւ զի պարսկական է անունն «անար» (Մագ. 12(ԾԸ). 1): Այլ տեղ ասում է. «ո լր Շաւարշ ըստ պարսկականին շարի բաշ՝ միշտ ուրախ թարգմանեալ» (Մագ. 24(ԺԹ).29): Նաև նշում է հայերենում պարսկերենից փոխառյալ բառեր. «զգեստս, որպէս դուռա և ոդիկ, մարքար» (Քեր. Ա.131), սակայն երեքն էլ արաբական ծագում ունեն: Զահուկյանի կարծիքով, չնայած Գրիգորը լավ զիտեր արաբերեն, սակայն այդ բառերը կարող են փոխառված լինել պարսկերենի միջնորդությամբ²¹: Մագիստրոսի նշած մյուս իրանական փոխառությունները «աւազան», «գաւազան» և «խարազան» (Քեր. Ա.131), իսկապէս այդպիսիք են: Ըստ նրա պարսկերենում, ինչպէս նաև «յԱղուանից և ի Սիւնեաց լեզուին», շատ են երկանուններն ու եռանունները, «որպէս՝ Նիւ-դաստ, Նիւ-խոսրով, Զուանխոսրով, Վարազ-խոսրով, Վարազ-տրդատ» (Ճիշտ է, հատվածը մեջբերում է Ստեփանոս Սյունեցուց) (Քեր. ԺԳ.201):

կան» թվի մասին, Ն. Ադրնց, նշվ. աշխ., էջ 17. այդտեղից էլ Սյունեցին քաղել է Պետրոս անված երեք թվի օրինակը:

²⁰ Գ. Զահուկյան, Քերականական և ուղղագրական աշխատությունները հին և միջնադարյան Հայաստանում, էջ 215 և ծան. 1:

²¹ Գ. Զահուկյան, նշվ. աշխ., էջ 214-215, ծան. 3:

Նշված փաստերը թերևս թույլ են տալիս խոսել Գրիգորի՝ պարսկերենին ծանոթ լինելու մասին: Իսկ Բ. Չուզասզեանը համարում է, որ Մագիստրոսը քաջ իմացել է պարսկերեն լեզուն և իրանական եպոսը. նա ուսումնասիրել է իրանական վիպական գրույցներից սեղմ մեջբերումները թղթերում և եկել այն եզրահանգման, որ «դեռևս հինգերորդ դարից հայ իրականությանը հայտնի այդ վեպը ժողովրդի մեջ շարունակել է ապրել նաև հետագայում», և ցույց տվել, որ Գրիգորն օգտվել է իրանական բանավոր գրույցներից, գուցե դրանց տեղական տարբերակներից, որոնց առանձին մանրամասների միակ վկան է²²: Ի դեպ, այս դեպքում որոշ հակասություն կա, քանի որ հայկական տարբերակներից օգտվելու պարագայում պարսկերենի իմացությունը բոլորովին անհրաժեշտ չէր:

Ինչ վերաբերում է ասորերենին, ապա 50(ԻԱ) «Առ վարդապետն Սարգիս» նամակում Գրիգորը պատմում է, թե ինքը թարգմանել է Պատոնի «Տիմեոս» ու «Փեղոն» տրամախոսությունները և Էվլիլիեսի գործերը, որ գուել է հայերեն թարգմանված Կալմարոսի և Անդրոնիկոսի պոեմները, նաև խոստանում, եթե Աստված իրեն երկար կյանք տա, չզլանալ «զմնացեալսն բոլոր յունաց եւ ասորոց թարգմանել»: Այս տեղեկություններն առհասարակ բանասիրության մեջ միանշանակ որպես հավաստի չեն ընդունվել²³: Հետևաբար, դժվար է հաստատել, թե Մագիստրոսն ասորերենից թարգմանություններ է արել, իսկ այդ լեզվի իմացության որևէ նշան նրա բնագրերում չկա:

Անդրադառնաք արաբերենին. Մագիստրոսը գրում է, որ ինքը «քազում ջանի» սովորել է «խմայելականաց» գիրն ու լեզուն և ապա նրանց բանաստեղծական արվեստը (Քեր. Ե.7): Նշում է. որ հոդը «յունաց սովորաբար և խմայելացւցն նախադասեալ է» (Քեր.

²² Բ. Չուզասզյան, «Իրանական վիպական գրույցների արձագանքները Գրիգոր Մագիստրոսի թղթերում», *Տեղեկագիր հասարակական գիտությունների* 12, 1958, էջ 65-69: Զ. Ռասսելի կարծիքով, Մագիստրոսը կամ ծանոթ է եղել «Շահ-Նամե» պարսկերեն բնագրին, կամ էլ նրանից բանավոր հատվածներ է լսել, տե՛ս J.R. Russell, “The Shah-nâme in the Armenian Oral Epic,” *Armenian and Iranian Studies* (Harvard Armenian Texts and Studies 9), Cambridge MA: Dept. of Near Eastern Languages and Civilizations, Harvard University, and Belmont MA: Armenian Heritage Press, 2004, pp. 1066-1067:

²³ Օրինակ՝ Ս. Արևշատյան, «Պատոնի երկերի հայերեն թարգմանության ժամանակը», *Բանբեր Մատենադարանի* 10, 1971, էջ 7-20:

ԺԷ.2): Մի քանի առիթով նշել է արարական քանաստեղծության հանգավորված լինելու փաստը: Այսպէս, ավանդաբար «Առ Մանուշէ» կամ «Հազարատողեան» կոչվող պոեմի առաջարանում գրում է. «Մահմետի ի տուչութենէ հոգւոյն տուա, զի նա զայսոսիկ ոգեաց տաղս միայալ չափաւորութեամբ գծի: Եւ այսպիսի բանիք հրաշացուցաներ զմահմետականն իւր Կուրան» (Մագ. 1.12-13), «տաղասացութիւնք արարացոցն սովորաբար վարժարանութեամբ մրցեալք, միայալ աւարտեալ գծի, զոր դուք կափիա անուանէք» (Մագ. 1.14): Հազներգության մասին խոսելիս կրկին անդրադառնում է այն փաստին, որ «իսմայելականք» քանաստեղծություն գրելիս, ի տարբերություն հույների, որոնց չափածոն ունի միայն չափ, «աւարտեն միով գծի բազում բանս»: Եվ հայերն արաբներից սովորել են այդպէս գրել, այդ պատճառով էլ իրենց հազներգությունն ավելի կատարյալ է, քան հույներինը (Քեր. Ե.4-6): Անզամ մի այսպիսի լեզենդար տեղեկություն է հայտնում, իբր արաբ պատանիները մինչև չսովորեն կատարյալ «չափ և կշիռ» ունեցող ուտանավոր գրել նրանց թույլ չեն տալիս ամուսնանալ (Քեր. Ե.10):

Այսպիսով, փաստերը վկայում են, որ Մագիստրոսն իրոք ծանոթ է եղել պարսկերենին և հատկապես արաբերենին, բայց այդ ծանոթությունը չի համեմատվի հունարենի նրա իմացության հետ: Գուցե խորաթափանց իրանագետի և արաբագետի զննող աշքը կկարողանար ավելի առարկայական գնահատական տալ, թե որքանով է նա տիրապետել այդ լեզուներին:

Гоар Мурадян – Языկ Григора Магистроса. - Язык писем и стихов Григора Магистроса (XI в.) – классический грабар, однако он известен как темный и трудный для понимания. Он использовал ряд слов, не засвидетельствованных у других авторов, изрядное число греческих заимствований, среди которых – даже глаголы, и множество лексических (наибольшее количество составляют приставочные неологизмы), морфологических и синтаксических калек с греческого, заимствованных из грекофильтских переводов. Стиль его произведений усложняется также частой игрой слов и аллитерацией.

Григор несколько раз демонстрирует знакомство с другими языками, особенно в “Комментарии к грамматике” Дионисия Фракийского. Кроме греческого, грамматические черты и отдельные слова которого

он обсуждает, он, видимо, обладал некоторым знанием арабского (он высказывается также о рифмованных стихах), и, вероятно, в меньшей степени, персидского. Утверждения филологов о его знании латыни, древнееврейского и сирийского не подтверждаются фактами.

Gohar Muradyan – The Language of Grigor Magistros. -The language of the letters and poems of Grigor Magistros (XI c.) is classical Grabar, but it is famous for its obscurity and difficulty for understanding. He used a series of words not attested by other authors, a significant number of Greek words, even verbs, and a multitude of lexical (the greatest number among them are neologisms with prefixes), morphological and syntactical calques borrowed from translations of the Hellenizing school. He has also complicated the style of his writings by frequent puns and alliteration.

For several times Grigor manifests acquaintance with other languages, mainly in his *Commentary on Grammar* of Dionysius Thrax. Besides Greek, grammatical features of which and some words he discusses, he possibly had some knowledge of Arabic (he also speaks about rhymed verses), and probably less of Persian. The statements of scholars about his knowledge of Latin, Hebrew and Syriac are not confirmed by facts.

ԱՐԵՒՏԱԶԵՐԵՆԻ ԲԱՂԱՁԱՆԱԿԱՆ ՀԱՄԱԿԱՐԳԻ ԱՐԴԻ ՎԻճԱԿԸ

Ընդունուած է ըսել, թէ արեւմտահայ գրական լեզուն ունի երկաստածան խլազուրկ համակարգ, ուր խուզերը ձայնեղացած են, իսկ ձայնեղները՝ շնչեղացած, գրաւոր խօսքի մէջ ստեղծելով շնչեղներու երկու շարք.

Ձայնեղ շնչեղ

Պ F=Փ

Կ Q=Ք

Տ Շ=Շ

Ծ Ձ=Ձ

Ճ Ջ=Ջ

Արեւմտահայերէնը կը պահէ աւանդական ուղղագրութիւնը, հետեւաքար այս փոփոխութիւնը հայերէն բառի գրաւոր տեսրին վրայ չ'անդրադառնար, այլ միայն արտասանական երեւոյթ է: Բադայնական երկաստիճան համակարգ կրող արեւմտահայը պատ բառը կարդալով արեւելահայը կը լսէ «քաղ», իսկ բառ բառը «փաթ», ձագ բառը «ցար» եւ այլն:

Երկաստիճան համակարգ ժառանգած խօսղներուն համար ձայնեղներու շնչեղացումը կը ստեղծէ ուղղագրական բաւական լուրջ դժուարութիւններ, ինչպէս կարելի է որոշել թ թէ փ, զ թէ թ, դ թէ թ, ձ թէ ց, շ թէ չ: Այս նոյնացումը կը ստեղծէ նաև նոյնահունչ բառերու երկար շարք մը՝ բերդ-վերճ, բուռ-փուռ, զայլ-քայլ, գերել-քերել, դաւ-թաւ, դեր-թեր, դոյլ-թոյլ, ձախ-ցախ, ձող-ցող եւ այլն:

Սակայն խլազուրկ համակարգը բացարձակ օրինաշափութիւն չէր, որովհետեւ արեւմտահայ իրականութեան մէջ մեծ շրջանակ կը կազմէին եռաստիճան բաղաձայնական համակարգ ունեցող բարբառները: Այս շրջանակի բարբառախօսները գրական լեզուն պիտի որդեգրէին իրենց խօսած բարբառին բաղաձայնական

համակարգին համահունչ: Անոնք բաղ բառի ձայնեղները պիտի կարդային իբրեւ խոլեր, իսկ պատ բառի խոլերը իբրեւ ձայնեղներ:

խոլ	ձայնեղ	շնչեղ
Բ	Պ	Փ
Գ	Կ	Ք
Դ	Կ	Թ
Չ	Ծ	Ց
Չ	Ծ	Ց
Զ	Ծ	Ց

Այս համակարգին համաձայն արեւմտահայր պատ բառը կարդալով՝ արեւելահայր կը լսէ «բաղ», իսկ բաղ բառը՝ «պատ», ձագ բառը՝ «ծակ» եւ այլն: Շնչեղները յստակ կերպով կը հակադրուին խլացած ձայնեղներուն փուռ-բուռ, բուր-դուր, քոյր-կարագոյր, չորեք(շարթի)-ջորեկ, ցախ-ձախ:

Ներկայիս բաղաձայնական եռաստիճան համակարգը տարածուած է արեւմտահայ զրական լեզուն խօսողներու մեծամասնութեան բով: Ասոր մէջ հիմնական դեր ունեցած էն բաղաձայնական կիլիկեան համակարգի բարբառները: Յայտնի է, որ քսանական թուականներուն Արեւելքի մէր զաղթօճախներուն մէջ, ուր համատեղ կ ապրէին մեծամասնութեամբ Կիլիկիոյ, Հիւսիսային Սուրբիքի ու Արեւմտեան Հայաստանի վերապրողները եւ կրթական կեանքի մէջ գերակշիռ թիւ կը ներկայացնէին խարբերդցի, գլյունցի, հաճընցի, քեսապցի, սուէտիացի, սասունցի, պէլանցի հայերը, որոնք ձայնեղները կ արտասանեն խոլ, իսկ խոլերը՝ ձայնեղ, շնչեղները՝ շնչեղ: Նախ թրբախօսները, ապա երկաստիճան համակարգի բարբառախօսները արեւմտահայերէնը կամաց-կամաց իւրացուցին այս համակարգով: Ներկայիս արեւմտահայութեան կարեւոր մէկ տոկոսը առանց դժուարութեան կրնայ զանազանել հետեւեալ բառերուն բաղաձայններու եռաստիճաննութիւնը՝ «պատ, բաղ, փառ», «սոռ լը, դուր, բուր», «կար, (կու) գար, քար» (ձայնեղ-խոլ-շնչեղ շարքով): Ժամանակին, դպրոցականներուն օգնելու համար նմանաձայն բառերու շարքին կը դրուէին շնչեղացած նախկին ձայնեղներով ու բուն շնչեղներով կազմուած բառերու զոյ-գերը,- գերի-քերի, բարք-փառք, դեր-թեր,- ներկայիս անոնք կը հրամցուին իբրեւ ոչ լրիւ նմանաձայնութիւններ, այլ մօսիկ հնչիւն-

Ներ: Արեւելքի մեր զաղութքներուն համար եռաստիճանի անցումը գրեթէ լրումին հասած էր եւոյթ է: Երկաստիճանութիւնը պայթա-շփականներու պարագային տակալին զգալի է տեղ-տեղ: Զ եւ Յ, Զ եւ Չ զիրերու շփոթք վերացնելու համար մանկավարժները հինէն եկող ուղեցոյց մը ունին՝ «Ճուկի ձը, ցորենի ցը, ջուրի ցը, չամիչի ցը», բայց յատակօրէն կ'արտաքրէն Զ խուլը եւ Յ շնչեղը, Զ խուլը եւ Չ շնչեղը:

Բաղաձայնական եռաստիճան համակարգի տարածումը հետզհետէ զգալի դարձած է Ամերիկայի Միացեալ Նահանգներու, Քանատայի, Ֆրանսայի եւ Աստրալիոյ մեր զաղութքներուն մէջ եւս, մեծ մասով Արեւելքէն զաղթածներու եւ անոնց նախաձեռնութեամբ 1960-ական թուականներէն եսք կրթական ու հասարակական կեանքին մէջ հայախօսութեան նոր ոյժ ու երանգ տրուելուն շնորհիւ:

Արեւմտահայ զրական լեզուի բաղաձայնական եռաստիճան համակարգի ընդհանրացումը նկատուած է նաև հայրենի լեզուաբաններու կողմէ, որոնք զայն կը կապէն քանի մը հանգամանքներու հետ, ինչպէս խօսողի բարբառային պատկանելիութիւնը, տուեալ զաղթօճախի գերակշիռ լեզուի ազդեցութիւնը, անհատական այլեւայլ յատկանիշներ, ինչպէս նաև զուտ լեզուական երեւյթներ կախուած բառի մէջ հնչիւնի ունեցած դիրքից¹: Շատեր կը կրկնեն գերակշիռ լեզուի ազդեցութեան գործօնը: Կը կարծեմ, որ այդ հանգամանքը չի կրնար ու չէր կրնար վճրորոշ դեր ունենար: Օրինակով մը բաւարարուինք. բայց բառը կայ արաքերէնի մէջ ու կ'արտասանուի ձայնեղներով: Սփիտրահայ դպրոցականը արաքերէնը կը կարդայ նոյնպէս ձայնեղներով, բայց նոյն բառը իբրև հայերէն բառ կը կարդայ ու կ'արտասանէ խուլերով: Արեւմրտահայ զրական լեզուի այս փոփխութիւնը, ինչպէս տեսանք, ներլեզուական եղելութիւն է, արեւմտահայերէնի ներքին զարգացման օրինաչափութիւն. ոչ թէ որոշ բարբառներու նեղ շրջանակի մը վրայ երեւող ազդեցութիւն է, այլ անոնցմէ տարածուող ու ընդհանրացող երեւյթ: Դաֆ կորկորդային պայթական բաղաձայնը գոյութիւն ունի օտար բառերու մէջ. յատկապէս մականուններ

¹Ռ. Վ. Սագապէտոյեան, Արեւմտահայերէնի դասագիրք, Երևան 2006, էջ 10:

ու տեղանուններ միշտ տառադարձուած են գ-ով (իբրև արաքերէնի եւ թրքերէնի այդ կոկորդայինը)՝ Գարակիւլէեան, Գալիսագեան, Գատընեան, Գալէմտէրէան, Գարահիսար, Պարտազէեան, Գագուսեան, Գահիրէ, Անգարա, Գրըգիսան, բայց այսօր սիիտքահայր այդ բառերու կոկորդայինը կը կարդայ իբրև իր խուլը՝ Գ: Այսինքն փոխատու լեզուն ինք ենթարկուած է հայերէն հնչիւնական օրէնքին: Ի դեպ, Անտիոքի շրջանի մեր բարբառները հարիւրաւոր տարիններէ իվեր կ ապրին թրքերէնի եւ արաքերէնի անմիջական շփման շրջանակներուն մէջ ու իբրև ազդեցութիւն չունին նման համակարգային փոփոխութիւն: Քեսապի բարբառին մէջ գ-ով եւ կ-ով միայն չորս հայերէն բառեր կ արտասանուին այդ հնչիւնով գորտ՝ գուրտ, գտնել գունսի, գործելի գուրզիլա, կտրել կլստրիլ/գուրդիլ: Կը մնայ մասնակի պարագայ: Փոխազդեցական հնչիւնափոխութեան պարագաները դարձեալ վճռորոշ դեր չէին կրնար ունենալ այս փոխանցումին մէջ: Ումանք կ արտայայտեն այն միտքը, որ արեւմտահայերէնի եռաստիճան բաղաձայնական համակարգի անցումը արեւելահայերէնի ազդեցութիւն պէտք է նկատել, բայց պէտք է անդրադառնալ, որ արեւմտահայերէնի մէջ նոր շարքը խուլ-ձայնեղ-շնչեղ եռաստիճանն է, իսկ արեւելահայերէնի մէջ՝ ձայնեղ-խուլ-շնչեղ եռաստիճանը: Այսուհանդերձ կարելի չէ ուրանալ, որ Սփիտքի մէջ, ինչպէս առանձին ընտանիքներու, այդպէս ալ որոշ դպրոցներու, եկեղեցիներու եւ ակումբներու մէջ երկու զրական լեզուներու համատեղ գործածուիլը կրնայ նոյնացմանգործքներացի մը վերածուիլ, ո՛վ զիտէ:

Հայրէնի լեզուարան Ա. Սարգսիսէան, որ այս փոփոխութեան զիսաւոր պատճառը կը նկատէ զերակշիռ լեզուներու ազդեցութիւնը (Սիցին եւ Մերձաւոր Արեւելք, Յունաստան եւ այլն): Կը զրէ. «Խօսակցական լեզուի ոճական տարբերակներում առանձնացնում ենք եռաշարք պարզ խուլեր, ձայնեղներ, շնչեղխուլեր համակարգի գոյութիւնը»²: Սակայն ան նորը կ ընդունի միայն խօսակցական լեզուին մէջ, արտայայտելով այն միտքը, թէ իբր բեմական խօսքը, պաշտօնական ելոյթները, ուստիուհաղորդում-

²Սարգսէան Ա., Արեւելահայ եւ արեւմտահայ զրական լեզուներ, Երևան, 1985, էջ 26-27:

ները, վարժարանները կը փորձեն պահել երկաստիճան համակարգը³: Նման բան եւ չեմ նկատած, այսինքն՝ «բադ» (խուլեր) բողոք արեւմտահայր յանկարծ «վարթ» (շնչեղ) կարդայ: Բայց ասիկա ճշմարիտ է օտար բառերու պարագային, ուր տառադարձութիւնը աւանդաբար կը կատարուի խլազուրկ երկաստիճան համակարգի համաձայն (Ի դեպ, հայտառ թրքերէն գրականութեան մէջ կը գործածուին միայն բուն շնչեղները, եւ ոչ թէ շնչեղած ձայնեղները, միայն Գ-ին վերապահելով կոկորդային դաֆ բաղաձայնը): Ասիկա յատկապէս կ երեւի մականուններու պարագային. երբ մականունը խօսակցական կամ բարբառային ձեւով է կ արտասանէ խուլ ինչպէս՝ Դրդզենք, Աղինք, Դրդենք, Հաղունք, Գայբըտենք, բայց երբ եան ածանցով գրական ձեւին կարգը գայ կը գրէ ու կը կարդայ Թիթիզեան, Աթիկեան, Թրթրեան, Հարութեան, Գայփըտեան, նոյնը տեղանուններու պարագային. կ ըստ Դարդուս, Շազզա, Դրապլուս, բայց կը գրէ ու կը կարդայ Թարթուս, Շաքքա, Թրիփոլի եւ այլն:

Եզրակացնենք, որ արեւմտահայ գրական լեզուի բաղաձայնական համակարգը ներկայիս գերազանցապէս եռաստիճան է խուլ, ձայնեղ, շնչեղ խուլ շարքով: Ասիկա մեծապէս կը դիւրացնէ տարրական գրաճանաչութիւնը, երկու համարժեք շնչեղներու շփոթը վերացնելով: Սակայն ասիկա չէ անցած օտար բառերու տառադարձութեան, ուր նոր խուլերուն տեղ աւանդաբար կը գործածուին միայն բունշնչեղները:

ԱՍՓՈՓՈՒՄ

Արեւմտահայերէնի խլազուրկ համակարգը (ձայնեղ՝ այ, կ, տ, ծ, ճ, շնչեղ խուլ՝ բ-փ, գ-ք, դ-թ, ձ-ց, շ-չ) բացարձակ օրինաչափութիւն կարելի չէր նկատել, որովհետեւ արեւմտահայ իրականութեան մէջ մէծ շրջանակ կը կազմէին եռաստիճան բաղաձայնական համակարգ ունեցող բարբառները: Եռաստիճան համակարգը ներկայիս տիրապետող դարձած է, որովհետեւ 1920-ական թուականներէն ետք Արեւելքի մէր զաղթօճախներուն մէջ համատեղ ապրող հայութեան մէջ գերակշիռ թիւ կը ներկայացնեն խարբերդցի, զեյթուն-

³Նոյնտեղը:

gh, hաճընցի, pէսապցի, սուէտիացի, սասունցի, պէշլանցի հայերը, որոնք ձայնեղները կ արտասանեն խով, իսկ խովերը ձայնեղ, շնչեղները շնչեղ (ձայնեղ՝ պ, կ, տ, ծ, ճ, խով թ, գ, դ, զ, խով շնչեղ՝ փ, թ, թ, շ, ջ): Հոն խօսդները կը զանազանեն բաղաձայններու եռաստիճանութիւնը «պատ, բադ, փառ թ», «սոն տը, դուր, թուր», «կար, (կու) զար, քար» (ձայնեղ-խով-շնչեղ շարրով):

Սակայն ասիկա չէ անցած օտար բառերու տառադարձութեան, ուր նոր խովերուն տեղ աւանդաբար կը գործածուին միայն բուն շնչեղները:

Hakob Cholakyan - Western Consonant System. - It used to say that the Western Armenian has kept only a two-way distinction of stops and affricates — one voiced and one aspirated. For example, Classical has three bilabial stops: /b/ ⟨پ⟩, /p/ ⟨պ⟩, and /pʰ/ ⟨փ⟩; Western Armenian, two bilabial stops: /b/ ⟨պ⟩ and /pʰ/ ⟨پ⟩ /⟨փ⟩.

But researches show us that something has changed due to the influence of those western Armenian dialects who has three-way distinction of stops and affricates; one voiced and two voiceless — a plain version and an aspirated one, but with replacing the classical voiced to plain voicelesses (/b/⟨پ⟩>/p/⟨پ⟩), and classical plain voicelesses to voiced ones (/p/⟨պ⟩>/b/⟨պ⟩): The aspirated ones remain unchanged (/pʰ/⟨փ⟩):

In spite of this change the transliteration of foreign words are still being mostly with two-way distinction of stops and affricates, not with new aspirated ones (պ, զ, դ, զ, Ջ), but with the old ones (փ, պ, թ, շ, Ջ):

ՄԻՀՐ-ՄՃԵՐ-ՎԱՏՄԻՇՐԲԱՌԵՐԻ ՄԱՍԻՆ

Միհրը կենսատու լուսի, մաքրության, բարության,, ավելի ուշ՝ Արեգակի աստվածն է ին արիական ժողովուրդների կրոններում: Ըստ առասպեկի՝ ծնվել է Ժայռից (զրադաշտականության մեջ համարվում է Արամազդի որդին), կատարել է բազմաթիվ սխրագործություններ՝ հաղթել է Ուսկե ցին, կովել չար ոգիների դեմ: Հետո նա համբարձվել է երկինք և այնտեղից վեց հազար աչքերով և նույնքան ականջներով դիտել ու լսել երկրային բարի արարածներին: Ավելի ուշ համարվել է ազատարար և փրկիչ (մեսիա), որն իր երկրորդ զալսոյամբ երկիրն ազատելու է չարից և հրով ու կրակով մաքրագործված երկրում Միհրի ահեղ դատաստանին են արժանանալու բոլոր ննջեցյալները: Ա.թ.ա. 4-2-րդ դդ. ձևավորվել է միհրականությունը: Հռոմեական կայսրության մեջ Միհրի ծննդյան օրը դեկտեմբերի 25-ն էր՝ ձմեռային արևադարձի օրը (4-րդ դարում փոխվեց Քրիստոսի ծննդյան տոնի):¹ Միհրին նվիրված տոնները կրել են միստերիաների բնույթ, կատարվել են այրային տաճարներում՝ միթրեաներում: Ըստ որում, այդ միստերիաներին կարող էին մասնակցել զանազան փորձություններով անցած նվիրյալները. Նրանք անցնում են նվիրվելու 7 աստիճան՝ ըստ մոլորակների թվի:

Միհրը հուր երկնայինի՝ արևի ու լուսի և հուր երկրայինի՝ կրակի ու շերմության աստվածն էր, և ինչպէս մյուս արևային աստվածները հնում՝ արդարության և դաշինքի հովանավորը, նաև՝ կրակարանի, ընտանեկան օջախի պահապանը: Ըստ ՆՀԲ-ի², <<Միթրոս (Միթրոս), որ և Միհր՝ Արեգակն, և սէր, օր ուրախութեան (ՆՀԲ, 2, 275): Միհր-ը բացատրվում է՝ <<Արեգակն՝ չստուած պարսից>>: Միհրը, ինչպէս նշեցինք, արդարության հովա-

¹ Հայկական սովետական հանրագիտարան (այսուհետև՝ ՀՀՀ), հ. 7, Ե., 1981, էջ 550, Գ.Վարդումյան, Ե. Մարգարյան, Կրոնների պատմություն, պրակ Ա, Հին կրոններ, Ե., 2006, էջ 55-56:

² Նոր բառզիրք հայկագեան լեզուի (այսուհետև՝ ՆՀԲ), Վենետիկ, 1836-1837թ.:

նավորն է, դրա համար երդվում, ուխտ³ անում նրա անունով։ Նրա անունով երդվելը, ինչպես երևում է մեր մատենագրական տվյալներից, թերևս Միհր-Արեգակի արդար և արդարադատ լինելու հետ է կապված, որ մինչև հիմա պահպանված է . հմմտ. *հորս արե, մորս արե* և այլն, այն է՝ <<Ճիշտ է, Ճիշտ եմ ասում>>։ Հմմտ. նաև Ն.Շնորհալու <<Առաւոտ լրտոյ, արեգակն արդար, առ իս լրյո ծագեա.. >>։

Միհր-ով էին երդվում զրադաշտ պարսիկները, որի մասին բազմիցս վկայում է Եղիշեն՝ <<....վասն հասարակարաշխ առատութեանն և անաշառ մատակարարութեանն անուանեցաւ Միհր աստուած, զի չիք ի նմա նենգութիւն եւ անիմաստութիւն>>, աշխարհարար՝ <<...և ընդհանուրին բաշխող առատության և անաշառ մատակարարության համար կոչվեց Միհր աստված, որովհետև նրա մեջ չկա նենգություն և անիմաստություն>>⁴, <<Ի Միհր աստուած երդուալ իմ, խստագոյն ևս խօսիս քան վարդապետսն քո>>՝ <<Միհր աստուծով եմ երդվում, որ դու ավելի խիստ ես խսում, քան թե քո ուսուցիչները>>⁵, <<Եւ քում թագաւորութեանդ ոչ ինչ վնասեացուր, երդուեալ ի Միհր մեծ աստուած>>⁶։

Հայաստանում տարածված է եղել Միհրի պաշտամունքը ⁷։ Միհրին է նվիրված մեհեկան (միհրական) ամսին (այժմ՝ փետրվարի 14) նշվող տոնակատարությունը, որը համապատասխանեցվել է

³ Ուխտ քան ունի <<Հաստատուն խօսք, խոստումն երդումով կամ առանց երդման, որ մարդ տախս է իրեն՝ մի քան կատարելու համար, նաև՝ Աստծու դաշն մարդու հետ (այստեղից չին ուխտ, Նոր ուխտ), վանք, մենաստան, սրբի տոնն >> և այլն (տե՛ս Ստ. Սալիսան, Հայերէն բացատրական բառարան (այսուհետև՝ ՀԲԲ), հ. 3, էջ 593):

⁴ Եղիշե, Վարդանի և հայոց պտերազմի մասին, Ե., 1958, էջ 147:

⁵ Ն.տ., էջ 373-374:

⁶ Սովորի Խորենացոյ Պատմութիւն հայոց, Տիղիս, 1913, էջ 276:

⁷ Կարծում ենք, նախքան իրանական Միհրի պաշտամունքի տարածումը Հայաստանում եղել է արևի պաշտամունք, որի մասին վկայում են քանակյուսական տվյալները։ Այսպես, Վաննում և շրջակայրում տարածված այն սովորությունը, եթի նորապսակները ամուսնության հաջորդ օրը բարձրանան էին տան կոտորք և ողջունում արևի՝ Էզ, բարե, այ Էզ բարե, Էզն արենուն տաներ բարե. (Քապարեկ (ՎՅ.՝)՝ «այգբարե՝ ամուսնության հաջորդ առավոտյան նորապան զոյզի կտորը բարձրանալը և նվազածուների ուղեկցությամբ արևին ողջունելը »(ՀԱԲ, 1, 166), նաև՝ մինչև 12-րդ դ. Հայաստանում զոյտեած արևորդիներ կոչված աղանդը, որը հեթանոսական արևապաշտության մեացուկ էր։

Տեառնընդառաջին (Տրնդեղ): Տոնի խորհուրդը կրակով սրբագործվելն է, իսկ տոնական խարույկը կոչված է զետինը կրակով շերմացնելու և տաք օրերի գալուստն արագացնելու: Միհրին է նվիրված Գայնու հեթանոսական Արևի տաճարը (կառուցվել է մ.թ.ա. 1-ին դարում և վարակառուցվել մ.թ. առաջին դարում Տրդատ Սուածին թագավորի օրոք): Տաճարի 24 սյուները խորհրդանշում են օրվա ժամերը:

Մ.թ.ա. 9-7-րդ դդ. Վանի կամ Արարատյան թագավորության դիցարանը մեզ է հասել *Միհրի դուռ ժայռախորշի* սեպագիր արձանագրությունից՝ ավելի քան 70 դիցանվան և գոհակենդանիների (այժ, ցուլ, կով, ոչխար) նշումով:

Միհրականությունը 4-րդ դարից իր տեղը զիջում է քրիստոնեությանը: Վերջինս ներառում է միհրականության որոշ տարրեր:

Հայերենում Միհր անվան տարբերակներն են *Միհրեր*, *Միհրը*, *Միհրի*, *Միհր*, *Մեհեր*, *Միհրը*: *Միհր* անվանն են աղերսվում հայկական էպոսի հերոսներ *Մեծ Միհրի* և *Փոքր Միհրի* անունները: Նրանք իրենց սիրանքներում նմանվում են Միհրին, ինչպես՝ *Մեծ Միհրը* սպանում է առյուծին (զրադաշտականության մեջ առյուծը հզրության և սրբազն կրակի խորհրդանիշն է), *Փոքր Միհրը* դուրս է գալու Վանա Ազրավաքարից (ազրավը կրակը պաշտպանող սրբազն թռչունն է (հմմտ. <<Բոլ է ման զաս վեր աշխարքին. Քո տեղ Ազրավու քարն է>>)⁸: Հայկական էպոսում *Փոքր Միհրի*՝ Ազրավաքարում փակվելու հանգամանքը թերևս ինչ-որ չափով աղերսվում է միհրական ծեսերի՝ ժայռախորշերում կամ քարանձավներում կատարելու սովորութին, իսկ այն, որ նա տարին մեկ դուրս է զալիս Ազրավաքարից, թերևս, մեռնող և հարություն առնող քնության հետ.

<<Կ'ասեն՝ տարին էրկու անգամ

Էղ քար իրարուց կը բացվի.

Մեկ անգամ Վարդենրին,

Մեկ անգամ՝ Համբարձման:

Որ քար կը բացվի, Միհր՝

Քառուն ավուր ճամփա մեկ ժամվա կ'երթա.

⁸ Սասունցի Դավիթ, Հայկական ժողովրդական էպոս, Ե., 1939, էջ 556:

Քառում օր վեր քարերին կ'էրթա,
Ինչ հողի վերան ընկնի ձին կը խանդկի,
Չը կարնա քելի, ետ կը դառնա>>⁹ :

Միհր¹⁰ աստծու անունից է Մեհեան բառը. ծագում է. հս.. պահեմ ձևից (իրանական գրականության մեջ անվանվում է <<դար ի միհր՝ Միհրի դուռ>>. հմմտ Վանի Միհրի դուռ կոչված քարաժայոր, ուր փակված է Փոքր Միհրը): Գ. Զահուլյանը բառը համարում է իրանական փոխառություն՝ *mehyān(<*mīhrakān)* միհրական, միհր աստծուն նվիրված>>, (ՀՍԲ¹¹, 521, Զահուլյան¹², 1987, 534): Ղ.Ալիշանը բառի ծագման համար ավելի հավանական է համարում պարսկ. մահ, լուսնի մահիկ բառերը¹³: Մեհեան –ն ուներ << Տուն կոոց, տաճար հեթանոսաց, տեղի՝ դից նուիրական>> (ՆՀԲ, 2, 245), ըստ ԱԲ-14ի՝ << Կոստոն, կոտրի սեղան, ճշմարիտ Աստուծոյ սեղան>>, նեղ խմաստով՝ <<բազին, զոհարան>> խմաստները: ՀԲԲ-ում բառը բազմիմաստ է՝ <<1.Ակզբնապէս՝ Միհրի պաշտամունքին նուիրված տաճար, ատրուշան, կրակատուն: 2. Ընդհանրապէս՝ հեթանոսների կրոնական պաշտամունքի տաճար: 3. Մեհեանում՝ բազին, սեղան, որտեղ զոհեր էին մատուցանում: 4. Կուռք, հեթանոսական աստծու արձան զանազան նյութերից: 5. Փոքրիկ արծաթե արձանիկ, որ ներկայացնում էր Արտեմիս աստվածուին, և որը կրում էին զյանքների վրայ կամ կախում էին վզերից¹⁵ (ՀԲԲ, 3, 298):

Մեհյան սկզբնապէս անվանվել են Միհր աստծուն նվիրված տաճարները, սակայն հետազայում բարիմաստի ընդլայնմամբ բառը ձեռք է բերել <<հեթանոսական տաճար>> ընդհանուր անվանումը: Մեհյան –ով են բաղադրված հետևյալ տեղանունները՝ Մեհեանացուղ, որ, ըստ ՏԲ-ի, գտնվել է Մեծ Հայրի Տարոն գավառում (հիշա-

⁹ Ն. տ. էջ 558:

¹⁰ Հմտու. միջին պարսկերեն մեհեկան ամսի անվանումը (հայկական տոմարի 7-ր ամիսը), երբ կատարվում է էր մեծ տոն ի պատիվ Միհրի, և ամիսն էլ կրում էր նրա անունը:

¹¹ Գ. Զահուլյան, Հայերեն ստուգարանական բառարան (այսուհետև՝ ՀՍԲ), Ե., 2010:

¹² Գ. Զահուլյան, Հայոց լեզվի պատմություն. Նախագրային ժամանակաշրջան, Ե., 1987:

¹³ Ղ. Ալիշան, Հայոց հին հավատքը կամ հեթանոսական կրոնը, Ե., 2002, էջ 214:

¹⁴ Առձենն բառարան հայկագետն լեզուի, Վենետիկ, 1865:

¹⁵ Ս. Մալխասեանց, Հայերեն բացատրական բառարան, հ. 3, Ե., 1944-1945, էջ 298:

տակում է U.Անեցին՝ 12-րդ դ.) , Մեհենակերտ՝ Մեծ Հայքի Գուգարք աշխարհի Տաշիր զավառում (հիշատակում է Ուխտանես Պատմիչը՝ 10-րդ դ.):¹⁶ Արդի հայերենում մեհյան բառն ունի <<հեթանոսական տաճար, կրակատուն>> իմաստները (ԱՀԲԲ¹⁷, 992, ԺՀԲԲ¹⁸, 3, 511):

Ծողովոյին հարազատ է եղել մեհեան բառը, որի վկայությունը դրանից կազմված հինհայերենյան բազմաթիվ բառերն են՝ մեհենաբարձ, մեհենազիրք, մեհենազարդ, մեհենազերծ, մեհենակապուտ (մեհյանի նվիրական իրերը գողացող) մեհենակալ (մեհյանի վերակացու), մեհենաշէն, մեհենատէղի (ՆՀԲ): Օրինակ՝ <<....ուր նշանօքն եղելօք կործանեցան բազինք մեհենիցն յայնժամ>>¹⁹, <<Եւ յաճախ ակն աղբերն ի ներքոյ սարաբարձր մեհենատէղոյն Հերակլայ>>²⁰: Սիհր-ով են կազմված հետևյալ արական՝ Սիհրան, Սիհրբարզան (ըստ Սիհրի գործող), Սիհրդատ (Սիհրի տված, հմմո. Աստվածատուր), Սիհրիար (Սիհրի բարեկամը), Սիհրշապուհ, Սիհրու և իգական՝ Սիհրիբան, Սիհրանոյշ անձնանունները²¹:

Սիհր-ով բաղադրված է Վասոմիհր բառը:

Վասոմիհր-ը, ըստ ՀԱԲ²²-ի, << վատշուէր, գէշ>> իմաստով, գործածված է Թովմա Արծրունու <<Պատմութին>>-ում (Պետերբուրգ, 1887, էջ 244): Օրինակը հետևյալն է. <<Նոր ոմն Նաբուզարդան կամ Զամբի յայտնեալ ի յաղանդոյն Նեստորի, երեքթշվառեան վատաշուէր, վասոմիհր>>:

Թ.Արծրունու <<Պատմութեան>> մեջ պատմվում է մի սովորական խաչագողության մասին: Սի նեստորական մտնում է Ոստանի եկեղեցին, գողանում խաչը և փախչում. Ճանապարհին նա այսահարվում է, գլորվում զառիվայրից և մեռնում: Պատմագիրը հայոյում է նրան՝ համեմատելով հինկտակարանյան շարագործների հետ, այլև որպես ամենազագրելի պիտակ և խիստ վիրավորա-

¹⁶ Տես Հայաստանի և հարակից շրջանների տեղանունների բառարան /այսուհետև/՝ ՏԲ/ հ.4, էջ 777:

¹⁷ Էդ.Ազայան, Արդի հայերենի բացատրական բառարան, Ե., 1976:

¹⁸ Ժամանակակից հայոց լեզվի բացատրական բառարան, Ե., 1969-1981:

¹⁹ Փաւատոսի Բուգանդացւոյ Պատմութին հայոց, Ս.Պետերբուրգ, 1883, էջ 7:

²⁰ Նույն տեղում, էջ 33:

²¹ Հ.Աճառյան, Հայոց անձնանունների բառարան, հ.3, Ե., 1942, էջ 332-334:

²² Հ.Աճառյան, Հայերեն արմատական բառարան, հ. 4, Ե., 1979, էջ 312:

կան ու նախատական բառ՝ գործածում է է վատումիկը բառը (հմմտ. չարյուղանոս): Խոսքը հոռմեական կայսր Հովհանոս Ուրացողի մասին է, որ հայտնի է քրիստոնյաների նկատմամբ դաժան հալածանքներով. նա փորձել է վերականգնել հեթանոսությունը, իշխանությունից հեռացրել է քրիստոնյաներին: Քրիստոնեական եկեղեցին նրան անվանել է <<Ուրացող>>²³: Հայ ժողովուրդը Հովհանոս անվանը ավելացներով չար որոշիչը, ստեղծել է չարյուղիանոս բառը, որ հայերենի մի քանի բարբառներում կանայք գործածում էին իրենց չար երեխաններին նախատելու համար²⁴: Նոյն գործընթացն է տեղի ունեցել վատումիկը բարի դեպքում: Քրիստոնեության մուտքով Միհր Արեգակ-աստվածը ստանում է <<վատ>> որոշիչը և գործածվում որպես անարգական, վիրավորական բառ: Աճայանը համարում է նորագույտ բառ: Կազմված է վատ + Միհր աստծու անունից: Միհրը արևի, լուսի, կրակի աստվածն էր միհրապաշտների մոտ: Սակայն այդպես չէր կարող լինել քրիստոնեության ժամանակ: Գաղափարախոսության փոփոխության հետևանքով իին աստվածները նսեմանում են: Նոյնը տեսնում ենք հայկական կառուսիմ: Մեծ Սիերը դիվացման հետևանքով դառնում է անիծված Փոքր Սիեր: Նրան անիծում է հայրը՝ Դավիթը. <<Սիեր, դու ինձի հետ կրիվ արիր, Ինձի ամաչեցրիր, կանչեր եմ քաղցրիկ աստված, անմահ ըլնիս, անժառանգ>>²⁵: Իմաստային անցումը կատարվել է այդպես: Ինչպես նկատել է Մ.Աբեղյանը, Առյուծածե Սիերի և Փոքր Սիերի գրուցները միևնույն գրուցի տարբեր գլուխներն են: Մեծ Սիերը բարի է. նա չունի դիվական գծեր, սակայն Փոքր Սիերն արդեն բնավորության երկվություն ունի. կովում է հոր հետ, նախանձում նրան, հայրը՝ Դավիթը, անիծում է նրան, և Սիերը փակվում է քարայրի մեջ՝ Ազուավաքարում (Ակոփու քար, Վանա քար), և հուր-արև Սիհր-Սիերը այնտեղ պետք է մնա մինչև աշխարհի վերջը. <<Որ աշխարք ավերվի, մեկ էլ շինվի, Երոր ցորեն եղավ քանց մասուր մի,

²³ ՀԱՀ, հ. 6, էջ 636:

²⁴ << Էս տղեն ընենց չար յովիանոսն ա, որ էլ չէլած>>: Տե՛ս Սահակ վրդ. Ամատունի, Հայոց բառ ու բան, Վաղարշապատ, 1912, էջ 540:

²⁵ Սատունից Դավիթ, Հայկական ժողովրդական կպու, էջ 517:

Ու զարին եղավ քանց ընկուզ մի, են ժամանակ հրամանք կա, որ կնենք եղտեղեն>>²⁶:

Բարիմաստների փոփոխությունը կատարվում է դանդաղ և աստիճանաբար: Սակայն գաղափարախսության փոփոխության հետևանքով կատարված իմաստափոխությունները կատարվում են համեմատաբար արագ, մանավանդ եթե նպատակառուղղված են հին գաղափարախսությունը մոռացության տալուն: Բառին ավելացնելով որևէ բաղադրիչ կամ ժխտական մասնիկ՝ կազմվում է նոր բառ, որն ազդում են ոչ միայն մարդու գիտակցության, այլև ենթագիտակցության վրա. հմտությունու, վատմիհր, չժխտական մասնիկով կազմված չքահանա, չաստված, իսաբեղա (այսինքն՝ խարող արեղա) և այլն:

Papikyan Silva -About Mihr-Mher-Vatmihr (BadMihr) Words. - In religions of ancient Aryan people Mihr is the God of light, purity, kindness, subsequently the God of Sun and as other solar deities is the patron of justice and alliance. There are several versions of the name Mihr-Miter, Mitr, Mirh, Meher, Mher. The names of the heros Mets Mher and Poqr Mher of the Armenian national epos are connected with the name Mihr. T. Artsruni testifies the word “vatmihr”, which is used as an offensive word.

Папикян Сильва – О словах Мигр –Мгер – Ватмигр .- В религиях древнеарийских народов Мигр – бог света, добра, позднее – солнца, а также покровитель справедливости и союза. Варианты имени Мигр – Митер, Митр, Мгер. К имени Мигр относятся также имена героев армянского эпоса Мгера Старшего и Мгера Младшего. Слово “Ватмигр” оскорбительное по историографу Товма Арцруни (х в.).

²⁶ Սասուցի Դավիթ, Հայկական ժողովրդական էպոս, էջ 318:

**ԱՇԽԱՐՀԱԲԱՐԻ ԶԵՎԱՎՈՐՄԱՆ ՀԱՐՑՈՒՄ ՀԱՅԿԱԿԱՆ
ԳԱՂԹԱՎԱՅՐԵՐԻ ՈՒՍՏՅԱԾ ԴԵՐԸ**

Հայերենի նոր փուլի՝ աշխարհաբարի կազմավորման հարցում մեծ դեր են ունեցել հայկական գաղթավայրերն իրենց կրթական, գիտական, հասարակական գործունեությամբ: Բուն Հայաստանում և նրանից դուրս մի քանի խոշոր կենտրոններում մշակվում, հղկվում, կյանքի բոլոր ոլորտների համար տարածում էին գտնում հայերենի տարբերակները: Այդ տարբերակներին ժամանակի հեղինակները տարբեր անվանումներ են տվել «քաղաքացիական» հայերեն (Շրյոդեր), «քաղաքական» (Պ.Դպիր և Հ.Ճոլով), աշխարհաբառ (Մի. Սեբաստացի), կամ՝ աշխարհական, ռամկորեն լեզու և այլն: Սակայն պետք է ասել, որ այդ բնութագրումները լեզվական առումով դեռևս ոչ ամբողջությամբ են հստակեցված և սահմանված: Հստակ է մի քան, որ դրանք նույնական չեն իր ժամանակի բարբառների հետ և, ի տարբերություն բարբառների, ձեռք էին բերել հաղորդակցման առավել լայն շրջանակ տարբեր հայահոծ շրջաններում, ունեին նաև միջհամայնքային հաղորդակության գործառույթ:

16-17-րդ դարերն ընդունելով որպես աշխարհաբարի ուրվագծման փուլ փորձել ենք քննության առարկա դարձնել այդ ժամանակաշրջանի հայահոծ գաղթավայրերն այն առումով, որ դրանք այսպես թե այնպես ազդեցություն են ունեցել լեզվական շփումների վրա՝ գերակշռող դիրք գրավելով միջհամայնքային, քաղաքացիական հայերենի մեջ: Իսկ այդ շրջանում հոծ և ազդեցիկ համայնքներից էին Կ.Պոլիս, Նոր Ջուղա, Լեհաստան և Ուկրաինա, Ղրիմ: Փորձ ենք արել լեզվական փաստերի՝ բառապաշտաբային որոշ իրողությունների, քերականական ձևերի հիման վրա պարզել, թե այս կամ այն գաղթավայրում ստեղծված երկերն ինչ ընդհանուր լեզվական օրինաչափություններով են օժտված, ինչպիսի տարբերակներ են գործածվել հայերենի այս փուլում, և դրանք ինչպիսի հնարավոր մասնակցություն են ունեցել նորմավորված աշխարհաբարի վաղ շրջանի կազմավորմանը:

ՆՈՐ ԶՈՒԴԱ: Նոր Զուղայի հայերը սերում էին զանազան գալապոններից ու քաղաքներից: «Էին սոքա յազգէն Հայոց ժողովածու ժողովուրդը...որք էին ի յԱմթայ, ի Բաղիշոյ, ի Մշոյ, եւ ի Բերկրոյ, յԱրձիշոյ, ի Վանայ, յԱրծոյ, յԵզնոյ, ի Դերջանայ, ի Բաբերդոյ, յԱրգումա, ի Սպերոյ, ի Բասենոյ, ի Կաղզուանայ, ի Շիրակուանայ, յԱրարատեան մասնաւոր գաւառացն յամենեցունց», - զրում է Ա. Դավիթիցին Նոր Զուղայի հայերի մասին¹: Ուրեմն և՝ այդքան խոսվածք ու բարբառ էլ խաչվում էին իրար ամենօրյա շփումներով:

Նման միջավայրում մշակվում, և լայնորեն գործածվում էր հայերենի խոսակցական տարբերակներից մեկը: Այդ մասին է խոսում Ռ. Իշխանյանը գրելով, որ 18-րդ դարում կար «նոր գրական լեզվի առնելյան ճյուղի երկու տարբերակ՝ նորչուղայական և արարատյան կամ կովկասյան»²:

Անշուշտ Նոր Զուղայի խոսվածքի հիմքում ընկած էր Զուղայի բարբառն իր հիմնական կառուցվածքով: Վերջինի մասին պատկերացում է տալիս Հոլանդիայի հայ առևտրականների խնդրագիրը³, այն բարբառի հնագույն անխառն նմուշներից է, որը նաև ժամանակով մոտ է մեր քննած շրջանին և հնարավորություն է տալիս որոշակի համեմատություններ կատարել բարբառի և միջհամայնքային խոսակցական տարբերակի միջև:

Խնդրագիրը գրվել է 1658 թվականին, հնչյունական տառադարձումը թեև ներկայիս գիտական պահանջներին չի կարող բավարարել, բայց և հնարավորություն տալիս է որոշ ենթադրություններ անել, ինչպես՝ լէվ ա (լավ ա), իսաց (հայ), կուէք (կտար) և այլն:

Քերականական հիմնական առանձնահատկություններով այն որոշակի նման է զուղայական խոսակցական տարբերակին, ինչպես ա օժանդակ բայի, -ման դերբայական ձևի առկայությունը և այլն: Ահա մի հաստիք այդ խնդրագրից: «Արզ լինի պարքներացն որ էն չաղն մուքէլ դունսուլին ամրէք տվել որ զայ, էզն միրումը դունսուլ ունի մէք ինչ փարսինա իսայ կեր ողջ բոլորվեցանք զնա-

¹ Առաքել Դավիթիցի, Գիրք պատմութեանց, Եր., 1990, էջ 352:

² Ռ. Իշխանյան, Արևելյան բանաստեղծության լեզվի պատմություն, Եր., 1978, էջ 32:

³ Առաքել Սարուխան, Հոլանդիան և հայերը ԺԶ-ԺԹ դարերում, Վիեննա, 1926:

ցինք շնախավորեցինք թէ պարոնընին մեզ խստան աղարկել լէվ ամեր էլ բանընի կտեսնու»:

Համեմատության համար ներկայացնենք արդեն Նոր Զուլայում ապրած և ստեղծագործած հայտնի գործից Կոստանդ Զուլայեցու լեզվի ընդհանուր բնութագիրը: Նա 17-րդ դարի երկրորդ կեսին Նոր Զուլայում հիմել է առևտրական դպրոց, որ հաճախ կոչվել է համալսարան (այստեղ են ուսանել Յակոբ Դ Զուլայեցի կաթողիկոսը, փիլիսոփայ Սիմեոն Զուլայեցին, Աստվածաշնչի տպագրիչ Ուսկան Երեւանցին և ժամանակի շատ այլ երևելիներ): Կոստանդ Զուլայեցին 1687 թվականին գրել է «Բանք ի պիտու վաճառականաց» դասագիրը, ապա բովանդակութիւնն ընդարձակելով՝ կազմել «Աշխարհաժողով» դասագիրը: Մենք դիտարկել ենք Մաշտոցյան Մատենադարանում «Յաղագս վաճառականութեան» անվամբ պահպող այդ աշխատության լեզուն:

Նրա քերականական համակարգում առավել ուշագրավ են անկատարի -ում մասնիկով բայաձերը զիտում չեր, ուզում եմ, միաժամանակ կու մասնիկով ներկայի կազմությունը կու զոկիս, կու նմանի, կու տեսնէք: Առատ են -ման դերբայական ձևերը զնաման, զալման: Օժանդակ բայի եզակի երրորդ դեմքն ունի «Ճ» շահն է պիտիլ, անց է կացել, առավել սակավ «ա» հասապօվն այ շահն, տեսրումս զրած այ: Գալ բայի եզակի երրորդ դեմքի համար շահն դուրս գոյ: Մեկ հատված Կոստանդ Զուլայեցու երկից: «Ա զեղացի էլ զեղէն ձու էր տանում քաղաքն ձախս (ձայնեղացման մեկ փաստ՝ ծ>ձ), համարել զիտում չեր, Բ համարեց՝ Ա աւելացաւ, Գ համարեց՝ Ա աւելացաւ, Դ համարեց՝ այլվի Ա աւելացաւ, Է-ումն բարբարվեցաւ: Ճանապարհին զնաման, մինն դիպաւ ողջ ձվանքն զարդվեց: Բոնեց էդ մարդի եախիցն, դագուն տարաւ, պատմեց թէ որպէս էր վերոյ համարեր: Ասաց դագին, թէ՝ այսչափ ձու է, զնայ փողն տուր»⁴:

Ամենատարածված այս և այլ լեզվական իրողությունների համեմատությունը ցույց է տալիս, որ Կոստանդ Զուլայեցու ըստ էտության աշխարհաբարի վաղ շրջանը ներկայացնող լեզվի հիմքում շատ բան է ընկած Զուլայի բարբարի լեզվական համակարգից,

⁴ Երևանի Մաշտոցյան Մատենադարանի ձեռագիր թ. 5994, էջ 79թ:

իհարկե՝ հարստացված այլ հատվածների հայերեն խոսվածքների տարրերով:

Նոր Զուղայի լեզվական ազդեցությունը զգացվում է Աստրախանի հայերի ստեղծած դիվանական փաստաթղթերում⁵, Հովհաննեսի որդի Տեր Դավթի հաշվետումարի և այլ երկերի լեզվում⁶: Վերջինս, ի դեպ, ուսանել է Կոստանդի առևտրական դպրոցում:

Զուղայի բարբառի Նոր Զուղայի խոսվածքի հիմքում ընկած լինելու մասին շեշտում է նաև Վ. Մնացականյանը և էլ ավելի առաջ գնալով կարծիք է հայտնում, որ նույնիսկ գրական արևելահայերենի հիմքում որոշակիորեն ընկած է այդ բարբառը. «Նույնիսկ այն հուշարձաններում, - գրում է նա, - որոնց լեզուն բուն իմաստով գրական արևելահայերենն է (որոշ տարբերակային ձևերով) և որոնց հիմքում ընկած է Արարատյան բարբառը, դարձյալ տեղ են գտել Զուղայի բարբառին հատուկ իրակությունները և զգացվում է այդ բարբառի շունչը», ընդ որում այդպիսի գրվածքներ է համարում Ղուկաս Վանանդեցու «Գանձ չափոյ, կշռոյ», Շրյոդերի բերած նմուշները «Գանձ Արամեան լեզուի» աշխատության մեջ, Զ. Ազուլեցու «Օրագրութիւնը», Եղիա Կարնեցու նամակները⁷:

17-18-րդ դդ. Զուղայեցի և այլ (ազուլեցի, հաճախ՝ կարնեցի, ինչպես օրինակ Ղուկաս Կարնեցու նամակների լեզուն է) հեղինակները մեծ տեղ էին տալիս Զուղայի բարբառին: Սա նշանակում է, որ Զուղայի տնտեսական, մշակութային դերով պայմանավորված՝ այդ բարբառը ձեռք էր բերում գրական նորմայի արժեք, ընկնում էր ձևավորվող գրական արևելահայերենի հիմքում կամ առնվազն իր լուման էր բերում նոր լեզվի կազմավորման հարցում: Դրա արտացոլումը գտնում ենք, օրինակ՝ աշխարհաբարի առաջին պաշտպաններից Զարարիա Մարտիրոսյանի մոտ, որն իր «Իսկական ճշմարտութիւն» գիրքը (անտիպ է) գրել է ուղղակի Զուղայի բարբառով. հեղինակը կամ այն համարել է գրական նորմա, կամ (որ քիչ հա-

⁵ Տե՛ս Դատաստանագիրը Աստրախանի հայոց, աշխատափրությամբ Ֆ. Պողոսյանի, Եր., 1967: Հմմտ. Մաշտոցյան Մատենադարանի թ. 7383 ձեռարի հետ:

⁶ Հովհաննես Տեր Դավթյան Զուղայեցու հաշվետումարը, աշխատ. Լ. Խաչիկյանի և Հ. Փափազյանի, Եր., 1984:

⁷ Վ. Մնացականյան, Վաղ աշխարհաբարը Ժամանակակիցների բնութագրմամբ. - Հայոց լեզու և գրականություն, 7-8, Եր., 1987, էջ 225:

վանական է) տեղյակ չի եղել արևելահայ կամ արևմտահայ նորմավորվող և արդեն որոշակի արդյունք տված բարբառներից կամ միջբարբառային խոսակցական լեզվից: Բերվող հատվածը կարող է ցոյց տալ Զ.Մարտիրոսյանի լեզվական ընտրությունը: «Ես առաջնում առաջ քանզ ես զիրք շինելն և գրելն շատ ժամանակ էլ եղի ֆքրում, գերայ ես ինձնում ասումի, եթէ գրաբառ գրեմ, աղորթայ, որ փորբիկ ինձ եվելի աշխատանք գննէր, համմայ կարդացողաց խմար ել քողցը և ել պատուական կուլինէր: Այլ միուս կողմանէ խորհրդումի՝ թէ աշխարհաբառ գրած թէկւէտ էնչանք գովելի չէր նման, համայ ել շահաւետ գննէր կարդացողաց խմար»⁸:

Կ.ՊՈԼԻՍ: Աշխարհաբարի ձևավորման առումով գրեթե համանման պատկեր է ի հայտ գալիս Կ.Պոլսի հայերի և հայերեն խոսակցական տարբերակը քննելիս: Կ.Պոլսի առաջին հայ գաղթականներ պետք է համարել Աբրահամ Անկյուրացու «Ողբում» հիշվող Անկյուրիայի հայերին: Հետազայում արդեն բռնի Կ.Պոլիս են բռնագաղթում (հրեաների ու հույների հետ մեկտեղ) Կեսարիայի, Պրուսայի, Աղրիանուպոլսի, Սամսոնի, Թոքրատի, Ակնի հայերը: Պաշտոնապես առաջին պատրիարք հիշատակվող Հովակիմը նույնպես Պրուսայից էր, որն ըստ Մ.Չամչյանի Կ.Պոլիս էր եկել մի քանի տուն երեկի հայերի հետ: Էվլիյա Չելեբին մայրաքաղաքի հայ վերաբնակիչներին հիշատակում է որպես Թոքրատի (Եղոնկիա), Սվասից (Սեբատիա), որոնք բնակվել են հիմնականում Սովոր մանաստըռում, այսինքն՝ Ս.Գեորգ եկեղեցու շրջակայքում (Սամարիա)⁹: Նշված համայնքների հայերն իրենց հերթին ներգաղթած են եղել տարբեր վայրերից: Զմյուռնիայի հայկական տապանաքարերին, օրինակ, կարելի է տեսնել հին բնակավայրերի անունները Կարբի, Շիկահող, Սրաշեն, Շաշկերտ, Նուխի, Երևան, Ազուլիս և այլն¹⁰:

Կ.Պոլսում հայերի կենտրոնացումը գուգորդվում էր տնտեսական, մշակութային, կրթական գործունեության կենտրոնացմամբ և զարգացմամբ: Հովհաննես Կոլոտ և Հակոբ Նայյան պատրիարքների

⁸ Զ. Մարտիրոսյանի գրքի առաջաբանը տպագրվել է «Ազգասէր Արարատեանում», 1848, 11, հավելված, որտեղից կատարել ենք մեջբերումը:

⁹Տե՛ս Ալբերտ Խառասոյան, Կոստանդնուպոլսի հայ գաղթավայրը. XV-XVII դարեր, Եր., 2007, 50-55:

¹⁰ Հ. Աճառյան, Հայ գաղթականության պատմություն, Եր., 2002, էջ 550:

օրոք այստեղ մեծ թափ են ստանում դպրոցաշինությունը, թարգմանական գործը, գրահրտարակչությունը: Եվ այդ ամենն ուղղակիորեն նպաստում են լեզվի մշակմանն ու բարբառային շերտերի համեմատական նորմավորմանը: Այդ շրջանից ծանոթ աշխարհաբար (ոչ գրաբար) տպագիր և ձեռագիր գրվածքները հիմնականում միատեսակ են վաղ աշխարհաբարյան՝ դեռևս շտարանջատված տարրեր պարունակելու տեսակետից:

Կ.Պոլսի հայերեն լեզվական տարրերակի մասին, ինչպես խոսեցինք Նոր Զուլայի տարրերակի դեպքում, պատկերացում են տալիս Երեմիա Քեոմուրճյանի չափածո մի քանի առեղծագործություններ, Աւետիք Տիգրանակերտցու «Տէֆթէր գիրը», Սարգիս Վարդապետի «Պատմութիւն Երուսաղէմի» երկերը, դիվանական փաստաթղթեր և այլն:

Որպես Կ.Պոլսի բարբառի նախնական մի նմուշ՝ համեմատության համար դիտարկել ենք Զուար Քահանայի ուղեգրության լեզուն¹¹: Կ.Պոլսեցի քահանայի այս երկը կրատարակվել է ինքնագից, և զրեթե անխառն ժամանակի հայերեն խոսակցական մի տարրերակ է: Այստեղ առատորեն հանդիպում են են բ-ով վաղակատարի ձեեր՝ մին սահաթ էր մնացէր, մեռէր է, նետէր էին, կը (կու)՝ ներկայի մասնիկ՝ կու անցընեմ, կ'ինկնի կու տանի, զիս կու նեղէ և այլն, մի անորոշ մասնիկի հետաղա կիրառություն՝ ոչխար մի և ուղ մի, այ երկրաբառ դեռևս հանդես չի զայիս ա-ի հնչյունափոխված ձևով՝ երկաթ մ'այլ կայ, նայ այլ մեզ տեսաւ: Հանդիպում է - նիս մասնիկը՝ մեր անդ նստելնիս եղև լման քսանեինն օր:

Աչքի է զարնում փոխառությունների առատությունը, միայն մեկ տպագիր էջին 20-ից ավելի փոխառյալ բառեր են գործածվել դրումանեան տեսնել (պաշար անել), դարակօղի (սևաշյա), ջպուխ, չիթուէ, կէօմրիւկճի, հախլաշմիշ, ախընտի, սէրպէստ, ալապանտայ, կէմիստան և այլն:

Ահա մի քանի հատված Զուար քահանայի ուղեգրությունից. «Խոստովահանայրս զայ հանդիյափ նէ՝ ի նշպէս հարկիս կ'անես. նայ ևս լուսատրեալ հողին ասացէր է, թէ քո տէվլէթին լայէխ ինչ է

¹¹ Զուար Ճիյէրճի Օղլու քահանայի Ճանապարհագրութիւն և ուխտ յԵրուսաղէմ. - Բազմավէտ, 1867-1869:

նէ՝ զայն կ'անեմ», «այս ի՞նչ ատեն է, որ կու անցնիս», «իմ ըստակն տեղս կու տաք, որ ես աստ տալիք ունիմ, տամ վճարվիմ», «Չորս ամիս է եղեր, որ անձրև չէ եկեր»:

Նշված լեզվական իրողություններն ընկած են Կ.Պոլսի միջավայրում ստեղծված երկերի, փաստաթղթերի լեզվի հիմքում: Այսինքն՝ Նոր Զուղայի նման այստեղ նույնպես տեսնում ենք, որ 17-րդ դարում սկիզբ է առնում մի նոր խոսակցական տարբերակ, տարածվում գրավոր աղբյուրներում և ձեռք է բերում համեմատական նորմավորում:

ՏՐԱՆՍԻԼՎԱՆԻԱ: Լեհաստանի, Հունգարիայի հայկական համայնքներում ստեղծվել և պահպանվել են բազմաթիվ բնագրեր, փաստաթղթեր, մի մասը տպագրվել է, մի ստված մասն է պահպում է արիմիվներում (դրանց հիման վրա, օրինակ՝ Ալեքսանդր Բոժկոն Վերջերս տպագրեց Կամենեց-Պոդլուկ քաղաքի երեսնի հայ գաղթօջախում ստեղծված հայերեն բնագրերին նվիրված մի հոդված¹²⁾:

Առանձին բննության նյութ է այդ միջավայրում ստեղծված հայերեն աղբյուրների հիման վրա Եվլոպայի հայկական գաղթավայրերում նոր հայերենի մշակման ընթացքի պարզաբանումը: Եղիսաբեթուպոլսի հայկական միջավայրում 17-18-րդ դարերում գրված բազմաթիվ դիվանական արձանագրութիւններ և հիշատակարաններ է հրատարակել Գրիգոր Գովլիկյանը¹³, որոնցում անխառն կերպով արտացոլված է տեղի հայկական խոսվածքը (Հ.Աճառյանի աշխատություններում այն հայտնի է Ավստրիո-Հունգարիայի կամ Սուչավայի քարբաղ անվանումներով): Այդ բնագրերը, նախ, աշքի են ընկնում մեծ թվով փոխառություններով:

Այս առիթով պետք է ասել, որ գաղթավայրերի խոսակցական լեզվական տարբերակները բոլոր դեպքերում աշքի են ընկնում փոխառությունների առատությամբ: Շատ հաճախ փոխառությունների մի մասն իր ժամանակին համագործածական է եղել, այնքան,

¹² Ալեքսանդր Բոժկո, Ուկրաինաբանությունները Կամյանեց-Պոդլուկ քաղաքի XVI-XVII դարերի հայկական դաստարակի վավերագրերի լեզվում. - Պատմա-բանասիրական հանդես, 2010, 1, էջ 110-115:

¹³ Հ. Գրիգոր Վլդ. Գովլիկեան, Հայր Յեղիսաբեթուպոլիս Դրանսիլուանիոյ. 1680-1779, Վիեննա, 1893:

որ շատերը «ներխուժել են» անզամ գրաբար բնագրերի մեջ: Իրենց բնակության երկրների հայերեն տարբերակներում, բնականաբար, գերակշռում են տիրապետող լեզվից կատարվող փոխառությունները, Հունգարիայում՝ հունգարերենից ու գերմաներենից, Ա. Պոլսում՝ թուրքերենից, Նոր Զուղայում՝ պարսկերենից և այլն: Սակայն շատ հաճախ գրեթե անհնար է լինում հստակ որոշել, թե ո՞ր լեզվում է ծագել տվյալ բառը և ո՞ր լեզվից է անցել հայերենին: Այս դեպքում առաջնային չափանիշ պետք է համարել այն, թե ո՞ր երկրում ստեղծված բնագրի հետ զործ ունենք և ենթադրաբար՝ որ լեզվից կարող էր տվյալ բառն անցած լինել հայերենի այդ հատվածի մեջ: Այսպես օրինակ՝ Սիմեոն Լեհացու, Ս. Ռոշքայի պարագայում բրիվիլէկ «արտոնություն», գարելլան «հոգևորական», ձար «կայսր, ցար», բիկնիցա «գարեջրատուն» և բազմաթիվ այլ փոխառյալ բառերի սկզբնաղբյուրը կարող է լինել լեհերեննը, անկախ նրանից, թե լեհերեննն իր հերթին որ լեզվից է փոխառել տվյալ բառը:

Լեհաստանի, Հունգարիայի հայերեն բնագրերն աչքի են ընկնում մի բանի հիմնական յուրահատուկ գծերով: Զգալի է բաղադայնների ձայնեղացման երևոյթը՝ հասդատել, կորուսդ, դատասդան, ինչքես, ըսդակ, ըսդրազրեցանք, ուզգի: Հնչունական այս երևոյթը տարածվում է նաև փոխառյալ բառերի վրա՝ տէրուդադ, բրօդօզօլ, բրիդավ, նաձիօն, էզօնօմիա, մակիսդրադ և այլն: Խուզ բաղաձայններից բացի ձայնեղում են նաև շնչեղ-խուլերը՝ իրիձգին, ճարագայդ, դաշդ, գիտաձվի:

Խիստ տարածված է փափուկ թի գործածությունը թե՝ ն-ին նախորդող դիրքում, թե՝ այլ դիրքերում, օրինակ՝ դարնալ, բրնել, արնել, ձերնոց, արանց, խարը, անպատճար, ծարութիւն (ծառայություն), արարելական և այլն: Բառասկզբում գրաբարի ո-ն շատ բառերում փոխվել է՝ օչ, օվ, օսդի, Օվանէս, ինչօր:

Կը-ին մասնիկին զուգահեռ գործածվում է նաև կի մասնիկը՝ կի կարավարին, կի քալէ, կի տեսնունք: Հաճախ միևնույն նախադասության մեջ են հանդիպում երկու մասնիկները զուգահեռաբար՝ «ամէներեանս կու յուստանանք մէկմէկի ու կի կապվինք մէր ձերնազրօվն ու մօհրօվն» (95): Վաղակատարը կազմվում է՝ իլ մասնկով՝ քալի է, զնացիլ է, հանիլ է և այլն: Խոսվածքին բնորոշ բերականական մասնիկներից են՝ պի (պիտի-պիլար, պի ունենան,

պի զար, չի պի կարենան,), զէ (զի), եփօր, վոլ, վօվօր, հի վօվ (ամեն մեկը), հի օր (որևէ մեկը): Ըստ էռթյան բարբառային այս իրողությունների մի մասը կարելի է հանդիպել վաղ աշխարհաբարը ներկայացնող՝ Ստ. Լեհացու, Ստ. Ռոշքայի ստեղծագործություններում:

ԴՐԻՄ: Նույն մոտեցմամբ բնագրերը քննելիս հնարավոր է պարզել Ղրիմում հայկական ներկայության և այնտեղ հայերեն խոսակցական տարբերակի հարցը:

Միջնադարում Ղրիմում առկա էր հոծ հայ համայնք: Դեռևս 15-րդ դարի վերջում, համաձայն ոչ հայկական աղբյուրների տվյալների, հայերը կազմում էին Ղրիմի բնակչության մոտ 1/3-ը, այնտեղ ունեին 30-ից ավելի եկեղեցիներ: Ստվար բնակչության առկայությունն է առիթ տվել, որ Ջենովական աղբյուրներում Ղրիմի հարավարևելյան հատվածը հաճախ կոչվել է «Armenia Maritima» – Ծովային Հայաստան»¹⁴:

Այստեղ ուշ միջնադարում գործել են բազմաթիվ ստեղծագործողներ՝ գրողներ և տաղասացներ Խաչատոր Կաֆայեցին (1610-1686 թթ.), Վրթանես Կաֆայեցին (XVII դար, ծնունդով Այրարատից), Վարդան Կաֆայեցին (1615-1712), Սարտիրոս Ղրիմեցին (XVII դար) և ուրիշներ: Նրանց ստեղծած տաղերի մեծ մասը գրված է աշխարհիկ ուրույն լեզվով: Այն հայերենի մի խոսվածք էր, որ թեև հետագա շարունակություն չունեցավ (1778 թ. ղրիմահայերը տարհանվեցին Նոր Նախիջևան), սակայն վկայում է, որ առանձին վերցրած զաղթավայրում նույնպես մշակվում ու գործածվում էր աշխարհաբարի մի տարբերակ:

Ամփոփենք: Աշխարհաբարի սկզբնավորումը համընկավ հայության՝ տարբեր վայրերում կենտրոնացման հետ, այն որոշ իմաստով այդ տարակենտրոն գոյակցության արդյունքը հանդիսացավ: Աշխարհաբարի ի հայտ գալու շրջանում մեր ժողովուրդը տնտեսական, մշակութային, կրթական առումներով կենտրոնացած էր մի քանի խոշոր զաղթավայրերում, որոնք կազմավորվում էին զանազան վայրերից եկած հայերի հոծ խմբերից: Այս վայրերում մշակվում, հղվում էր նոր հայերենը՝ իր իմքում ունենալով տվյալ

¹⁴ Դիվան հայ վիմագրության, հասոր VII, Երևան, 1996, էջ 11:

կենտրոնում գործածվող խոսակցական տարբերակի, բարբառի համակարգը:

Աշխարհաբարի ձևավորման այդ վայրերն անվանում ենք «լեզվական կենտրոններ», որպիսիք կարող են լինել Նոր Ջուղան, Կ.Պոլիսը, Դրիմը, Եվրոպայում Տրանսիլվանիա-Լեհաստանը:

Բուն Հայաստանում նման հիմնական կենտրոնն էր Արարատյան նահանգը: Վանը, օրինակ, լինելով գրչության խոշոր կենտրոններից մեկը, լեզվական առումով մեծ արդյունք չի տվել ուշ միջնադարում: Վանի բարբառով (խոսքը բարբառի այս կամ այն հատկանիշը պարունակող բնագրերի մասին չէ) առաջին գրվածքներն ի հայտ են գալիս 19-րդ դարի երկրորդ կեսին, օրինակ Արիստոկես Տեր-Սարգիսյանցի ԾՊանդուխտ վանեցին* վեպը, Շերենցի «Վանայ սազը» և այլն¹⁵: Կարինում կամ ծագումով կարինցիների ստեղծած երկերը (Հակոբ Կարնեցի և այլք) հիմնականում գրաբարախառն լեզվավիճակ են ներկայացնում, և դրանք աշխարհաբարի նմուշներ չի կարելի համարել:

«Լեզվական կենտրոններում» ստեղծվել են բազմաթիվ երկեր, գրաբարին զուգահեռ տարբեր հեղինակներ գրել են իր ժամանակի խոսակցական այս կամ տարբերակով, որոնք կրում են հեղինակի բնակավայրի լեզվական ազդեցությունն ու կնիքը:

«Լեզվական կենտրոններում» ստեղծված երկերի լեզվի քննությունն այդպիսով էական նշանակություն է ստանում՝ պարզելու համար, թե ավելի ուշ նորմավորված և գրական դարձած աշխարհաբարն իր սաղմնավորման շրջանում խոսակցական որ տարբերակից ինչ միավոր էր ժառանգում (հնյունական համակարգ, բառապաշտարային շերտ, անվանական ու բայական առանձնահատկություն և այլն), որոնց հանրագումարը տվել է լեզվական նոր որակ վերաճելով նորմավորված գրական լեզվի:

Որպես ընդհանուր եզրակացություն պետք է փաստել, որ վաղաշխարհաբարյան փուլում նոր հայերենը (խոսքը բարբառների մասին չէ) լեզվական կենտրոններում գործածվող լեզվավիճակների, խոսակցական տարբերակների մի փունջ էր, իսկ նորմավորումը

¹⁵ Արիստոկես Տեր Սարգիսեանց, Պանդուխտ վանեցին, Կ.Պոլիս, 1875, 166 էջ: Գերգ Շերենց, Վանայ սազ, Թիֆլիս, 1885, 189 էջ:

Ներկայիս պատկերացմամբ ի հայտ եկավ ավելի ուշ, դա տեսնում ենք 18-րդ դարի կեսերից:

Норайр Погосян – Роль армянских колоний в формировании новоармянского языка “ашхарабар”. - В формировании нового этапа армянского языка большую роль сыграли крупные армянские колонии. Как в Армении, так и в нескольких центрах за ее пределами были разработаны, распространены те или иные языковые варианты разговорного языка. Эти влиятельные общины были: Константинополь, Новая-Джульфа, Польша, Украина, Крым, которые мы знаем, как "языковые центры".

В статье мы попытались выяснить какое участие имели те или иные варианты в формировании нового языка. В качестве общего вывода можно сказать, что новоармянский язык представлял собой набор различных языковых вариантов, которые использовались в разных центрах. Нормирование появилось гораздо позднее – в середине 18-го века.

Norayr Poghosyan – The Role of Armenian Colonies in the Formation of Ashkharhabar (Middle Armenian). - Armenian colonies played a great role in the formation of the new stage of the Armenian language. In Armenia and outside its borders in several centers the different variants of the Armenian language were being elaborated and spread. Among these influential communities were K. Polis, New Jugh (New Joulfa), Poland and Ukraine, Crimea, which are called 'linguistic centers'.

In the given article we have tried to find out what kind of common linguistic regularities had the works created and what kind of role these variants had in the formation of New Armenian. As a general conclusion, it is mentioned that New Armenian in the early stage of its development was a bunch of variants used in the linguistic centers while its rationing happened a bit later-in the 18th century.

Սանթոյան Արեն (Հայաստան, ՎՊՀ)
Պետրոսյան Լիլիթ (Հայաստան, ՎՊՀ)

ԺԽՏԱԿԱՆ ՄԻԱՎՈՐՆԵՐԻ ԿԱՊԱԿՑԵԼԻՈՒԹՅՈՒՆԸ ԳՐԱԲԱՐՈՒՄ

Ժխտում կարելի է արտահայտել ինչպես արտալեզվական, այնպես էլ լեզվական միջոցներով՝ բառերով և բառահարաբերական ձևույթներով, հնչերանգով։ Գրաբարի ժխտման արտահայտությունը կարելի է քննել միայն լեզվական գրավոր մակարդակում, քանի որ այն բացառապես հենված է մատենագրության վրա։

Ըստ Հ. Աճառյանի՝ ոչ բառը կազմված է ոչ միավորներից, որտեղ ո՞ն բուն բացասականն է, իսկ չո՞ն անորոշի նշանն է։ Ըստ Գ. Զահոնիկյանի՝ ոչ բառը համեմատելի է հունարենի օ՞չի համիմաստ ձևի հետ²։

Մի մասնիկը ծագում է հ.ե. *տե ձեից և պահպանվել է բագմարիվ լեզուներում (հնդկերեն, իրանական, թոխարերեն, թրակերեն, հունարեն, ալբաներեն)³։ Այն առկա է նաև սեմա-հնդեվրոպական և կովկասյան առնչություններում⁴։

Հոդվածում անդրադառնում ենք բառային միջոցներին՝ մի և ոչ բառերի և վերջինից սերված չ երկրորդական ձևույթի կապակցելիությանը և իմաստային առանձնահատկություններին։

Դեռևս վաղ շրջանի քերականական աշխատություններում ժխտական մասնիկներն անվանվել են մակբայներ՝ ըստ բայ-ստորոգյալի հետ կապակցելիության՝ արտահայտելով ժխտական (չէ, ոչ, ոչ իիք, ոչ միով իիք), հրաժարական (չէ, մի, մի իիք), արգելական իմաստներ⁵։ Սակայն Ա. Այտրնյանը նշում է, որ ոչ և չ մասնիկները

¹ Հ. Աճառյան, Հայերեն արմատական բառարան, հ. 3, Երևան, 1977, էջ 561։

² Գ. Զահոնիկյան, Հայոց լեզվի պատմություն, Երևան, 1987, էջ 177։

³ Ն. Ա. էջ 222։

⁴ Ն. Ա. էջ 449, 588, 600, 605։

⁵ pdf, matenagirq hayoc, h. 5, էջ 1236։ Քերականութեան գիրք համառօտիք ծայրաբաղ արարեալ յաղազ մանկանց և նորավարժից կրթութեան ի տառ մատենից և ի գիտութիւնս մասանց բանի ըստ քերթութեան արհեստի, յամի փրկչին 1666, յԱմստերդամ բաղադի, էջ 33։

կարող են կապակցվել նաև ածական և գոյական անունների հետ (յիմաստուն, չաստուած), ուստի և դրանց միանշանակ մակրայ համարելը թերի է⁶:

Ժխտական խոնարհմամբ բայերի խնդրառությանը հայ լեզվաբանության մեջ առաջինն անդրադարձել է դեռևս Հովհաննես Հոլյովը՝ «Յաղագս արգելմանց պահանջողութեանց բայից» վերնագրի տակ կանգ առնելով այն դեպքերի վրա, երբ բայց չի ստանում իր պահանջած հոլովով խնդիրը, ինչպես՝ «Մի՛ երկնշիր, զի....» փին. «Մի՛ երկնշիր յինէն, զի....»:

Ժխտականության ցուցիչները գրաբար մատենագրության մեջ իմաստային տարբեր երանգներ են դրսնորում տարբեր կապակցություններում:

1. Ոչ բառը «լոկ բացասութիւն» իմաստով բացառապես կապակցվում է դիմավոր բայերին նախադաս և ետադաս կիրառություններով, օրինակ⁷. Ոչ զիտէի: Ոչ կամեցաւ: Ոչ եկի լուծանել: Լու և ոչ առնէ: Իբրև գոյխարս, որոց ոչ իցէ հովիւ: Որոճայ ոչ: Յայտնի է, և կարեմք ոչ՝ բացուցանել զՃՄարտութիւն: Զի նչ օգուտ է, եթէ ունիցի որ անդաստան, և սերմանիցէ ոչ:

2. Երկրորդ դեմքով կիրառություններում ոչը հանդես է զայխ հատկապես ստորադասական եղանակի բայաձևերի հետ և որպես «նշանակ արգելման»՝ իր վրա է կրում հորդորական շեշտը, ինչպես՝ Ոչ փորձիցես զՏէր Աստուած քո:

3. Ի տարբերություն երկրորդ դեմքով կառուցների՝ առաջին և երրորդ դեմքով կառուցները հիմնականում արտահայտվում են չեղոք հնչերանգով, երբեմն՝ հարցական, ուր նոյնպես շեշտակիր միավորը ոչ բառն է. ինչպես՝ Վարդապետու ձեր ոչ տայ զերկդրամեաւ:

4. Ոչ բառը կարող է կրկնադրությամբ կապակցվել նաև գոյականներին, օրինակ՝ Արգելեալ կային, զի նոցա ոչ ել և ոչ մուտ, և ոչ զին, և ոչ վաճառ:

⁶ Հ. Վարդապետի Չալքիյան, Քերականութիւն հայկագեան լեզուի, Վիեննա, 1885, էջ 461:

⁷ Շարադրանորս ներկայացվում են ՆՀԲ-ի օրինակները: Տե՛ս Նոր բառզիրը հայկան լեզուի, Ի. Վենետիկ, հ. 2., 1837:

5. Նշված կառուցում ժխտումը կատարվել է քերականական մեկ եզրով, սակայն ավելի հաճախադապ են կրկնակի ժխտման արտահայտությունները, որոնցում ենթակայի և ստորոգյալի համաձայնությունը կատարվում է նաև ժխտման քերականական կարգի միջոցով, ինչպես՝ Զժամանակն՝ որ ի միջի է, և ոչ չորրամբ ոչ լնուել. Ոչ յայտնի և ոչ զաղունի ոչ ամբարշտեցի նախադասության մեջ միաժամանակ ժխտվել են ստորոգյան ու ձեռի պարագան: Ես և ոչ զսի ոք ոչ զիտեմ նախադասության մեջ ստորոգյալը և ուղիղ խնդիրը:

6. Կրկնակի ժխտումը, սակայն, ավելի հաճախ կատարվում է ոչ և չ մասնիկների համատեղությամբ, ինչպես՝ Զնայնանձի և ոչ ընդումեք երբեք: Քահանայից զայն պատիւ ետ, որում և ոչ երեշտակը չին բաւական:

7. Ոչ բարդ կարող է ունենալ նաև անվանողական արժեք՝ նախադասության մեջ հանդես գալով գոյականաբար և հոլովկելով ի վերջադրական հոլովմամբ, ինչպես

ա. ուղղական հոլով՝ Եղիցի ձեր բան, այոն այն՝ և ոչն ոչ

բ. հայցական հոլով՝ Պետրոս ի լուացումն ոտիցն՝ պատույ սակս ասաց գոչն:

գ. բացառական հոլով՝ Յոչէ ի գոլ ածեալ անցուցանելով:

դ. գործիական հոլով՝ Ամենայն բացասութիւն ոչին առազրեցեալ զստորասութիւն առնէ բացասութիւն:

8. Ոչը հանդես է գալիս նաև բառակազմական մակարդակում՝ վերլուծական և համադրական կազմություններում, ինչպես՝ ոչ ոք, ոչ ուստեք, ոչ ուրեք և ոչեղութիւն, ոչէութիւն, ոչէանամ, ոչինչ:

9. Ոչի կրծատմամբ խորում գործածվեում է նաև չ-ցուցիչը կապակցվելով

ա. դիմավոր բայերին, օրինակ՝ Մարդ չէր ոք գործէր: Եւ նա ասէ, չզիտեմ այն.

բ. անդեմ բայերին, օրինակ՝ Չսպանանել զնա: Չզտեալ հանգիստ: Չխոսող և այն.

գ. անուններին, որի դեպքում արդեն ձեռք է բերում ածանցի նշանակություն: Այսպես գրաբարում չ ածանցով ներկայացվում է մոտավորապէս 100 բառ, որոնք ենթադասակարգվում են հետևյալ իմաստային խմբերով.

Անձնանիշ գոյական	Իրանիշ վերացական գոյական	Իրանիշ քանձրա ցական գոյական	Կենդա- նանիշ գոյա կան	Ածական	Մակրայ
շազգ	շազգականու- թիւն	շզարդ	շզա-զան	շախսորոշա- կան	շահագին
շաստուած	շազնուութիւն	շխաղոյք		շանձնափոր	շմարդկապէս
շաստուածու հի	շանսացութիւն			շանսական	
չգիտուն	շանսաւորու- թիւն			շբարի	
չեախսկոպոս	շաօռողութիւն			շբարիոր	
չերեց	շարժանու- թիւն			շբնակաւոր	
շժողովուրդ	շբարերարու- թիւն			շբնաւոր	
շրահանայ	շգիտանք			շէական	
շրահանայա- պէտ	շգիւտ			շկենդանի	
	շգոյ			շկեցու	
	շշութիւն			շհամազգի	
	շխանդադա- տանք			շձեռնիաս	
	շխոստովա- նութիւն			շմարի	
	շկամութիւն			շմշտնջենաւոր	
	շկեզութիւն			շմոռացական	
	շիլութիւն			շյուսաի	
	շմարդութիւն			շոխակալ	
	շմարթութիւն			շուրդափառ	
	շմեղադրանք			շունսոր	
	շմեղադրու- թիւն			շուտելի	
	շմիաբաութիւն			շպէտ	
	շյաջողութիւն			շսուտ	
	շյարութիւն			շվշտաեր	
	շոխակայութիւն				
	շվնասակա- րութիւն				

9. *Մի՛ մասնիկը գրաբարում ունի «արգելման և զգուշութեան» իմաստ, որը կարող էր կիրառվել տարբեր եղանակաժամանակային ձևերի հետ, ինչպես*

ա. Արգելական հրամայականի, օրինակ՝ *Մի՛ երկնչիք, մի՛ երկնչիք*. Վերջինս կարող է հանդես գալ նաև ընդմիջարկությամբ, օրինակ՝ *Մի՛ դու արքայ, և մի՛ դու զայդ բանդ այլ առ մեզ ասեք*:

բ. Ստորադասական առաջին ապառնու, օրինակ՝ *Մի՛ ուսիցէք ի նմանէ և մի՛ հուպ լինիցիք*.

գ. Ստորդասական երկրորդ ապառնու, օրինակ՝*մի՛ այսպէս չարաշար խորհեցուք*.

դ. Սահմանական ներկայի, օրինակ՝ *Մի՛ աղաչեմ....*

10. Սուկ ժխտականության (բացասության) իմաստով կիրառվելիս *մի՛ մասնիկը կարող է հարադրվել*.

ա. Սահմանական անցյալ անկատարին, օրինակ՝ *Երանի թէ մի՛ լինէր ի ձենջ այդ միսիթարութիւն*:

բ. Ստորադասական երկրորդ ապառնուն, օրինակ՝ *Որք մի՛ ճարակեցեն զմահ*:

գ. Անորոշ դերբային, օրինակ՝ *Պարտ էր մի՛ աւելիս գոչել, և մի՛ սուէպ սուէպ հեծել*:

11. Արգելականի *մի* ցուցիչը կարող է հանդես գալ նաև անկախարար, օրինակ՝ *Ասէ ցնոսա, մի՛, գուցէ մինչ քաղիցէք....*

12. Արգելականի *մի* ցուցիչը կարող է զործածվել նաև հարցական երանգով, օրինակ՝ *Մի՞ ամենեքեան առաքեալը, մի՞ ամենեքին մարզարէք*:

13. *Մի* ժխտականով կազմվում են մի շարք հարադրություններ, ինչպես՝ *մի՛ եղիցի, մի՛ լիցի՝ քա՛վ լիցի* իմաստով, *մի՞ եթէ մի՛ թէ իմաստով*, օրինակներ՝ *Ասէ ցնա ծերն. ոչ մի՞ լիցի:* *Ոչ, մի՞ եղիցի տէր այլ առնել զայդայիսիդ:* *Մի՞ եթէ ձրի՞ պաշտէ Յովք զուէր:* *Մի՞ եթէ իբրև ի հարևանցի ինչ նայեցար ընդ մեծ ճգնողն*:

Սյապիսով՝ ժխտական բառերը գրաբարում կապակցվում են տարբեր խոսքի մասերի՝ արտահայտելով բացաման տարբեր իմաստներ:

Aren Santoyan, Lilit Pesrosyan - Interconnection of Negative Units in Grabar.– Negation expression of Grabar can only be examined in linguistic written stage, as it is entirely based on the research of Bibliography. Negation in Grabar was implemented with different linguistic units, from

which the interconnection of words “*ւի*” and “*ոչ*” are examined in this article with different part of speeches by clarifying that they act with different forms and tones in different applications.

Арен Сантоян, Лилит Петросян - Сочетаемость отрицательных единиц в древнеармянском языке. - Выражение отрицания в древнеармянском языке можно исследовать только на письменном языковом уровне, так как оно опирается исключительно на исследования рукописных памятников. Отрицание в древнеармянском языке осуществлялось при помощи различных языковых единиц, из которых в данной статье рассматривается сочетаемость слов “*ԱՌ*” (“не”) и “*ոչ*” (“нет”) с разными частями речи. При этом мы приходим к выводу, что они в различном применении указывают на различные формы и оттенки опровержения.

ԳՈՐԾԱՌԱԿԱՆ ՈՃԵՐԸ ԵՎ ԽՈՍԱԿՑԱԿԱՆ ԼԵԶՈՒՆ

Խոսակցական լեզվի առանձնակի և համակարգային քննությունը մեզանում, ինչպես և համաշխարհային լեզվաբանության մեջ, ձևավորվել ամրակայվել է անցյալ դարակեսին: Այդպիսի ուսումնասիրությունները դեռևս քիչ են: Այդ կարգի առաջին ժողովածուում ամփոփված է երկու աշխատանք. մեկը թ. Ղարազյույանինն է՝ «Ակնարկներ ժամանակակից հայերեն խոսակցական լեզվի»: Այստեղ, իսկապես, ակնարկային ձևով էլ 118 էջի սահմաններում հակիրճ ներկայացվում են հարցի ուսումնասիրության պատմությունը, խոսակցական լեզվի տարրեր ըմբռնումները, լեզվական և արտալեզվական բնորոշ հատկանիշներն ու առանձնահատկությունները: Մյուս աշխատանքի («Հայերենի հասարակական տարրերակումը Երևանում») հեղինակը Հ. Զաքարյանն է: Որպես հանրականական անդրադարձ խոսակցական լեզվին՝ այն մնում է միակը իր տեսակի մեջ, որում գրական հայերենի հետ համեմատության միջոցով բացահայտված իրողությունները, փոփոխություններն ու միտումները խմբավորվում, վերլուծվում, գնահատվում ու բաշխվում են ըստ հասարակական հատկանիշների: Խոսակցական լեզվի զանազան առանձնահատկություններին, խոսրի կառուցման սկզբունքներին, բնութագրական կողմերին ու յուրահատկություններին առնչվող տարաբնույթ հարցեր են քննվում ։ Սարգսյանի աշխատանքներից մեկում² և մեկուկես տասնյակից ավելի հոդվածներում: Այս շարքում է նաև Լ. Թեյյանի արժեքավոր մի հոդվածը³, որը նվիրված է արդի խոսակցական հայերենի բայա-

¹ Թ.Ա. Ղարազյույան, Հ.Լ. Զաքարյան, Ժամանակակից հայերեն խոսակցական լեզուն, Ե., 1981:

² Լ.Ժ.Սարգսյան, Առօրյա խոսրի կառուցման առանձնահատկությունները, Լեզվի և ուսի հարցեր, 10, Ե., էջ 231-286:

³ Լ.Թեյյան, Բայի բերականական ձևերի կազմության և կիրառության որոշ առանձնահատկություններ՝ արդի խոսակցական հայերենում, Զահուկյանական ընթերցումներ, 2009, էջ 63-74:

կազմության մի քանի կարևոր խնդիրների:

Խոսակցական լեզվի առանձնակի քննության առաջմ վերջին աշխատանքը Հ. Աճառյանի անվան լեզվի ինստիտուտի աշխատակիցներ Լ. Ղամոյանի, Մ. Սարգսյանի, Ա. Քարտաշյանի կողեկտիվ հետազոտությունն է, որը լույս տեսավ անցյալ տարի⁴: Դրանում խոսակցական լեզվի տարաբնույթ դրսերումները հիմնականում դիտարկվում են ըստ կանոնարկման պահանջների: Թվարկած գործերի ցանկն, անշուշտ, կարող է և բերի լինել, բայց ակնհայտ է, որ խոսակցական լեզվի առանձնակի և համակարգված քննությունը մեզանում աչքի չի ընկնում աշխատանքների առատությամբ: Այս հանգամանքը կարելի է բացատրել նրանով, որ մեզանում ավանդաբար լեզվաբանների ուշադրության կենտրոնում են եղել գրական լեզվի օրինաչափություններն ու պահանջնահատկությունները, իսկ խոսակցական լեզվի տարբեր փաստերը ներկայացվել են դրանց զուգահեռ, հընթացу, կամ էլ բարբառագիտության, ոճաբանության, լեզվի տեսության ինչ-ինչ հարցերի քննության առնչությամբ: Արդի խոսակցական հայերենի վերաբերյալ նման մոտեցման կիրառության դեպքերը անհամեմատ տարածված են, նույնիսկ առանձին հեղումներով մեջբերումներ կատարելու անհրաժեշտություն չկա: Այս դեպքում հատկապես ուզում ենք ընդգծել մի շահեկան ու կարևոր սկզբունք, որ, հետևելով դասական լեզվաբանության մեծերին, իրենց աշխատանքներում հաջողությամբ կիրառում են նաև մերօրյա մի քանի վաստակավոր գիտնականներ՝ առկային ավելացնելով նորը: Խոսքը հայերենի զարգացման մյուս փուլերում ևս խոսակցական լեզվի բնույթն ու գործառության ոլորտները, սահմանները պարզելու, գրական և խոսակցական լեզուների փոխհարաբերությունը հնարավորինս հստակեցնելու, խոսակցական լեզվի դրսերման ձևերն ու բնորոշ հատկանիշները բացահայտելու նկատմամբ կայուն ուղղվածության մասին է: Բերենք մի քանի օրինակ:

Լ. Հովհաննիսյանը, որ գրաբարի բառապաշտրի (հատկապես՝ հինգերորդ դարի) համակողմանի հետազոտության ասպարեզում

⁴ Լ. Ղամոյան, Մ. Սարգսյան, Ա. Քարտաշյան, Երևանի խոսակցական լեզու, Ե., 2014:

իր որոշակի ներդրումն ունի, երբեք չի սահմանափակվում միայն վկայված գրաբարյան բառերի առանձնացումով։ Փաստելով, որ նույնիսկ ամենաընտիր գրաբարով գրված գործերում «առկայանում են ժողովրդախոսակցական ոճին բնորոշ բառեր ու բառաձևեր» և դրանց տարբերակումը հաճախ ամենին էլ դյուրին չէ, այնուամենայնիվ նա որոշ սկզբունքների ու շափանիշների կիրառումով տարբերակում է գրական նորմին հարող կամ ժողովրդախոսակցական տարբերը, բառախմբերը գրաբարի ինքնուրույն կամ թարգմանական գրականության նմուշներում⁵։

Գրաբարին նվիրված իր աշխատանքներում այս սկզբունքի հետևողական ու արդյունավետ կիրառողներից է Վ. Համբարձումյանը։ Այսպես, «Հովհան Մամիկոնյանի «Տարոնի պատմության» լեզուն և ոճը» գրքում, այդ երկի բառապաշտի հարստությունը բաժանելով երեք խմբի, դրանցից մեկում զետեղում է «Ժամանակի ժողովրդախոսակցական լեզվից ներթափանցած, այլև հեղինակի բառաստեղծմամբ կամ ինքնուրույն կիրառությամբ դրսեվորված» բառերն ու բառաձևերը⁶։ Տարբեր առիթներով Վ. Համբարձումյանը փաստում է նաև ոչ միայն գրաբարի բառապաշտի, այլև կառուցվածքի մյուս օղակների մեջ ժամանակի խոսակցական լեզվի տարբերի առկայությունը։

Միջին հայերենում գրական և խոսակցական լեզուների տարբնաց զարգացումների, դրանցում եղած փոփոխությունների վերաբերյալ հետաքրքիր ու արժեքավոր դիտարկումներ ունի Լ. Հովսեփյանը։ Լեզվաբանական նորագույն մեթոդներով քննելով միջին հայերենի անվանական և դերանվանական հոլովումները, հոլովատիպերը, առկայացման, թվի ու ձևաբանական այլ իրողություններ, տալով դրանց հարացույցներն ու կադապարները, միաժամանակ հաշվի առնելով միջին հայերենի տարբեր ենթափուլերում խոսակցական լեզվի ազդեցության չափերն ու սահմանները, դրսեւումն ձևերն ու միջոցները՝ Լ. Հովսեփյանը հանգում է ճիշտ եզրակացության, որ արդյունքում լեզուն «ավելի ու ավելի աշխարհիկ երանգ

⁵ Հայրենական թովիաննիսեան, Հայ թարգմանական գրականութեան բառապաշտը (5-րդ դար), Ե., 2007, էջ 66։

⁶ Վ. Համբարձումյան, Հովհան Մամիկոնյանի „Տարոնի պատմության,, լեզուն և ոճը, Ե., 2013, էջ 23։

է ստանում և ժողովրդական – խոսակցական հիմքին մոտենում»⁷:

Այս ամենով հանդերձ խոսակցական լեզվի ուսումնասիրության բնագավառում առկա մի շարք առարկայական և անձնային դժվարություններին գումարվում են նաև նորերը՝ կապված հարցի վերաբերյալ եղած տարակարծությունների, խոսակցական լեզվի զնահատման, ըմբռնման, առանձնացման չափանիշերի և այդ պատճառով առաջացած տերմինային անմիջինակությունների հետ, որոնք լրացուցիչ բարդություններ են ստեղծում:

Որոշակի խմբավորումներ կատարելով՝ անդրադառնանք դրանցից մի քանիսին:

Սկզբնական պարզ պատկերացմամբ խոսակցական է համարվում լեզվական հաղորդակցման այն միջոցը, որն առաջին հերթին ծառայում է մտքերի փոխադարձ հաղորդման անմիջական գործընթացին, դրսեռվում է որպես խոսք, խոսելու գործողություն, խոսողություն:

Այս դեպքում խոսակցական լեզվի նշանակությունը գուգորդվում է կենդանի լեզու, խոսվող լեզու, խոսք, համընդհանուր լեզվի խոսակցական տարբերակ, գործառող լեզու և այլ հասկացությունների հետ:

Մեկ այլ դեպքում խոսակցական լեզվի առանձնացման հիմքում դրվում է խոսքի դրսեռման ձևը՝ բանավոր կամ գրավոր: Եվ որովհետև պատմականորեն բանավոր խոսքը նախորդում է գրավորին, և խոսակցական լեզուն էլ, ունենալով նաև գրավոր դրսեռումներ, գերազանցապես գործառում է որպես բանավոր խոսք, խոսակցական է համարվել յուրաքանչյուր լեզու, որը տվյալ հասարակության կողմից գործածվում է իրեն բանավոր հաղորդակցման միասնական ու ընդհանուր միջոց: Իսկ սա նշանակում է, որ զուգորդվում կամ նույնանում են խոսակցական լեզու և բանավոր խոսք, բանավոր լեզու, գրական լեզվի բանավոր տարբերակ, համընդհանուր լեզվի բանավոր դրսեռում ու այլ իրակույթներ:

Խոսակցական լեզվի տարբերակման, բնութագրման չափանիշ

⁷Տե՛ս Ակնարկներ միջին գրական հայերենի պատմության, Բ, Ե. 1975, էջ 101:

է դիտվել նաև լեզվական նորմը: Հայտարարվել է, որ խոսակցական լեզուն, ի տարբերություն գրական լեզվի, չունի մշակված, կայուն ամրագրված նորմեր, կանոնակարգված չէ, փորձել են այդ հայեցակետով բացատրել նրա կական հատկությունները՝ մի կողմից հակադրելով գրական լեզվին, մյուս կողմից առաջացնելով զուգադրություն խոսակցական լեզու և չնորմավորված լեզու հասկացությունների միջև: Եթե նույնիսկ մի կողմ թողնենք այն հանգամանքը, որ խոսակցական լեզուն էլ ունի իր նորմերը, դարձյալ նման մոտեցմամբ, նման հակադրությամբ ու զուգորդումով չեն կարող բացատրվել խոսակցական լեզվի բուն էռլյունն ու յուրահատությունները:

Տարբերակման չափանիշերի և տերմիննային բազմիմաստության դեպքերի խմբավորման նոր օրինակներ ևս կարելի է նշել, բայց առայժմ բավարարվենք այսքանով, քանի որ հետագա շարադրանքում նույնպես դրանց մասին խոսվելու է: Ավելացնենք միայն, որ հաճախ էլ անհնար է լինում հատակորեն որոշել, թե խոսակցական լեզու տերմինի տվյալ գործածությունը ինչ բովանդակության է և ինչ սկզբունքի արդյունք:

Դժվար չէ նկատել, որ այս տարբեր մոտեցումների հիմքում ինչպես լեզվի կառուցվածքային կողմին, այնպես էլ գործառությանը վերաբերող հատկանիշներն են: Բայց կա նաև զուտ գործառական, ոճարանական հայեցակետը, ըստ որի խոսակցական լեզուն դիտվում է որպես լեզվի գործառական ոճերից մեկը, ուսումնասիրվում ըստ գործառական մյուս ոճերի նկատմամբ դրսենորած առանձնահատկությունների: Այս դեպքում ևս բերած անվիճելի նպաստների կողքին գործ ունենք տերմիննային նոր զուգորդումների հետ: Որոշ դեպքերում տուրք տրվեց ոճերի տարբերակման ավանդական մոտեցմանը բարձր (հանդիսավոր), չեզոք (միջին), ցածր, խոսակցական լեզուն հատկացվեց վերջինին առաջացնելով խոսակցական լեզու – ցածր ոճ զուգորդումը: Այս մոտեցումը տարածում չունեցավ: Որոշ դեպքերում էլ տեսական ըմբռնումների տարբերությունները դարձան տերմինների զուգահեռ գործածության հիմք: Գ. Զահուկյանն, օրինակ, խոսակցական լեզու է համարում լեզվական հաղորդակցության այն ոլորտը, որը միջին դիրք է գրավում նորմավորված գրական լեզվի և բարբառների համեմատությամբ տեղական ավելի

կամ պակաս երանգավորմամբ, որը միաժամանակ յուրատեսակ հիմք-շտեմարան է գրական լեզվի համար: Նա, բնականաբար, գործառական տարբերակը առաջարկեց կոչել նոր տերմինով՝ առօրյա – կենցաղային⁸: Նոյն կերպ վարվեց նաև U. Աբրահամյանը՝ գործածելով առօրյա խոսք և առօրյա ոճ անվանումները⁹: Սակայն սպասված արդյունքը չեղավ, շատ արագ առաջացան նոր գուգորդումներ ու անվանումներ ևս առօրյա-խոսակցական, առտնին խոսք, ընտանեկան լեզու, միջբարբառային (վերբարբառային) հաղորդակցության լեզու, անկաշկանդ խոսք և այլն: Իսկ ինչ վերաբերում է տեսական ըմբռնումների տարբերություններին, այդ մասին շատ դիպուկ է նշում L. Եզեկյանը: «Չնայած գործառական ոճերի տեսության մեջ տարբեր գիտնականների սկզբունքներն ու մոտեցումները հիմնականում իրարամերժ չեն, բայց և այնպէս առանձին հարցերում և հատկապես դասակարգման ժամանակ նկատելի են տարբեր ելակետեր ու դասդասման տարբեր չափանիշներ ու սկզբունքներ»¹⁰: Այդ տարակարծությունները գրական լեզվի գործառական տարբերակների առանձնացման դեպքում չեն խանգարում միասնական տեսակետի ձևավորմանը. անկախ նրանից, թե ինչ չափանիշ է ընտրվում ոճերի դասակարգման համար լեզվի գործառույթները, գործածության բնագավառները կամ որևէ այլ հատկանիշ, բոլորն ել արդի գրական հայերենում առանձնացնում են հայտնի հինգ գործառական ոճերը: Տվյալ դեպքում մեզ առավել հետաքրքրում են այն՝ տարակարծությունները, որոնք մնում են առկախ: Մասնավորապես այդպիսին է խոսակցական լեզվի և խոսակցական ոճի փոխհարաբերության խնդիրը: Ակնհայտ է երկու տարբեր մոտեցումների առկայությունը: Լեզվաբանների մի մասը խոսակցական լեզուն համարում է գրական լեզվի գործառական տարբերակներից մեկը:

⁸Տե՛ս Գ.Բ.Զահորեկյան, Է.Բ.Աղայան, Վ.Դ.Առաքելյան, Վ.Ա.Քոսյան, Հայոց լեզու, 1-ին մաս, Ա պրակ, էջ 5-7, Խան՝ Գ.Բ.Ճյակյան, Ստուգական տեսական առաջնային լեզու, Մ., 1999, էջ 211-212:

⁹Ս.Աբրահամյան, Հայոց լեզու (դասագիրք 8-րդ դասարանի համար), Ե., 1998, էջ 120-121:

¹⁰L. Եզեկյան, Ոճագիտություն, Ե., 2003, էջ 26:

նույնացնելով խոսակցական ոճի հետ, իսկ մի մասն էլ հակված է ընդունելու, որ խոսակցական լեզուն չի կարող նույնանալ խոսակցական ոճին և որպես այդպիսին փոխհարաբերել մյուս ոճերի հետ:

Համաձայնելով այս տեսակետերից երկրորդին՝ անհրաժեշտ ենք համարում նշել մի քանի հանգամանքներ: Անշուշտ, մոտեցումների տարբերությունը հիմնականում բխում է ուսումնասիրության առարկայի բնույթից, լեզվից լեզու տարբեր լինելու հանգամանքից, նույնիսկ նոյն լեզվի տարբեր փուլերում տարբեր դրսերումներով հանդես գալու հատկությունից: Այս առումով էլ նախ պետք է պարզել, թե իսկապես նույնական է խոսակցական լեզուն խոսակցական ոճի հետ, արդյոք գոտնվում է գրական լեզվի գործառական մյուս ոճերի հավասար շարքում, ինչպիսին են նրա լեզվական և ոճական առանձնահատկությունները, ոճական ուղղվածությունն ու հնարավորությունները, զարգացման միտումներն ու յուրահատկությունները և բազմաթիվ այլ հարցեր, որոնց հաշվառումով միայն կարելի կլինի կատարել եզրահանգում:

Ոռու լեզվաբանությունը, որ հարցի ուսումնասիրության ավելի հարուստ փորձ ունի, առաջ է քաշում խոսակցական լեզվի և խոսակցական ոճի մի քանի էական տարբերություններ:

«Խոսակցական ոռուաց լեզու» գրքում մասնավորապես նշվում է, որ ոճական տարբերակումները (գործառական ոճերի առանձնացումը), ըստ երևոյթին, հնարավոր են միայն մեկ համակարգի սահմաններում և խոսակցական լեզուն ոչ թե հակադրվում է գրական լեզվի առանձին գործառական ոճերին, այլ գրական լեզվին ընդհանրապես, հետևաբար հակադրության եզրերից մեկը (խոսակցական լեզուն) չի կարող հավասարեցվել մյուս եզրի բաղադրիչներից մեկի (գրական լեզվի գործառական ոճի) հետ¹¹: Տարբերությունների բացահայտման առումով կարենոր է նաև պնդումը, որ «ի տարբերություն խոսակցական ոճի (և ընդհանրապես գործառական ոճերի) խոսակցական լեզուն թեմատիկ առումով սահմանափակ չէ»¹²:

Նշված հատկանիշներով է առաջին հերթին պայմանավորված

¹¹ Русская разговорная речь, М., 1973, стр. 20-21.

¹² О.Б.Сиротинина, Современная разговорная речь и ее особенности, М., 1974, стр. 25.

խոսակցական լեզուն առանձին, ինքնուրույն համակարգ համարելը՝ ի հակադրություն գրական լեզվի, բայց կան նաև տարբերակման այլ չափանիշեր: Նախ գրական և խոսակցական լեզուներում հանդես եկող նույն միավորները շատ դեպքերում նույնական չեն իրենց գործառությամբ, բացի այդ գոյություն ունի գործառող միավորների քանակային տարբերություն. գրական լեզվի որոշ միավորներ բացակայում են խոսակցական լեզվում և հակառակը:

Խոսակցական լեզվի և խոսակցական ոճի փոխհարաբերության բացահայտումը թերի կլինի առանց արդի լեզվավիճակի հաշվառման, իսկ առկա վիճակով դրանց նույնացումը նպատակահարմար չէ թե տեսական, թե գործնական նկատառումներով: Նույնացումով խզում է առաջանում «ոճ» և «լեզու» հասկացությունների միջև, որոնց դիտարկումը պետք է լինի միասնական: Եթե բացարձակ նույնական չեն լեզուն և ոճը, ապա հարկ չկա այդպիսին համարելու խոսակցական լեզուն և խոսակցական ոճը: Ըստունելով դրանց նույնացումը և նշանակությունների մերձեցումը մի շարք կետերում՝ պետք է անհրաժեշտաբար դիտարկել նաև դրանց մասնավոր հատկություններն ու տարբերությունները:

Բացարձակապես նույնացնել խոսակցական լեզուն գրական լեզվի գործառական ոճերից մեկի հետ նշանակում է այն իր ամբողջ ծավալով ընդգրկել գրական լեզվի մեջ, մինչդեռ այդպես չէ, խոսակցական լեզուն գոյություն ունի ազգային լեզվի կազմում՝ որպես մի ինքնուրույն համակարգ գրական լեզվի կողքին, և կարևոր նրա համակարգային առանձնահատկությունների, գրական լեզվի և վերջինիս գործառական ոճերի հետ ունեցած փոխհարաբերությունների բացահայտումն է:

Նույնացնելով խոսակցական լեզուն ու խոսակցական ոճը՝ համապատասխանաբար նեղացնում ենք դրանցից յուրաքանչյուրի ընդգրկման ու գործառության սահմանները: Եթե խոսակցական ոճը կարող է դրսերվել խոսակցական լեզվում կամ նրա միջոցով, դա չի նշանակում, որ խոսակցական ոճը հանդես է գալիս միայն այդ ծավալով ու ընդգրկումով: Նույն կերպ՝ եթե խոսակցական լեզուն հաճախ է պայմանավորված խոսակցական ոճով, ապա կարող է ունենալ այլ կարգի դրսերումներ ևս: Այս դեպքում էլ վերջնական խոսքը պատկանում է դրանց փոխհարաբերությունների մանրա-

զնին քննությանը, ընդհանրական և տարբերակիչ հատկությունների վերլուծությանը:

Կան նաև առանձին դիտողություններ հենց խոսակցական լեզվի՝ ոճական շերտեր, ենթատեսակներ ունենալու մասին¹³: Հարցի այսպիսի դրվածքի դեպքում, իսկապես, նպատակահարմար չէ խոսակցական լեզուն իր ամբողջ ծավալով գրական լեզվի համակարգ տեղափոխելը, նրա ոճական տարբեր շերտերը գրական լեզվի գործառական ոճերի հետ հավասար շարքում դնելը: Ասվածը հաշվի առնելով՝ դիտարկել և փորձել ենք առանձնացնել նաև առկա վիճակով մեր լեզվում միջոնային փոխանցումների ճանապարհով ձևավորված գործառական ենթատարբերակները որոշ պայմանականությամբ անվանելով խոսակցագեղարվեստական, խոսակցագիտական, խոսակցավարչական, խոսակցահրապարակային, որոնց ըննությունը այս հոդվածի նպատակներից դուրս է:

Sargsyan Nver - Functional Styles and Colloquial Language. - In the present article different approaches of apprehension and evaluation of colloquial language and mainly its stylistic aspects are briefly discussed. The similarities and main differences of colloquial and literary styles (particularly of colloquial style) are described and the problem of varieties formed by interrelations and transmissions between different styles is brought forward. From the carried out analyses we come to the conclusion that the absolute identification of colloquial language and colloquial style in Modern Armenian is rational neither from theoretical nor functional perspectives.

Саргсян Нвер - Функциональные стили и разговорный язык. - В настоящей статье обсуждаются разные подходы понятия и оценки разговорного языка, главным образом стилистические аспекты. Описаны сходства и основные отличия разговорных и литературных стилей (в частности в разговорной речи), выдвигается проблема вариантов, сформированных взаимосвязями и передачами между различными стилями. Необходимые анализы приводят к выводу, что абсолютное отождествление разговорного языка и разговорного стиля на современном армянском языке ни с теоретической, ни функциональной точек зрения не рациональна.

¹³Տէ՛ս Է.Բ.Աղայան, Լեզվանության հիմունքներ, Ե., 1987, էջ 102-103:

Սարգսյան Արմեն (ԼՂՀ, կրթության, գիտության
և սպորտի նախարարություն)

ՀԱՏՈՒԿ ԱՆՈՒՍԱՆՐՈՎ ԿԱԶՄՎԱԾ ԴԱՐՁՎԱԾՆԵՐԸ ԴԱՐԱԲԱՂԻ ԲԱՐԲԱՌՈՒՄ

Լեզուն ազգային մշակույթի, ժողովրդի հոգեբանության և փիլիսոփայության հայելին է: Լեզվի և մշակույթի փոխարարելության հարցը միաժամանակ և՝ բարդ է, և արդիական: Իրենց տարբեր կողմերով լեզուն և մշակույթը խաչաձևվում են իրար՝ թափանցելով միմյանց մեջ: Լեզվի և մշակույթի փոխարարելության հակասականությունը պայմանավորված է նրանով, որ լեզուն և մշակույթի բաղկացուցիչ մաս է, և միաժամանակ այդ մշակույթի ստեղծման միջոց:

Դատ դեպքերում լեզուն ժողովրդի պատմության միակ աղբյուրն է, այն մեծ ներգործություն ունի ազգային մշակույթի, հոգեբանության և ստեղծագործական գործունեության վրա:

Աշխարհի լեզվական պատկերի ազգային առանձնահատկությունը բացատրվում է ժողովրդի մշակույթով, լեզվի կառուցվածքային առանձնահատկություններով, ինչը առավել վառ արտացոլված է լուրաքանչյուր լեզվի դարձվածարանության մեջ:

Աշխարհի դարձվածային պատկեր ասելով՝ պետք է հասկանալ աշխարհի լեզվական պատկերի այն մասը, որը նկարագրվում է դարձվածի միջոցով, ընդ որում յուրաքանչյուր դարձված կատարում է որոշակի գործառույթ շրջապատող իրականության նկարագրության մեջ: Իր զգացմունքայնությամբ աշխարհի դարձվածարանական պատկերը առավել վառ և հստակ է արտացոլում ժողովրդի ողին, նրա ազգային ինքնուրույնությունը, աշխարհի ճանաչողության պատմամշակութային փորձը:

Դարձվածները, արտացոլելով տվյալ ժողովրդի մշակույթի զարգացման երկար գործընթացը, ամրակայում և փոխանցում են սերնդեսերունդ ազգային ավանդույթներն ու կարծրատիպերը: Յուրաքանչյուր լեզվի դարձվածները սերտորեն կապված են տվյալ լեզվով խոսող ժողովրդի մշակույթի պատմության, սովորույթների, գրականության հետ: Այդ կապը առավել հստակ արտացոլված է այն

դարձվածներում, որոնք ունեն հատուկ անուն բաղադրիչ: Հատուկ անուններով կազմված դարձվածները հսկայական տեղեկություն են պարունակում տվյալ հանրության պատմական անցյալի ու ներկայի, սովորույթների, ազգային ինքնատիպության ու հոգեբանության մասին:

Հատուկ անուն բաղադրիչով դարձվածների հիմնական առանձնահատկություններից մեկը բաղադրիչների իմաստային ձուլվածությունն է, որը նրան հնարավորություն է տալիս հանդես գալու որպես լեզվի իմաստաբանորեն անբաժանելի միավոր:

Հատուկ անուններով կազմված դարձվածներով հարուստ է ինչպես գրական հայերենը, այնպես էլ Ղարաբաղի բարբառը: Ղարաբաղի բարբառի՝ հատուկ անուն բաղադրիչով դարձվածների ուսումնասիրությունը ենթադրում է այդպիսի դարձվածների դասակարգում: Ըստ լեզվաբանության մեջ առավել ընդունված սկզբունքների:

Լեզվաբանական գրականության մեջ առանձնացվում են հատուկ անունների հետևյալ խմբերը՝ անձնանուններ, աշխարհագրական անուններ, աստվածությունների, երկնային մարմինների, համաստեղությունների անուններ, պատմական իրադարձությունների հետ կապված ժամանակահատվածների անուններ և այլն: Այս սկզբունքով Ղարաբաղի բարբառի՝ հատուկ անուններով կազմված դարձվածները կարելի է բաժանել երկու մեծ խմբի՝ աշխարհագրական անուններով և անձնանուններով կազմված դարձվածներ:

Ղարաբաղի բարբառը հարուստ է աշխարհագրական տարրեր անուններով կազմված դարձվածներով, որոնց մեջ, ըստ աշխարհագրական անվան բնույթի, կարելի է առանձնացնել հետևյալ ենթախմբերը.

1. Լեռնանուններով կազմված դարձվածներ՝ *Տրզափադ տըւոնալ* (ուղիղ՝ ձիգ կանգնել)¹, *Թիրսա նըման դրլվումը վըւննը կէնալ* (մեկին մեծապես հովանավորել), *Կործը շինիլ Թիրսա սարը* (առատորեն կաթ տալ (կովերի մասին)), *Մըռավա լաշը կըկրդել* (զարունը բացվել).

2. Գետանուններով կազմված դարձվածներ՝ *Թուոր /Արախսը ածէլ/ քըցիլ* (ապարդյուն կորցնել, անտեղի վատնել), *Թուուն /Հրախսէն ճիրան հինչ կըսըրկա նէ* (Եական տարբերություն չի լինի),

Թուոէն մըկրատը(շատ սուր՝ հատու զործիք), **Թուոք/Արախսը տանէլ, ծարավ յըէտ պիրիլ** (մեկին ճարպկությամբ, հնարամտությամբ, խորամանկությամբ գերազանցել), **Թուոէն /Հրախսէն ճուրը** (վարար, հորդ, առատ), **Թըրդէ տըէռնալ** (1.վարարել, հորդանալ, 2. խիստ զայրանալ, կատաղել).

3. Բնակավայրերի անուններով կազմված դարձվածներ՝ **Սիրիր դարկել/ըըշիլ** (արտորել), **քըէթը Տըրքպրօնավը քինիլ** (շատ մեծամիտ՝ զորող լինել), **Նուխվա սէրուն** (բարակիրան և բարձրատոք գեղեցկուիի), **Ղալա/Ակուտի/Սուլթում/Սողում-Գոմօր շինիլ** (հիմնահատակ ավերել), **Ղալա/Ակուտի/Սուլթում/Սողում-Գոմօր տըէռնալ** (հիմնահատակ ավերվել).

4. Արբավայրերի անուններով կազմված դարձվածներ՝ **Յէրուսաղէմ քինիլ** (վախճանվել), **Պըրկըւսապէրքա յըէկած** (արտոնյալ, ընտրյալ), **Պըրկըւսապէրք քըէցած** (զարմացած, շշմած, չտես).

5. Տարբեր մանրատեղանուններով կազմված դարձվածներ՝ **Մէջուն արտը քինիլ** (վախճանվել), **Հունգուստուվա պաշար** (մեծ քանակությամբ ուտելիքի պաշար), **Ասկարանա պէրթումը պըլօկված** (չքափոր, թշվառ) և այլն:

1. Օրինակները քաղված են Ա. Սարգսյանի <<Ղարաբաղի բարբարի բառարան>>, Երևան, 2013 գրքից

Առավել տարածված են անձնանուններով կազմված դարձվածները, որոնք պայմանականորեն բաժանել ենք հետևյալ ենթախմբերի.

1. **Աստվածաշնչան** անուններով կազմված դարձվածներ՝ **Քըրիստոսա մէխւէն թըխւէլ** (ստոր քայլ կատարել), **Խաչած Քըրիստոսա ըուանգը**(դեղին, դեղնազույն), **Ծղամա տէսը**(մեծ քանակությամբ, շատ (մարդկանց մասին)Ծղամա վէրթի(մարդ արարած, մահկանացու), **Ծղամէն շուրէրավը** (մերկ), **Ծղամէն վըխտանց** (շատ հնուց, ի սկզբանե), **Սիմօն ծիրունի տըէռնալ** (խոր ծերության հասնել), **Ըպէշա կառնը** (հեզ, հնազանդ, խեղճ), **Նոյին դուրվին** (հին ժամանակներում), **Պողոս-Աւորոս շինիլ նըստա** (անկարող՝ անընդունակ լինել՝ որևէ բան անելու՝ ձեռնարկելու.)

2. Նշանավոր մարդկանց անուններով կազմված դարձվածներ՝ ամէն մարթ Հասան չի տքէռնալ (ամեն ինչ, ամեն ոք չէ, որից հնարավոր է ցանկալի արդյունք ստանալ), *Մանթաշօվէն /Մօրգանէն ախճիգը/տըղան/թօննը* (1. հարուստ, ունեոր անձ, 2. արտոնյալ անձ), *Նիկալային/ Նաբուն թըլիին* (իին ժամանակներում), *Ղաջաղ Նաբի* (նիհար և տգեղ մարդ), *Լէնինը մըքոալ ա,* *Ըստալինը էն ա սադ* (դաժանությունները՝ բռնույթյունները դեռ շարունակվում են), *Լէնինը քինան ա,* *Ըստալինը կա* (պատվավոր հյուրերի չեմ սպասում), *մըք յըկավ Լէնինը մըքոավ* (ասում են այն ժամանակ, եթք անհրաժեշտության դեպքում մի բան սպառվում՝ խափանվում է), *Ավլարուն կարթիլ/կըտրեկ* (ճառաբանել, ճառախոսել)

3. Բանահյուսական հերոսների անուններով կազմված դարձվածներ՝ *քըքիչի Հասան* (քեփի սիրահար, խրախճակը մարդ), *Լոլմանի տքէռնալ* (անունը հոչակվել), *Քաջ Նազար* (վախսկուտ մարդ), *Հայկա բալա* (հայորդի), *Պըլքպուդուն առըտօրը* (անշահավետ գործ՝ առևտուր), *Պըլքպուդուն դըզդանը շինիլ* (գործը դիտմամբ ձգձգել), *Սօնէն հավըտքէռնալ* (գործը ձգձգվել), *ամպէն Հուտի* (շատ ծովյլ մարդ).

4. Գերդաստանների անուններով կազմված դարձվածներ՝ *Նաստունց անա* (հակառակվող, դեմ եղող), *Մըրրութանց քաշկը* (շատ տգեղ անձ), *Սուսանանց օջաղը տքէռնալ* (կործանվել, ավերվել)։

5. Տարբեր մարդկանց անուններով կազմված դարձվածներ՝ *Զաքին ուսոան* (անտեղի՝ անխմաստ արարք), *քածի Մանաս* (կանացի հատկություն ունեցող՝ կնամարդի տղամարդ), *Ծոլէսին կանտօրը* (խառնաշփոր՝ աղմկալից տեղ), *ծիպի Ծատօր* (շատ նիհար՝ վտիս մարդ), *քառ Թունի* (1. խուլ մարդ, 2. շրջապատի հանդեպ անտարբեր՝ ամեն ինչից անտեղյակ մարդ), *Ծունին ծունը* (մարտ ամսի վերջին տեղացող ձյուն), *Բըրասանց Համբարցուն վըքննէրը* (շափից դուրս մեծ ոտքեր), *Պուղուսէն էծը* (կամակատար):

Ընդհանրապես հատուկ անուն բաղադրիչով դարձվածներին բնորոշ է բաղադրիչների իմաստային ձուլվածության բարձր աստիճանը, որը հետևանք է հատուկ անվան (և ոչ միայն) վերախմատավորման: Արդյունքում որպես դարձվածի բաղադրիչ՝ հատուկ անունը բովանդակային պլանում վերածվում է հասարակ անվան և

Ենթարկվում նույն օրինաչափություններին, ինչ որ հասարակ անունը: Սակայն Դարաբաղի բարբառում կան այնպիսի դարձվածներ, որոնցում հատուկ անունը, լինելով դարաբաղցուն հայտնի իր բնութագրական առանձնահատկություններով, որոշ չափով պահպանել է իր իմաստը, այնպես որ դարձվածի իմաստը կարելի է բխեցնել բաղադրիչների իմաստներից: Օրինակ՝ *Մռով* (*Մռոավ*) և *Թիրս(Թիրս)* սարերի հզորությունն ու մեծությունը իրենց արտահայտությունն են գտել *Մռոավա լաշը կրկըդէ* (զարունը բացվել), *Թիրսա նըման դըլվումը վըէննը կէնալ* (մեկին մեծապես հովանավորել), *կօրծը շինիլ Թիրսա սարը* (առատորեն կաթ տալ(կովերի մասին) դարձվածներում: *Թուռ* (*Թուռ*) և *Արաքս* (*Արախս*) գետերի ջրառատությունը հիմք է հանդիսացել *Թուռէն /Հրախսէն ճուրը* (վարար, հորդ, առատ), *Թուռէն /Հրախսէն ճիրան եինչ կրպըկա սէ* (Էական տարբերություն չի լինի), *Թուռը /Արախսը ածէլ/ քըցիլ* (ապարդյուն կորցնել, անտեղի վատնել), *Թուռէն մըկրատը* (շատ սուր, հատուկ գործիք) դարձվածների առաջացման:

Դարձվածների այս խմբին պետք է հատկացնել նաև այնպիսի անձնանուններով կազմված դարձվածները, որոնցում հանդես եկող անձնանունները իրենց ապրած ժամանակաշրջանով և կատարած գործերով հայտնի են բոլորին, ուստի և դարձվածի իմաստը ենթադրվելի է բաղադրիչների իմաստներից, ինչպես՝ *Քըրիստոսա մէխէն թըխէլ* (ստոր քայլ կատարել), *խաչած Քըրիստոսա ըռանգը* (դեղին), *Ծղամա տէսը* (մեծ քանակությամբ, այսինքն՝ Աղամից հետո ծնվածները), *Ծղամա վէրթի* (մարդ արարած, մահկանացու), *Ծղամէն շուրէրավը* (մերկ), *Ծղամէն վըխտանց* (շատ հնուց), *Ծպէկա կառնը*(խեղճ, հնազանդ), *Նոյին/Նիկալային/Նաբուն դուրվին/թըվին* (իին ժամանակներում) և այլն:

Մի շարք հատուկ անուններ, պակաս հայտնի լինելով, կազմում են այնպիսի դարձվածներ, որոնց իմաստը հենվում է հատուկ անվանը բնորոշ արտաքին կամ ներքին առանձնահատկություններից հիմնականի վրա: Օրինակ՝ *Տրզափադ տըէռնալ նշանակում* է ուղիղ, ձիգ կանգնել, քանի որ *Դիզափայտ* (*Տրզափադ*) լեռը Արցախում հայտնի է վեր սլացող իր ուղղաձիգ կատարով, *Թըրդէ տըէռնալ նշանակում* է 1.վարարել, հորդանալ, 2. խիստ զայրանալ,

քանի որ լեռնային Թրդի (Թղթդէ) գետը, գարնանային ամիսներին խիստ վարարելով, դառնում է ահարկու:

Որոշ դարձվածների իմաստային հիմքում ընկած է հատուկ անձնանվան հիմնական գործառույթը: Այսպես՝ *Ակլայքուն կարթի/կըտքրէ նշանակում է ճառարանէլ* (նկատի ունի հայտնի փիլիստիք Պլատոնին), *Հողմանիտքէռնալ նշանակում է հոչակվել, անվանի դառնալ* (նկատի ունի բանահյուսության մեջ հաճախ հիշատակվող միջնադարյան արաք հայտնի ինքնուս բժիշկ Լոխմանոն, ով հոչակված էր իր հրաշագործություններով), *ամսէն մարդ Հասան շիոքէռնալ նշանակում է ամեն ինչ, ամեն որ չէ, որից հնարավոր է ցանկալի արդյունք ստանալ* (նկատի ունի Գանձասարի կաթողիկոս, հայ ազատագրական շարժման նշանավոր գործիչ Եսայի Հասան Զալայյանին):

Պատմական այս կամ այն իրադարձության հիմքի վրա են առաջացել *Ղալա շինիլ*(հիմնահատակ ավերել), *Ակուտի տքէռնալ* (հիմնահատակ ավերվել), *Ասկարանա պէրթումը պրլօկլած* (չքավոր) դարձվածները, որոնցից առաջինում նկատի է առնվել նշանավոր *Շուշի (Ղալա)* քաղաքի ավերումը և հայ բնակչության կոտորածները 1920 թվականին, երկրորդում՝ *Մասիսիլանցին* գտնվող *Ակոռի* գյուղի կործանումը երկրաշարժից 1840 թվականին, իսկ երրորդում՝ մասնագիտական գրականության մեջ հիշատակվող այն հանգամանքը, որ 18-19-րդ դարերում Ասկերանի բերդի շրջակայքում ավազակները հաճախ էին կողոպտում անգեն անցորդներին:

Բաղադրիչների իմաստային ձուլվածությամբ առանձնանում են այն դարձվածները, որոնց առաջացման հիմքում ընկած են մասնավոր դեպքեր, այս կամ այն պատճառով հայտնի դարձած սովորական մարդիկ: Այս դարձվածների իմաստը հասկանալի է դատնում միայն նրանց ծագման պատմության բացահայտմամբ: Բերենք օրինակներ. *Պըլլպուդուն առըսորը նշանակում է անշահակէտ գործհայտնի զվարճախոս Պըլլպուդին ձուն առնում և վաճառում է նույն գնով, եթե հարցնում են, թեորն է շահը, ասում է. <<Թաքի ծէրքըս առըսորու մաչի ինի>>: Պըլլպուդուն դրզդանը շինի նշանակում է գործը ձգձգէլ. եթե Սելիք-Շահնազարը պատվիրում է Պըլլպուդուն իր հյուրերի համար ձաշ եփել, զվարճախոսը կաթսան*

կախում է առաստաղից և գետնին կրակ վառում, իսկ հյուրերը, երկար սպասելուց ձանձրանալով, մեկնում են²: *Սօնեն հավը տը՛ռնալ նշանակում է գործը ձգձգվել*. Մարտունու շրջանի ճարտար զյուղի բնակիչ Սօնան հավը եփելը դիտմամբ ձգձգել է, որպեսզի հյուրը չապասի³: *Հթունին ծունդ նշանակում է մարտ ամսին վերջին տեղացող ձյուն*. Մարտունու շրջանի Հերհեր զյուղի բնակիչ Աթունը մարտի 31-ին՝ մի արևոտ օր, ոտքով Ստեփանակերտից ճանապարհվել է զյուղ, սակայն, մնալով հանկարծահաս տեղացող՝ առատ ձյան տակ, մահացել է⁴: *Սուսանանց օջաղը տը՛ռնալ նշանակում է կործանվել, բնաջնջվել*. Հստ ավանդության՝ Ասկերանի շրջանի Ալբուլաղ զյուղի բնակչութիւն Սուսանը պղծել է զյուղի սրբավայրը, որի արյունքում Աստված զայրացել և բնաջնջել է նրա ողջ գերդաստանը⁵: *Զաքին ուռոան նշանակում է անտեղի, անհմաստ արայր*. Մարտակերտի շրջանի Հաթերք զյուղի բնակիչ Զաքին, կոլխոզի ժողովի ժամանակ քնելով և հանկարծակի արթնանալով, սկսել է բարձրածայն <>ուռոա>> բացականչել⁶:

Ղարաբաղի բարբարի՝ հատուկ անուններով կազմված մի շարք դարձվածներ գրական և խոսակցական հայերենի համապատասխան դարձվածների համարժեքներն են⁷, որոնք զործածվում են նոյն իմաստով, ինչպես՝ *Սիրիր դարկել /քըշիլ(արսորել), Յերուսաղեմ քինիլ* (վախճանվել):

2.Ա.Սարգսյան, *Արցախյան զվարճախոսություններ*, Ստեփանակերտ, 2014, էջ 18

3.Ա.Սարգսյան, *Արցախյան ավանդություններ*, Ստեփանակերտ, 2007, էջ 82

4. նոյնը, էջ 83

5.Ա.Սարգսյան, *Արցախի բանահյուսությունը*, Երևան, 2015, էջ 250

6. նոյնը, էջ 251

7. հմմտ. Ա.Սուքիայյան, Ս Գալստյան, *Հայոց լեզվի դարձվածարանական բառարան*, Երևան, 1975, Պ.Բեղիբյան, Հայերեն դարձվածքների ընդարձակ բացասրական բառարան, Երևան, 2011
Սոյօմ -Գոմօր շինիլ (հիմնահատակ ավերել), *Պոյօս-Պէտրոս չինիլ նըստա* (անկարող լինել որևէ բան անելու), *ամպէն Հուոյի*(շատ

ծույլ մարդ), *Քաջ Նազար* (վախսկոտ մարդ), *Քըրէիչի Հասան*(խրախ-ձասեր մարդ) և այլն:

Հատուկ անոններով կազմված դարձվածների քննությունը հնարավորություն է տալիս ավելի խոր հասկանալու ժողովրդի կամ նրա մի հատվածի պատմությունն ու բնավորությունը, հոգեբանությունն ու փիլիսոփայությունը: Ինչքան խորը ուսումնասիրվեն դարձվածների առաջացման հիմքերը և զործածության առանձնահատկությունները, այնքան հարուստ կլինեն պատկերացումները տվյալ ժողովրդի կամ նրա ազգագրական կոնկրետ շրջանի մշակույթի մասին:

Sargsyan Armen - Phraseological Units with Proper Nouns in Karabakh Dialect. - In this article the phraseological units with proper nouns used in Karabakh dialect are analyzed. The author divides these units into two groups: units with geographical and personal names thus classifying them by subgroups. Simultaneously the bases of formation of such idioms are presented.

Саркисян Армен - Идиомы с собственными именами в Карабахском диалекте. - В этой статье рассматриваются идиомы с собственными именами в Карабахском диалекте. Автор разделяет их на две группы - идиомы составленные из географических и собственных имен классифицируя их по подгруппам. В то же время представлены основы образования таких идиом.

Սիմոնյան Նեկտար (Հայաստան,
ԳԱԱ լեզվի ինստիտուտ)

ԳՐԱԲԱՐԻ «ՄԻՏՔ, ՄՏԱԾՈՂՈՒԹՅՈՒՆ» ԻՄԱՍՏԱՅԻՆ
ԽՄԲԻ ԲԱՅԵՐԸ

Գ. Զահորկյանը «Հայոց լեզվի պատմություն: Նախագրային ժամանակաշրջան» աշխատության մեջ «Միտք, մտածողություն» իմաստային խմբում, հետևելով Կ. Բարի դասակարգմանը, ընդգրկում է 29 բառիմաստային ենթախումբ, որոնցից միայն 12-ն են բայեր կամ բայարմատներ: Այստեղ կանդրադառնանք հատկապես այն բայերին, որոնք իմաստային և կամ կառուցվածքային տարբերություններ են դրանքում հայերենում և հնդեվրոպական այլ լեզուներում: Ե՛վ Կ. Բարի, և՝ Գ. Զահորկյանի առանձնացրած խմբում առաջինը *Mind* (միտք) բառն է: Անգլերենի բացատրական բառարաններում *Mind* գոյականի համար բերվում են *խելք, բանականություն* իմաստները: Անգլերենի ստուգաբանական բառարանում բերվում են *Mind* գոյականի՝ ինչ անգլերենի *gemynd* հիշողություն, *hniȝ*, *ψերփուȝ*, նախագերմանական *ga-mundiz, որից՝ գործունք *միտք, մտածողություն*, տառածել, ինչ հյուս. *minni* *միտք*, որոնց համար կանխագովում է հ.-ե.*men- մտածել, *h̥ȝet* նախաձևը. բերվում են սկզ. *matiḥ* *միտք*, *munih* իմաստուն, հյուս. բերվում են սկզ. *կանխագուշակել*, մաօմաւ ցանկանալ, ձգտել, մտադրվել, լատ. *mens* *միտք*, հասկացողություն, տեմինի հիշել, *mentio* հիշողություն, լիտվ. *mintis* *միտք*, *jihtēw*, ինչ եկեղեցակալ. *mineti* մտածել կարծել, բայց *h̥ȝon̥g* հիշողություն: Բայց՝ *to mind*, ունի հիշել, մտապահել իմաստները¹:

Յ.Պոկորնի բառարանում հայերենի իմաստ բայց նշվում է հ.-ե.*men- նախաձևին հանգող արմատների մեջ²: Հ. Աճառյանը իմաստ բայի ծագման մասին խոսելիս բերում է Պ. Լազարդի, Ս. Տերվիշյանի, Ա. Մեյերի կարծիքները՝ ոչ մեկն էլ ստույգ ու վերջնական չհամարելով: Մեյերն համեմատում է հայ. իմաստ-ը հբգ.

¹ www.etymoline.com

² J. Pokorny, *Indogermanisches Etymologisches Wörterbuch*, I band, Franke Verlag Bern and München, 1959, p.727.

տառոմ, ինչպես նաև լիտվ. *i*-մանա՞ ձևերի հետ: Աճառյանը նշում է նաև Հ.Պետրոսենի կարծիքը. վերջինս հայերեն իմանամ բայր լատ. եմօ, երե ձևերի հետ ծագած է համարում հնի. *em- արմատից՝ հղելով Յ. Պոկռոնու բառարանին, սակայն այդ բառարանում *em- նախաձեռն հանգող ձևերի մեջ չի նշվում հայերեն իմանամ բայր³: Գ. Զահուլյանը և «Հայոց լեզվի պատմություն: Նախագրային ժամանակաշրջան» աշխատության մեջ, և «Հայերեն ստուգաբանական բառարանում» նույնպես իմանամ բայր համարում է բնիկ հնդեվրոպական և գրում է, որ «հավանաբար հ.-ե. *em- վերցնել արմատից». նա բերում է այդ արմատի գուգահեռները հնդեվրոպական այլ լեզուներում՝ լատ. եմօ, հին իու. որ վերցնել, ընդունել, լիտվ. imti վերցնել, հին ալ. imtēti վերցնել, ունենալ, և կանխադրում է իմաստային հետևյալ անցումները՝ վերցնել, բռնել, ըմրոնել: Նա, ինչպես և Աճառյանը, նշում է նաև Մեյեի կարծիքը՝ *men- մուածել ձեից ծագած լինելու մասին, և առարկում է՝ անբացատրելի համարելով բառակազի ի-ի առկայությունը⁴: Նշված լեզուներից ոչ մեկում, որոնցում կան այդ արմատները, Զահուլյանի նշած վերցնել-բռնել իմաստներն առկա են, ըմրոնել-իմանալ իմաստային անցումներ վկայված չեն (հմմտ. լատիներենի, սլավոնական լեզուների համապատասխան արմատների իմաստները. լատիներենում եմօ արմատն ունի զնել, ձեռոր բերել իմաստները⁵, սլավոնական լեզուներում имետъ, իմետи, իմամъ արմատները նույնպես ունեն վերցնել, ունենալ իմաստները)⁶:

Կարծում ենք, որ իմանալ բայի ծագման վերաբերյալ ավելի հավանական է Ա. Մեյեի և Յ. Պոկռոնու (հավանաբար հետևելով Մեյեին) կարծիքները. նրանք այն հանգեցնում են հ.-ե. *men- նախաձեռն: Յ. Պոկռոնու բառարանում բերվում են *men- նախաձեռից ծագած և իմաստային մերձավորություն ունեցող արմատներ հ.-ե.

³Հ.Աճառյան, Հայերեն արմատական բառարան, ԵՊՀ հրատ., հ. 2, Ե., 1973, էջ 241 (այսուհետև՝ ՀԱԲ):

⁴Գ.Զահուլյան, Հայերեն ստուգաբանական բառարան, «Ասողիկ» հրատ., Ե., 2010, էջ 285 (այսուհետև՝ ՀԱԲ):

⁵И.Х.Дворецкий, Латинско-русский словарь, М., Изд-во «Русский язык», 1976, с. 368.

⁶М.Фасмер, Этимологический словарь русского языка, М., Изд-во «Прогресс», т. 2, 1986, с. 129.

զրեքե բոլոր լեզուներից. դա պետք է համարել բնական, քանի որ այնպիսի հասկացութիւններ, ինչպիսիք իմանալը և զիտենալն են, չեն կարող գոյություն չունենալ լեզուներում: Հ.-ե. *men- արմատից են հին հնդկ. *mánayaté* մտածում է, ավեստ. *manah* բանականություն, միտք, հուն. μαομαι *ցանկանալ*, *ձգտել*, մտադրվել, լատ. *memini* հիշել, մտաբերել, հին իոլ-*do-moiniur* մտածել, հավատալ, գոր. *man, տուն մտածել, համարել, լիտվ. *menù* մտածել, հին եկալավ. տեղյօ, տեռել մտածել, նույն արմատից թօ-տեռել *հիշել*, մտաբերել, թոխ. Ա տուն մտածել, թոխ. Բ տան *ցանկանալ*, պահանջել: Պոկռոնին հայերենի i-մանամ-ի համար կանխադրում է *menā-*mi* ձևը, իսկ լիտվ. iš-monis-ը համարում է արմատի լիածայն, ձայնդարձի բարձր աստիճանով կազմված արմատ:⁷

Հայերենի իմանալ բայի իմաստների մեջ և՝ Նոր Հայկագեան բառարանում, և Աճառյանի արմատական բառարանում, և՝ Զահուկյանի ստուգաբանական բառարանում բերվում են *հասկանալ*, մտրով ըմբռնել, խորհրդածել, մտածել, համարել, ենթադրել, զգալ իմաստները, որոնք համահունչ են հնդեվրոպական մյուս լեզուներում պահպանված իմաստներին: Իմանալ բայի բառասկզբի ի-ի առկայությունը, որը հիմք է տալիս Զահուկյանին շընդունելու Ա. Մեյեի կարծիքը, կարելի է բացատրել հայերենին հատուկ օրինաշափությամբ. հիշենք հայերենի ինն բառի բառասկզբի ի-ն, որը զուգահեռ ունի միայն հունարենում, իսկ հ.-ե. մյուս լեզուներում այն չկա: Ֆ. Վինդիշմանը հայերենի ինն բառի ի-ն և հունարենի նույն բառի է-ն համարում է հավելված⁸: Եթե այս բառում կարող էր հավելված լինել, ինչու չի կարելի ենթադրել, որ այս դեպքում ևս ի-ն հավելվածային ձայնավոր է:

Հաջորդ բառը և Բարի, և՝ Զահուկյանի բառացանկում *think/մտածել-ն* է, որի համար Բարը նշում է երկու իմաստ. մեկը՝ *խորհել*, *խորհրդածել* (17.13), մյուսը՝ *կարծել*, *ենթադրել* (17.14)⁹: Think անգլերենում միայն բայական իմաստ ունի, իսկ միտք գոյականական իմաստի համար գործածվում է thought բառը: Գ. Զահուկյ-

⁷ Յ.Պոկռոնի, նշվ. աշխ., էջ 726-728:

⁸ ՀԱԲ, հ. 2, էջ 244:

⁹ C.D.Buck, *A Dictionary of selected Synonyms in the principal Indo-European Languages*, The University of Chicago Press, Chicago-London, 1949, p. 12002-12006.

յանը 17.13 խմբում դնում է զմտաւ ածել բայր, իսկ 17.14-ում՝ ունիմ առ համարել: Զմտաւ ածել-ը, բացի խորհել, խոկալ, իմանալ իմաստներից, ունի նաև կարծել, համարել նշանակությունները: Հայերենում մտածել նշանակությամբ բայերը հիմնականում հարադրություններ են, իսկ միտ բառով կազմված են հարադրություններ՝ *միտ առնել*, *միտ դնել*, *միտս դնել*, *ի մտի դնել*, *ի միտ առնուլ*, *ի միտս զալ*, զմտաւ ածել, ընդ միտ մտանել, *ի մտաց անկանել* և այլն, որոնք արտահայտում են իմաստային տարրեր նրբերանգներ¹⁰: Հետաքրքիր է, որ անզլերենում ևս think բառը, տարրեր նախդիրներով գործածվելով, արտահայտում է այնպիսի իմաստներ, որ շատ մոտ են հայերեն հարադրությունների նշանակություններին. օրինակ՝ *to call/bring something to mind – հայ.* ի մտի դնել *հաստատել*, *վճռել*: Այսինքն՝ հ.-ե. լեզուներում այս արմատը իմաստային նմանատիպ զարգացնումներ է ունեցել:

Մյուս բայր, որին ուզում ենք անդրադարնալ, understand/հասկանալ բայն է: Գ. Զահուկյանը այս ենթախմբում, բացի հասկանալ, ըմբռնել, իմանալ բայերից, նշում է նաև մանել բայր, որը ինքն է ստուգաբաննել՝ կապելով հ.-ե. *men- արմատին, չնայած ավելացնում է նաև «եթե այն մանել բայի փոխարերական գործածությունը չէ»¹¹: Աճառյանը մանել բայի մանի ձևն է միայն նշում՝ զրելով «խօսող» և ավելացնում է, որ կա միայն Երեմիա Մելքոնյանը բառարանում¹²: Մանել բայր Ս. Սալիսանեանցը բացատրում է *հասկանալ* և համարում է ծածկալեզվում գործածվող բառ¹³: Մանել բայր իբրև հասկանալ բայի հոմանիշ բերված է նաև Ս. Սուրբիայանի հոմանիշների բառարանում¹⁴: Եթե ճիշտ է Գ. Զահուկյանի՝ մանել բայի հ.-ե. *men-նախաձերին հանգելու ենթադրությունը, կարելի է եզրակացնել, որ

¹⁰ Տե՛ս՝ Նոր բառզերք հայկագետն լեզուի, Վենետիկ, 1987, հ. 2, էջ 281-282 (այսուհետև՝ ՆԲՀ):

¹¹ Գ. Զահուկյան, Հայոց լեզվի պատմություն: Նախազրային ժամանաշրջան, ՀՍՍՀ ԳԱ հրատ., Ե., 1987, էջ 278 (այսուհետև՝ ՀԼՊ):

¹² ՀԱԲ, հ. 3, էջ 253:

¹³ Ս. Սալիսանեանց, Հայերէն բացատրական բառարան, 1945, հ. 3, էջ 251:

¹⁴ Ս. Սուրբիայան, ՀՍՍՀ ԳԱ հրատ., Ե., 1967, էջ 370:

*men- արմատը հայերենում արտացոլվել է և՝ մանել, և՝ իմանալ տարբերակներով:

Հետաքրքիր է հայերեն մոռանալ բայի՝ հնդկվրոպական լեզուներում եղած համապատասխանությունները: Կ. Բարի բառարանում 17.32 համարը forget բայն է: Հ. Աճառյանը մոռանալ բային նվիրված բառահոդվածում գրում է, որ ստուգաբանել են Ս. Տերվիշյանը և Ս. Բուզգեն միմյանցից անկախ՝ համարելով բնիկ հնդկվրոպական արմատ՝ h.-ե. *mer-, *mer-s- նախաձից¹⁵: Յ.Պոկռոնու բառարանում բերվում են այդ արմատի՝ հնդկվրոպական մյուս լեզուների՝ հին հնդկերենի, զոքերենի, հին վերին զերմաներենի, հին ֆրիզերենի, լիտվերենի համապատասխանությունները: Չկան անգլերենի՝ այդ արմատից կազմված բառեր¹⁶: Forget-ը անգլերենի ստուգաբանական բառարանում բացատրվում է մոռում որևէ բան վերականգնել ձախողելլը, մտարերելու ուժ չունենալ, չկարողանալ հիշել. բայի ծագման մասին նույն բառարանում ասվում է, որ այն կազմված է for- հեռու, հակառակ և *gietan< get բռնել արմատներից. Վերջինի համար վերականգնում են *ghend, *ghod- նախաձևերը (վերցնել, բռնել իմաստներով), որից կազմվում է un-get, և ունի հիշողությունից մտքից կորցնել հանել իմաստը: Բերվում են հին սարսուներն fargetan, դանիերեն vergeten, զերմաներեն vergessen բոլորն ել մոռանալ իմաստով¹⁷:

Հնդկվրոպական այլ լեզուներում մոռանալ իմաստն արտահայտվում է այլ արմատներից կազմված բառերով. օրինակ՝ Յ.Պոկռոնու բառարանում բերվում է *lā-նախաձից հունարենի լήθω, դոր. լάթօ ձևերը՝ զաղունի լինել, մոռանալ իմաստով: Նույն արմատից է լատիներենի lateō, երեք թարնվել, պահվել իմաստով¹⁸: Իսկ հ.-ե. *mer-s-*mor-s- արմատի *(s)mer – հիշել արմատից են հին հնդկ. smārati հիշել, լատ. memoria հիշողություն, memor հիշող, լավ հիշողություն ունեցող: Պոկռոնին այս նախաձևի տակ նշում է նաև հայ. մորմոր բառը կրկնությամբ կազմված, և բերվում է նաև հունարենի μεμητρίζω, μέρμερος ծանր, դժվար, տանջալի, անտանելի իմաստով,

¹⁵ ՀԱԲ, հ.3, էջ 346:

¹⁶ Յ.Պոկռոնի, նշվ. աշխ., էջ 737-738:

¹⁷ www.etymoline.com

¹⁸ Յ.Պոկռոնի, նշվ. աշխ., էջ 651:

որոնք և՝ կազմությամբ, և՝ իմաստով մոտ են հայերենի մորմոք բառին¹⁹: Հ. Աճառյանը բերում է այս արմատի մասին Պոկոռու ստուգաբանությունը, բայց ինքը որևէ կարծիք չի հայտնում²⁰: Գ. Զահուկյանը մորմոք բառի ծագման վերաբերյալ հղում է Պոկոռոնուն գրելով, որ նա այդ բառը հանգեցնում է հ.-ե.*mer-մտածել, *հիշել հոգալ* նախաձին, իսկ ինքը կապում է *mer- տրորել, շփել նախաձեխն²¹: Պետք է նշել, որ Զահուկյանի նշած *mer-արմատից հ.-ե. մյուս լեզուներում վկայված չեն նմանատիպ իմաստով զուգահեռներ. հմմտ. հին հնդկ. *տրհատի -տրորել, շփել, մանրացնել*, հուն. բարանալ, լատ. *հավանգ, սանդ*, *morbis հիվանդություն*, հին իալ. *տերյա խփել, սերբ. տրվա փշոտ, անզլասարս. mearo նուրը, փխրուն, նորվեգ. moren, maren փտած, մզլած, խեթ. mariattari մանրացրած, կոտրների վերածած*²²: Կարծում ենք, որ մորմոք իմաստը ավելի հավանական է կապել Յ.Պոկոռոնու նշած *մտածել, հոգալ* իմաստով նախաձեխն:

Գ. Զահուկյանի ցանկում է 17.39 հայերեն լուծանեմ (լոյթ) բառն է. Կ. Բարը 17.39 նշում է solve: Հ.Աճառյանը լոյթ արմատը *հալուկ, հեղկային, հալիուկ, ջրջրկոտ, կակուղ* իմաստներով, որից լուծանել բանդել, արձակել, համարում է բնիկ բառ հ.-ե.*leu- կամ *iou-արմատից, «աճել է մեր մէջ -ge/o մասնիկով»: Այնուհետև նշում է հունարենի λύω` *լուծել, արձակել հալեցնել* իմաստներով, սանսկ. *լունատি կորել, հեռացնել, լունա- կորած, լαվ մանգաղ, լատ. լոծ վճարել, re-luս լուծել, so-lvo լուծել, բաժանել, լուս լուծույթ, անմաքուր հեղուկ*²³: Գ.Զահուկյանը լոյթ բառը կապում է հնդեվրոպական *leug-կոտրել, խախտել արմատին՝ համեմատելով հին հնդկ. *rujáti* կոտրում է, ջարդում է, հին անզլ. *to-lúcan* քայքայել, կործանել, լիտով. *laučti* կոտրել²⁴:

Հնդեվրոպական լեզուների ստուգաբանական բառարաններում (և՝ Պոկոռոնու, և Ստարոստինի, և Ուտոկինսի) *leu- արմատի

¹⁹ Յ.Պոկոռոնի, նշվ. աշխ., էջ 969:

²⁰ ՀԱԲ, հ. 3, էջ 349-350:

²¹ ԼՀՊ, էջ 239:

²² Յ.Պոկոռոնի, նշվ. աշխ., էջ 735-736:

²³ ՀԱԲ, հ.2, էջ 293:

²⁴ ՀԱԲ, էջ 300:

համար բերվում է բաժանել (ծելիտ) իմաստը²⁵: Յ.Պոկռոնու բառարանում *leu- նախաձևից ծագած արմատների մեջ չի նշվում հայերեն լոյծ-ը, բայց Հ.Աճառյանի՝ հ.-ե. մյուս լեզուներից բերած ձեւերը իրենց իմաստներով այդ բառահոդվածում առկա են²⁶: Անզերենի ստուգարանական բառարանում ևս solve բառի համար բերվում է նախահնդեվրոպական *se-*lu-*, որի *se-ն* *s(w)e- անդրադարձ դերանունն է, իսկ *lu-ն* հանգում է հ.-ե. *leu- կորցնել, բաժանել, մասնատել արմատին²⁷: Ո՞չ Պոկռոնին, ո՞չ Զահուկյանը և Աճառյանը որևէ օրինակ չեն բերում պալվոնական լեզուներից: Այնինչ Մ.Ֆասմերի բառարանում ուսւերեն լուշտ, լուշ բառերը ունեն բաժանել, առանձնացնել իմաստները. նա բերվում է նաև հին ալավ. լյաւտի, հուն. χωρίζεινς, բուլդ. πλέατη. πλέατη. αποαնձին, ανδρաσ, սերբախորվաթ. լյաւտի, լյաւմ առանձնացնել, ալովեն., չեխ. լոշիտի, սլովակ. լոշիտ', բաժանել, առանձնացնել իմաստներով՝ բոլորն էլ նախապալվոներեն *լոշիտի-ից²⁸: Կարծում ենք, որ այս արմատը առկա է նաև պալվոնական լեզուներում, բայց գործածական են նախածանցավոր օտլուշտի, բայց բառերը: Նախալավոներենի լոշիտի առանձնացնել, անդրաստել իմաստով կա նաև պալվոնական լեզուների ստուգարանական բառարանում, որտեղ բերվում են ոչ միայն հին ալավոներենի և եկեղեցալավոներենի, այլև սլավոնական լեզուների բարբառների՝ այդ բառի ձևերը²⁹:

Симонян Нектар - Глаголы семантической группы „Разум, Мышление,, древнеармянского языка.- В статье рассматриваются глаголы *իմանալ*, *զմուալ* *ածել*, *մոռանալ*, *լոյծ* (*լուծանել*) древнеармянского языка, приводятся соответствующие корни и синонимы других индоевропейских языков. Выявляются семантические различия

²⁵ www.proto-indo-european.ru

²⁶ Յ.Պոկռոնի, Եշվ. աշխ., էջ 681:

²⁷ www.etymoline.com

²⁸ М.Фасмер, Этимологический словарь русского языка, М., Изд-во «Прогресс», т. 2 , 1986, с. 536-537.

²⁹ Этимологический словарь славянских языков. праславянский лексический фонд, М., «Наука», 1990, Выпуск 16, с.132-133.

и сходства, происходившие в процессе исторического развития этих языков, делаются этимологические уточнения.

Simonyan Nektar - Verbs of the Semantic Group of "Mind, Thought" of Old Armenian. - The verbs expressing mind and thought իմանալ, զմուալ ածել, մոռանալ, լոյծ (*լուծանել*) are investigated in the article, their parallels in other Indo-European languages, their semantic changes obtained during the historic development of languages have been represented. The investigation reveals that the verbs expressing these concepts have undergone such changes during the historic development of languages that witness about the presence of typological universalities in these languages. Besides etymological precisions have been done.

Սիրունյան Տիգրան (Հայաստան,
Մատենադարան)

ՎԱՐ ԼԱՏԻՆԱԲԱՆՈՒԹՅՈՒՆՆԵՐ ՔՈՆԱՅԻ ԿԵՆՏՐՈՆԻ
ԹԱՐԳՄԱՆԱԿԱՆ ԵՐԿԵՐՈՒՄ (XIV դ.)

Քոնայի ունիթորների ստեղծած գրականությունը, ինչպես հայտնի է, սպասարկում էր կրոնական քարոզչությանը, ձևավորում մշակութային կախում՝ այն ծառայեցնելու քաղաքակալական նպատակի, սակայն այդ գրականությունը նաև աստվածաբանական բովանդակության կրող էր և հաղորդակցեց ժամանակի սխոլաստիկ մտածողությանը՝ «քրիստոնեական արխատուելիզմի» գաղափարներին։ Այդ երկերի շնորհիվ արևմտյան փիլիսոփայական միտքը տևական դադարից հետո վերստին շարադրվեց, մեկնաբանվեց հայերենով՝ գրաբարն օժնելով կրոնափիլիսոփայական հսկայական նյութով։ Հասկացական այդպիսի ծավալի և բարդության պարագայում սպասելի էր, որ հեղինակները որոնեին արտահայտման նորանոր ձևեր, դիմեին լեզվի ներքին հնարավորություններին կամ օտար միջոցների՝ լատիներենի կաղապարներին, հատկապես որ թարգմանական նախկին փորձն ավանդել էր բարացիության եղանակը ձևավորելով հունարանությունների շերտ։ XIV դ. լեզվավիճակի գնահատականները հակասական են. նախ համարվել է, որ լատիներենի ներգործությամբ գրաբարի «աղավաղումը» ընդգրկել է XIV-XIX դդ. ընթացքը, թեև դրա վաղ դրսուրումը որևէ օրինակով չի վկայվել¹, ապա մերժվել է այդ տեսակետը առարկությամբ, թե ունիթորական գրականության լեզուն ժամանակի սովորական գրաբարն էր²։ Հետազայում երբ շրջանառվեց Հովի. Քոնեցու քերականության ամբողջական տերսութ, լատինատիպ քերականության սկիզբ համարվեց XIV դարը և լատինաբան հայերենի սկզբնավորումը նկա-

¹ Տե՛ս Գ. Զարքիանալեան, Պատմութիւն հայերէն դպրութեանց, Բ. Նոր մատենագրութիւն, Վենետիկ, 1878, էջ 49:

² Տե՛ս Հ. Աճաղյան, Հայոց լեզվի պատմություն, II մաս, Ե., 1951, էջ 310, նաև՝ Գ. Զահուլյան, Գրաբարի քերականության պատմություն, Ե., 1974, էջ 7, Լ. Խաչերեան, Եսայի Նշեցին և Գլածորի համալսարանը (1280-1340թթ.), Լու Անձելլս, 1988, էջ 365-66, նև:

բագրվեց առավելապես այդ տվյալների հղումով³: Սակայն քերականական ուսմունքի այն միավորները, որոնք գուտ կաղապարային նշանակումներ են և մատենագրական որևէ նախադեպ չունեն (օր. իք, եք, օք մասնիկները՝ որպես սեռային ցուցիչներ), իրական չեն լեզվի համակարգում, և կարծում ենք՝ չեն կարող դիտվել իբրև զրաբարի տարրեր՝ թեկուզ ներմուծված և խորք: Լեզվավիճակը իրապես բնորոշելու համար հարկավոր են նաև մատենագրական տվյալներ:

Մեր ուսումնասիրության ընտրանքում հետևյալ երկերն են. «Յաղագու տնօրէնութեանն Քրիստոսի»⁴. ընդգրկում է Թովմա Արվինացու «Summa Theologiae» աշխատության երրորդ մասի (բաղկացած 90 խնդիրներից՝ «quaestiones») 1-ից 59-ը խնդիրները, Ս. Ուղենրինի կազմած քննական բնագիրը⁵. ամփոփում է հիշյալ աշխատության 3, 59 (հոդվ. 5, 6), 60-71, 77 խնդիրները, «Համառու հաւաքումն աստուածաբանական ճշմարտութեան»⁶, որը Ալբերտուս Մեծի «Compendium theologicae veritatis» երկի ամբողջական թարգմանությունն է:

Այս երկերի թարգմանական սկզբունքների ընդհանուր քննությունը պարզում է ներհակ պատկեր: Նախ նկատելի է, որ փորձ է արվել լատիներեն տեքստը արտացոլել ճշգրիտ և ուղղակի՝ շխախտելով բառերի նախնական կազմությունն ու շարահյուսական կարգը, բայց միաժամանակ բառեր են կազմվել ու հարաբերվել նախօրինակ ձևերից անկախ. որոշ շեղումներ ել թույլ են տրվել ոճական նկատառումով, օր. կրկնվող «homo non peccasset» նախադասությունը թարգմանված է երկան՝ «ոչ եք մեղանչեալ մարդոյն», «մարդն

³ Տե՛ս Թովմի, Յաղագու քերականին, Ներածություն, Ե., 1977, էջ 141, Վ. Համբարձումյան, Հատինարան հայերենի պատմություն, Ե., 2010, էջ 109-110:

⁴ Տե՛ս ձեռ. 68, Յաղագու տնօրէնութեանն Քրիստոսի (6ա-276ա), թրգմ. Պետրոս Արագոնացի, Հակոբ Քոնեցի, 1345թ., հմտն. Thomas Aquinas, Summa Theologiae, tertia pars, quaestio 1-59:

⁵ Տե՛ս M. A. van den Oudenrijn, Eine alte Armenische übersetzung der tertia pars der Theologischen Summa des. Hl. Thomas von Aquin, Francke Verlag Bern, 1955, հմտն. Thomas Aquinas, Summa Theologiae, tertia pars, quaestio 60-71, 77:

⁶ Տե՛ս ձեռ. 66, Համառու հաւաքումն աստուածաբանական ճշմարտութեան (3ա-120ա), ԺԴ դ., հմտն. Albertus Magnus, Opera omnia, Compendium theologicae veritatis, volumen 13, p. 1-148, ed. Jammy, Lyon, 1651:

ոչ էր մեղանչեալ» (հմմտ. ՍՄ68,9ա, STh,III,q.1,a.3,arg1*) ևն: Բացի այդ թարգմանությունները երբեմն նաև թերի են (բացակա հատվածներ. հմմտ.՝ ՍՄ66, 8ք, 14ա, CThV, 7, 15 ևն). 68 ձեռագրի որոշ հատվածներ, որոնք վերաբերում են կաթոլիկ դավանանքի առանցքային սկզբունքներից մեկին՝ Քրիստոսի երկարնակ էությանը, կրծատված են, օր. «(filius Dei) est homo» բառերը (20ա, հմմտ. q.2,a.8,co.), սրբագրված է մեկնական մի տող, որտեղ Քրիստոսի երկարնակ լինելը ներկայացված է ոչ հաստատապես, այլ իբրև քննելի խնդիր. «Երեսի թէ ի Քրիստոս ոչ իցէ միայն մի գոլ» (92ա), շարունակությունը «այլ երկու», բացակայում է, հմմտ. «Videtur quod in Christo non sit tantum unum esse, sed duo». (q.17,a.2,arg.1): Նկատված հատվածները, հազվադեպ լինելով, չեն աղճատում աշխատության ընդհանուր բովանդակությունը, բայց հաշվի առնելով անտեսված բառերի կարևորությունը՝ բացառված չէ, որ միջամտությունը եղել է միտումնավոր:

Թարգմանական երկերի նորաբանությունները, որ ստեղծվել են բնօրինակ ձևերին համարժեք, ուղղակիորեն կրում են լատիներենի բառային կաղապարների ազդեցությունը: Դրանց քննությամբ կարելի է պարզել բառակերտման գործուն եղանակները, ընդորինակված և ինքնատիպ կազմությունների հարաբերակցությունը, որոշել լատինատիպ կաղապարների կենսունակությունը և ընդգրկումը:

1. Նորաբանություններ^{*}: Քննվող երկերում նոր բառեր զլիսավորապես կերտվել են նախածանցների կցումով. դրանց գերակշիռ մասը նույնությամբ արտացոլում է նախօրինակների կառուցվածքը՝ շեղվելով զրաբարի բուն ձևերից: Նախածանցավոր նորաբանությունները, լատիներեն բառերի հետևողությամբ, ամփոփում են շարահյուսական հարաբերություններ՝ նախդիր-գոյական կամ մակ-

* Համառոտագրություններ. STh- Summa Theologicae, q.-quæcastio, a.-articulus, arg.-argumentum, co.-commentarius, s.c.- sed contra, pr.- prooemium, CThV- Compendium theologicae veritatis, Oud.- Oudenrijn.

* Բառերը նորակազմ են համարված հետևյալ բառարանների համեմատությամբ. Գ. Աւետիքեան, Խ. Միկուեան, Մ. Աւետիքեան, Նոր բառերից հայկագեան լեզուի, Վենետիկ, 1836-37, Լ. Հովհաննիսյան, Գրաբարի բառարան. Նոր հայկացյան բառարանում չվկայված բառեր, Ե., 2010:

բայ-բայ, որոնք կանխում են բայիմաստի մասնավորեցումը անջատ լրացումների միջոցով («համարագաւորել (UU68,270w). conregnare (q.58,a.1,co.)», փխ.՝ միասին թագաւորել «նախապահանջել (UU68,22p). praeexigere (q.2,a.11,ad2)», փխ.՝ նախապէս պահանջել ևն), մինչդեռ այն բնորոշ է դասական հայերենին (հմմտ. «Եւ պատուիրեաց Տէր Աստուած Աղամայ եւ ասէ, Յամենայն ծառոց որ է ի դրախտիդ ուտելով կերիցես...» (Ծննդ.Բ,16-17), «Praecepitque ei dicens ex omni ligno paradisi comedere de ligno...» (Gn.2,16-17)): Սրան գումարվում է նաև այն, որ ընդօրինակված նախածանցը երբեմն արդյունավետ միավոր չէ, այլ միայն հավելադիր մասնիկ, որը բարին չի հաղորդում լրացուցիչ իմաստ. «Խակյաւելեալ (UU68,14p). adjuncta (q.2,a.2,co.)», «համասիրելի (UU66,8w). dilectus (CThV,7)» ևն:

Նորակազմությունների նախածանցները, ըստ կենսունակության, հետևյալն են.

համ- (=cop-). «համանստել (UU68,265p). considere (q.57,a.1, ad2)», «համայաւելումն (UU68,23p). coappositio (q.3,a.1,ad1)», «համազանգուածութիւն (UU68,9w). commensuratio (q.2,a.1,co.)», «համաքարշեմ (UU68,75w). contraho (q.14,a.3,arg.1)» ևն,

նախ- (=prae-, ante-). «նախածանաշեմ (UU68,28p). praescio (q.3,a.8,co.)», «նախենքաղըեմ (Oud.,200). praesuppono (q.77,a.4,ad3)», «նախապահպանեմ (Oud.,104). praeservo (q.61,a.1,co.)», «նախակայութիւն (UU68,113w). antecessio (q.24,a.1,ad3)» ևն:

արտ- (=re-, trans-, abs-). «արտալուծումն (Oud.,143). resolutio (q.66,a.4,ad2)», «արտայեղուլ (UU68,124w). redundare (q.27,a.3,co.)», «արտաքայլել (UU66,52p). transcendere (CThV,66)», «արտաքարշեմ (UU68,25w). abstraho (q.3,a.3,ad3)» ևն:

ներ- (=in-). «ներյեցել (Oud.,197. inhaerere (q.77,a.2,co.)», «ներսահել (UU66,13p). illabor (CThV,14)», «ներպարարեմ (UU68,65w). includo (q.11,a.3,ad1)» ևն,

տար- (=de-, se-). «տարաշափական (Oud.,195). dimensiva (q.77,pr.)», «տարաշափութիւն (UU68,62p). dimensio (q.11,a.1,arg.2)», «տարապատեալ (UU68,63p). separatus (q.10,a.3,ad3)» ևն,

ան- (=in-). «անխելամուտ (UU66,37w). indocilis (CThV,46)», «անչափակցութիւն (UU66,10p). improportionabilitas (CThV,10)» ևն,

անդր- (=re-, e-). «անդրահոսումն (UU66,22w). recessus

(CThV,26)», «անդրաշրջեալ (ՄՄ66,36ա). eversa (CThV,46)» ևն,

վեր- (=de-, super-). «վերաւարում (ՄՄ68,13ա). determinatio (զ.2,a.1,s.c.)», «վերնագոյացական (ՄՄ66,3թ). supersubstantialis (CThV,2)» ևն, նաև բաց- (=de-). «բացեազում (ՄՄ68,105ա). desum (զ.21,a.3,co.)», շար- (=con-). «շարայօդեմ (ՄՄ66,53թ). compono (CThV,68)»: Ածանցները երբեմն փոխարինվել են նախադրությամբ և մակրայով. «յառաջադիտեալ (ՄՄ66,53ա). praestitutus (CThV,66)», «յանդիմանկացուցանել (ՄՄ68,259թ). praebere (զ.55,a.3,ad4)», «յառաջզամ (ՄՄ68,032թ). procedo (զ.4,a.5,arg.2)»:

Ընդօրինակումներին զուգահեռ լատիներենի նախածանցավոր կադապարները նաև մասամբ կամ լրիվ անտեսվել են. դրա մի դրսնորումը նախածանցների տարարժեքությունն է՝ «համամարտութիւն (ՄՄ68,96թ). impugnatio (զ.18,a.6,arg.3)», նկատելի են նաև ինքնուրույն նախածանցման դեպքեր. «համանշանակութիւն (Oud.,102). significatio (զ.60,a.7,ad3)», «շարազուգել (ՄՄ68,6թ). jungere (զ.1,a.1,arg.2)», «ներպարառութիւն (ՄՄ66,10թ). ambitus (CThV,10)»: Որոշ բառեր թարգմանվել են ըստ իմաստի. «ներխուզութիւն (ՄՄ68,65ա). collatio (զ.11,a.3,arg.2)», «արտանիթական (Oud.,197). mathematica (զ.77,a.2,arg.4)». հավանաբար նկատի է առնվել «metaphys»-ը (մետա/արտա, ֆիզիկա/նյութ, հմտություն), որի մտահայեցողական բնույթը հասուլ է մաքեմատիկային⁷:

Վերջածանցավոր նորաբանությունները հիմնականում կազմված են -ություն, -ական ածանցներով՝ հետևյալ համարժեքությամբ.

-ություն՝ -io, -tio, -tas, -tia. «առնողութիւն (ՄՄ68,229թ). actio (զ.48,a.6,co.)», «կրկնակութիւն (Oud.,100). ingeminatio (զ.60,a.6,ad1)», «վտառաւորութիւն (Oud.,203). porositas (զ.77,a.7,ad1)», «մտաթափութիւն (Oud.,174). amentia (զ.68,a.12,co.)»,

-ական՝ -ivus, -alis, -ilis, -osus. «կրողական (ՄՄ68,150ա). passivus (զ.32,a.4,co.)», «ընկերակցական (Oud.,133). socialis (զ.65,a.1,co.)», «ոլիրական (Oud.,167). facilis (զ.68,a.5,ad2)», «սանձարձակական (ՄՄ66,52թ). impetuosus (CThV,66)»:

Այլ վերջածանցներով կազմությունները վկայված են եզակի կամ հազվադեպ օրինակներով. «կարծու (ՄՄ66,37թ). suspiciosus.»

⁷Տե՛ս Բ. Կանտ, Զուտ բանականության բնադատություն, Ե., 2006, էջ 42:

(CThV,47)», «մեղուշագոյն (UU66,37ա). rubens (CThV,47)», «զիտնակ (UU68,197ա). sciens (q.43,a.1,arg.2)», «ամեներանեալ (UU66,8ը). beatus (CThV,8)», «զործիալորեալ (UU68,155ա). organizatus (q.34,a.2, ad3)» են:

Այս տիպի բառերը ստեղծվել են ինչպես բնագրի կադապարների հետևողությամբ, այնպես էլ ազատ բարգմանությամբ, ըստ այդմ կարելի է տարբերակել.

ա) կառուցվածքային պատճենումներ. «յիմարախօսութիւն (UU66,55ը). stultiloquentia (CThV,69)», «շրջախոսութիւն (UU66,14ը). circumlocutio (CThV,16)», «վիճակընկեցութիւն (UU66,55ը). Sortilegium (CThV,70)», «սրբարարութիւն (UU68,125ա). sanctificatio (q.27,a.4,ad1)», «հաւասարամուութիւն (UU68,188ա). aequanimitas (q.40,a.2,ad1)», «դրողական (Oud.,115). positivus (q.62,a.6,ad3)», «զորեղական (UU66,10ա). virtualis (CThV,10)» են,

բ) կիսապատճենումներ, եթե բառի կառուցվածքը պահպանված է, բայց բաղադրիչների դասավլորությունը կամ հարաբերության եղանակը նույնական չէ. «դիրավարժութիւն (Oud.,167). facilie exercitium (q.68,a.5,ad2)», «վիճակակեցութիւն (Oud.,104). consortio (q.61,a.1,s.c.)», «interpolatio (q.60,a.8,arg.3)» բառը բարգմանված է «միջադրութիւն (Oud.,102)», որը հավանաբար շփոթի հետևանք է, նկատի է առնվել «interpositio»-ի իմաստը,

գ) իմաստային պատճենումներ. «ձեռնախաղութիւն (UU66, 55ը). lucta (CThV,70)», «վարձարժանաւորական (UU68,155ը). Meritorius (q.34,a.3,arg2)», «արշաւական գիտութիւն (UU68,65ա). discursiva scientia (q.11,a.3,arg.1)», «հեղացուցանողական (Oud.,114). ultimus (q.62,a.6,ad3)», «վիդարինական (UU68,232ա). satisfactoria (q.49,a.3, ad2)»:

Ինչպես հունաբան հայերենում և ուշ լատինաբանությունների շրջանում⁸, Քոնայի թարգմանական երկերում ևս պատճենումների հետևանքով հաճախացել է մակրայակերտ ածանցումը: Մակրայներ կերտվել են հիմքերի և ածանցների զանազան գուգորդումներով, գերակշռում են ածանցավոր ածականների մակրայացման օրինակ-

⁸Տե՛ս Գ. Մուրադյան, Հունաբանությունները դասական հայերենում, Ե., 2010, էջ 79-82, Վ. Համբարձումյան, նշվ. աշխ., էջ 223, 230-31 ևն:

ները՝ -պէս ածանցով. «առնողականապէս (ՍՍ68,149թ). active (q.32,a.4,arg.1)», «բազմաւրականապէս (ՍՍ66,14ա). pluraliter (CThV,15)», «թշուառականապէս (ՍՍ66,40թ). miserabiliter (CThV,50)», «կրողականապէս (ՍՍ68,150թ). passive (q.32,a.4,ad1)», «բացասականապէս (ՍՍ66,10ա). negative (CThV,10)», «փոխաբերականապէս (ՍՍ66,14ա). translative (CThV,15)» են, սակավադեպ են բայական հիմքով մակրայները. «գովասանապէս (ՍՍ68,239թ). laudabiliter (q.51,a.2,co.)», «զարմանալապէս (ՍՍ68,29ա). mirabiliter (q.1,a.1, arg.1)», «յատկացելապէս (ՍՍ66,14ա). appropriate (CThV,15)»:

-բար ածանցով կերտված բառերը չեն հանգում կայուն կաղապարների. «նիւթաբար (ՍՍ68,148թ). materialiter (q.32,a.2,ad3)», «տեղականաբար (ՍՍ66,27թ). localiter (CThV,34)», «եզականաբար (ՍՍ66,14ա). singulariter (CThV,15)», «տեսակաբար (ՍՍ68,236ա). formaliter» (q.50,a.2,ad3), «չափակցաբար (Oud.,182). proportionaliter (q.69,a.7,ad2)», անսովոր է կապի հիմքով մակրայի օրնակը. «միջաբար (ՍՍ66,6ա). mediate (CThV,5)»:

-օրէն ածանցով նոր բառերը սակավադեպ են. մի քանիսի կազմությունը օրինաշափ է. «նախազաղափարօրէն (ՍՍ66,6ա). exemplariter (CThV,5)», «պակասօրէն (ՍՍ66,10ա). privative (CThV,10)», հազվադեպ կաղապարի օրինակ է՝ «սպասաւրօրէն (ՍՍ68,51թ). ministerialiter (q.8,a.1,ad1)», հետևյալ բառերը կազմված են ածանցների անսովոր գուգորդումով⁹. «կարծողօրէն (ՍՍ68,34ա). putative (q.2,a.5,arg.1)», «երևակականօրէն (ՍՍ68,208ա). imaginarie (q.45,a.3,arg.2)»:

Բառաբարդմամբ ստեղծված նորաբանությունները գրեթե անխտիր շեղվում են նախօրինակ ձեերից. դրանք որևէ բաղադրիչի համընկնումով կիսապատճենումներ են կամ ազատ բարգմանություններ. «չափակցիմ (ՍՍ68,65ա). proportionatur (q.11,a.4,arg.1)», «վայրակոր (ՍՍ66,37թ). globatus (CThV,47)», «բարակաշուրթն (ՍՍ66,37թ). tenuia (CThV,47)», «բազմանզամ (Oud.,101). frequenter (q.60,a.7,arg.3)», «փորբախելք (ՍՍ66,37ա). parvitas (CThV,46)», «մարդափայլեմ (ՍՍ66,10ա). emundo (CThV,10)», «դիւրախոռվ (ՍՍ66,37թ). iracundus (CThV,47)», «շատակուլ (ՍՍ66,37ա). vorax

⁹Տե՛ս Լ. Հովսեփյան, Գրաբարի բառակազմությունը, Ե., 1987, էջ 229:

(CThV,46)», «վարձարժանաւորեմ (ՄՄ68,155թ). *mereo* (q.34,a.3,arg.3)», «աղուէսաբարոյ (ՄՄ66,37թ). *versutus* (CThV,47)»: Բաղադրիչների կցման եղանակը և կարող է միանման չլինել. բարդ բառեր ստեղծվել են նաև բնազրի բառակապակցությունների ամփոփումով. «արձակաբայլ (ՄՄ66,37թ). *longus passus* (CThV,47)», «միւսակողմն (ՄՄ68,84թ). *alia pars* (q.16,a.1,ad3)», «ստուարաձեռն (ՄՄ66,37թ). *crasse manus* (CThV,47)», «թխակն (ՄՄ66,37ա). *oculus niger* (CThV,47)», «կամարայունը (ՄՄ66,37ա), *supercilia arcuatua* (CThV,46)», «նեղաճակատ (ՄՄ66,37ա). *frons angusta* (CThV,46)», «դժուրահայեաց (ՄՄ66,37ա). *oculi acriter* (CThV,47)»:

Թարգմանություններում գործածված են նաև լատիներեն բառերի տառադարձումներ՝ փիլիսոփայական, կրոնական նշանակությամբ. «էւենսիա (ՄՄ66,9ա). *essentia* (CThV,9)», «սուպարանսիա (ն.տ.). *substantia*», «սուպահարենսիա (ն.տ.). *subsistentia*», «փերսոնա (ն.տ.). *persona*», «ապաթքաբթումն (ՄՄ68,20ա). *abstractio* (q.2,a.8,co.)» և այլն: Նոյնակիսի մի շարք բառեր փոխառություն են հոնարենից. «դիալեկտիկան հաւաքաբնութիւն (ՄՄ68,58թ). *dialecticus syllogismus* (q.9,a.3,ad2)», «իփօթազիս (ՄՄ68,17ա). *hypostasis* (q.2,a.5, arg.1)», «մէթաֆիզիքա (Oud.,102). *metaphys* (q.60,a.8,arg.2)», «ուզիս (ՄՄ66,9ա). *usia* (CThV,9)», «ուզիօզիս (ն.տ.). *usiosis*», «փրօզօփօն (ն.տ.). *prosopon*», «անթրօպոս (ՄՄ66,36ա). *anthropos*. (CThV,46)», «դիաբօլոս (ՄՄ66,27թ). *diabolus* (CThV,34)» և այլն:

2. Քերականական հատկանիշներ: Ձևաբանական համակարգը հիմնականում գերծ է արհեստական կազմություններից, նկատելի են անկանոն կամ հետդասական որոշ ձևեր, որոնք սակայն հետևողականորեն չեն կիրառվել:

Լատիներենի նմանությամբ կրավորական սեոր գրեթե միշտ տարբերակված է, գործածված են կրավորած խոնարհման, իր վերջավորությամբ, վերլուծական կազմությամբ սովորական ձևեր. «փոխադրեսիցի (ՄՄ68,7ա). *transferatur* (q.1,a.1,arg.4)», «միատրին (ՄՄ68,6թ). *jungitur* (q.1,a.1,arg.1)», «տեսանիւր (ՄՄ68,8թ). *videtur*» (q.1,a.2,co.), «զօվեալ լինի» (ՄՄ68,8թ). *commendatur*» (q.1,a.2,co.)» ևն, սեոր տարբերակված է նաև, եթե լատիներենի բայերը կրավորակերպ են (verba deponentia). «*sequeretur* (q.1,a.2,co.). հետևեսիցի (ՄՄ68,8ա)» ևն: Մինչդեռ անսովոր են ա լծ. անորոշ դերայի

կրավորական ձևերը. «զիտիլ (ՄՄ68,67թ). sciri (q.12,a.1,co.)», որը վկայված է նաև իբրև հունաբանության օրինակ¹⁰, «իմանիլ (ՄՄ68, 8ա). considerari (q.1,a.2,co.)», որը կրավորականի տարբերակ է՝ նշված ՆՀԲ-ում, «ստանիլ (ՄՄ68,67թ). acquiri (q.12,a.1,ad1)»։ Սակայն լծորդության այս անցումը ևս կայուն չէ. ա թ. անորոշ դերբայր կրավորականի իմաստով գործածվել է նաև առանց ձևային տարբերակման, օր. «մարմնանալ (ՄՄ68,8ա). incarnari (q.1,a.2,co.)» ևն։

Հունաբան և նախդիրը կիրառված է հազվադեպ, ընդ որում ի նախդիրին գուգահեռ՝ իբրև նրա ձևային տարբերակ (այս նախդիրների ոճական տարբերությունը հետագայում ձևակերպել է Մխ. Սեբաստացին¹¹)։ «Այլ արդ շնորհն է ի յէութիւն հոգոյն որպէս նենքակառում, որպէս ասացեալ եղեւ ի յէրկրորդում մասին։» (Oud.,118), «Sed gratia est in essentia animae sicut in subiecto, ut in secunda parte dictum est.» (q.63,a.4,arg1): Նոյնպես նաև առանց նախադրությանը գուգադրված է արհեստական թարց տարբերակը. «իմանամք զատուուծ բարի առանց որակութեան, մեծ թարց քանակութեան...» (ՄՄ66,10ա), «intelligimus Dem sine qualitate bonum, sine quanitate magnum...» (CThV,10):

Բնագրերին բառացի հետևելու արդյունքում թարգմանական երկեր են թափանցել նաև լատինատիպ զանազան շարահյուսական հարաբերություններ։ Այդպիսիք են.

ա) Շարադասության պատճենում։ Լատիներեն կանոնավոր շարադասությամբ նախադասության մի եզրում ենթական է, մյուսում՝ ստորովյալը. այս երկընեւ դրությունը թարգմանություններում կայունացած չէ, հնարավոր է դրա և նմանակում՝ ստորովյալի վերջադաս գործածությամբ, և փոփոխում՝ ըստ հայերենին հատուկ շարադասության։ «Ապա ուրեմն երեխ և անյարմար, զի ընդ փոքրիկ մարմնոյ զերեխայականն արձակողի զձայն թարիցէ։» (ՄՄ68,7ա), «Ergo videtur inconveniens quod intra corpusculum vagientis infantiae lateat.» (q.1,a.1,arg.4), բայց՝ «Այլ արդ Քրիստոս ոչ փորձեաց զա-

¹⁰ Տե՛ս Գ. Սուրայան, նշվ. աշխ., էջ 119։

¹¹ Տե՛ս Մխ. Սեբաստացի, Քերականութիւն գրաբառի լեզուի Հայկազան սեռի, Վենետիկ, 1730, էջ 248։

մենայնս:» (ՍՍ68,67ա), «*Sed Christus non omnia expertus est.*» (q.11,a.1,arg.1) ևն:

բ) Լատինատիպ դերբայական դարձվածներ: 1) Հայցական հոլովն անորոշ դերբայի հետ (accusativus cum infinitivo). այս դարձվածը լատիներենին հատուկ էրկանդամ կապակցություն է, որի տրամաբանական ենթական հայցականով դրված գոյական է կամ դերանուն, իսկ տրամաբանական ստորովյալը՝ անորոշ դերբայ: Սա հաճախադեպ կառույց է, օրինակները բազմաթիվ են. «...աշակերտքն զարհութեալը և երկուցեալը համարէին ողի ինչ տեսանել, և ոչ ճշմարիտ մարմին...» (ՍՍ68,34ա), «*discipuli, conturbati et conterriti, putabant se spiritum videre, et non verum corpus...*» (q.5,a.1,co.), «*Որք ամենայն ցուցանեն ունել նմա ճշմարիտ հոգի*» (ՍՍ68,035բ), «*Quae quidem ita demonstrant eum veram animam habuisse.*» (q.5,a.3,co.), «*Յնոց առաջինն է ի բանէ մարդկային բնութեան, առ որ վերաբերի ունել ճշմարիտ մարմին:*» (ՍՍ68,34ա), «*Quarum prima est ex ratione humanae naturae, ad quam pertinet verum corpus habere.*» (q.5,a.1,co.), «*Այլ Քրիստոս եկն առնել փոխարէն վասն մեղաց կրել զպատիժ զգայութեանն ի խաչին...*» (ՍՍ68,10ա), «*Sed Christus venit pro satisfactione peccatorum poenam sensus pati in cruce...*» (q.1,a.4,arg.2) ևն:

2) Ուղղական հոլովն անորոշ դերբայի հետ (nominativus cum infinitivo). եթե նախորդ դարձվածում ներգործական սեռի բայն էր խնդրառում հայցականով գոյական և անորոշ դերբայ, ապա այս կառույցում բայասեռը փոխվում է կրավորականի, և ենթական դրվում է ուղղական հոլովով: Սա ևս բարգմանություններում հաճախ կիրառվող կառույց է. «*որպէս ի յայնմանէ եկեր, ննջեաց և վաստակեցաւ, ցուցանի նմա ունել ճշմարիտ մարդկային մարմին:*» (ՍՍ68,035բ), «...*sicut ex hoc quod comedit et dormivit et fatigatus est, demonstratur habuisse verum corpus humanum.*» (q.5,a.3,co.), «... ըստ այս երկի զոլ ճշմարտութիւն իմն միաւորութեան որդյոյն աստծոյ առ մարդկայինս բնութիւն:» (ՍՍ68,29բ), «*Et ita videtur esse quaedam congruentia unionis filii Dei ad humanam naturam.*» (q.4,a.1,s.c.), «*Դարձեալ անջատեալ քանակութիւնն ի յենթական, երեկի զոլ արտանիրական քանակութիւն, որ ոչ է ենթակա զգալի որակութեանց:» (Օսd.,197), «*Praeterea, quantitas a subiecto separata videtur esse**

quantitas mathematica, quae non est subiectum qualitatum sensibilium.» (q.77,a.2,arg.4) ևն:

զ) Օժանդակ բայի կամ ստորոգյալի սղումով նախադասություններ: Այս երևոյթը արձանագրվել է նաև հունարան հայերենում¹². «Քրիստոս, քատ այնմ որ մարդ, է իփութազիս կամ անձն:» (UU68,83թ), «Christus, secundum quod homo, est hypostasis vel persona.» (q.16pr.), «Ոչինչ մերձաւրազոյն քան զաստուած, և ոչինչ անըմբոնելազոյն:» (UU66,10ա), «Nihil Deo praesentius, et nihil incomprehensibilius.» (CThV,10) ևն:

դ) Խնդրառության պատճենումներ: «Կայանալ» + ներգոյական հոլովով խնդիր. «Իսկ փոփոխումն կայանայ ի յառնելն և ի կրելն:» (UU68,20ա), «Mutatio autem consistit in actione et passione.» (q.2,a.8, co.), «Իսկ եթէ ազահութիւնն կայանայ ի ստանալն, այս հանդիպի երեք կերպի:» (UU66,53թ), «Si autem auaritia consistit in acquirendo, hoc est tripliciter.» (CThV,68), «յանդիմանել» + ներգոյական հոլովով խնդիր. «յանդիմանել զայլս ի յայն, զոր և ինքն զնոյնն առնէ:» (UU66,55թ), «reprehendere proximum in aliquot quod ipse facis.» (CThV,69), հմմտ.՝ «Յանդիմանեաց արքաամ զաբիմելք վասն ջրհռոյն:» (ՆՀԲ, հո.2, 325):

ե) Հոլովական ձևերի պատճենումներ: 1) Մասնական սեռական (genetivus partitivus). լատիներենում կիրառվում է նաև ածականի համեմատական աստիճանների հետ. «Մարդկային բնութիւնն ո՞չ էր փոքրազոյն պատոյ ի Քրիստոս քան ի մեզ:» (UU68,14թ), «Natura humana non est minoris dignitatis in Christo quam in nobis.» (q.2,a.2,arg.1), դասական հայերենում մասնականությունն արտահայտվում է բացառական հոլովով¹³: 2) Բնութագրական սեռական (genetivus objectivus). լատիներենում հաճախ հարադրված է esse բային. «Դարձեալ զարգանալն է անկատարին, զի կատարեալն ոչ առնէ զաւելումն:» (UU68,67թ), «Praeterea, proficere est imperfecti, quia perfectum additionem non recipit.» (q.12,a.2,arg.2), բնութագրական

¹²Տե՛ս Գ. Սուրաբյան, նշվ. աշխ., էջ 193:

¹³Տե՛ս Գ. Սուրաբյան, նշվ. աշխ., էջ 135:

սեռականը գործածվել է դասական հայերենում՝ փոխառվելով հունարենից¹⁴:

Այսպիսով, թարգմանության ներհակ եղանակները ձևավորել են լեզվական նույնապիսի պատկեր. մեջբերված օրինակները ցույց են տալիս, որ լատինտապ կաղապարներին հատուկ չէ կայուն կիրառությունը, դրանք պարտադիր չեն, ի հայտ են զալիս ըստ պատեհի՝ բարացի թարգմանության հետևանքով, որ հաստատում է նաև ձևաբանական համակարգի անխաթար դրույթունը: Ուրեմն եթե բացակայում է միտումնավորությունը, ապա Քոնայի թարգմանական երկերի լատինարանությունները իրենց ստեղծման հանգամանքով և նպատակով չեն առնչվում 17-18-րդ դդ. ծավալված արհեստական կանոնավորմանը, երբ գրաբարը մշակելու գիտակցված միջոց էր լատիններենի օրինակը:

Sirunyan Tigran - The Early Latinisms in the Translated Treaties of Qrna Center. - The article researches the language of some translated treaties by friars of Qrna School (Thomas Aquinas' *Summa Theologiae*, Chapter III, Questions 1-71, 77, Albert the Great's *Compendium of the Theological Verity*). The essential attributes of verbal formations and syntactical foreign molds are indicated in comparison with the original texts. It is demonstrated that early Latinisms were not formed intentionally, but as a result of exact transmission of Latin concepts and syntactical forms.

Сирунян Тигран- Ранние латинизмы в переводных трудах центра Крна.- В статье исследован язык ряда переводных произведений монахов ордена Крны («Сумма Теологии» Фомы Аквинского, ч. III, пр. 1-71, 77, «Краткая сумма богословской Истины» Альберта Великого). Путем сравнения с подлинниками указаны основные признаки словообразования и чужеродные формы синтаксиса, выявлено, что ранние латинизмы создавались не преднамеренно, а вследствие установки на точную передачу на древнеармянском языке латинских понятий и синтаксических конструкций.

¹⁴Տե՛ս Գ. Խաչատրյան, Գրաբարի միակազմ նախադասությունները, Ե., 2002, էջ 113:

Սուրբասյան Հենրիետա (Հայաստան,
Երևանի պետական թժշկական համալսարան)

ԲԺՇԿԱԳԻՏԱԿԱՆ ՏԵՐՄԻՆՆԵՐԻ ԿԱՆՈՆԱՐԿՈՒՄԸ
ՀԱՅԵՐԵՆՈՒՄ

Յուրաքանչյուր մասնագիտությանը հատուկ հասկացություններն արտահայտվում են համապատասխան տերմիններով, որոնք տվյալ մասնագիտության հասկացությունների համակարգի և տվյալ լեզվի բառային կազմի բաղկացուցիչ մասն են, ենթարկվում են այդ լեզվի բառակազմական ու քերականական կանոններին:

Միաժամանակ տերմինային ամեն մի համակարգ կապված է զարգացող գիտության, մշակույթի և հասարակական կյանքի տվյալ բնագավառի հասկացությունների համակարգի հետ, որն էլ թելադրում է գիտատեխնիկական առաջադիմությանը համընթաց տարբեր լեզուներում պարբերաբար ստեղծել նոր տերմիններ, որը կոչվում է տերմինաշխնություն (եզրաշխնություն): Տարբեր լեզուների տերմինները կամ դրանց ամբողջությունը կազմող տերմինաբանությունը գոյանում է տարբեր աղբյուրներից: Եվրոպական լեզուներում զլսավոր աղբյուր եղել են հունարենն ու լատիներենը, որոնց հիման վրա ստեղծվել են տերմինացված բառեր ու բառակապակցություններ: Մերձավոր Արևելքի մի շարք լեզուների համար նույն դերն են կատարել արաբերեն բառերը: Ինչ խոսք, որ այդ լեզուների տերմինաբանության մի մասը կազմվել է նաև ազգային լեզվամիջոցներով: Ինչ վերաբերում է հայոց լեզվի տերմինաբանությանը, ապա այն սկզբից եեթ ունեցել է առավելապես ազգային բնույթ:

Հայերեն տերմիններ սկսել են ստեղծվել 5-րդ դարից, երբ սկզբնավորվեց օտար բառերն ու բառակապակցությունները հայերեն համարժեքով արտահայտելու ավանդույթը: Այսօր ևս տերմինները կազմվում են հայերենի բառակազմական նույն օրենքներով՝ բառաբարդումով և ածանցումով, ինչպես նաև հին, ժմեռած՝ բառերին նոր իմաստ հաղորդելով, բարբառային բառերի իմաստային եզրավորմամբ, նոր բառակապակցություններ կազմելով, նաև փոխառություններով: Այս հանգամանքը առավել բարդ ու պատասխանատու խնդիրներ է դնում տերմինաշխնությամբ զբաղվողի

առաջ, եթի հարկ է լինում գտնել ժամանակակից հայերենի բառակազմական հնարավորություններով ստեղծված հաջող ձևեր, որոնք խիստ օգտակար են ոչ միայն բժշկի համար, այլև հայերենի գործածության առումով՝ իիլվանդի:

Դեռևս շթորափած ոչ հեռու անցյալում ոռւսերենի վնասակար ազդեցությունը հայերենի լեզվամտածողության վրա, այժմ նոր խնդիրների առջև ենք կանգնել. օտար լեզուների, հատկապես անգլերենի բացասական ճնշող ազդեցությունը հայերենի վրա: Անզամ սերնդափոխությունը շթեթևացրեց ստեղծված վիճակը, ավելին՝ ներկայիս սերունդը հայտնվել է առավել խառնաշփոթ վիճակում: Գիտական գրականությունը ոռւսերենից և անզերենից բարզմանվում է բազմաթիվ պատճենված քերականական, ոճական, մտածողական, բառային տիպական սխալներով: Բժշկագիտությունն ուսումնասիրող նոր սերունդը, հարկադրված լինելով օգտվելու ներկայումս գործող մասնագիտական գրականությունից հողվածներից, դասագրքերից, ձեռնարկներից, մեխանիկորեն յուրացնում է դյանցում առկա լեզվական թերությունները: Ներկայումս Հայաստանում չի գործում տերմինաբանական խորհուրդը, իսկ գործող լեզվի պետական տեսչությունը վարչականորեն իրավասու չէ տերմինաբանության և լեզվի կանոնարկման հարցերում, որի հետևանքով էլ լեզվաքաղաքականությունը դուրս է մնացել պետական հսկողությունից. գիտության բոլոր առողջապահության, իրավագիտության, տեխնիկական գիտությունների և այլ բնագավառներում մշակված չէ մասնագիտական լեզուն, տերմինները մեծ մասամբ հայացվում են անհատական, ոչ գիտական մոտեցմամբ, ներքին զգացողությամբ: Առողջապահության բնագավառում շատ դեպքերում առկա է մերժողական, խուսափողական վերաբերմունք բժշկագիտական լեզվի և տերմինների հայացման գործընթացի նկատմամբ: Լիարժեքորեն չտիրապետելով մայրենին՝ բժիշկ-մասնագետը բառարանից օգտվելիս ընտրում է օտար տերմինի՝ առաջադրված հայերեն համարժեքներից ոչ համապատասխան, նույնիսկ սխալ տարբերակը: Ներկայումս ստեղծված բարձիթողի իրավիճակում տերմինների հայերեն համարժեքների կանոնարկումը պետք է լուծվի բժիշկ-մասնագետների և լեզվաբանների համագործակցությամբ և նպատակային ջանքերով: Որքանով մեզ հայտնի է,

զիտուրյան որևէ բնագավառի մասնագիտական լեզուն լիարժեք ուսումնասիրված և մշակված չէ:

Փորձ է արվում կանոնավորելու և մշակելու առողջապահության ոլորտի լեզուն և տերմինները, նախատեսվում է ստեղծել առողջապահության լեզվի և բժշկագիտական տերմինաբանության կանոնարկման կենտրոն, որի իրականացման ուղիներն են՝

• ի մի բերել առողջապահության բնագավառի բոլոր հասկացությունները, տերմինները, անվանումները, դարձվածքները՝ իրենց տարբերակներով, հոմանիշներով և լատիներեն, անգլերեն համարժեքներով, սահմանումներով, ստուգաբանությամբ,

• կատարել դրանց ճշգրտում:

Անհրաժեշտ է միասնական զիտական հիմք ստեղծել բժշկագիտական բացատրական, թարգմանական, թեմատիկ, հանրագիտական բնույթի բառարանների, տպագիր և համակարգչային շահմարանների, զիտահանրամատչելի, ճանաչողական, ուսումնական և հանրագիտական ձեռնարկների, դասագրքերի, տեղեկատունների, բժշկական ուղղագրական, բացատրական, ստուգաբանական բառարանների և ճյուղային տերմինարանների համար: Պետք է ուշադրություն դարձնել մասնագիտական ձեռնարկների, բժշկական դասագրքերի փորձաքննությանը և խմբագրման աշխատանքներին: Անհրաժեշտ է կարգավորել նաև առողջապահության բնագավառի հիմնարկներում՝ հիվանդանոցներում, պոլիկլինիկաներում, ուսումնական հաստատություններում, զիտահետազոտական ինստիտուտներում բժշկական փաստթղթերում, ձեռաթղթերում, պաշտոնաթղթերում օտար տերմինների հայերեն համարժեքների ճիշտ կիրառությունը: Հատկապես մեծ են դժվարությունները մասնագիտական տերմինաբանության բնագավառում: Այստեղ գերիշխում են ոռուերենից փոխառյալ հունալատիներեն անվանումները, արմատները, ածանցները: Դրանց փոքր մասն է կիրառվում հայերեն համարժեքներով, որոնք հաճախ մնում են իբրև օտար ձերի գրքային հոմանիշներ՝ չգործածվելով հատկապես բանավոր խոսքում:

Հիմնականում թարգմանվում են առողջապահության այն տերմինները, որոնք ոռուերենում նույնպես թարգմանված են, այսինքն՝ կազմված են ոռուերեն արմատներով ու ածանցներով: Ոռու-

սերեն այդախի տերմիններից քչերն են գործածվում հայերեն բանավոր խոսքում:

Այսպիսով, մեր նպատակն է բժշկական օտար տերմինների հայերեն համարձեքները սահմանել՝ առաջնորդվելով տերմինաբանական կոմիտեի՝ 1986թ. հունիսի նիստի որոշման սկզբունքներով [Տերմինաբանական և ուղղագրական տեղեկատու, Երևան, 2006]:

Տերմինները կանոնարկելիս պետք է առաջնորդվել տերմինաբանական կոմիտեի կողմից հաստատված որոշումներով /Էջ 25/, ըստ որի

• տերմինակազմական տարբերակների հնարավորության դեպքում առավելություն տալ այն տարբերակին, որը, մնացած պայմանների հավասարության դեպքում, ավելի կարճ է և ոյուրահունչ. ընդհանրապես խուսափել խիստ երկար, բազմաբաղադրիչ և դժվար արտասանելի տերմինների ստեղծումից, կազմված լինի հայերենում ընդունված ու հասկանալի բաղադրիչներով.

հակածին /անտիգեն/
ախտածագում /պարոգենեզ/
ախտորոշում /դիագնոստիկա/
վերորովայն /էպիզաստր/
սածուանյութ /խոնդրին/
թարախաբորբ /ֆլեգմոնա/
նյարդուուցք /ներումա/
մկանահատում /միոտոմիա/
թափածակում /պերֆորացիա/
հականեխում /անտիսեպտիկա/ և այլն,

• խուսափել հայոց լեզվի բառակազմական կանոններից շեղվող, բառերի կամայական ստուգաբանության վրա հիմնվող, խիստ արիեստական և անհասկանալի տերմինների ստեղծումից և տերմինային տարբերի կամայական կրծատումից.

ուրոլոգիա, ոչ թէ միզարանություն
ուրոլոգ, ոչ թէ միզարան

զինեկոլոգիա, ոչ թէ կնախտարանություն
 զինեկոլոգ, ոչ թէ կնախտարան
 իմպուտենտ, ոչ թէ շուշտանդամ, անսեռունակ
 ինտիմա, ոչ թէ սկրոռուկ
 իրիդերմիա, ոչ թէ անծիածանություն
 լեթարգիա, ոչ թէ մահաքուն, մահաթմբիր, կեղծամահ
 խոյեստերին, ոչ թէ մաղձաճարապ
 կատամնեզ, ոչ թէ ապահիշություն
 կոմա, ոչ թէ քնափություն
 նեկրոֆիլիա, ոչ թէ դիասկրություն
 վեներոլոգիա, ոչ թէ վեներախտարանություն
 վեներոլոգ, ոչ թէ վեներախտարան
 անէսթեզիա, ոչ թէ թմրաքուն և այլն,

• խստորեն հետևել արդեն գործող հայերեն տերմինների քերականական և բառակազմական ճիշտ կիրառմանը՝ ըստ հայերենի թերման, խոնարհման, ածանցման, բառաբարդման, ուղղագրական կանոնների。

կազմում – կազմման /ոչ թէ կազման/
 սեղմում – սեղմման /ոչ թէ սեղման/
 հոդահատում – հոդահատման
 աղիք – աղիքի – աղիքներ /ոչ թէ աղի-աղու-աղիներ/
 մակարդուկ – մակարդուկի – մակարդուկով
 ուկր – ուկրեր
 ազդր – ազդրեր
 մկան – մկաններ /ոչ թէ մկանունը/
 մակաբույժ – մակաբույժներ
 սպի – սպիներ /ոչ թէ սպիեր/
 բուժքույր – բուժքույրեր
 ող-ողի-ողեր /ոչ թէ ողնի-ողներ/ և այլն:

Բժշկագիտական օտար տերմինների հայրենացման գործընթացում առաջնորդվում ենք հետևյալ նկատառումներով.

- Կիրառել բժշկության մեջ ընդունված, մշակված և տարածված տերմիններ, որոնք արդեն ամրագրված են և լայնորեն գործածվում են բժշկագիտական խորում:

Դրանցից են՝

արսցես – թարախակույտ
անեմիա – սակավարյունություն
անտիտոքսին – հակաթույն
գանգլիոն – հանգույց
դիուրեզ – միզարտադրություն, օրամեզ
թորաք – կրծքավանդակ
էպիդեմիա – համաճարակ
հեմոռոյ – թութք
ինյեկցիա – ներարկում
միոկարդ – սրտամկան
սիմպոն – ախտանիշ
սինդրոմ – համախտանիշ
տոմոգրաֆիա – շերտագրություն
տոնզիլա – նշիկ, նշագեղձ
տոպոգրաֆիա – տեղագրություն
տրանսպլանտացիա – փոխպատվաստում
ցեֆալզիա – զիսացավ
արթրիտ – հոդաբորք
զինզիվիտ – լնդաբորք
դերմատիտ – մաշկաբորք
լարինգիտ – կոկորդաբորք
հեպատիտ – յարդաբորք
նեֆրիտ – երիկամաբորք
ներիտ – նյարդաբորք
օստիտ – ոսկրաբորք
օտիտ – ականջաբորք
ֆարինզիտ – ըմպանաբորք
ներումա – նյարդուռուցք
նեֆրումա – երիկամուռուցք
արթրոզ – հոդախտ
դերմատոզ – մաշկախտ

միկող – սնկախտ
օստեոզ – ոսկրախտ և այլն:

- 2.Տերմիններ, որոնք չունեն հայերեն համարժեքներ, սակայն լեզվից դուրս մնալ չեն կարող, ուստի պետք է գործածել օտար տերմինը.

բրոնխ
օրգան
օրգանիզմ
քրմոսոմ
սիմպաթիկ
ստրեպտոկոկ
ստաֆիլակոկ
հիգիենա
հիպնոս
կետզուտ
պրոպեղևստիկա և այլն:

- 3.Տերմիններ, որոնք չունեն հայերեն համարժեքներ, սակայն իմաստն արտահայտվում է բառակապակցությամբ կամ բացատրությամբ, ուստի ըստ նպատակահարմարության՝ կամ գործածկում է օտար տերմինը, կամ տրվում է բացատրությամբ.

առրտա – մայր զարկերակ
ապենդիցիտ – որդանման ելունի բորբոքում
բացիլ – ցուպիկաձև մանրէ
դենդրիտ – նյարդային բջջի ճյուղավորված ելուստ
դեսմուրզիա – ուսմունք վիրակապության մասին
դիսֆազիա – կլիման խանգարում
դիսֆունկցիա – ֆունկցիայի խանգարում
դուտդենիտ – տասներկումատնյա աղիքի բորբոքում
էֆորիա – հիվանդագին բարձր տրամադրություն
էնդրոկրանիում – ուղեղի կարծր պատյանի շերտը
էրիթրոցիտ – արյան կարմիր բջիջ
հիպոֆիզ – ստորին մակուլեղ

մեկոնիում – նորածնի առաջին կղանքը
պապուլա – մաշկային փոքր կարծր հանգույց
պիոնեֆրիտ – երիկամի թարախաբորբ
պլազմա – էրիթրոցիտներից և լեյկոցիտներից գուված արյուն
տրիպանոզ – միջատներով փոխանցվող հիվանդություն
սկոլիոզ – ողնաշարի կողմնածոռում
հեմոգլոբին – արյան գնդիկները կարմիր ներկող հաստատուն
բյուրեղանյութ կոլապս – սրտի գործունեության հանկարծակի
անկում և այլն:

4. Բժշկագիտական բնագավառի հասկացություններ, գործիքներ, բուժամիջոցներ, որոնք ունեն իրենց հայերեն անվանումները և ներկայում լայնորեն գործածվում են.
անալիզ - հետազոտություն
դիագնոստիկա – ախտորոշում
բալզամ – բալզասան
բինու – վիրափաթեթ
դեֆեկտ – արատ
դիետա – սննդակարգ
դոզա – դեղաչափ, դեղաքանակ, չափաքանակ
դոպինգ – խթանիչ
գոնի - գննաձող
սպազմ – կծկանք
տրավմա – վնասվածք
մազոլ – կոշտուկ
լանցետ – նշտար
գրելկա – ջեռակ
կոմպրես – թրջոց
ամպուլա – սրվակ
էմալ – արծն
պլոմբ – ատամնալիցք
կարոնկա – ատամնապսակ
ինդիկատոր – ցուցիչ
ինդուկցիա – մակածում
կապսուլա – պատիճ

ոեցեպտ – դեղատումս
մառյա – քանզիվ
պաստա – մածուկ
վակցինացիա – պատվաստում
պիավետկա – կաթոցիկ
բյուլետեն – հիմանդրաթերթիկ
սիրոպ – օշարակ
տյուբիկ – պարկում
տաբլետկա – դեղահաբ և այլն:

5. Ճշգրտել օտար տերմինների, տերմինատարրերի, գիտաբառների ուղղագրությունը ըստ հայերենի ուղղագրական կանոնների:

Տառադարձելիս օտար տերմինը ենթարկվում է հայոց լեզվի ուղղագրության կանոններին, այսինքն՝ հայերենում բառամիջում գրվում է *օ և է*, եթե առանձին արմատի սկզբնատառ է. նույն կանոնը գործում է օտար տերմինը տառադարձելիս:

6. Ըստ հայերենի ուղղագրական կանոնների՝ պահպանել *հայերեն տերմինների, հասկացությունների ուղղագրությունը.*
ախտադարձ
ակնաբուժ
ակնակապիճ
աղեխիք
այրվածք
անութ
անօդակյաց
ատամնափուտ
ատամնածկթում
գաղտուն
դեղապատիճ
դոդերոցք
եռվորյակ
եվստախյան
քանզիվ

թրջոց
խոշակ
կաթված
կծվածք
կմախք
հեղձուկ
հոգեվարք
մածուկ
շաղկապենի
ործկալ
պատիճ
պառկելախոց
շրալույծ
սրտխառնուք
փայծաղ
փտախտ
բսուք
օրական
ամսական
մանրէ
փտամանրէ
տասներկումատնյա
12-մատնյա
երեքտոկոսանոց
3%-անոց և այլն:

Կարևորում ենք բժիշկ և լեզվաբան-մասնագետների սերտ համագործակցությունը տերմինաստեղծման աշխատանքներում։ Որքան ել տերմինը մենիմաստ է, սակայն աղբյուր լեզուներից թարգմանելիս առաջանում են նույն տերմինի իմաստային տարբերակներ, և լեզվաբան-մասնագետը բժշկական տեսանկյունից չի կարող դրանց միջև մասնագիտական բառիմաստի ճիշտ, ստույգ և դիպուկ ընտրություն կատարել։ Ճիշտ այդպես ել բժիշկ-մասնագետները բավարար չափով չեն տիրապետում հայերենի բառակազմական օրինաչափություններին ու կանոններին, որ կարողա-

նան առաջադրել ճշգրիտ տարբերակներ: Լեզվաբան-մասնագետի խնդիրն է տերմինը չծանրաբեռնել այլ իմաստներով:

Այսպես՝ մետաստագ տերմինը մասնագիտական բառարաններում տրված է փոխակայում կամ փարասում համարժեքներով: Հունարեն -meta նախածանցը ցույց է տալիս՝

- ինչ-որ բանից հետո
- ինչ-որ բանի շարունակություն
- ինչ-որ բաների միջև

stasis հունարենից նշանակում է վիճակ, կանգ, դրություն: Ստորև ներկայացնում ենք քննարկման ենթակա և նախընտրելի տարբերակների մի քանի օրինակներ, որոնք առաջադրել են բժիշկ-մասնագետները

1. փոխակայում
2. տարակայում
3. ուսուցքաճյուղ
4. ձյուղարձակում
5. ձյուղայնություն
6. ձյուղատվություն
7. ձյուղասփոռություն
8. ներսողանք
9. տարասողանք
10. տարասողած

Էրոզիա տերմինը՝ erosus, լատիներենից նշանակում է՝ ներսից կրծել, մաշել, քայլայել: Ախտաբանորեն բնորոշվում է որպես լորձաքաղանթի կամ վերնամաշկի մակերեսային դեֆեկտ /թերություն, պակասություն/: Նոյն կերպ առաջարկվել է էրոզիա տերմինի հայերեն համարժեքի մի քանի տարբերակներ

1. սաղրախոց
2. մակերեսային խոց
3. քերծվածք
4. լորձենախախտ
5. լորձախախտ
6. լորձախոց
7. խոցով
8. խոցոտվածք

9. բորբախց
10. լինի
11. քերծունը
12. լորձափոսիկ
13. խրամաբորբ
14. փոսորակ
15. արատափոսուկ
16. լորձահարույց

Հետևողություն. բժիշկ և լեզվաբան-մասնագետների համագործակցությունը անհրաժեշտ, անխուսափելի և օգտակար է:

Sukiasyan Henrietta – Systematization of Medical Terms in the Armenian Language. - At present, Armenian as an official language hasn't gained jurisdiction both in the social-economic and scientific fields. The medical language and medical terms are not systematized particularly in the sphere of medical science; public health language is full of stylistic, spelling, grammar, orthoepic any many other mistakes improper to Armenia linguistic thinking.

The aim of the article is to suggest systematization of medical terms in the modern Armenian language in accordance with the principles of Terminological Issue Board session decision made in June, 1986 (terminological and spelling directory, Yerevan, 2006).

Сукиасян Генриета – Систематизация медицинской терминологии в армянском языке. - В настоящее время армянский, как государственный язык, пока не закрепил свои позиции как в социально-экономической, так и в научной сферах. В частности, в области медицины пока еще не систематизирован язык медицины и медицинской терминологии, язык здравоохранения засорен многочисленными и разнообразными стилистическими, грамматическими, орфографическими и орфоэпическими ошибками, которые не соответствуют армянскому языковому мышлению.

Цель статьи, руководствуясь решением терминологического комитета от 1986 г. (Терминологический и орфографический справочник, 2006 г.), систематизировать медицинскую терминологию в современном армянском языке.

Տիոյան Սուսաննա (Հայաստան,
Վ.Քյուտսվի անվ. ԵՊԼՀ)
Թոխմախյան Ռոբերտ (Հայաստան,
ԳԱԱ լեզվի ինստիտուտ)

ՀՈՂՈՎ և ՀՈՂՈՎԱԿԱՆ ԻՄԱՍՏ

Հողովների թվի, դրանց պատմական զարգացման, արտահայտման ձևերին ու իմաստներին նվիրված գիտական բազմաթիվ ու բազմաբնույթ մեծ ու փոքր աշխատություններ կան: Մեր ուսումնասիրությունը՝ մի փորձ է դիտարկել հողով – հողովական իմաստ միասնությունը՝ արևելահայերենի և արևմտահայերենի զուգադրությամբ, համարվել երկու վիճակներում հողովական համակարգերի առանձնահատկությունները՝ մասնավորապես դրանցում ը հնչութի կատարած դերը:

Հողովական իմաստ ունեն անխտիր բոլոր լեզուները. Հողովներ՝ ոչ բոլորը:

Հողով ասելով հասկանում են որևէ բառի (հիմնականում գոյականի) թերված տարբերակը, որն ունի քերականական արժեք և չի փոխում բառի իմաստը: Եթե լեզվում չկա բառի փոփոխված ձև, չկա և հողով (այս համատեքստում հոգնակիակերտ մասնիկները ևս կարող են դիտակվել որպես ածանցներ, որոնք փոխում են բառերի իմաստները):

Հողովը երկու գրականներում էլ իր գոյությունն է գտնում շարահյուսական գործառույթում: Ընդ որում, նույն հողովական ձևը կարող է տարբեր շարահյուսական գործառույթներ ունենալ և հակառակ՝ տարբեր շարահյուսական գործառույթներ կարող են արտահայտվել նույն հողովով:

Լեզվաբանական գրականության մեջ հիմնականում այն միտքն է հայտնվում, թե առանձին կամ յուրաքանչյուր հողով ունի իր շարահյուսական հիմնական գործառույթը. այսպես, ուղղականը ենթակայի հողովն է, սեռականը հատկացուցչի, հայցականը՝ ուղիղ խնդրի և այլն: Սակայն, այս՝ հիմնական համարվող գործառույթը հաճախ ուղեկցվում է ամենատարբեր շարահյուսական պաշտոններով և երբեմն դժվար է այս կամ այն հողովին վերագրել հիմնական

գործառույթ: Այսպես, բարի ուղիղ ձևով դրվում են՝ ենթական, բաղադրյալ ստորագյալի անվանական մասը, որոշիչը, խնդիրները, պարագաները, բացահայտյալը և այլն: Այլ կերպ ասած՝ բարի ուղիղ ձևը նախադասության մեջ կարող է հանդես գալ շարահյուսական տարրեր պաշտոններով և, ինչպես նշում էր Ռ. Իշխանյանը, չունենք հավաստի վիճակագրական տվյալներ այն մասին, թե որն է առավել տարածված ձևը՝ ուղղականով ենթակայի, թե բաղադրյալ ստորագյալի:

Հոլովներին նվիրված բանավեճում հայ լեզվաբաններից շատերը հակված էին այն տեսակետին, թե բարի որոշյալ կիրառությունները չպետք է կապել հոլովական ձևի հետ. այն ինքնին հոլովական իմաստ չունի: Կային նաև առարկողները: Այսպես, ակադ. Էդ. Աղայանը գտնում էր. որ արևելահայերն սեռական և տրական ձևերի տարբերակման ցուցիչ կարելի է համարել տրականի որոշյալ հոդով՝ գործառությունը: Նա գտնում էր, որ տրականում ըն – ն արդեն հոլովական ձևույթ է: Դրանով էր փաստում արևելահայերենում 6 հոլովի տեսակետը:

Ը-ի՝ արևելահայերենում ձևույթայնության հարցին անդրադարձել է նաև Վ. Առաքելյանը. Նա, որ դեռ անցյալ դարի 50-ականներին կապերի հոլովառության մասին խոսելիս այն միտքն է հայտել. թե ... կապերի խնդրառության սիստեմում մեր լեզվի տրական ու սեռական հոլովների միջև որոշ խառնաշփոթություն է առաջացել....մեր լեզվում բավական է, որ տրականը անորոշ գործածվի (այսինքն՝ հոդ չստանա), դա արդեն իբրև տրական չի ըմբռնվի:այս դեպքում տրականի հոդը ոչ թե ծառայում է որոշյալ և անորոշ հասկացողությունները տարբերակելու. այլ ստացել է հոլովական վերջավորության արժեք՝ տրականը սեռականից սահմանագատելու համար¹:

Պրոֆ. Վ. Առաքելյանի հայտնած տեսակետում (հատկապես տրական հոլովի հետ կապված), անշուշտ, իրենց մեծ դերն ունեն ներգործական սերի բայերը հատկապես հանգում ցույց տվողները: Սա մանրագնին հետազոտության աղերս ունեցող այլ խնդիր է:

¹ Տե՛ս Վարազ Առաքելյան, Ժամանակակից հայերենի հոլովներն ու հոլովական կապակցությունների իմաստային առումները, Ե., 1957. Էջ 185.

Հարց է ծագում. այդ ը-ն միայն որոշյալության ցուցիչ է, թե՞ այն կարելի է դիտել որպես հոլովական վերջավորություն:

Հայտնի է, որ երկու գրականներում ը-ն կարող է հանդես գալ.

ա) որպես ձայնավորական համակարգի լիարժեք անդամ,

բ) բաղաձայնների խճողումից խուսափելու միջոց,

գ) որոշյալության ցուցիչ:

Մենք համամիտ ենք այն կարծիքին, որ ը-ն, բացի նշված գործառույթներից, ունի նաև հոլովական վերջավորության արժեք, այսինքն՝ հոլովական հարացույցում ունի իր որոշակի տեղը ինչպես սեռական – տրական հոլովների կազմության մեջ, այնպես էլ, առանձին դեպքերում, ներգոյականի կազմության ժամանակ. այսպես տանը հոլովաձևում ը-ն կարող է լինել ներգոյական հոլովական կազմից՝ Գյուղացի Համբոյի տունը կոիվ էր ընկել (գրական կանոնականում՝ տանը կոիվ էր ընկել), Գրողների միության տանը կազմակերպվել էր ասուլիս, կամ՝ Նկարիչների տանը վերջերս բացվեց ցուցահանդես:

Մեր մոտեցումը հետևյալն է. տանը ձևում ոչ միայն ներգոյական հոլովի իմաստ է արտահայտվում, այլև այդ հոլովի ձևը՝ սեռական + ը: Արևակում 10.000-ից ավելի նման օրինակներ կան արևելահայերենի և արևմտահայերենի բազմաբնույթ լեզվագործածություններ ընդգրկող:

Այս տանը գրանցված են նաև անշափահաս երեխաներ (Առաւտու, 2008.09.20):

-Երեխադ տանը հիվանդ է,- ասաց տղան,-գնա տուն (Պատմվածքներ. Հ. Մաթևոսյան):

Գայանեն տանը հագնվում էր անփույթ, անճաշակ (Նրա ճանապարհը, մաս 1, Շ. Թարիկյան):

Հետաքրքրական է նաև ը-ի հետ կապված մի այլ երևույթ (այն ուղղակիորեն կապ ունի խնդրո առարկայի հետ): Հայտնի է, որ, եթե մի ձևույթ ունի իր իմաստը բառական ձևում, ապա դրա կրկնակ կիրառությունը դառնում է ավելորդ կամ դիտարկվում է որպես ոչ կանոնական ձև, օրինակ՝ իմ գիրքս, քա գրիչդ: Հայերենը այս առումով որոշակի ինքնատիպություն ունի. որոշյալ հոդի կրկնագործածության դեպքեր հանդիպում են ինպես գրական արևելահայերենում, այնպես էլ նրա բարբառներում. օրինակ՝ *Այս գիրքը Արա-*

մինն է, Ծառնը բարձրացավ. մինչդեռ արևմտահայերենում պատկերն այլ է՝ Սա զիրք Արամին է:

Ենթադրվում է, որ արևելահայերենում *Արամինն* ձևում ունենք կրկնակ հոդառություն: Մեր մոտեցումն այս հարցում հետևյալն է. նշված բառաձևում ն-երից առաջինը կարելի է համարել հոլովական վերջավորության ցուցիչ, իսկ երկրորդը հոդ:

Արևմտահայերենը, որը չունի ներգոյական հոլով, այդ հոլովական իմաստն արտահայտում է (ի թիվս այլ ձևերի) հետևյալ կերպ՝ տանը + մեջ, օրինակ՝

- Բայց տանը մեջ ալ դիմացուելիք բան չէ²:

Արևմտահայերենում ներգոյական հոլովի իմաստն արտահայտվում է.

ա) բառի ուղիղ՝ անհոդ ձևով՝ Եղիա Տէմիրճիպաշեան ծնած է Հասգիւդ, Մայիս 8-ին; կամ՝ Եղիա կրցաւ բաւարար չափով ուսումնառութիւն ունենալ Մարսիլիա, ուր երկու տարի նուիրուեցաւ գրական աշխատանքներու:

բ) սեռ. հ. + մեջ կապով՝ դպրոցին մեջ, Սուրբոյ մեջ, քաղաքին մեջ կացութիւնը պիտի շրջէ ի նպաստ իրեն ..., բողոքագիրին մեջ և այն,

գ) բաց. հ. + ներս կապով՝ դպրոցէն ներս, երկիրէն ներս և այլն,
դ) հայցական հոլովաձևով՝ Մէծ հայրիկը զիւղ կ'ապրի (հայց. h.+0 վերջ.) և Մէծ հայրիկը զիւղն է (h.+որոշյալ հոդ)³:

Այս վերջին օրինակի ձևով և իմաստային նմանությամբ արևելահայերենում կազմվում են Գյուղը իրարանցում եր ընկել (Գյուղն էին իշել մի խումբ պատանիք, աղջիկ տեսնելու, պարի ու կոխի) տիպի նախադասություններ, որտեղ առկա է ներգոյականի իմաստը, ինչը թերևս պիտի դիտել կա մ արևմտահայերենի ուղղակի ազդեցություն, կա մ բարբառային ձևերի գրականացում:

Բացի այդ, հոլովակազմիչ ը-ն հադես է զալիս նաև ժամանակացույց բառերում՝ զարնանը, ձմռանը, աշնանը և այլն՝ դառնալով ժամանակի պարագա. օրինակ՝ Կհանդիպէնը ամռանը, Զմռանը

² Տե՛ս Յու.Ավետիսյան, *Արևմտահայերենի թերականության գործնական աշխատանքների ձեռնարկ*, Ե., 2011, էջ 90:

³ Տե՛ս *Արևմտահայերենի արդի վիճակը Միջիայի հայ համայնքում*, Ե., 2015, էջ 44-45:

ցրտեր են սպասվում և այլն: Նման ձեերում հոդը համատեղում է որոշակության և պարագայական իմաստները:

Պարագայական գործառույթի դեպքերում հոդն ունի ինչպես տրականի, այնպես էլ ներգոյականի գործառույթ: Փոխակերպական այն դեպքերում, եթե հնարավոր է զուգահեռ սենյակում, դահլիճում, փողոցում և նման այլ ձեերի գործառությունը, կունենանք ներգոյականի իմաստ, իսկ սենյակին, դահլիճին, փողոցին և այլ ձեերի դեպքում տրականի իմաստ: Հոլովական ձեերն այստեղ սերտորեն կապվում են բայական իմաստային խմբերի հետ: Օրինակ, Ապրում է տանը /սենյակում, քաղաքում, դահլիճում/ և այլն, բայց Մոտեցավ տանը /սենյակին, քաղաքին, դահլիճին/, Հասավ տանը /սենյակին, քաղաքին, դահլիճին/:

Այն միտքը, թե արևմտահայ և արևելահայ գրական լեզուներում ուղղական հոլովն իր շարականական հիմնական կիրառություններում տարբերություններ չի դևսնորում⁴, մասնակիորեն է ճիշտ, քանի որ արևմտահայերնում ներգոյականի իմաստի դրսուրումը, ինչպես տեսանք, հենց այս հոլովի բնորոշ հատկություններից է. Անտառը քամու ձայնը չի լսվեր, Պողոսը քաղաքը կը դասավանդի:

Այսինքն, հոլովական նույն ձեզ կարող է հոլովական տարբեր իմաստների արտահայտիչ լինել:

Ըստ որում, եթե արևելահայերենում ը ձայնավորը մասամբ է դիտարկվում որպես ներգոյականի հոլովական իմաստի կազմիչ, ապա արևմտահայերենում այն հստակորեն հանդես է գալիս նշված հոլովի իմաստով, ինչպես բայերի հետ, որոնք ինքնին հոլովական իմաստի դրսուրիչներ են՝ ապրել, բնակվել, տոփորել և այն, այնպես էլ ցանկացած այլ բայի հետ:

Անշուշտ, լեզուներում հոլովական իմաստների արտահայտման տարբեր միջոցներ են գործառնվում. հայերենում ևս առկա են կապական կառույցներով, բառակապակցություններով և այլ միջոցներով կազմված հոլովական իմաստներ:

Խնդիրն այն է, թե հոլովական ինչ համակարգ և հոլովակազմիչ, ինչպիսի ձևույթներ ենք նախընտրում:

⁴ Յու.Ավետիսյան, *Արևելահայերենի և արևմտահայերենի զուգադրական քերականություն*, Ե., 2007, էջ 58:

Մեր մսորումները վկայում են այն մասին, որ հայերենի քերականությունը ունի բավականին կնճռոտ խնդիրներ:

Сусанна Тиоян, Роберт Тохмакян - Падеж и падежное значение. - По сей день существуют противоречивые мнения относительно падежной системы армянского языка.

В арменистике превалирует точка зрения, что категория детерминативности существует вне падежной системы.

В статье выдвигается тезис о том, что в литературном восточноармянском языке в предложениях типа- "*Այս գիրքը Արամինն է*" не имеем двойного артикля: одно из двух "ն" является падежным окончанием, второе-артиклем.

Артикль в обеих ветвях современного литературного армянкаго языка формирует падежное значение, в частности, в западноармянском языке - предложного падежа-"*Պողոսը քաղաքը կը դասավանդի*".

Susanna Tiyan, Robert Thoxmaxyan - Case and Case Meaning. - The expressed view points concerning the case system of Armenian language still remain debatable. According to the accepted opinion in Armenology the grammatical category of definiteness is out of the case structure.

In the present article the following hypothesis is brought forward according to which in the literary Eastern Armenian language in the sentences like *Այս գիրքը Արամինն է* "This book is Aram's" we don't have double article but one of the two ն[n] is the case ending, while the other- the article.

The article in two literary languages may express case meaning, particularly in Western Armenian it expresses the meaning of locative case, e.g. *Պողոսը քաղաքը կը դասավանդի*.

ՀԱՂՈՐԴՈՒՄՆԵՐ

Գրիգորյան Սուսաննա, Պարոնյան Նաիրա
(Հայաստան, ԵՊՀ)

ՃՈՎՃԱՆ ՄԱՆԴԱԿՈՒԽՈՒ ՃԱՌԵՐԻ ԲԱՌԱԿԱԶՄՈՒԹՅՈՒՆԸ

Հովհան Մանդակունին հայտնի է իր քարոզներով, շարական-ներով, աղոթքներով ու կանոններով: Նա մեծ վաստակ ունի եկեղեցական մատենագրության մեջ. հարստացրել է «Մաշտոց» ծիսարանը օրինություններով ու կարգերով, կարգավորել ժամագիրը, հունարենից թարգմանել Գրիգոր Նազիանզացու պատարագամալույցները¹: Մեծ է նրա ներդրումը նաև ճառագրության մեջ: Մեր քննության նյութը Հ. Մանդակունու 26 ճառերի բառակազմությունները, որը լեզվական առումով առանձնակի հետաքրքրություն է ներկայացնում: «Ճառը»-ը եկեղեցական կյանքին, բարոյականությանը և բարոյագիտությանը նվիրված գրական բացարիկ հուչարձան է: Բառակազմական կաղապարները բաժանել ենք 2 ենթախմբերի՝ բառարարման և ածանցման կաղապարների՝ առաջինների մեջ ըստ կառուցվածքային առանձնահատկությունների առանձնացնելով հարադրական կամ վերլուծական և համադրական բարդությունները: Հարադրական բարդությունները, ինչպես հայտնի է, լինում են բայական և անվանական: Անվանական հարադրությունները լինում են երկու տեսակ՝ կրկնավոր և բաղկյուսական: Հ. Մանդակունու ճառերում կրկնավոր բարդությունների թիվը թիվը է: Դրանց բաղադրիչներն ըստ խոսքամասային պատկանելության կամ երկու գոյականներ են, կամ ածականներ՝ գեղ գեղ, ընտիր ընտիր, շեղ շեղ, սակաւ սակաւ: Կան նաև բաղադրիչների միջև որևէ նախադիր ունեցող կրկնավորներ՝ այր ըստ արէ, մի ըստ միոցէ, պիղծ առ պիղծ, վաղունէ ի վաղիւ: Մեր ընտրանքում եղած սակավաթիվ բաղկյուսական բարդությունները կազմված են տարբեր խոսքի մասերի հարադրմամբ՝ ամ եւ կէսն, քսան եւ երեք հազար, քսան եւ չորր հազար:

¹Տե՛ս Հնտրանի հայ եկեղեցական մատենագրության, Ս. Էջմիածին, 2003թ., էջ 120:

Հ. Մանդակունու ճառերում գործածված հարադրավոր բայերի մեջ գերակշռում են գոյական+բայ կաղապարով կազմված հարադրությունները՝ ախտու առնուլ, ակն ածել, աղաւթս մատուցանել, ամյամ առնել, անդրանկութիւն ընկենուլ, ապաստան առնել, բերան ի բերան խաւսել, բժշկութիւն առնել և այլն: Սակավաթիվ են ածականով, մակրայով, նախադրությամբ կազմված ձեները՝ անփոյթ առնել, առաջ զնալ, բարի գործել, զազանաբեկ լինել, զաղու խաւսել, ի բաց ընկենուլ, ի բաց հալածել, ի վերայ ածել: Հարադրավոր բայերի համեմատությամբ զուգադրական բայերը փոքրաքանակ են՝ անիծեալ արկանել, առեալ բերել, առեալ վերացուցանել, դիզեալ կուտել, եկեալ անկեալ, ընկեցեալ լինել:

Մեր աշխատանքում նպատակահարմար ենք գտել «Ճառք»-ում գործածված համադրական բարդությունները բաժանել հոդակապով և անհոդակապ տեսակների՝ իրենց ենթակաղապարներով, երբ բաղադրիչները հանդես են զալիս հնչյունափոխությամբ՝ 1) է(է)>ի՝ արդինազանց, դիմադարձ, դիւամոլ, 2) ու> ը՝ զրագին, հրացայտ, տնանկ, ոււզրո՝ աւզտակար, բազմալար, բազմահոլ, 3) ի>ը՝ ընչասէր, ընչաքաղ, խստավէր, 4) ի>է՝ զինեհատ, հոգելից, հոգեկիր, 5) ի>օ՝ ամսազլուս, ճշմարտատես, սամբաջուր, 5) ոյ> ու՝ լուսազգեաց, լուսափայլ, 6) եա > է՝ կենսատու, կենարար, ը>օ՝ անձնակորոյս, դառնաքուն, ծանրալուր և այլն: Հետաքրքիր է մշտամեղք բարի միշտամեղք անհնչյունափոխ տարբերակի առկայությունը:

«Ճառք»-ում բավականին մեծ թիվ են կազմում հոդակապով բարդությունները՝ աղալեզու, աղբարոյն, արուազէտ, աւճարիմ, աւրահիմայ, բիւրակեղծ, բոզահումանի, գերեզմանակրկիտ, գողահան, ժահահոգի, սուտակասպաք, ցովազնաց, ուծակեր, քրիստոսազգեաց և այլն: Սահուչափ բառում որպես հոդակապ հանդես է զալիս ու շաղկապը: Այս կազմությունները Գ. Զահուկյանը համարում է համադրական բարդությունների տեսակ, որտեղ շաղկապը անվանում է հավելատարը²:

«Ճառք»-ում հանդիպող անհոդակապ բարդությունները թվով

² Տե՛ս Գ. Զահուկյան, Ժամանակակից հայոց լեզվի իմաստաբանություն և բառակազմություն, Ե., 1989, էջ 218:

զիջում են՝ այլաղանդ, արիւներես, դիրաւալ, երկպահք, խազմարար, խարազիմաց, կամարար, կանեփիատն, նախանձորդի, ողջանդամ, չորեքշաբաթ, չարիմաց, ցովոզի, քրիստոսատեաց, քրիստոսընկալ:

Ըստ խոսքամասային պատկանելության՝ համադրական բարդությունների սերող և բաղադրող հիմքերը մեր ընտրանքում ներկայացնում են հետևյալ կաղապարները. 1) Գոյական + գոյական: Այս կաղապարով կազմվում են գոյականներ և ածականներ, իսկ բաղադրիչները միմյանց նկատմամբ գտնվում են գխավորապէս հատկացուցիչ- հատկացյալի, երբեմն է՝ որոշիչ-որոշյալի շարականական հարաբերության մեջ, *ամսազլուին, զրաւահարկ, հայրապէտ, սամթաջուր*: Նշենք, որ այս կաղապարը գերիշտող է; 2) Գոյական+բայարմատ (բայահիմք): Այս կաղապարով հիմնականում կազմվում են ածականներ, ինչպես՝ *աստուածաղիր, խելացնոր, քրիստոսատեաց*; 3) Ածական+գոյական: Այս կաղապարով ևս հիմնականում կազմվում են ածականներ՝ բաղադրիչների որոշիչ-որոշյալ շարականական հարաբերությամբ՝ *զրավաստակ, նորաբողոք, կորովամիտ*: 4) Ածական + ածական կաղապարի բաղադրիչների միջև գոյություն ունի համազոր հարաբերություն, և ստացվում են ածականներ՝ *բարեխառն, երկարաձիգ, մեծամեծ*: 5) Ածական + բայարմատ (բայահիմք) կաղապարի բաղադրիչները միմյանց նկատմամբ գտնվում են պարագայական հարաբերության մեջ, իսկ ամբողջ բաղադրությունը ածական է՝ *բարեպաշտ, խստախառ, յորդահոս, սրբնքաց*: 6) Դերանուն + գոյական կաղապարով կազմվում են ածականներ՝ *բոլորածեւ*: 7) Մալքայ + բայահիմք՝ *արագարսոդ, մշտայեղ, մշտաշարժ, վաղապատիր*:

Ածանցման կաղապարները ներկայացրել ենք 3 ենթախմբով՝ նախածանցավոր, վերջածանցավոր և բայածանցավոր: Նախածանցման պարզագույն կաղապարով ստեղծված բառերի մեծ մասը կազմված է –*ան ժխտական նախածանցով՝ անբան, անբար, անդադար, աներկիւդ, անընտիր, անժամ, անիրաւ, անլոյս*: Ժխտական նախածանցներից գործածվել է նաև -*տ նախածանցը՝ տգեղ, տկար, տկարագոյն բառերում և -չ ածանցը՝ չարժանի բառում*: Մյուս նախածանցներից և ածանցի արժեք ստացած նախդիրներից զանազան կաղապարներում գործածվել են -*համ համանման, համահաւաք-*

նախ ՝նախաթռո, -առ՝ առաւել, առժամայն, -տար՝ տարաժամ, -ընդ՝ ընդվայր, ընդդիմակաց, ընդելական: Մեր ընտրանքում գործածվել են հետևյալ վերջածանցները. -(ա)բար-անասուածաբար, արինակարար, (ա)զին- գրազին, ցաւազին, -ագոյն-աղտէղազոյն, պղծագոյն, -ալի-աղերսալի, զազրալի, -ակի- վաղվաղակի, փութանակի, -ական- աղաւրական, երրորդական, -ային- աստուածային, խաւրային, -ան-պատուիրան, -անակ- ժամանակ, փոխանակ, անկարժանի, -անոց- արուեստանոց, անք- գողանք, դողողանք, թերեւանք, ցոփանք, փողփոշանք, -(ա)պան-պարտապան, (ա)պատիկ- հարիւրապատիկ, բազմապատիկ, (ա)պէս-ուղղապէս, արժանապէս, -ատ- խորխորատ, -ար- պատահար, -արան՝ զգայարան, խաղարան, -ացի- բարելացի, նինուէցի, բաղդէցի, -աւղ(ող)-արբեցող, բամբասող, զրկատ, -աւոր- ամուսնաւոր, նախանձաւոր, -աւրէն- ամաւրէն, -եալ- պասքեալ, սաստացեալ, ուժացեալ, -եայ- առժամանակեայ, -եան- յափտեան, -եղ- ահեղ, շքեղ, -եղէն- հոգեղէն, հրեղէն, -եցի-սողոմայեցի, -ի- անակնածելի, փափազելի, -իլ- դառնատեսիլ, -իկ- սակալիկ, փորքիկ, -ին- նրբին, վերին, -իչ- արհամարիիչ, խոցութիչ, սատակիչ, -իստ-հանգիստ, -իցս-երիցս, -ին- հնչիսն, նի- յայտնի, -ոտիշ- մեռելոտի, ովիշ- իրովիշ, -որդ-ժառանգորդ, նախանձորդ, -ոց-հնոց, -ուած- հարուած, հայեցուած, -ութիւն- անզղութիւն, անընչութիւն, կնահանութիւն, ցատումներաշտութիւն, ցոփազնացութիւն, -ումն- սողորումն, փարատումն, -ուն- գողուն, իմաստուն, հաստատուն, -ունդ- ծնունդ, -ունի- արքունի, գողունի, -ուտ-աղբուտ, -ուրդ- ժողովուրդ, խորհուրդ, -ուստ- զալուտ, կորուտ, -ուեի- թագուիի, -ուր-զինարքուր, -ք-աւրէնք, ելք, պարտք, վերք: Բայածանցներից Հ. Մանդակունու ճառերում լայնորեն կիրառվել են սոսկածանցները, որոնցից մեր ընտրանքում հաճախադեպ է -ան ածանցը՝ անցանել, արդարանալ, գտանել, գուարթանալ, ըղձանալ և այլն, -են ածանցով կա միայն յամենալ բայը, -ն ածանցով՝ առնել, առնով, -չ ածանցով՝ փախչել, -նչ ածանցով՝ կորնչել, երկնչել, -անչ ածանցով՝ մեղանչել: Մեծ թիվ են կազմում պատճառական -ուցան ածանցով կազմված բայերը՝ երեւեցուցանել, զազրացուցանել, ընդելացուցանել, ընծայեցուցանել, իզացուցանել, ծովացուցանել և այլն: «Ճառք»-ում հանդիպում են նաև բարդածանցավոր կառույցներ, ինչպես՝ անակնածելի, անակնունելի, անուա-

նակոչութիւն, աւտարատէսութիւն, եղբայրսիրութիւն, գրպարտութիւն, կողկողանք, մեղմեխանք, մտակորոյ: Սրանց մեջ կան միքանի բառեր, որոնցում դժվար է որոշել բառակազմական քայլերի ճիշտ հաջորդականությունը, ինչպես՝ ամենօրեայ, երեքաւրեայ ևն: Սրանք կարելի է անվանել խառը տիպի կադապարներ, քանի որ բաղադրիչները միաժամանակ են կցվել իրար՝ մեկ քայլով: Հ. Մանդակունու ձառերում հանդիպող բաղադրյալ կառույցները հետաքրքիր են նաև իմաստային առումով: Հ. Մանդակունին ապաշխարության, հանցանքների խոստովանության, պահքի պնդության, տնանկների ողորմության, աղքատների միխթարության, բամբասողների վարքի մասին ձառերում որոշակի հիմքերով բաղադրյալ բառեր է գործածել, որը հնարավորություն է տվել հեղինակին իր ասելիքը դիպուկ և բնորոշ բնութագրումներով ներկայացնելու: Քրիստոնյային բարոյակարատական դասեր տալիս նա հաճախ է գործածում Աստուած, բարի, ամեն, եղանակ, չար և նմանատիպ բաղադրիչներով բարդ կամ ածանցավոր բառեր, դիցուք՝ չար արմատով հանդիպում է մոտ 30 բառ՝ չարակն, չարաբարութիւն, չարագազան, չարադիթ, չարաթոյն, չարաժանի, չարիմաց, չարակիծ, չարահատ, չարայուշ, չարապատիծ, չարատանջ և այլն: Երեսում է, որ Մանդակունու համար հական է եղել քրիստոնյային ցույց տալ չարի բացասական ազդեցությունը և խրատել հեռու մնալ դրանից աղոթքով ու անբասիր վարքով: Ահա սա է պատճառը, որ նա իր ասելիքը նպատակակետին հասցնելու համար փորձում է երեսույթները բնութագրել նմանատիպ կառույցներով: Բացասական իմաստ ունեցող արմատներով գործածվում են նաև ժանտ, խոժոռ և դառն ածականները՝ ժանտազործ, ժանտամիտ, ժանտիմաց, դառնաթոյն, դառնաշունչ, դառնապէս, խոժոռամիտ, խոժոռադէմ, ոխ գոյականը՝ ոխապահ, ոխակալութիւն, ոխութիւն: Հ. Մանդակունին իր «Թուղթ վասն խոստովանութեան վարուց յանցանաց» և «Թուղթ վասն ապաշխարութեան» ձառերում գործածում է յուրահատուկ բառեր, որոնք իմաստային առումով առնչվում են հանցանքների, դրանց խոստովանության և ապաշխարության հետ՝ խոստովանել, հեծեծել, հեշտանալ, ճգնութիւն, մաքրումն, մեղք, մոլորութիւն, յանցանք, ողոքանք, չարչարանք, պաղատանք, պասքեալ, վայումն, վարանք, տանջանք, տառապեցուցանել, տրտութիւն, փարատուսն:

Մարդկային վաստ բարքերը, որկրամոլությունը, անառակուրժյունը արտահայտվում են յուրատեսաակ կառուցյներով՝ աղտեղեալ, անպարկեշտագոյն, բռնավարեալ, զիջանալ, զրգուաղել, զեղյսեցեալ, իզանալ, հեշտութիւն, մատակախազ, մարդահաճոյանալ, բռզահումանի, մեղկութիւն, մոլեկան, շնուրիւն, շոզմոզել, շուայտանալ, պոռնկութիւն, վավաշոտ, ցոփոզի, ցոփութիւն, վափկանալ, բռշրտէցուցանել: «Ծուլթ վասն հմայից դիւթականաց եւ անաւրեն յուրթողաց» ճառում Մանդակունին, կապված կախարդության և գուշակությունների հետ, գործածել է հմայիլներին վերաբերող հետաքրքիր բառեր և բայական հարադրություններ՝ աստեղագիտութիւն, ալրահմայ, բանդագոյշ, բժշկութիւն առնել, դիւտահրցութիւն անել, դիւտոյց, դիւթութիւն, երազախաւս, թքքբել, ժամնուկ, խորդադիւր, հաւահմայութիւն, հեղահարութիւն, մաղարադութիւն, միջագիտութիւն, յորոգայթ անկանել, ոզունահմայ, սրտագէտ, ուսութ, քարկոծումն, քուահրցութիւն: Առաջին հայացքից թվում է, թե Աստուած բաղադրիչով ավելի շատ բարդ ու ածանցավոր բառեր պիտի լինեին, բայց հանդիպում է 18 բառ՝ աստուածային, աստուածայիր, աստուածախաւսը, աստուածածին, աստուածասպաշտութիւն, աստուածական, աստուածամարտ, աստուածատեսը և այլն: Հաջորդ երկու արմատներով բառերը բանակով զրեք հավասար են: Աչքի են ընկնում նաև հետևյալ բաղադրիչներով կազմությունները՝ ամեն՝ ամենալուր, ամենախնամ, ամենահայր, ամենասէր, ամենապարզեւ, ամենացոյց, ամենափրկիչ, անձն՝ անձնատեաց, անձնակորոյս, անձնահաճոյ, յանձնանձել, բազում՝ բազմամեղ, բազմահոյլ, բազմորդի, բազմաքանքար, բարի՝ բարեբանել, բարեզործել, բարեզորդել, բարեզորդութիւն, բարեխաւսել, բարեկենդան, բարերար, մեծ՝ մեծամեծ, մեծամեղ, մեծապայծառ, մեծատուն, զազան՝ զազանական, զազանաբեկ, զազանակեր, զազանամիտ, արիւն՝ արիւներես, արիւնաշաղախ, արիւնահան, արիւնահեղ, խիստ՝ խստարան, խստախաւս, խստամիտ, խստասիրո, ինչ՝ ընչաքաղց, ընչեղ, ընչեղէն, ընչափակ, իոզի՝ իոզէբածող, իոզէլից, իոզէկիր, մարդ՝ մարդազոհ, մարդահաճութիւն, մարդասիրութիւն: Այսպիսով, Հ. Մանդակունու ճառերը հարուստ են բառակազմական զանազան ինքնատիպ կադապարներով, որոնց բաղադրիչների իմաստային առանձնահատ-

Կությունների վերհանումը առավել հետաքրքիր է դարձնում դրանց ուսումնասիրությունը:

Susanna Grigoryan, Naira Paronayn - The Word-Formation of Hovhan Mandakuni's Allocutions.-The collection of H. Mandakuni's allocutions is of special interest from the linguistic point of view. The collection is a rare literary monument devoted to the clerical life, its morality and ethics. The composite structures, present in Mandakuni's orations, are interesting from the semantic point of view as well. H. Mandakuni has used composite words with certain bases in the orations which concerned the confession, the admission of guilts, the comfort to the poor, the behavior of tale-tellers; all these have given the author the opportunity to transmit his message to the reader in a clear and typical way.

Сусанна Григорян-Наира, Паронян-Словообразование тирад Огана Мандакуни.- Сборник тирад О.Мандакуни представляет особый интерес в языковом значении. Сборник представляет собой редкий литературный памятник, посвящённый церковной жизни, нравственности, морали. Сложные конструкции, которые встречаются в тирадах О.Мандакуни, интересны и в своём смысловом значении. В своих тирадах о покаянии, признании в преступлениях, утешении нищих, о поведении сплетников он в определенных ситуациях употребляет сложные слова, которые позволили автору дать меткие и характерные определения тому, что он хотел сказать.

Գարիկ Մկրտչյան (Հայաստան,
ԳԱԱ լեզվի ինստիտուտ)

ՀԱՅՈՑ ՄԵԾ ԵՂԵՇՈԸ ՀԱՅԵՐԵՆԻ ՄԻ ՇԱՐՔ
ԲԱՐԲԱՌՆԵՐԻ ՎԵՐԱՑՄԱՆ ՈՒ ՏԱՐԱԾԱԿԱՆ
ՀԻՄՔԵՐԻ ԽԱԽԾՄԱՆ ՊԱՏՃԱՌ

Հայերենի բարբառների Կը ճյուղը աշխարհագրորեն գտնվում է Արևմտյան Հայաստանում: Սակայն 19-րդ դարի վերջերից սկսած և հատկապես 20-րդ դարի սկզբում հենց այս տարածքում տեղի են ունենում հայերենի մի խումբ բարբառների ու բարբառախմբերի վերացման, հայերենի բարբառների տարածական հիմքերի խախտման գլոբալ գործընթացներ: Պետք է կարևորել, որ Արևելյան Հայաստանում տեղակայված արևելյան խմբակցության ում և ել ճյուղերի բարբառների դեպքում ևս տարածական հիմքերի խախտման որոշակի գործընթացներ տեղի են ունեցել, բայց դրանք տեղային բնույթ են կրել և, ի տարբերություն արևմտյան բարբառների, բարբառատեսակների վերացման չեն հանգեցրել:

Բնական երևոյթների, տեխնոլոգիական վթարների, այդ թվում ցեղասպանության հետևանքների ուսումնասիրությունների համար ստեղծված գիտությունն ընդունված է կոչել վիկտիմոլոգիա (լատ. victim.qnh)` զոհաբանություն¹: Հայերենի բարբառների վերացման ու նրանց տարածական հիմքերի խախտման հետևանքների գիտականորեն ուսումնասիրություններն օրինաչափ են դառնում այս համատեքստում ևս:

Տարածքը լեզվաբանության մեջ երկակի բնութագրում ունի: Այն, որպես բառամիավոր, ունի որոշակի բառիմաստ, արտահայտում է բառհասկացություն, իսկ որպես եզրույթ՝ նշանակում է բնակիմայական պատշաճ պայմաններով ներկայանալի այնպիսի գոտի, որտեղ կան մարդկանց կենսագործունեության համար անհրաժեշտ բոլոր պայմանները: Նախընտրելի է լեզվատարածք եզրույթի կիրառումը: Այն «արեալ», «տերիտորիա» եզրույթների համարծեքն է: Լեզվատարածքը, կարծեք թե, արտացոլում է լեզուն, տարածքը և

¹ Հայկական հարց հանրագիտարան, Երևան, 1996, էջ 447:

հասարակությունը միասնաբար վերցրած: Տարածքը կամ լեզվատարածքն ապահովում էն հասարակության կենսագործունեությունը և զարգացումը: Եթե չկա լեզվատարածք, ապա չկա նաև հասարակություն ու լեզու:

Լեզվատարածքի գաղափարը լեզվաբանության մեջ ակտուալ է դարձել տարածքային լեզվաբանության ստեղծմանը զուգընթաց: 19-րդ դարում պատմահամեմատական լեզվաբանության շրջանակներում ստեղծված լեզվաաշխարհագրության կամ զուգաբանությունների մեջողը դրա ցայտուն արտահայտությունն է: Սակայն տարածքային լեզվաբանության կամ տարածքային բարբառագիտության զարգացման ձեռքբերումները գրանցվում են 20-րդ դարում, իսկ մեր ժամանակներում այն խիստ զարգացող գիտակարգ է ողջ աշխարհում:

Տարածքային բարբառագիտության նվազագույն միավորն ընդունված է համարել խոսվածքը, որը հավասարաթեք է մի լեզվատարածքի: Կարելի է դասել, որ ՀՀ տարածքում ամեն մի բնակչայր մի լեզվատարածք է՝ լինի քաղաք յէ գյուղ, հետևաբար բնակավայրերով է որոշվում լեզվատարածքների քանակը: Խոսվածքի եռթյունը հաղորդակցային լեզու լինելն է, որով կազմակերպվում են միննույն լեզվով խոսող հանրույթի խոսողության գործընթացները: Խոսվածքների համասեռությամբ ու տարասեռությամբ է որոշվում բարբառների առանձնացումը մեկը մուսից, իսկ նրանց ամբողջությունը՝ լեզվական միավորների ծագման, զարգացման, կրած փոփոխություններով հանդերձ, հանգեցնում է մի ընդհանուր լեզվի:

Պատմական փաստերը հաստատում են, որ անցած դարասկզբին ու դրան նախորդած տարիներին Պատմական Հայաստանում թուրքական կառավարության սանձազերծած եղերական իրադարձությունները հանգեցրել են շուրջ 2500² հայկական լեզվատարածքների ամայացման: Ամայացումը, որպես գործընթաց, երեք ուղղվածություն է ստացել՝ ա) կենսատարածքից մարդկանց չեզոքացում, տար-հանում, զաղթ, բ) բնակչության ոչնչացում բուն կենսատարածքներում, զաղթի ճանապարհներին ու արտրավայրե-

² Ստեփան Պողոսյան, Հայոց ցեղասպանության պատմություն, հ. Առաջին, ԵՊՀ հրատ., Ե., 2008, էջ 658:

բում, գ) իսլամացում ու մահմեդականացում:

Ամայացած լեզվատարածքները բացառապէս գտնվում են հայերենի բարբառների արևմտյան խմբակցության արեալում, ներառում են հայերենի վեց բարբառախմբեր³, որոնք, ինչպէս կտեսնենք, տրոհվում են առանձին բարբառների, միջբարբառների և, ի վերջո, խոսվածքների: Այդ բարբառախմբերն են՝

ա) *Անտիոքի կամ ծայր հարավ-արևմտյան բարբառախումբ*: Ունի երկու բարբառ՝ Քեսար-Սվենդիայի և Բեյլանի բարբառները: Քեսար-Սվենդիայի բարբառը ներկայանում է Քեսարի, Քարուսիեի, Յողոն Օլուկի, Հաջի-Հարիբլիի, Արամոյի խոսվածքներով:

բ) *Կիլիկիայի կամ հարավ-արևմտյան միջբարբառախումբ*: Ունի երկու բարբառ՝ Հաջընի և Մարաշ-Զեյթունի: Մարաշ-Զեյթունի բարբառն ունի երկու խոսվածք՝ Մարաշ և Զեյթուն:

գ) *Փոքր Ասիայի կամ արևմտյան բարբառախումբ*: Այս բարբառախումբը թերևս ամենամեծն է հայերենի բարբառների շարքում: Ներառում է տասը բարբառ և հինգ միջբարբառ: Նրանցից փրկվել են միայն Կարնո բարբառի մի շարք խոսվածքներ՝ տեղակայված լինելով ՀՀ Շիրակի մարզի տարբեր համայնքներում, և Ղրիմի-Նոր-Նախիջևանի բարբառը: Հիմնականում ոչնչացվել, մասսամբ տարագրվել ու մահմեդականացվել են հետևյալ բարբառների ներկայացուցիչները՝ ա) Կարինի բարբառը և նրա Կարին, Բաբերդ և Խնդառոր խոսվածքները, բ) Շապին-Կարահիսարի միջբարբառը՝ նույնանուն խոսվածքով, գ) Սեբաստիայի բարբառը՝ Սեբաստիա, Բրգնիկ խոսվածքներով, դ) Եվդոկիայի միջբարբառը՝ նույնանուն խոսվածքով, ե) Մարզվան-Ամասիայի բարբառը՝ Մարզվան, Ամասիա խոսվածքներով, զ) Պոլսի միջբարբառը և նրա Պոլսի, Զմյուտնիա, Նիկոլսենիա, Պարտիզակ, Ռոդոսթո, Օրդու, Տրապիզոն, Աղափազար խոսվածքները, ե) Սիվիրիհիսարի միջբարբառը՝ համանուն խոսվածքով, ը) Կյուրինի բարբառը՝ համանուն խոսվածքով, թ) Սյոյլոզի միջբարբառը՝ համանուն խոսվածքով, ժ) Մալաթիայի բարբառը՝ համանուն խոսվածքով, ժա) Կեսարիայի բարբառը՝ Թումարգա, Դարենդէ, Էվերեկ խոսվածքներով, ժբ) Խարբերդ-Երզնկայի բարբառը՝ Խարբերդ, Երզնկա, Կամախ, Չմշկածագ, Ալթուն-Հուսեյն,

³ Զնորդ Զահուլյան, Հայ բարբառազիտուրյան ներածություն, Ե., 1972 թ., էջ 132-135:

Խամայիլ, Հալվորի խոսվածքներով, ժգ) Ապանբեկի բարբառ՝ համանուն խոսվածքով, ժդ) Ակնի բարբառ՝ համանուն խոսվածքով, ժե) Արաբկիրի բարբառ՝ համանուն խոսվածքով:

դ) *Համշենի կամ հյուսիս-արևմտյան միջքարբառախումբ*: Ունի երկու բարբառ՝ Համշենը և Եղեսիան: Համշենի բարբառն ունի երեք խոսվածք՝ Մարթիլ, Մայա, Զեֆանոս, իսկ Եղեսիայի բարբառն ներկայանում է համանուն խոսվածքով:

ե) *Սուշ-Տիգրանակերտի կամ հարավ-կենտրոնական բարբառախումբ*: Ունի չորս բարբառ: ա) Սուշի բարբառն իր Բաղեց, Խլաթ, Արձկե, Արձեց, Մանազկերտ, Մուշ, Բուլանըդ, Խնուս, Ալաշկերտ խոսվածքներով, բ) Տալվորիկ-Մոտկանի բարբառն ունի երկու՝ Նիշի և Այգետունի խոսվածքները, զ) Սասունի (Գելիեգուզանի) բարբառը ներկայանում է երկու՝ Գելիեգուզանի և Հազզոյի խոսվածքներով, դ) Տիգրանակերտի բարբառը՝ համանուն խոսվածքով: Սակայն կան փաստեր, համաձայն որոնց՝ այսօր Թուրքիայի Դիարբեքիր քաղաքում (Տիգրանակերտ) կան բավական հայախոսներ:

զ) *Վանի կամ հարավային միջքարբառախումբ*: Ունի երկու բարբառ՝ Վանի և Դիաղինի բարբառները: Վանի բարբառը ներկայանում է հետևյալ խոսվածքներով՝ Մոկս, Շատախ, Բաստ, Ոզմ, Վան, իսկ Դիաղինի բարբառն այսօր հայտաբերվում է ՀՀ-ում հանգրկանած Վարդենիսի խոսվածքով: Հիմնականում փրկված խոսվածք է:

Վերոբերյալ վիճակագրական տվյալները ցույց են տալիս, որ անցած դարասակգրին տեղի ունեցած իրադարձությունների հետևանքով իրենց բուն կենսատարածքում վերացել են քանակեց բարբառ ու հայրուրավոր խոսվածքներ՝ հիմնականում ոչնչացվելով, մասսամբ՝ տարագրվելով ու մահմեղականացվելով: Ի հավելումն ասվածի՝ բարբառներից ու խոսվածքներից բացի 1915 թ. կասեցվել է նաև Կ. Պոլսում այդ ժամանակ արդեն իսկ հարյուր տարվա կազմավորում ու գործառություն ունեցող գրական արևմտահայերենի զարգացումը: Խնդիրը, ինչպես զիտենք, լուծվել է ապրիլի 24-ին շուրջ 800 մտավորականների արսորով ու սպանդով:

Հայերենի նշված բարբառները տեղաբաշխվում են Արևմտյան Հայաստանի հետևյալ՝ Վանի, Էրզրումի, Բիթլիսի, Խարբերդի, Աերաստիայի, Դիարբեքիրի հայկական նահանգներում, ինչպես նաև

Կիլիկիայի և Արևմտյան Անատոլիայի հայաբնակ վայրերում: Զենք բացառում նաև այն, որ ոչնչացած բարբառների թվում եղել են նաև այնպիսիք, որոնք մինչ այդ հայագիտությանը հայտնի չեն եղել:

Եթե փորձենք վերլուծել պատմական փաստական տվյալները, ապա համաձայն թուրքական վիճակագրության՝ 1845թ. Արևմտյան Հայաստանում բնակվում էր 3. 833. 297 հայ: Տարեկան 0,7 տոկոս բնական աճի դեպքում՝ 1915թ. այդ թիվը պետք է հասներ մոտ 5,5 միլիոնի: Ընդ որում, Հայաստանից դուրս, այսինքն կայսրության մուս մասերում բնակվում էր 1.030.000 հայ, որից Կիլիկիայում՝ 380.000, Ասիական Թուրքիայում՝ 455.000, Եվրոպական Թուրքիայում՝ 195.000, այսինքն՝ ընդամենը 3.904.637 հայ: Եթե հայերի ընդհանուր թից հանենք մեկ միլիոն գաղթականներին, 530 հազար մահմեդականացվածներին, ապա, ինչպես նկատում է պատմաբան Հ. Զատիկյանը, Մեծ Եղեռնին Զոհ է գնացել 2,4 միլիոն մարդ, կոտորվել էր բնակչության 74, 3%-ը⁴: Նույն այդ հաշվարկներով՝ 1895-1915թթ. ոչնչացվել էր 1,8 միլիոն հայախոս: 1894-1896 թթ. շարդերի զոհերի թիվը ըստ նահանգների ներկայացնում է հետևյալ պատճերը. Վան՝ 46. 011, Բիթլիս՝ 27. 606, Դիարբեքիր՝ 27.606, Էրզրում՝ 51.133, Խարբերդ՝ 49.692, Սեբաստիա՝ 51.533⁵: Ընդամենը՝ 2.999. 94 հայ⁶:

Տարագրումը նույնպես բարբառի վերացման մի դրսնորում է: Նոր կենսամիջավայրերում բարբառակիրները պարտավորվում են ենթարկվել տվյալ միջավայրում ապրող հանրույթի կենսապահանջներին: Կենսագործունեությունը չկասեցնելու համար լեզուն առաջնային է: Օտարալեզու միջավայրերում այդ հանգեցնում է երկլեզվության, ապա՝ մայր բարբառի նահանջի ու մոռացման, մինչդեռ միննույն լեզվի շրջանակներում գոյատևելը ժամանակի ընթացքում թերում է եկվորների մասնակի կամ լիակատար ասիմիլացման: Մրան նպաստում է եկվորների թվաքանակով քիչ լինելը: Տարա-

⁴ ՀՀ ՊԿՊԱ, ֆ. 476, գ. 1, գ. 335:

⁵ Հայոց ցեղասպանության պատմության և պատմագրության հարցեր, Ն 9, Ե., 2004, էջ 149:

⁶ Ստեփան Պողոսյան, Հայոց ցեղասպանության պատմություն, հ. Առաջին, ԵՊՀ հրատ., Ե., 2008, էջ 662:

գրյալների՝ բարբառների կորստյան վերոբերյալ գնահատականները հիմնավորող փաստերը մեզանում առատ են:

Հայերի ուժացմանն ուղղված քաղաքականությունը Օսմանյան կայսրության գոյության ամբողջ ընթացքում օրակարգային է եղել: Մինչ բուն Եղեռնն այդ արտահայտվել է բռնի ամուսնություններով և հիմնականում մահմեդականացմամբ ու լեզվափոխությամբ: Որպես ասվածի վկայություն՝ կարող ենք հիշատակել այն, որ վերջին տարիներին Թուրքիայում սկսվել է բռնի ուժացված հայերի էթնոգիտակցության, էթնոլեկտի բացահայտման գործընթացներ: Վկայություններ կան, որ «հայ բառն արտասանողների լեզուները կտրում են» Եղեռնի տարիներին, որի հետևանքով Կիլիկիայի բազմաթիվ զուղերում «հայերը կորցրել են իրենց մայրենին»⁷: Հետազոտող Ի. Չառնիի գնահատումներով՝ մայրենի լեզվով խոսելն արգելելը ևս պետք է որակել որպես ցեղասպանություն (լինգվիցիյ)⁸: Եթե ցեղասպանությունն ուղեկցվում է մայրենի լեզվի կասեցմամբ ու վերացմամբ, այն ինքնին վերաձում է նաև լեզվասպանության (լինգվիցիյ)՝ դիտվելով տվյալ հանրույթի բանավոր մշակույթի գործառման արգելափակում: «Թուրքերուն հարստահարությունն ու հալածանքն այնքան խիստ եղավ, որ հայախոս Անթեալ եղավ թուրքախոս՝ Փոքր Ասին ուրիշ քաղաքներուն պես»⁹, -գրում է Գ. Սարաֆյանն իր ուսումնասիրության մեջ: Հայախոսների՝ ստիպողաբար թրքախոս ու քրդախոս դառնալու մասին պատմական վկայությունները բազմաթիվ են: Պատահական չենք հիշատակում այս ամենը՝ նպատակ հետապնդելով հիմնավորել, որ մինչ բուն սպանդը թուրքական քաղաքականության կարևորագույն գծերից է եղել բռնի լեզվափոխությամբ ու կրոնափոխությամբ որոշակիորեն լուծել Հայկական հարցը: Այս երևույթը լեզվաբանական գրականության մեջ գնահատվում է որպես փոխներթափանցման մի դրսերում, այսինքն՝ «քաղաքական նվաճում»¹⁰: Նշվածից եզրակացնում ենք, որ

⁷ Գրիգոր Գալրուստյան, *Մարաշ կամ Գերմանիկ և հերոս Զեյրուն*, Նյու Յորք, 1934, էջ 698:

⁸ Հայկական հարց հանրագիտարան, Երևան, 1996, էջ 12:

⁹ Գևորգ Սարաֆյան, *Պատմություն Ալբենի հայոց*, հ. Ա, Լու Անջելես, 1953, էջ 5:

¹⁰ Գևորգ Զահորկյան, *Հայոց լեզվի պատմություն. նախագրային ժամանակաշրջան*, Ե., 1987, էջ 12:

նախրան բուն գենոցիդը, թուրքական քաղաքականությունը Հայկական հարցը շանացել է ավելի սահուն կերպով՝ լուծել իսկ բուն Եղեռնի ընթացքում զուգորդվել են միմյանց գենոցիդն ու լինգվիցիդը:

Այսուեղ ցանկանում ենք հակադրվել անզիացի հետազոտող Է. Քարային: Նա, փորձելով պաշտպանել թուրքական քարոզազավեշտը, թյուր տեսակետ է հայտնել, համաձայն որի՝ ցեղասպանության տարիներին «ցրվածության, միասնության բացակայության և նման այլ զործոնների թելադրանքով հայերի հիմնական մասը խոսում էր թուրքերեն: Հայերենը մոռացածներին կոչում էին «թուրք քրիստոնյաներ»¹¹: Հեղինակը, քաջածանոթ չլինելով հայ ժողովրդի պատմությանը, անտեսում է այն բացարձակ ճշմարտությունը, որ հայերը և հայերենն ավելի անաղարտ պահպանվել են մահմեդականների միջավայրում, քան քրիստոնյաների, քանի որ վերջիններիս միջավայրում վճռորոշ է կրոնական դավանանքի խնդիրը: Հայ բարբառախոսների սպանդի, տարագրման ու մահմեդականացման կարևորագույն գեղարվեստավագերագրություն է համարվում Երվանդ Օսյանի «Անիծյալ տարիներ» (2004թ.) հուշագրությունը:

Այդուհանդեռձ, Եղեռնին հաջորդող տասնամյակներում՝ ողջ 20-րդ դարում և մինչև օրս, հայ բարբառագիտությունը ծավալուն զործունեություն է ծավալել կորուսյալ բարբառների ու նրանց տարածական հիմքերի խախտումների ուսումնասիրության ուղղությամբ: Եղած լիակատար կամ մասնակի վերականգնումներն օգնում են գաղափար կազմել Արևմտյան Հայաստանի լեզվատարածքների լեզվական համակարգերի մասին: Նպատակ է դրվել տալ կորուսյալ բարբառների նկարագիրը: Այս հարցում անուրանալի է Հր. Աճառյանի, Գ. Սրվանձտյանցի կատարած բարբառագիտական և բանագիտական գործունեությունը: Մինչ Եղեռնն է լույս տեսել Հր. Աճառյանի՝ տարածքային և գիտական բարբառագիտության զարգացման գործում մեծ նշանակություն ունեցող, ուղի հարթող «Հայ բարբառագիտություն-ուրվագիծ» և դասավորություն հայ բարբառների» (1911թ.) կոթողային աշխատությունը՝ որպես «Հայոց խոսած

¹¹ Karal F. Z, *La Question Armenienne*, Ankara, 1975, p. 8:

լեզուներու և բարբառներու քարտես»¹²: Հետագա տարիներին են լույս տեսնում Ռ. Բաղրամյանի «Դերսիմի բարբառային քարտեզը» (1960թ.), Գ. Զահուկյանի «Հայ բարբառագիտության ներածություն» (1972թ.), Ա. Հանեյանի «Տիգրանակերտի բարբառը» (1978թ.), Դ. Կոստանդյանի «Երզնկայի բարբառը» (1979թ.), Ա. Սարգսյանի «Հայոց լեզվի բարբառային ատլաս» (2008թ.) ուսումնասիրությունները:

Հայերենի բարբառների ոչնչացմամբ մասնակիորեն է հնարավոր վերականգնել նրանց բուն լեզվական պատկերը: Նրանցից շատերի վերաբերյալ, ցավոր, լեզվական տվյալները բավարար չափի չեն, որը խոչընդոտում է լեզվական համակարգերի հետադարձ վերականգնողականությանը: Տարածական հիմքերի խախտումները հանգեցրել են հատուկենու փրկված խոսվածքների գոյատևմանը նորանոր լեզվական որակներով առաջնորդվող միջավայրերում: Գոյատևումը, ի վերջո, բերում է մասնակի կամ լիակատար ասիմիլացման: Հայկական զաղթօջախներում հանգրվանած տարագիրները մինչ օրս իրենց մայր բարբառը պահպանում են որպես տարբերակիչ էթնո հատկանիշ այլ լեզվական հանրույթներից կամ չեն պահպանում, իսկ ՀՀ-ում հանգրվանած բազմաթիվ բարբառախոսներ ուղղակիորեն ձուլվել են, քանի որ մեզանում այդ էթնո տարբերակման խնդիրը չկա: Եթե հիսուն-վարսուն տարի առաջ հնարավոր էր Երևանում կամ այլուր գտնել արևմտյան, եզրային բարբառները կրող մարդկանց, ապա այսօր այդ անելն ուղղակի հնարավոր չէ: Հայաստանի Հանրապետության այն տարածքներում, որտեղ լավագույնս պահպանվել են արևմտյան բարբառները, ներգաղթյալներ են կենտրոնական Հայաստանի տարբեր բնակավայրերից մինչ բուն Եղեռնը. նրանք մեծաթիվ խմբերով Արևելյան Հայաստան են եկել 1828-29թ. ոուս-պարսկական, 1877-78թ. ոուս-թուրքական պատերազմների ընթացքում, բնակվել լեռնային մեկուսի գոտիներում, և մինչ օրս հնարավորինս պահպանում են մայր բարբառները: 1915-22 թթ. տեղի ունեցած իրադարձությունների շղթայում ունենք միայն Սասն, Մշն բարբառները կրող հանրույթներ, որոնք պահա-

¹² Հրաչյա Աճառյան, Հայ բարբառագիտություն-ուրվագիծ և դասավորություն հայ բարբառների, Էմիլյան ազգագրական ժողովածուի Ը հատոր, Մոսկվա-Նոր-Նախիջևան, 1911, էջ 307:

տանել են Թալինի տարածաշրջանում և դարձյալ պահպանում են մայր բարբառները մինչ օրս:

Ոչնչացված լեզվատարածքներում գործած բարբառային և խոսվածքային միավորների գրանցման գործում մեծ արժեք է ներկայացնում Հայերենի բարբառագիտական ատլասի նյութերի հավաքման ծրագիրը (ՀԲԱ): 1977 թ. ՀՀ ԳԱԱ-ի Հր. Աճառյանի անվան լեզվի ինստիտուտի հրատարակած այս ծրագրով նպատակադրվել է կազմել հայերենի բարբառագիտական ատլասը՝ արևելյան և արևմտյան տարածքների ընդգրկմամբ: Այդ ուղղությամբ աշխատանքները մինչ օրս շարունակվում են: Այսօր լեզվի ինստիտուտում պահպում են ՀԲԱ-ի ծրագրով գրանցված հինգ հարյուր տետր: Տետրերի մի մասը՝ շուրջ 245-ը, արտացոլում է Արևմտյան Հայաստանի կորսված տարածքների խոսվածքների առանձնահատկությունները: Դրանց մեծ մասը ներկայացնում են Եղեռնից հետո ՀՀ կամ աշխարհի տարբեր զաղթօջախներում հանգրվանած բարբառախոսների լեզվական համակարգերը, իսկ մի մասը՝ մինչ Եղեռնը տեղի ունեցած ներզադրյալների լեզվական տվյալները: Ինչպես ներկայացնում են այդ ծրագրի շրջանակներում աշխատած բարբառագետները, այդ կարևորել է ակադեմի-կոս Գևորգ Զահորելյանը՝ զիտակցելով, որ ժամանակի ընթացքում չեն լինելու այդ բարբառները կրող ինֆորմանտները (տեղեկատուներ): Արևմտյան բազմաթիվ բարբառների լեզվական համակարգերի վերաբերյալ բացառապես զաղափար ենք կազմում այդ տետրերի շնորհիվ, որոնք անվտանգության նկատառումներով արդեն մի քանի տարի են, ինչ թվայնացվում են և լուսուսպատճենավորմամբ պահպանվում:

ՀԲԱ-ի առավելությունն այն է, որ բարբառների մեծ մասը, որոնք, ինչպես արդեն նշվեց, գտնվել են արևմտահայ հատվածում, կորցրել են իրենց նախկին, տարածական բուն հիմքերը: Այդ վայրերում հայերեն բարբառներն ուղղակիորեն հաղորդակցային արժեք չունեն այժմ: Տվյալ տարածքների բարբառային նյութերը դաշտային աշխատանքներով գրանցվել ու գրանցվում են Հայաստանում ու հայկական զաղթօջախներում հանգրվանած հայերից: Մրա հետևանքով պատմական Հայաստանի բարբառներին նվիրված ամեն մի ուսումնասիրություն, այդ թվում երբեկցե կազմվելիք հայերենի բարբառագիտական ատլասը կունենա հետադարձ վերա-

կանգնողական բնույթ ու արժեք, այսինքն՝ հնարավորինս կներկայացնի այն վիճակը, որը զոյտություն է ունեցել 1915 թվականի սպանդից ու գաղթերից առաջ:

Այսօր հայ բարբառագիտության հիմնախնդիրների մեջ առանցքային է ճշգրտելը հայերենի բարբառների թվաքանակը Հայաստանի Հանրապետության և տասնյակ զաղթօջախների տվյալների համադրմամբ: Այն, որ հայերենի բարբառների վերջին վիճակագրական դասակարգմամբ հայերենի 44 բարբառների թիվը կտրուկ նվազել է չարաղետ իրադարձությունների հետևանքով, անվիճարկելի է: Օրինակ՝ այսօր ար-դեն չունենք Վանի, Տիգրանակերտի, Խոտոքուրի և այլ բարբառներով խոտող հանրույթ: Տարագրյալ բարբառախոսների լեզվական կայունությունը խիստ հարաբերական է, քանի որ լեզվատարածքի փոխխությունները հանգեցնում են երկլեզվության: Այստեղ մեծ է ինքնըստինքնյան և աստիճանական ուժացման վտանգը, իսկ տարբեր բարբառային որակների համատեղ գոյակցումն ուղղակիորեն հանգեցնում է մեկի ձումանը մյուսին կամ լեզվական նոր որակների՝ կոյների առաջացմանը:

Garik Mkrtchyan - Armenian Genocide as the Reason of Elimination of a Number of Armenian Dialects and Violation of Their Geographical Bases. -According to historical data during the previous century the tragic events organized by Turks led to the desertification of about 2500 Armenian linguistic areas in the Historical Armenia. The deserted linguistic areas were exclusively within the areal of Western group of Armenian dialects and include six dialectical groups of Armenian. About twenty six dialects and hundreds of sub-dialects were basically destroyed, partially emigrated or islamatized. The eliminated Armenian dialects were spread in the following Western Armenian regions: Van, Erzurum, Bitlis, Kharberd, Sebastia, Diyarbakır, as well as in Kilikia and Armenian regions of Western Anatolia.

Гарик Мкртчян - Геноцид армян как причина исчезновения ряда диалектов и нарушение пространственных основ. - Согласно историческим фактам, в начале прошлого века и в течение предшествующих лет организованные турками трагические события в исторической Армении привели к опустошению около 2500 армянских

языковых территорий. Опустошение происходило в трех направлениях: изгнание людей из мест жительства, миграция, истребление населения прямо в местах жительства, на миграционных путях и в местах ссылки, обращение в ислам и мусульманство.

Опустошенные языковые территории находятся исключительно в ареале западных диалектов армянского языка и включают шесть диалектных групп. Около 26 диалектов и сотни говоров были полностью уничтожены, частично изменены и превращены в мусульманские. Исчезнувшие диалекты армянского распределены по следующим армянским регионам: Ван, Эрзрум, Битlis, Харберд, Себастия, Диарбекир, а также по армянонаселенным пунктам в Киликии и Западной Анатолии.

Մուրադյան Անահիտ
(Հայաստան, ՀՊՄՀ)

ԳՐԱԲԱՐԻ ԵՎ ՄԻԶԻՆ ՀԱՅԵՐԵՍԻ ՆԱԽԴՐԱՎՈՐ ԵՎ
ՆԱԽԱԴՐՈՒԹՅԱՍՔ ԿԱՌՈՒՅՑՆԵՐՈՎ ԳՈՅՅԱԿԱՆԱԿԱՆ
ԲԱՌԱԿԱՊԱԿՑՈՒԹՅՈՒՆՆԵՐԻ ԶՈՒԳԱՌՐԱԿԱՆ
ԲՆՈՒԹՅԱԳԻՐԸ

Նախդրավոր և նախադրությամբ կառույցներով գոյականական բառակապակցությունները որպես շարահյուսական յուրահատուկ կառուցվածքներ գրաբարում և միջին հայերենում տարածված են ու հաղորդման մեջ երբեմն լրացական իմաստների ձևավորման անփոխարինելի միջոցներ են: Նման կաղապարներն ինքնատիպ են և՝ իրենց կառուցվածքով, և՝ արտահայտած իմաստով, և՝ գործառությամբ: Դրանցում ուշազրակ են ինչպես լրացյալ գոյականի, այնպես էլ լրացումը ձևավորող նախդիրների իմաստային և բառակազմական հատկանիշները:

Խնդրո առարկա կառույցների կազմության և իմաստային արտահայտությունների հարուստ համակարգն ըստ հնարավորին ամբողջական ուսումնասիրելու առումով համեմատական քննության ենք ենթարկել գրաբարի և միջին հայերենի նախդրավոր և նախադրությամբ կառույցներով գոյականական բառակապակցությունները՝ փորձելով ցույց տալ այդ կառույցների միջև եղած ընդհանրություններն և տարբերությունները, պարզաբանել բառակապակցական այդ կաղապարների տարրեր արտահայտությունների կիրառության աստիճանը, բնութագրել զարգացող և հետաձայնող կաղապարները, իմաստային նոր հարաբերությունների արտահայտությունները, դրանք պայմանավերող հանգամանքները:

Այժմ զրոգադրաբար ներկայացնենք գրաբարի և միջին հայերենի գոյականի՝ նախդրավոր և նախադրությամբ կառույցներով լրացումների հիմնական առանձնահատկությունները կազմավորման և գործառության մանրամասներով:

Իրենց հաճախականությամբ, իմաստային բազմազանությամբ այս կապակցությունները միջին հայերենում գրաբարի հա-

մեմատությամբ ավելի գործուն են և ունեն զարգացման միտում: Լինելով գրաբարից աշխարհաբար անցումային օդակ (12-16 դդ.)՝ միջին հայերենն իր մեջ կրում է այդ երկու լեզվաշրջանների իրողությունները, որի հետևանքով կ նրանում կողք կողքի դրսնորվում են և՝ գրաբարի, և՝ աշխարհաբարի քերականական երևույթները: Այդ շրջանի հայերենով զրված ե' պատմական, և' գեղարվեստական երկերում հավասարապես հանդես են զայիս և կապերով, և՝ նախդիրներով ու նախադրություններով լրացումներ: Դա հետևանք է այն բանի, որ նախ այդ ժամանակի հեղինակները հակված էին պահպանելու գրաբարյան կապակցությունները և դրանց արդեն խաթարված ձեւերը, ապա՝ նախդրավոր և նախադրությամբ կառուցները տեղի են տալիս նոր ձեւերի՝ կապային կաղապարների:

Օրինակ Այնոր նման մին մ'ալ տէսայ (ԱՍՀԱՀ, 378): Հաստատեալ արձանացեալ էր խոռվութիւն ի մէջ նոցա անհաշտ և արեամբ չափ ատելութեամբ (ՊԱՇ, 334):

Պետք է նշել, որ բոլոր դեպքերում նախդրավոր և նախադրությամբ կառուցնով լրացման և գոյականի կապակցությունները միջին հայերենում ավելի շատ գրաբարյան են, քան աշխարհաբարյան:

Նկատված է, որ և գրաբարում, և միշին հայերենում գոյականի լրացման դերում ավելի ակտիվ են նախդրավոր կառուցները: Գոյական լրացյալին իրենց խնդիրներով լրացում են դառնում ավելի հաճախ առ, ընդ, ի նախդիրները, նախդրություններից ակտիվ են ընդդեմ, յաղագ, ի ձեռն, ի մէջ, ի վերայ, վասն և այլն:

Ըստ մեր վիճակագրական քննության՝ դիտարկվող երկու շրջաններում կ նախդրավոր և նախադրությամբ կառուցներով լրացում ստացող բայանուն կամ ածականական սերումով գոյականների թիվը մեծ չէ: Դրանցից ավելի հաճախադեալ գործածություն ունեն հետևյալները.

1. արմատական բայանուն գոյականներ՝ բողոք, գործ, դարձ, երթ, լուծ, խրատ, կոիւ, հաւատ, երաման, մարտ, նախանձ, ողբ, պատերազմ, պարզեւ, սէր, սուզ, վախճան, ուխտ և այլն:

2. անցավոր բայանուն գոյականներ՝ ամբաստանութիւն, բարկութիւն, գժոռութիւն, թշնամութիւն, յանդիմանութիւն, ծանօթութիւն, յաշոռութիւն, վրէժիսնորութիւն, առաքումն, երդումն, յարձակումն, զալուստ, փախուստ, արշաւանք, տրփանք, նախատինք,

Խորհուրդ, անէծք, աղօթք, խնդրուածք, խօսք և այլն, ածականական սերումով գոյականներ՝ ահատրութիւն, անզգամութիւն, արդարութիւն, բարեխօսութիւն, խոռվութիւն, յայտնութիւն, միամտութիւն, միբանութիւն, նենգութիւն, չարութիւն, չկամութիւն, քաջութիւն և այլն:

5-16-րդ մշակութային հուշարձանների լեզվական նյութի քննությունից պարզվում է, որ նախդրավոր և նախադրությամբ կառույցով լրացման և գոյականի կապակցությունների կազմավորման հիմքերը հիմնականում նույն են՝ լրացյալի խոսքիմասային, բառային, բառակազմական հատկանիշները, սերումը, փոխանվանական գործածությունը, ինչպես նաև՝ բայի զեղչումը: Այսօրինակ կազմապարների դիտարկումներից կարելի է անել այսպիսի հետևողյուններ:

ա) Բոլոր բառերի մեջ խիստ ընդգծված են բայի ու որակական ածականի հատկանիշները: Այստեղ նախդիրը և նախադրությունն ու իր խնդիրն ավելի հաճախ լրացնում են բայական և ածականական ծագմամբ գոյականներին: Սրանք հիմնա կանում արտահայտում են լրացական այնպիսի հարաբերություններ, ինչպիսիք առկա են նախդրավոր և նախադրությամբ կառույցների և լրացյալ գոյականներին հարաբերակից բայերի, ածականների ու մակրայների կապակցություններում: Այսպես՝ հանգման և տեղի իմաստ արտահայտող արշավանք, յարձակում, յանդիմանութիւն, մարտ, այցելութիւն, ծառայութիւն մի շարք այլ բայացնուններով ու առ (+տր., հայց), ընդ (+տր., հայց, գործ.), ի (+տր., հայց) նախդիրներով, ի վերայ, ի մեջ (+սեռ.) նախադրություններով ձևավորված կառույցներով լրացում ստանում են նաև նույնարմատ բայերը: Օրինակներ

գրաբարից՝ Դարձուք անդէն ի պատմութիւն Տրդատայ յարձակումն ի Պարս (Մի, 2, Զ),

միջին-հայերենից՝ Ակսան իշխանք անմիխթար և ծանր ծեծել և վայ և եղուկ ասել, յիշելով զգեղեցիկ որդիք թագաւորին իրեանց, զմիւսն ի ծառայութիւն ի մեջ այլազգեաց (ՍՍՊՅ, 43):

Նենգութիւն, չկամութիւն, միամտութիւն, միբանութիւն, անկարութիւն և այլ ածականական ծագմամբ գոյական լրացյալների նախդիրով և նախադրությամբ ձևավորված լրացումներն ել դրվում են վերջինների իմաստի պահանջով, օրինակներ

գրաբարից՝ Եւ իբրև այլ հնարս ոչ ինչ կարէր զուանել դուրս նենգութեանցն առ Պարսիկս (Բուզ., 208, 1, 2),

միջին հայերենից՝ Ումանք զանկարութիւն մարմնոյ առ ի զնա լացին և ողբացին (ՊԱՇ, 60):

բ) Առանձին կապակցություններում լրացումը գոյականի մոտ դրվում է լրացյալի բառային իմաստի պահանջով, այսպէս՝ հայերենի պատմական երկու շրջաններում էլ մի շարք գոյականներ (պատմութիւն, դիմում, զրոյց, կտակ, հրաման, ողբ, տաղ և այլն) ունեն վերաբերության իմաստ. վասն, յաղազս, ի վերայ և այլ նախդիրներով կառույցները դրանց լրացումն են դառնում հենց այդ նշանակությամբ, օրինակներ

գրաբարից՝ Ողբ վասն բառնալոյ բազաւորութեանն Հայոց յազգէն Արշակունեաց (ՄԽ, 3, ԿՀ),

միջին հայերենից՝ Կտակ վասն զանձին (ՆՍԺԱՎ, 486): Եւ լուեալ Հեռնի իշխանի զդիմումն ի վերայ իւր այլազգույն (ՍՕՊՆՍ, 2273):

գ) Երբեմն կապն իր խնդրի հետ լրացյալին կապվում է որևէ դերբայի գեղչմամբ: Նման բառակապակցությունները գրաբարում տարածված են և՝ վերնագրային - անվանողական կառույցներում, և՝ դիմավոր նախա- դասություններում, օրինակներ

գրաբարից՝ Թուղթ Վաղարշակայ արքայի Հայոց առ մեծն Արշակ արքայ Պարսից (ՄԽ, 1, Թ): Հատ այսմ պատճենի երովարտակ եհաս յաշխարհն հայոց (Եղ., 1):

Միջին հայերենում դրանք հաճախադեպ են հատկապես տեղի ուղղության իմաստ արտահայտելիս, օրինակ՝ Ընդէր ողբաս, յամենայն տեղուցէ ճանապարհ մի է ի դժոխս (ՍԳԱ, 181): Բոնեց զճամբան ի Եզրենկին (ՀԵ, 168):

Հանդիպում են նաև կապակցություններ, որոնցում նարդրավոր կառույցով լրացման առկայությունը պայմանավորվում է ոչ թե լրացյալի հատկանիշներով, այլ նախադասության կառուցվածքով: Այս կաղապարներն ավելի շատ կշռույթային են շափած խորում, ուր դրան նպաստում են բանաստեղծական խոսքի ոիթմն ու հանգավորումը: Այսպէս՝ Շողեղէն պատկեր քան զթէրթ վարդի. Շրթանց համբուրիդ արա արժանի (ԳԱՏ, 248): Բոյդ կու նմանի եղէզն ի շամբայ (ՄՀՔ, 216):

Քննության առարկա կապակցությունները հայերենի երկու շրջաններում էլ ունեն նաև կառուցվածքային առանձնահատկություններ: Ավելի հաճախաղեալ են հետևյալները.

ա) Բայանուն գոյականները երբեմն կարող են ստանալ նախդրավոր և նախադրությամբ կառուցներով արտահայտված մեկից ավելի տարբեր լրացումներ: Դրանցից մեկը սովորաբար դրվում է լրացյալի բառային իմաստի պահանջով, մյուսը պարագայական բնույթի լրացում է: Այդպիսի կազմությունները բայանվան՝ բայի հատկանիշների շնորհիվ բազմարժությանության դրսերում են. այն հասուվ է հայերենի երկու շրջաններին էլ, բայց առավել ակտիվությամբ հանդես է գալիս միջին հայերենում: Լրացյալ են դառնում տարբեր իմաստների պատկանող գոյականներ, այսինքն՝ բազմարժությանությունը գոյականի մակարդակում զարգանում է: *Օրինակներ*

գրաբարից՝ Գիր ամբաստանութեան Սօրկայ առ Խոսքով վասն իշխանացն և զօրացն Հայաստանի(Սեր. 2),

միջին հայերենից՝ Յատուր միում ի մեջ երկոցունց գրոյց եղև յաղաց անհնազանդութեանն Աղամայ և ճաշակման պտղոյն... (ԷՀՄԳԱ, 90):

բ) Ե՛վ գրաբարում, և՝ միջին հայերենում նախդրավոր և նախադրությամբ կառուցով լրացումը կարող է վերաբերել մեկից ավելի լրացյալների, որոնք համադասական հարաբերության մեջ են միմյանց նկատմամբ: Օրինակներ

գրաբարից՝ Պարտումն Շապիոյ և ակամա հնազանդութիւն ընդ ձեռամբ մեծին Կոստանդիանոսի(ՍԻՆ, 2, 25),

միջին հայերենից՝ Պատմիութիւն և խօսր վասն Ցուղայի մատնչին, պղծոյն և անիծելոյն (ԷՀՄԳԱ, 214):

ե) Բայց առավել տարածված են այն կառուցները, որտեղ միևնույն կապով կամ համադասա լրացումներն են լրացյալին կապվում, կամ էլ համադաս լրացյալները՝ լրացմանը, օրինակներ

գրաբարից՝ Ուխտեաց Դովիդայէ ուխտ ի մեջ իւր և արքային (ՀՆԿ, Տիմոթ. Ե.),

միջին հայերենից՝ Առ որ ունիմք անքակտելի յաւատ և ցաւս առ սերելին... (ՆՇՈԵ, 114): Նորա վէճ էին և կոփկ ընդ միմեանս(ԷՀՄԳԱ, 31):

ը) Մյուս դեպքում կապը կրկնվում է՝ խնդիրներն առանձին-առանձին շեշտելու նպատակով, ինչպես՝

գրաբարից՝ Եվ դարձեալ ասէ թէ ոչ է մեզ մարտ ընդ մարմ-նոյ և ընդ արեան (Եզն., 126, ԻԲ),

միջին հայերենից՝ Բնութեամբ ամրացեալ է սիրու մարդոյն ի թշնամութիւն՝ ի յատելութիւն ազգի առ ազգ և տոհսի առ տոհս և մարդոյն առ մարդ (ՆՍԺԱՎ, 461):

Երբեմն հանդիպում են նաև այլ դրսեորումներ՝

ա) կառույցը հավասարապես կարող է դիտվել և՝ ստորոգ-յալի, և՝ գոյականի լրացում, օրինակներ

գրաբարից՝ Եւ եթէ գտեալ էր նորա, հանէր եւ տայր ընդ իւր և ընդ ընտանեացն տուգանս... (Եղ., 141): Խօսել բանս հայ-հոյութեան ի Սովունդ յաստուած (ՀՆԿ, Գործ, 11),

միջին հայերենից՝ Մահու չափ մեղօք գործելով զմեղս խոցուեն զՔրիստոս (ՆՍԺԱՎ, 296):

բ) Առանձին կապակցություններում լրացյալը կարող է իր հերթին լինել մեկ այլ նախորավոր և նախադրութամբ կառույցի խնդիր, օրինակներ

գրաբարից՝ Նա և օձն պատժեցաւ Վասն ընդ անազորոն թշնամութեան ընդ մարդոյն (Եզն., 1, ԾԲ),

միջին հայերենից՝ Բնականին ի բաց դրութիւն վասն աղալ-ման առ վեհագոյնս, նմանապէս են պատուհամբ որպէս զիտեմք ի բնութենէ (ՄՀՔ, 76):

Գրաբարում գոյականի լրացման դերում նախորավոր և նա-խադրությամբ կառույցը հաճախ կարող է՝

• լրացյալից ընդմիջվել նախադասության այլ անդամներով, սովորաբար լրացյալի ենթակայական սեռականով լրացմամբ: Օրինակ՝ Գծուութիւն ընդ Հերովդի Արշամայ և ակամայ հնա-զանդութիւն (ՄԽ, 1, ԻԵ),

• ունենալ մեկից ավելի լրացյալներ՝ նույն կամ մոտ իմաստ-ներով, ինչպես՝ Ի յատելութեան և ի չկամութեան առ թագաւորն պարսից արքայն Հայոց Տիրան... (Բուգ., 43, 7): Զի խեղութիւնը և արարք են ի նոսա (ՀՆԿ, Դ, Թագ., 14),

• ընկած լինել երկու բայանուն գոյականների միջև և հավա-սարապես վերաբերել նրանցից ցանկացածին: Օրինակ՝ Ու թէ

քաղցր աշացն հանդարտութիւն, ... ու ՞ զուարթ շրթանցն ժպտումն
առ բարի աշակերտացն հանդիպումն (ՄԽ, 361, ԿՀ),

• վերագրվել և՝ զիտակցվող դերբային, և՝ բայանուն լրաց-
յալին, Օրինակ՝ Լուայ աղաղակի նոցա ի գործատրացն (ՀՆԿ,
Ելք, Գ, 8):

• երբեմն լրացյալներից մեկը կարող է լինել ավելադրություն:
Օրինակ՝ ...ընդ այլ մօքնացիսն ի փոխել նորա անտի անդր ի մարտու
պատերազմացն Յունաց թագաւորացն ընդ թագաւորին Պարսից
(Բուգ., 40, Ժ):

Սիջին հայերենում, ի տարբերություն գրաբարի, ավելի հա-
ճախաղեալ են այն կապակցությունները, որոնցում բուն գոյականը
լրացում է ստանում ըստ նախդիրով կամ նման, չափ, առանց նա-
խադրություններով ու դրանց խնդիրներով ձևավորված կառույց-
ներով, ինչն աշխարհաբարյան քերականության բնորոշ հատկանիշ է:
Ըստ որում, լրացյալի և լրացման խմաստային հարաբերությունը
հատկանշային է: Այսպիսի կապակ- ցություններն ավելի հատուկ են
ուշ միջինհայերենյան շրջանի գրականության լեզվին:

Նման նախադրությամբ (որը, ըստ եռության, հետադրույթուն
է, և այդպես են կոչում միայն ավանդույթին հետևելու պատճառով)՝
կառույցով լրացում ունեցող կապակցությունները կարելի է հա-
մարել աշխարհաբարյան կազմություններ: Օրինակներ՝ Արեգական
նման, իշխան, Եղբարք ունէր իւր մետասան... (ՀԱՀ, 351): Տեսի անօթ
մի զարմազան, Ի բոլորակ ձևոյ նուման (ն. տ., 392):

Նման նախադրության փոխարեն երբեմն գործածվում է
գերդը: Օրինակ՝

Տուն մի տեսի գերդ մինարայ. Բազում աչք կայ ի զլուխ նորա...
(ՀԱՀ, 403):

Աննշան տարբերություններով նույնանում են նաև այդ
կապակցությունների գործառությային առանձնահատկությունները:
Դրանք կարող են լինել և՝ դիմավոր նախադասություններում, և
վերնագրային-անվանողական կառույցներում՝ հանդես գալով կամ մ
ամբողջությամբ, այսինքն՝ կապակցությունը երկկազմ է, առկա են և՝
լրացյալը, և՝ լրացումը, կամ՝ լրացյալը գեղշված, այսինքն՝ կա-
պակցությունը միակազմ է՝ արտահայտված միայն լրացմամբ,
Օրինակներ

գրաբարից՝ Երևանդայ պատերազմ ընդ Արտաշիսի եւ փախուստ, եւ առարումն քաղաքի նորին եւ մահ (ՄԻւ. 170, ԽԶ): Յաղազ Յոհաննու եպիսկոպոսի և վարուց նորա (Բուգ. 398),

միջին հայերենից՝ Սկիզբն դպրութեանց հայ զրոց ի ձեռն Սահակայ և Մեսրոպայ (ՄՄՊՀ, 47): Վասն տգէտ, հայարտ գոռոզաց և ինքնահաւան մարդոց (ՀՀՄՔ, 375):

Այսպիսիք ավելի հաճախ են հանդիպում միջին հայերենում: Իսկ առանձին դեպքերում զեղչվում է նոյնիսկ նախադրության խնդիրը, որն արտահայտվում է ստորադաս նախադասությամբ:

Կապակցության անդամների շարադասության հարցում նկատելի է այսպիսի օրինաշափություն. իրանիշ գոյականի լրացումները դրվում են նրանից առաջ, բայանուն կամ ածականական սերումով գոյականի լրացումները նրանից հետո: Բայց նախադասության մեջ շարադասությունը հաճախ չի պահպանվում:

Այդիսով, համեմատելով խնդրո առարկա կապակցությունների կառուցվածքային ու գործառական առանձնահատկությունները հայերենի երկու շրջաններում՝ կարելի է անել այսպիսի եզրահանգում՝ այս կապակցությունները որպես շարադասական յուրահատուկ կառուցվածքներ, պահպանել են իրենց հիմնական հատկանիշները՝ կազմության և իմաստային արտահայտությունների առումով: Փոփոխությունները պայմանավորվում են լեզվի զարգացման ընթացքով: Նման կառուցները ոչ միայն հարատացնում են լեզուն, այլև առավել աշխույժ և կենդանի են դարձնում շարադրանքը:

Anahit Muradyan - The Comparative Description of the Prepositional Noun Phrases in Old and Middle Armenian - Thus, comparing semantic, structural and functional features of prepositional (posle lozhnyh) + designs substantive combinations in two periods of the Armenian language, you can come to the following conclusion: these combinations as peculiar syntax retained their basic qualities in the value of the structure and semantic expressions. Changes are caused by the process of language development. Such designs are not only enrich the language, but also make the presentation more agile and alive. No coincidence that Academician GB Jahukyan perfect considers such language in which viable prepositional constructions.

Анант Мурадян – Сопоставительный анализ предложных субстантивных словосочетаний в грабаре и среднеармянском языке. - Таким образом, сравнивая смысловые, структурные и функциональные особенности предложных (послеложных) конструкций + субстантивных сочетаний в двух периодах армянского языка, можно прийти к следующему заключению: эти сочетания как своеобразные синтаксические конструкции сохранили свои основные качества в значении строения и смысловых выражений. Изменения обусловливаются процессом развития языка. Подобные конструкции не только обогащают язык, но также делают изложение более подвижным и живым. Не случайно, что академик Г.Б. Джакунян считает совершенным такой язык, в котором жизнеспособны предложные конструкции.

Պետրոսյան Հասմիկ
(Հայաստան, Հայաստանի ազգային
պոլիտեխնիկական համալսարան)

ԲԱՐԲԱՌԱՅԻՆ ՇԵՐՏԻ ԲԱՌԵՐԻ ԱՐՏԱՑՈՂՈՒՄԸ ԳԻՏԱՏԵԽՆԻԿԱԿԱՆ ՏԵՐՄԻՆԱԳԱՎԱԼՈՒԹՅԱՆ ՄԵԶ

Հայերեն գիտատեխնիկական տերմինաբանության մեջ հաճախ նկատելի է լեզվական այն իրողությունը, երբ բառիմաստի տերմինացման ճանապարհով կերտված տերմինների հիմքում ընկած են բառերի դեռևս գրաբարում, միշտն հայերենում կամ բարբառներում ունեցած իմաստները: Այդ բառերից շատերն այսօր աշխարհաբարյան շրջանում, յուրացված են ամբողջությամբ կամ մասամբ. դրանց իմաստներն ամրագրված են աշխարհաբարի բառարաններում: Եվ գիտատեխնիկական տերմինաբանությունն էլ, որպես լեզվի գարգացման նորագույն փուլի արդյունք, գերակշիռ մասով հենված է հենց աշխարհաբարյան շրջանի բառապաշտային իրողությունների վրա:

Սակայն գիտատեխնիկական տերմինաբանության համալրման ներքին աղբյուրները քննելիս նկատվում է, որ տերմինացել են բառեր, որոնք արհեստների, երկրագործության, շինարարության և հարակից այլ հասկացություններ արտահայտել են լեզվի գարգացման դեռևս նախորդ փուլերում կամ բարբառներում: Միայն թե նշված բնագավառների հասկացություններին, գործնքացներին և գործիքներին առնչվող անվանակարգության վերաբերյալ միջնադարյան բառարանագրությունից այսօր թիւ թե շատ ավարտուն պատկերացում հնարավոր չէ կազմել: Հ. Ամայանը, լեզվաբանական զանազան հարցադրումների ուսումնասիրության տեսանկյունից արժենորելով միջնադարյան հայ բառարանագրության հուշարձանները, իր առանձին աշխատության մեջ¹ նկատում է, որ «...հայ միջնադարյան բառարանները չափազանց փոքր են ընդգրկումներով, իրենց մեջ չեն առնում ինչպես տարբեր գիտական բնագավառների

¹ Ամայան Հ., Միջնադարյան Հայաստանի բառարանագրական հուշարձանները, Երևան, 1966, էջ 12:

ամբողջ մասնագիտական բառապաշարը, այնպես էլ մեր լեզվի բոլոր բառերը, չեն արտացոլում հայերենի միջնադարյան շրջանի բառային կազմի ամբողջական պատկերը»: Այդ բառարանների բառամթերքի միակողմանի բնույթը, ըստ Հ. Ամայանի, պայմանավորված էր դրանց առաջացման՝ հիմնականում թարգմանական և բնագիր երկերի վրա կատարվող բանասիրական աշխատանքի պահանջով:

Ըստ մեզ, միջնադարյան բառարաններում արհեստներին վերաբերող բառաշերտի չներառվելն այլ պատճառներ է ունի².

1) Նախապես հողագործի երկրորդական զբաղմունք դիտված արհեստագործության զարգացման առանձնահատկություններից է եղել այն, որ արհեստները սերնդից սերունդ (հաճախ նույն տոհմի մեջ) փոխանցվում էին բանավոր՝ կայանալով որպես աշխատանքային հմտությունների ընդօրինակում-վերարտադրում:

2) Միջնադարյան Հայաստանում զարգացել են հիմնականում հասարակական և բնական գիտությունները, և բնավ չի զարգացել տեխնիկային առնչվող (արհեստների մակարդակով) որևէ գիտակարգ, որ ներառեր նաև նման հասկացություն-տերմիններ:

3) Թարգմանական և ինքնուրույն պատմագրական երկերում հազվադեպ է կամ բնավ չի նկատվում անդրադարձ միջնադարյան արտադրա-տնտեսական հարաբերություններին, և նման իրողությունների մեկնության համար բառացանկերի կամ բառարանների ստեղծման անհրաժեշտություն չի եղել:

Մինչդեռ՝ «Միջնադարյան Հայաստանի տնտեսական կյանքում, զյուղատնտեսության հետ մեկտեղ, կարևոր դեր են խաղացել արհեստները, որոնք մի կողմից՝ կապված էին զյուղատնտեսական հումքի մշակման, մյուս կողմից հանքահանության և մետաղամշակության զարգացման, անտարանյութի, քարի, կավի օգտագործման հետ»³: Ըստ Լ. Անանյանի՝ միջնադարում զարգացել են մետաղի և փայտի մշակության հետ կապված արհեստները՝ դարբնություն, պայտարություն, հյուսնություն: Արտադրվել են զյուղատնտեսա-

² Պետրոսյան Հ., Հայերեն մերենագիտական և մերենաշինական տերմինների իմաստաբանական-կառուցվածքային և գործառական վերլուծություն / Թեկն. ատեն., Եր., 2007, էջ 18-19:

³ Անանյան Լ., Հայաստանի տնտեսական պատմության ուրվագծեր, Եր., 2003, էջ 79:

կան, ինչպես և այդ արհեստներին անհրաժեշտ զանազան գործիքներ: Հետազայում դարբնությունից աստիճանաբար անջատվում են փականագործությունն ու պայտարությունը, մետաղամշակման արհեստներից առաջին պլան են մղվում զինագործությունը և ուկերչությունը: «Միջին դարերում արհեստագործությունը հողագործի երկրորդական զբաղմունքից դառնում է արտադրության ինքնուրույն բնագավառ»⁴:

Նշված իրողությունները չեին կարող իրենց անդրադարձ չգտնել լեզվի նաև բարբառային շերտում, որը ժողովրդի առօրյա-խոսակցական լեզուն էր: Բնական է, որ պիտի հարստանար բար-բառային բառաշերտի իմաստաբանական սպեկտրը հատկապես երկրագործության, արհեստների և շինարարության հասկացու-թյուններ՝ արտահայտող բառերի շնորհիվ: Սակայն անցյալում բառապաշարի զարգացման այս տեղաշարժերի վերաբերյալ գա-ղափար կարող ենք կազմել միայն տարբեր գիտությունների (տնտե-սագիտություն, ազգագրություն և այլն) ընձեռած հնարավորու-թյունների շնորհիվ, այնուհետև՝ 17-րդ դարից հետո երևան եկած տպագիր և հետագա շրջանի բառարանների քննությամբ: Մեր հա-մոզմամբ, անցյալում բարբառային բառապաշարում արհեստա-գործական և հարսկից հասկացությունների անվանումների տերմի նարանության տեսանկյունից իմաստաբանական քննությունը ևս կարող է լրացնել միջնադարյան բառարանագրության բացը, և այդ առումով սույն աշխատանքն ունի գործնական արժեք:

Բարբառային ծագմամբ բառերի մի զգալի քանակ, որ յուրաց-ված է արդի զրական հայերենում, բառիմաստի տերմինացման ձա-նապարհով համալրել է հատկապես մեքենագիտական-մեքենա-շինական տերմինաբանությունը: Եվ կան բարբառային բառեր էլ որոնք յուրացված են մասամբ կամ դուրս են մղվել գործածությունից, սակայն այսօր տերմինացած են: Սա օրինաշափ է, քանի որ «գիտու-թյան լեզուն իր հետագա զարգացման ընթացքում չի կտրվում խո-սակցական լեզվից»⁵: Այդ տերմինները համալրել են ոչ միայն մե-քենագիտական-մեքենաշինական, այլև հարսկից տրանսպորտա-

⁴ Նույն տեղում, էջ 81:

⁵ Виноградов В. В. Основные типы лексических значений слова / ВЯ, 1953, №5, с. 5.

յին համակարգերի, մեխանիկայի, մետալուրգիայի, պոլիգրաֆիայի, տեքստիլագործության, շինարարական, ռազմագիտության տերմինահամակարգերը:

Գիտատեխնիկական տերմինաբանության մեջ բարբառային բառերի տերմինացման նախադրյալը, ըստ մեզ, դրանց բարբառներում արհեստագործական, երկրագործական, շինարարական, այլև կենցաղային հասկացությունների անվանումներ արտահայտելու իրողությունն էր:

Մեր քննությունը կատարելիս առաջնորդվել ենք Հր. Աճառյանի «Հայերեն գավառական բառարանով» (այսուհետ ՀԳԲ)⁶, բայց ընտրված բառերը համեմատել ենք նաև Ստ. Մալխասյանցի «Հայերեն բացատրական բառարանի» (ՀԲԲ)⁷, Ո. Ղազարյանի և Հ. Ավետիսյանի «Միջին հայերենի բառարանի» (ՄՀԲ)⁸, Գ. Աւետիքեանի, Խ. Սիրմելեանի և Ս. Աւգերեանի «Նոր բառզիրք հայկագեան լեզուի (Նոր Հայկացյան) բառարանի» (ՆՀԲ)⁹, ՀՀ ԳԱԱ հրատարակած «Հայոց լեզվի բարբառային բառարանի» (ՀՀԲԲ)¹⁰ բառամթերքի, ինչպես նաև Հր. Աճառյանի «Հայոց լեզվի պատմություն»¹¹ և Գ. Զահուկյանի «Հայ բարբառագիտության ներածություն»¹² աշխատություններում բերված բարբառային բառացանկերի հետ:

Բարբառային ծագմամբ բառերի ընտրությունը, որոնցից այսօր կերտված են մեքենագիտական-մեքենաշինական տերմինները, կատարել ենք հետևյալ սկզբունքով.

1. ՀԳԲ-ից ընտրված բառերից 30-ը աստղանշված են, որ նշանակում է՝ դրանք գրաբար մատյաններում և բառարաններում չեն հանդիպում բարբառներում ունեցած իրենց զանազան նրբիմաստն-

⁶ Աճառյան Հ., Հայերեն գավառական բառարան, Էմինեան ազգագրական ժողովածու, Հ. Թ., Թիֆլիս, 1913:

⁷ Մալխասյան Ստ., Հայերեն բացատրական բառարան, 4 հատորով, Եր., 1944-1945:

⁸ Ղազարյան Ռ., Ավետիսյան Հ., Միջին հայերենի բառարան, երկու հատորով, Եր., 1987:

⁹ Աւետիքեան Գ., Սիրմելեան Խ., Աւգերեան Ս., Նոր բառզիրք հայկագեան լեզուի, երկու հատորով, Վենետիկ, 1979, 1981 (1836-1837):

¹⁰ Հեղինակային խումբ, Հայոց լեզվի բարբառային բառարան, 6 հատորով, Եր., ԳԱԱ, 2001-2010:

¹¹ Աճառյան Հ., Հայոց լեզվի պատմություն, II մաս, Եր., 1951:

¹² Զահուկյան Գ., Հայ բարբառագիտության ներածություն, Եր., 1974:

երով: Դրանցից 7-ը՝ կանք, կեռ, կեռիք, կոր, շիտակ, պոչ, պոռունկ, ՆՀԲ-ում կան ումկ. (ռամկորեն) նշումով, 2-ը՝ ճիշտ նույն իմաստով, ինչ որ գրաբարում՝ առեղ, կեմ/կեամ/։ Մնացած 21-ը ՆՀԲ-ում չկան:

ՀԳԲ-ից առանց պատղանիշի ընտրված է ևս 60 բառ, որոնք ՆՀԲ-ում չկան:

2. ՆՀԲ-ից ումկ. նշումով ընտրված 19 բառերից 4-ը՝ զամ, զրպան, թաս, փորիչ, ՀԳԲ-ում չկան, իսկ մնացած 15-ը աստղանշված չեն:

3. Մեկ բառ՝ փուրս, որը չկա ոչ ՀԳԲ-ում, ոչ ՆՀԲ-ում, ընտրվել է ՀԲԲ-ից + նշանովով որ նշանակում է զավառական բառ:

Այսպիսով, ՀԳԲ-ից քաղված բառերի թիվը 90 է (աստղանիշով կամ առանց դրա), ՆՀԲ-ից քաղվածներինը՝ 19-ը (բոլորը ումկ. Նշումով) և ՀԲԲ-ից 1-ը + նշանով, ընդամենը՝ 110 բառ:

Հարկ է նշել, որ և՛ Աճառյանի կողմից աստղանշված, և՛ ՆՀԲ-ում որպես ումկ. բերված բառերի մի մասը Ստ. Մալխասյանցի կողմից զավառական չի դիտվել: Ըստ երևույթին, այն բառերը, որոնք զավառական են համարվել ՆՀԲ-ում կամ ՀԳԲ-ում, ՀԲԲ-ն կազմելու ժամանակաշրջանում արդեն շրջանառվել են ժողովրդախոսակցական ոլորտում կամ եղել են դրանից գրականին անցման եզրին, ուստի Մալխասյանցի կողմից դրանք այլևս զավառական չեն համարվել: Սա բնական է, քանի որ Աճառյանի խնդիրը նույն բառերի՝ ըստ բարբառային շերտին պատկանելությանը բացահայտելն էր, թեև տալիս է նաև դրանց բացատրությունները, մինչդեռ Մալխասյանցի խնդիրը բառերի բացատրությունները տալն էր, որոնք նրա բառարանում ներկայացված են իմաստային բավականաշափ հարուստ նրերանգներով (ստորև այդ իմաստները բերվում են՝ համադրելով այս երկու բառարանները):

Լեզվի նախորդ փուլերից ժառանգված բառերի իմաստների տերմինացման դեպքերում նկատելի է հետևյալը.

1. Բառի տերմինացման հիմք ծառայած բառերի իմաստների տերմինացման դեպքերում նկատելի է հետևյալը.

մանական այնքանով, որ բառը, չնայած այսօր իր յուրացվածությանը, իր հենց այդ՝ տերմինացման հիմք ծառայած իմաստով զալիս է լեզվի զարգացման դեռևս նախորդ փուլերից, այսինքն՝ բառն իր տվյալ իմաստը աշխարհաբարում չէ, որ ձեռք է բերել (օրինակ՝ եղան, ճախարակ, հող, գութան, ճանկ և այլն):

2. Բառի՝ նախորդ փուլերում, նաև բարբառներում ունեցած այն իմաստը, որը տերմինացման հիմք է ծառայել, լեզվի այս փուլում այլևս գործածական չէ, բայց բառն իր կյանքը շարունակում է որպես տերմին (օրինակ՝ գշիր, երիթ, լարան, կարան և այլն):

3. Բառի տերմինացման հիմք են ծառայել կամ միայն գրաբարյան, կամ միայն միջնամայերենյան, կամ միայն բարբառներում ունեցած իմաստները (օրինակ՝ ազուց, առիշ, արբանյակ, աքցան, կոթ, կոճ, կեմել և այլն):

Կարծում ենք, որ վերջին երկու դեպքերում բառի տերմինացման հիմքերը որոնելիս պետք է քննել լեզվի նախորդ շրջաններում նրա ունեցած այդ իմաստները: Այսինքն՝ տվյալ դեպքում տերմինաբանության համալրման աղբյուր պետք է համարել ոչ թե աշխարհաբարյան շրջանի բառապաշտապահին իրողությունները, այլ բառերի հենց բարբառային կամ այլ բառաշերտերում ունեցած իմաստները: Ճույց տանք ասկածը կոնկրետ օրինակներով (աղ.):

Աղյուսակում բերված բառերի՝ բարբառներում և տերմինաբանության մեջ ունեցած իմաստների համեմատությունից երևում է, թե՝ 1. բարբառում բառի ունեցած ո՞ր իմաստն է հիմք ծառայել նրա տերմինացման համար, 2. բառի բարբառային իմաստներից հատկապես ո՞րն է արիետագործական կամ հարակից հասկացություն նշանակել, 3. տերմինն այսօր որքանո՞վ է յուրացված գիտության և տեխնիկայի տարբեր բնագավառներում:

Աղյուսակ

Տերմինը և նրա գործածության բնագավառները*	Բարբառային իմաստները	Որպես տերմին յուրացվածությունը
1. Ասեղ (իրա)	ասեղ – (երկրագործ., արհեստ.) 1. ասեղ, 2. սեպածև փայտեր սայլի երկու կողմերում, 3. կողմ նացույցի պլաք, 4. հյուսվածքի ասեղ, 5. առհասարակ սուր առարկայի ծայրը	ասեղ՝ ~ առանցքակալի ~ կարգավորման ~ լողանի, ~ փակիչ, ~ կափուրի, ~ դրոշմած ~ փակիչ և այլն
2. ատամ (զյօն)	ատամ – (մարմ. մաս, կենց., երկրագործ., արհեստ.) 1. ակրա (մարդու, կենդանու), 2. սանրի մեկ ձեղը, 3. գութանի մաս, 4. ոստայնանկի առէջը	ատամ՝ ~ հատած, ~ ներքին, ~ արտաքին, ~ ենթակտրված, ~ շեղ և այլն
3. բութակ (ատու)	բութակ – (երաժշտ., երկրագործ.) 1. լարավոր նվազարանի մաս, 2. կեռ, ձանկ, որ լուծը կապում է սայլին կամ արորի փոկը մասանին	բութակ՝ ~ ներդրովի, ~ կատարավոր, ~ գնդաբութակ ~ ատամնավոր, ~ կրկնատամ, ~ կոնածև և այլն
4. գրտնակ (վալոկ)	*գրտնակ – (կենց.) 1. զլանածն ողորկ փայտ խմորը բացելու համար	գրտնակ՝ ~ կորացման, ~ սեղմագրտնակ, ~ կոպտամշակման, ~ մատոնեքավոր, ~ ակոսավոր,

* *Տերմինների բացատրությունները տե՛ս Զահարով Բ. Վ. և ճր., Տոլկովսի համարակալի բառարարություն, Մ., 1987. Տերմինների բնագավառները տե՛ս Հացագործյան Զ. Ս. և ուրիշ, Ռուս-հայերեն պոլիհունիկական բառարար, Եր., 1988.*

հաղորդող. մք., մտ., գլու., շն., կշզ., տրս.		~ զլոցիչ և այլն
5. ծիծեռնիկ, կարա- պիկ (լեբեճկա) ~ բեռնամքարձ մեքենայի բեռ փոխադրող մաս ձկոն շարժվող ճո- պանով կամ շղթա- յով. մք., օդգ., ավտ., հնր., շն., ձն.	ծիծեռնիկ – (շին., ար- հեստ.) 1. փոքրիկ ճա- խարակ բեռ քարձրաց- նելու համար, 2. իլիկ, թեյշիկի զլխիկը	ծիծեռնիկ, կարապիկ ~ ավտոմատ, ~ հորատման, ~ թիթեռնաշարժի, ~ եռաթմբուկ, ~ շղթայավոր ~ միառելս և այլն
6. կախովի (висячий, подвесной) ընդ.	կախովի – կախված, կախվածո	~ ընդկախ, կախովի ~ զսպան, ~ անցահատային պոմա և այլն
7. կոկիչ (гладилка) ~ կոռող գործիք նա- խապատրաստ- վածքի մակերեսով- թի հար թեցման համար. ընդ. մք., շն., մտ., տպգ.,	կոկիչ – (արհեստ., կենցղ.) 1. ողորկ քար՝ կավե ամանները մինչև չորա նալը կոկելու, հարթեց նելու համար, 2. փոքր նկանակ, հաց, բիթ	կոկիչ ~ մեխանիկական, ~ ճակատային, ~ անկյունավոր, ~ ձևավոր և այլն
8. հանիչ (съемник) ~ զործիք, ~ մեխանիզմ. մք., ավտ., փումչ.	հանիչք – (արհեստ.) 1. նո կերչի զործիք	հանիչ ~ միոցաօղերի, ~ վունի և այլն
9. մաշիկ (башмак) ~ մեքենայի կամ մե- քենամասերի ճշտադր ման հենարան. մք., կշզ.	*մաշիկ – (կենցղ.) սուր քթով, կրունկով մուճակ, կոշիկ (կանացի, տղա- մարդու)	մաշիկ, կալուն ~ սողնակի, ~ արգելակի, ~ հենակի և այլն
10.սրոց (точило) ~ հղկող շրջանակով հաստոց կտրիչ- ները և այլ զործիք- ները սրելու հա- մար. մք.	սրոց – (արհեստ.) հեսանքար	/շրջա/ սրոց, հեսան

Հստ բառապաշարի իմաստային շերտերի՝ մեքենագիտական-մեքենաշինական տերմինաբանության մեջ գործածվող բարբառային ծագմամբ բառերը լեզվի նախորդ փուլում ներկայացրել են հասկացություններ կապված՝

– արհեստագործության հետ.

ագրավուկ, այրուք, եղրահան, *զնդան, իլիկ, ծլես, ծակոտիչ, կալիչ, *ճաղ, *ճար, շուտովիկ, սրոց, +փուրս և այլն. սրանք բավական շատ են,

– երկրագործության հետ.

*առնդ, *դահուկ, կամրջակ, կոր, կուդ, վար, փորիչ, քերանք և այլն,

– շինարարության հետ.

գամ, թործ, լինգ, լիսեռնիկ, *կոնդ, կրունկ, սոնի, քարմաղ և այլն,

– կենցաղային հասկացությունների հետ.

բռնիչ, գոգնոց, գրպան, *զոլ, լաթ, ծալք, *թաս, *թասակ, լաթ, հովան, *մղակ, ձարմաղ և այլն,

– կենդանիների և մարմնի մասերի անվանումների հետ.

*բուկ, բուշտ, թաթիկ, լեզվակ, խաղ, ծիծեռնիկ, ճանկ, վզիկ, ատամ և այլն:

Ինչպես տեսնում ենք, անցյալում արհեստագործական կամ հարակից բնագավառների հասկացությունների, գործիքների անվանումներ հանդիսացած բառերից շատերն այսօր կ և՛ համագործածական են, և՛ զիտատեխնիկական տերմիններ են (դուր, ուրաց և այլն), մինչդեռ մյուսները, տերմիններ լինելով հանդերձ, դադարել են լինել համագործածական շերտի բառեր (առեղ, բու թակ և այլն): Սրանց նախկինում ունեցած իմաստներն են, որ այսօր հիմք են ծառայել տերմինացման համար: Հատկանշական է, որ այս վերջիններից շատերը տերմինաբանության ճանապարհով վերստին թափանցել են նաև գրական լեզվի համագործածական ոլորտ, ինչպես, օրինակ՝ այրուք, թափք, հենք, շտկիչ, վազկան, փարտիչ, փորեք և այլն:

Եզրակացություններ: 1. Մեքենագիտական-մեքենաշինական տերմինաբանության մեջ առկա է բառերի՝ բարբառներում ունեցած իմաստներով մի կենսունակ խումբ, որոնցով կերտված տերմիններն

այսօր, իրենց հերթին, հիմք են հանդիսացել նույն բնագավառի բազում նորանոր տերմինների կերտման համար:

2. Մեքենագիտական-մեքենաշինական տերմինները վերատերմինանալով գործածվում են նաև որպես հարակից և այլ բնագավառների տերմիններ, այսինքն՝ բարբառային ծագմամբ բառերն այսօր նաև ընդհանուր առմամբ յուրացվել են գիտատեխնիկական տերմինաբանության մեջ:

3. Բարբառային ծագմամբ այդ բառերը, անկախ նրանից՝ այսօր համագործածական են թե ոչ, գիտատեխնիկական տերմինաբանության ճանապարհով կարող են վերատին թափանցել համագործածական ոլորտ՝ նորովի հարստացնելով լեզվի բառապաշտը: Սա նշանակում է, որ իր զարգացման հաջորդ փուլում լեզուն չի կտրվում նախորդ փուլերի իր ձեռքբերումներից:

4. Միաժամանակ, լեզվի նախորդ փուլերից ժառանգված բոլոր բառերը չեն, որ այս փուլում յուրացված են ամբողջությամբ՝ նախկինում իրենց ունեցած բոլոր իմաստներով: Դրանց իմաստների համագործածական շերտում չյուրացված մասը ժառանգել է գիտատեխնիկական տերմինաբանությունը բարիմաստի տերմինացման ճանապարհով:

Петросян Асмик - Отображение слов диалектного слоя в научно-технической терминологии.- Рассматривались вопросы употребления слов диалектного слоя в научно-технической терминологии. Доказано, что определенное количество слов диалектного происхождения усвоивались в научно-технической терминологии, путем терминизации смыслов этих слов.

Petrosyan Hasmik - Reflection of Dialectic Words in Scientific and Engineering Terminology.- Issues on using dialectic words in scientific and engineering terminology are considered. It is shown that a great number of dialectic words have been adopted in scientific and technical terminology through transformation of the meanings of the mentioned words into terms.

ԲՈՎԱՆԴԱԿՈՒԹՅՈՒՆ

Աբաջյան Աննա - Տեղաշարժեր արևելահայերենի սոսկածանցավոր բայերի համակարգում-----	5
Ավետյան Սարգիս - Գրական արևմտահայերենում հին հայերենի իւերկարքարի արտացոլման հարցի շուրջ -----	17
Բառնայան Զեմմա - Ածանցումը հայերենի բարբառներում. նախածանցներ-----	27
Բարսեղյան Ամայա - Նախադասությունների կապակցման բառական միջոցները տեսառում -----	32
Բրուտյան Լիլիթ - Հաճոյախոսությունները հայկական լեզվամշակույթում (ոռուերենի և անզլերենի գուգադրությամբ)-----	42
Գյուլզատյան Դավիթ - Քերականական կարգերի համատեղումը ստորոգման մեջ -----	49
Գրիգորյան Մ. Սուսաննա - Գրիգոր Տարևացու «Գիրք հարցմանց»-ի երաժշտական հասկացությունների իմաստային քննություն -----	58
Դալայյան Տորք - Հայերենի ենթաշերտային ծագման որոշ բառերի ստուգաբանություններ-----	69
Դոլովյաննան Աելիստա - Հայերենի ամբիոնը Փարիզի արևելյան կենտանի լեզուների բարձրագույն դպրոցում -----	79
Դոլսոյան Ռուզաննա - Մոտածական բայերի դասակարգումը արդի հայերենում -----	90
Զաքարյան Հովհաննես - Բառապաշտի համալրման սկզբունքները հայերենում -----	104
Թադևոսյան Հասմիկ - Միրու բաղադրիչով նոր կազմություններ միջնադարյան բժշկաբաններում -----	117
Խաչատրյան Լալիկ - Մակրայի արժեքով պատկերավոր համեմատությունները գրաբարում -----	125
Խաչատրյան Հասմիկ - Տանիք հասկացության բառանվանումների գործառական-ծագումնաբանական քննությունը բարբառային հայերենում -- Խաչատրյան Նունե - Բազմագործառական շաղկապները Ժամանակակից հայերենում -----	135
Խաչատրյան Վայենտին - Միջին հայերենում փոխառված բառերի գործածությունը ձեռագրերի 15-րդ դարի հիշատակարաններում -----	147
Կատվալյան Վիկտոր - Բայազետի բարբառում բառասկզբի բաղաձայնական հաջորդականությունների մասին -----	160
Հովհաննիսյան Լավենտի - Լեզուների մասին Եղիշեի մի վկայության շուրջ -----	170
Հովհաննիսյան Նազիկ - Նորակազմ բառեր նույնանիշների՝ XVIII դարից ավանդված ձեռագիր բառարաններում -----	179
	187

Հազարյան Հասմիկ - Որոշյալ հոդերի իմաստագործառական առանձնահատկությունները -----	198
Մարգարյան Լուսինե - Հնիկվրապական արմատները Արցախի տեղանվանական համակարգում -----	209
Մինայան Շողեր - Տարարժեր երկրորդական նախադասությունները ժամանակակից հայերենում -----	217
Միքույան Մարգուշ - Հավելական բաղադրիչով հարադրական բայերի կառուցատիպերը Հ. Թումանյանի հերիաքներում -----	233
Միփթարյան Գայանե - Մանրուսման եղանակների անվանումները -----	244
Մուրադյան Գոհար - Գրիգոր Մազհստրոսի լեզուն -----	253
Չղաքեան Յակոբ - Արևմտահայերէնի բաղադայնական համակարգի արդի վիճակը -----	266
Դապիջյան Միլլա - Միհր - Սիհր - Վատումիհր բառերի մասին -----	272
Պողոսյան Նորայր - Աշխարհաբարի ձևավորման հարցում հայկական գաղթավայրերի ունեցած դերը -----	279
Մանթոյան Արեն, Պետրոսյան Լիլիթ - Ժխտական միավորների կապակցելիությունը գրաբարում -----	290
Մարգարյան Նվեր - Գործառական ոճերը և խոսակցական լեզուն -----	296
Մարգարյան Արմեն - Հատուկ անուններով կազմված հատուկ անունները Ղարաբաղի բարբառում -----	305
Միմնյան Նեկտար - Գրաբարի «միտք, մոտածողություն» իմաստային խմբի բայերը -----	313
Միքույան Տիգրան - Վաղ լատինարանություններ Քռնայի կենտրոնի բարգմանական երկերում (XIV դ.) -----	321
Սուրիփայան Հենրիետա - Բժշկագիտական տերմինների կանոնարկումը հայերենում -----	333
Տիոյան Սուսաննա, Թոխմախյան Ռոբերտ - Հոլով և հոլովական իմաստ-	345

ՀԱՅՈՐԴՈՒՄՆԵՐ

Գրիգորյան Սուսաննա, Պարոնյան Նաիրա - Հովհան Մանդակունու ճաների բառակազմությունը -----	351
Մկրտչյան Գարիկ - Հայոց Մեծ Եղեռնի հայերէնի մի շարք բարբառների վերացման ու տարածական հիմքերի խախտման պատճառ -----	358
Մուրադյան Անահիտ - Գրաբարի և միջին հայերէնի նախդրավոր և նախադրությամբ կառույցներով գոյականական բառակապակցությունների զուգադրական բնութագիրը -----	369
Պետրոսյան Հասմիկ - Բարբառային շերտի բառերի արտացոլումը զիտա-տեխնիկական տերմինաբանության մեջ -----	378
Բովանդակություն-----	388

Հայերևնագիտական միջազգային տասներորդ գիտաժողով
7-9 հոկտեմբերի, 2015թ.

Զ ե կ ու ց ու մ ն ե ր ի ժ ո դ ո վ ա ծ ու

X International Conference on Armenian Linguistics
Yerevan, 7-9 October, 2015

C o l l e c t i o n o f p a p e r s

Х Международная конференция по армянскому языкоизнанию
Ереван, 7-9 октября, 2015 г.

Сборник докладов

Համակարգչային էջադրումը՝Վ. Պապյանի

Հրատ. պատվեր №

Ստորագրված է տպագրության՝ 2015թ.:

Չափսը՝ 60 x 84 ¼, 24.4 տպագր. մամուլ:

Տպարանակը՝ 150 օրինակ:

Գինը՝ պայմանագրային:

ՀՀ ԳԱԱ «Գիտություն» իրատարակչության տպարան,
Երևան, Մարշալ Բաղրամյան պող. 24:



[3000 դր.]

ԳԱԱ Ենթակառության գիտ. գրադ.



FL0465617

